



This is a digital copy of a book that was preserved for generations on library shelves before it was carefully scanned by Google as part of a project to make the world's books discoverable online.

It has survived long enough for the copyright to expire and the book to enter the public domain. A public domain book is one that was never subject to copyright or whose legal copyright term has expired. Whether a book is in the public domain may vary country to country. Public domain books are our gateways to the past, representing a wealth of history, culture and knowledge that's often difficult to discover.

Marks, notations and other marginalia present in the original volume will appear in this file - a reminder of this book's long journey from the publisher to a library and finally to you.

Usage guidelines

Google is proud to partner with libraries to digitize public domain materials and make them widely accessible. Public domain books belong to the public and we are merely their custodians. Nevertheless, this work is expensive, so in order to keep providing this resource, we have taken steps to prevent abuse by commercial parties, including placing technical restrictions on automated querying.

We also ask that you:

- + *Make non-commercial use of the files* We designed Google Book Search for use by individuals, and we request that you use these files for personal, non-commercial purposes.
- + *Refrain from automated querying* Do not send automated queries of any sort to Google's system: If you are conducting research on machine translation, optical character recognition or other areas where access to a large amount of text is helpful, please contact us. We encourage the use of public domain materials for these purposes and may be able to help.
- + *Maintain attribution* The Google "watermark" you see on each file is essential for informing people about this project and helping them find additional materials through Google Book Search. Please do not remove it.
- + *Keep it legal* Whatever your use, remember that you are responsible for ensuring that what you are doing is legal. Do not assume that just because we believe a book is in the public domain for users in the United States, that the work is also in the public domain for users in other countries. Whether a book is still in copyright varies from country to country, and we can't offer guidance on whether any specific use of any specific book is allowed. Please do not assume that a book's appearance in Google Book Search means it can be used in any manner anywhere in the world. Copyright infringement liability can be quite severe.

About Google Book Search

Google's mission is to organize the world's information and to make it universally accessible and useful. Google Book Search helps readers discover the world's books while helping authors and publishers reach new audiences. You can search through the full text of this book on the web at <http://books.google.com/>

GRAD
EREN
105
BUHR

B 1,215,385



Cicero's

Cicero, Marcus Tullius

.265

Haghags Patshachits...

ՄԱՐԿՈՍԻ ՏՈՒՂԱԴՈՍԻ

ԿԻԿԵՐՈՆԻ

ՅԵՂԵՂՈՍ ՊԵՏՇԵՂԻՑ


ԹԱԳՄԱՆՈՒԹԻՒՆ

153 p.

ՏԵԱՌՆ 4. ՄԿՐՏՉԻ ԱԻԳԵՐԵԱՆ

ԱԹՈՌԱԿԱԼ ՎԱՐԴԱՊԵՏԻ

ՄԻԹԱՐԵԱՆ ՈՒԽՏԻՆ



Ի ՎԵՆԵՏԻԿ

Ի ՏՊԱՐԱՆԻ ՍՐԲՈՅՆ ՂԱԶԱՐՈՒ

1845 — ՌՄՂԴ

Grad.
EREN

105
BUHR

ՅԼՈՒՆՔԼԻՄՆ

ՊԵՐՃԱՌՈՍՈՒԹԵԱՆ արուեստին և հռովմէական իմաստասիրութեանն գերազոյն վարժապետ՝ Սարկոս Տուղլիտս Լիկերոն, հոյակապ անուամբն քաջածանօթ էր ցայսօր և մերումն ազգի. իսկ անմահական գրչութեանցն ճաշակաւ ոչ նոյնպէս : Հանգոյն իմն մերոց երանաշնորհ Թարգմանչաց՝ և սա ինքն յԼԹեհնացւոց քաղաքի ընկարաւ զիւրոց մարդիցն զկատարումն. և բնաւոր հանձարովն և աննկուն ուսումնասիրութեամբ վեհագունիցն Հեղինացւոց լեալ նախանձաւոր, ՚ի հոստորականսն ժամանեաց Վեմութենեայ կալ զուգալէիւ, և յիմաստասիրականն Պղատոնի հանգիտապատիւ և մրցակից, ոճոյն յստակութեամբ Թերեա սուղ ինչ և քան զնա առաւելեալ. իսկ յաշխոյժս մտացն և ՚ի խորագնին դատմունա և յարստասնութեան հնարս ամենեցուն իսկ հեղեն և հռովմայեցի որերոյ գերազանց :

Ըրդարեւ յիրաւի է մեզ աւաղել, զի ոչ յաջողեաց Հարանցն մերոց՝ և հռովմէական բարբառոյն լինել հետամուտ. ապա Թէ ոչ, աներկմիտ վստահութիւ մարթէր մեզ ակն ունել ՚ի լատին լեզուէ յառաջ քան զամենայն ճաշխարհիկ երկասիրութեանց մեծի մատենագրիս Թարգմանութեան. որով և բարբառս մեր ՚ի վերայ բնիկ վեմութեան գեղցն և զհռովմայեցի պատմութեանին զխրոխտ պերճանացն առնոյր զգարդարանա : Եւ զի մեք վերջացաք յայնպիսոյ ակնկալութենէ, և դարձեալ զի ցանկալի մերազնեայց գիտեմք զվեհի մատենագրին զիմաստս, ընծայեմք աւասիկ ուսումնասիրու-

Թեան նոցին մերովս Թարգմանութեամբ զՊատշաճիցն, կամ որպէս այլք անուանեն զՊաշտամանց գիրս, որ 'ի հիացումն կրթեալ են զդարս և զազգս ամենայն՝ ազնուական և յստակ ոճովն, և ուղղադատ և ազդողական և լուսաւոր վարդապետութեամբն՝ որպիսի լէր իսկ արդեօք կարծելի 'ի հեթանոսական հանձարոյ :

Հատուցուք աստէն համառօտիւ և զպատճառս մատենիս : Օհետ բռնամահ վճարելոյ 'ի կենաց Յուլիոսի Սեսարու, իբրև Սարկոս Նատնիոս խոյլ հարեալ 'ի Ժողովրդեանն Հռովմայ՝ կենախուզ կամէր լինել որոց գործակից սպանութեանն եղեն, Սիկերոն ևս ըստ այլոցն օրինակի խոյս ետ 'ի քաղաքէն յերկիր կալուածոց իւրոց . անդ յանդորրաւէտ տեղին առաւել ևս պաւրապով յիմաստասիրականն միտ եղեալ, մատենագրեաց և զՊատշաճիցն գիրս երեսին յառանձին պէտս որդեկին իւրոյ, որ յԹէնս էր 'ի Ժամին՝ Սրատիպպեայ աշակերտեալ ճեմական իմաստասիրի : Եւ կալաւ իւր յայտմ օրինակ առաւելապէս զՊանետիոսի հոգացոյ զմատենն որ Յաղազ Պատշաճին մակագրեալ իսկ յերբեակ դասուց բարոյախօսից Ժամանակին, Սկադեմեանցն ասեմ և Ղեմականաց և Ստոյիկեանց, որք Թերևս բանիւք չափ և եթ հակառակէին (յարդիւնսն միաբանեալք) Թէ զինչ համեստն և վայելուչն իցէ կամ պատշաճ, սա զՍտոյիկեանցն ընտրեաց գկարծիս : Եւ յառաջնում անդ 'ի գրոցն աւանդեալ զսահման պատշաճիցն և զբաժանումն, յերկրորդումն յայտառնէ եթէ զինչ ինչ օգտակար իցէ և կամ փնասաբեր . և յերրորդին 'ի կշիռ ընդ միմեանս արկեալ զվայելուչն և զօգտակար, 'ի քնին առնու եթէ զոր ինչ 'ի նոցանէ ընտրել առնուլ պատշաճ իցէ՝ յորժամ հակառակել ընդ միմեանս Թուիցին :

ՄԱՐԿՈՍԻ ՏՈՒՂԱԴՈՍԻ

Կ Ի Կ Ե Ր ՈՆԻ

ՅԼԴԼԳՍ ՊԸՏՇԼՆԻՑ

ԱՌ ՄԱՐԿՈՍ ՈՐԴԻ ԻԻՐ



ԳԻԻՐ ԼՈՒՆՅՈՒՆ

Ա. ԹԻԳԻՏ ԵՒ ՔԵՂ, ՍՊԱՐԿԻԷ ՈՐԴԵԱԿ, ՈՐ յԱՄԷ
ՀԵՏԷ աշակերտեալք ես առ ոոս Նրատիպպոսի՝, և այն
յԼԺԷՆԱ, պէտք են ճոխանալ խրատութ և մարդիւք ի
մաստասիրութեան՝ և յաղագս ծայրացելոյ վարժապե-
տիդ և քաղաքին մեծութեան, յորոց մին գիտութիւն
և միւսն օրինակօք բարգաւաճ՝ զքեզ առնել կարող
են, սակայն զոր օրինակ ես ինքնին առ իմ օգուտ միշտ
զլատինականն ընդ յունականին լծորդեցի՝ ոչ միայն յի-
մաստասիրութեան մասին, այլ և ՚ի կրթման պերճախօ-
սութեան, ՚ի դէպ և քեզ զնոյն վարկանիմ՝ գործ, զի
համազօր գտանիցիս յերկաքանչիւր բանասացութեան
հանդէսս: Եւ առ այս մեք, որպէս Թուի, մեծապէս
օճան մատուցալք մերազնեայ որերոյն. որպէս զի ոչ միայն
հետեւեալքն ՚ի հելլեն դպրութիւնս, այլ և որ ներհունքն
են՝ համարին զանձինս հրահանգեալս փոքր՝ ի շատէ և յա-
տենաբանել և ՚ի դատել: Սմին իրի ուսանելով ուսցիս ՚ի
պետէ անտի իմաստասիրաց ժամանակիս, և ուսցիս ցիւր-

1. Կրատիպպոս հայրենեօք ՚ի Միտիլենայ՝ երեւել էր յոյժ ՚ի ճե-
մականս ժամանակին:

չափ և կամիցիս . իսկ կամել ցայնվայր, զի որչափ և յառաջադէմ լինիցիս՝ մի գղջանայցես : Եւ սակայն ընթերցելի և զմերս , որ ոչ կարի օտարանան՝ ի ճեմականացն . քանզի ըստ նոցա և մեք սոկրատեան և պղատոնական կամիմք գոլ : Եւ գործս ըստ քումդ կշռութեան վարես . ջիւր , չարգելում . իսկ ի լատին վարժս վերծանութեամբ մերոցս ևս քան զևս յառաջադէմ զարգասցիս : Եւ մի յանդգնութիւն քեզ բանս թուեսցի . քանզի զիմաստասիրելոյն զգիտութիւն չնորհելով իմ բազմաց , եթէ անձին պահիցեմ զսեպհականն ատենախօսի , ըզխօսեն ասեմ վայելուչ՝ յստակ և պերճ , քանզի ի դոյն քանս զկեանս իմ ծախեցի , թուիմ զիմ իրաւունս պահանջել :

Եւ ասն որոյ մեծապէս յորդոր քեզ լինիմ Միկերոնդ իմ, զի ոչ միայն զատենախօսութիւնս իմ, այլ և զայսոսիկ զյաղագս իմաստասիրութեան գիրս որք զուգահաւասար են գոգցես նոցունց՝ ընթերցցիս մտադիւր : Եւ քանզի թէպէտ և առաւելագոյն կորով է բանից , սակայն և զայս ազգ բանախօսութե զվայելականն և զչափաւոր՝ արժան է պատուել . և յայս իսկ ոչ զոք ի Յունաց տեսանեմ ցարդ ձեռն արկեալ, զի նոյն այր յերկաքան չիւր մասին երկասիրիցէ , և զհետ լիցի ատենաբանութեան , և միանգամայն այսմ խաղաղաւետ վիճաբանութեան ազգի : Եւ այց եթէ յայս թիւ համարոյ գրեսցէ որ զՎեմետրիոս փաղերացի՝ , զվիճաբանն նրբախօս , զհռետորն ոչ այնչափ հզօր՝ որչափ քաղցր՝ ի բանս . որով դիւրաւ ճանաչի լիւսփրաստեայ լինել աշակերտ : Եւ թէ մեք իրքանս գտաք յերկաքանչիւրումն յառաջադէմք , այլոց իցէ դատել . այս ինչ հաւաստի է , զի յերկաքանչիւրն իսկ պարապեցաք :

Եւ պարէն և Պղատոնի , որպէս կարծեմ , եթէ կամեցեալ էր ատենախօսութեան պատկառ կալ , կարող էր վսեմութեամբ և ճոխաբար ճառել . և Վեմետրիոսն ալ եթէ զոր միանգամ ի Պղատոնէ ուսեայն էր՝ պինդ ի մտի կալեալ էր , և կամեցեալ բարբառել յայտնի , պերճ և շքեղ կարող էր զբանն յօրինել : Եւ նոյն է ինձ ասել և զՎրիստոտելէ և զՍոկրատեայ . յորոց մէն մի

1 Վեմետրիոս փաղերացի գիւնապետ էր Պողոմեայ արքայի եւ բայրասէրն կոչեցելոյ :

իւրովն զուարճացեալ ուսմամբ՝ ապախտ զմիւսովն արար :

Բ. Եւ այն ինչ եղի 'ի մոի գրել զարդիս առ քեզ ինչ ինչ, և առ յապա զբազում ինչ, կամ եղև ինձ յայն մանէ մանաւանդ առնել սկիզբն, որ քումդ հասակի և իմուան աշտիճանի իցէ քաջավայելուչ: Օ ի թէպէտ բազում ինչ իրք են յիմաստասիրութեան ծանր ծանր և պիտանացու, զորոց գեղեցիկս և ճոխագոյնս ճառեցին իմաստասէրք, սակայն արձակածաւալ ինձ թուին որ ինչ միանգամ 'ի նոցանէ պատուիրանաւ աւանգեցան յաղագս Սատշաճից: Վանդի չիք և ոչ մի ինչ կէնաց մանն, ոչ 'ի հասարակացն և ոչ յառանձին գործս, ոչ յատենի և ոչ յառտնին իրս, եթէ դու քեզէն ինչ գործիցես, և եթէ ընդ այլում դաշնաւորեսցիս, որում հնար իցէ անբաժ լինել 'ի պատշաճէն. և յայդմ իսկ հաստատեալ է ամենայն լաւութիւն կենաց, որպէս և յանտեան առնել՝ վատթարութիւն:

Եւ սոյն այս խնդիր՝ հասարակաց է ամենայն իմաստասիրաց: Ս ամն զի ո՞ այն ոք իցէ, որ առանց աւանդիչ լինելոյ իրիք 'ի պատշաճից՝ իմաստասէր զանձն համար ձակեացի անուանել: Բայց են և խրատք ինչ վարդապետութեան, որ յառաջի առնել անդ զբարեաց և զչարեաց զվախճանս՝ վեր 'ի վայր առնեն զպատշաճն գլխովին: Օ ի որ զգերագոյն բարին այնպէս սահմանիցէ, մինչև չունել նմին ընդակցութիւն ինչ ընդ առաքինութեան, և զայն յանձին դիւրութենէ չափիցէ, և ոչ 'ի լաւութենէ, այնպիսին եթէ սնդեացի յիւր կարծիս, և ոչ յաղթահարեացի երբէք յերեսաց բնութեանն լաւութեան, չէ և չէ կարող՝ ոչ բարեկամութեան լինել սպասահարկու, ոչ արդարութեան և ոչ առատաձեռնութեան: Եւ որ զգաւն ծայրացեալ ինչ չարիս վարկանիցի, անհնար է այնպիսւոյն քաջարի լինել ամենեւին. որպէս և ոչ բարեխառն՝ որ զփափկութիւնն ծայրագոյն գրեացէ բարի:

Եւս ամենայն թէպէտ և քաջայայտ, և անկարօտ բազում խնդրոյ, սակայն ընդ խնդրով արկաւ 'ի մէջ յայլում վայրի՝: Եւս ուրեմն եթէ վարդապետութիւն պղպիսիք զհաստատութիւն կամիցին առնուլ 'ի բանս

1 Ի Տուսկուղ. խնդ. գիրք Դ. ևս և 'ի գիրսն յաղագս վախճանի բարեաց և չարեաց:

իւրեանց, անմարթ է նոյա ճառել ինչ զպատշաճից : Եւ չէ իսկ հնար եթէ աւանդեսցին պատուէրք պատշաճից հաստատունք, կանդաղեալք, և համեմատք բընութեանն օրինաց, բայց միայն 'ի նոցունց՝ որք զառաքինութիւն և եթ, և կամ յայնցանէ որք զառաքինութիւնն առաւելապէս ասացին ցանկալի ըստ ինքեան լինել : 1) ասն որոյ և տրւչութիւն պատուիրանիդ ստոյիկեանց, ակադեմեանց և ճեմականաց է անկ . վասն զի վաղ իսկ հերքեալ են Միստոնին, Պիլոտնի, և Հելլիայ կարծիք . և էր արդեօք և սոցա ունել ինչ իրաւունս ճառելոյ զպատշաճից, եթէ թողեալ էր նոցա ընտրական ինչ 'ի բնութեանն իրս առ 'ի մարթելոյ մատչել 'ի պատշաճիցն գիւտս : Եւ արդ յառաջիկայս ինդիր զհետ երթիցուք առ այժմ առաւել ստոյիկեանց, ոչ որպէս Թարգմանք, այլ որպէս մերս է սովորութիւն՝ յաղբերաց անտի նոցա մերովս հանելով խորհրդով և ընտրութեամբ որչափ և որպէս ինչ հաճոյ թուեսցի :

Եւ որովհետեւ ինդիրս ամենայն զպատշաճէն հանդերձեալ է լինել, բարւոք թուի յառաջագոյն սահմանել զինչ պատշաճն իցէ . և զարմանամ եթէ զիարդ զանց զսովիմք արար Սանեստիոս . վասն զի ամենայն վարդապետութիւն յամենայն 'ի ինդիրս բանի 'ի սահմանէ պարտի յառաջ խաղալ, որպէս զի ծանիցի եթէ զինչ այն իցէ զորմէ ինդիր յուզիցի :

Գ. Եւ ինչն ազգք են ինդրոց որ զպատշաճէն . մի՝ որ բերի 'ի վախճան բարեաց . և միւս ևս որ հաստատեալն է 'ի պատուէրս՝ որովք մարթ իցէ կենցաղական վարուց ամենայն ունտէք պատսպարել : Եւ օրինակք այս են առաջնոյ ազգին . արդեօք ամենայն գործք որ ընդ պատշաճս գրին՝ անթերիք իցեն, և իցէ՞ արդեօք գործ քան զգործ մեծ, և որ 'ի սոցին սակի : Եւ այնք 'ի գործոց զորոց աւանդին պատուէրք, թէպէտ և 'ի վախճան բարեաց ունիցին զգիտումն, բայց ոչ յոյժ յայտնապէս երևին իրքդ . քանզի թուին մանաւանդ բարեկարգութեան հասարակաց վարուց լինել պատկանաւոր . և զայսցանէ առաջի կայ մեզ 'ի գիրս յայս տալ տեղեկութիւն :

Եւ միւս ևս բաժանումն պատշաճից . քանզի է որ միջասահման ասի, և է որ կատարեալ : Կատարեալն և

կամ արդար՝ ուղղութիւն՝ վերաձայնի ըստ Յունաց . իսկ որ հասարակն է՝ պատշաճ՝ և կամ արժանի՝ : Եւ զայսոսիկ այսպէս սահմանեն . իբր զի որ ինչ ուղիղն է՝ նոյն և կատարեալ է գործ . և միջասահման զայն ասեն , զորոյ հնար է տալ զհաւանելի պատճառս գործելոյն :

Եւ արդ երբեակ է ըստ Պանետիոսի խորհուրդ ձեռն 'ի գործ առնելոյ : Եւ իսկ երկմտել , արդեօք վայելուչ իցէ գործն առաջիկայ , եթէ դժպատեհ ինչ խորհուրդ . և յայսմ մտածութեան բազում այն է՝ զի միտք 'ի կարծիս հակառակս տարուբերին : Եւ ապա՝ կամ անձամբ հետազօտել , և կամ խորհուրդ հարցանել , եթէ արդեօք առաջարկեալն խորհուրդ սատար լինիցի՝ 'ի դիւրութիւն կենաց և 'ի զուարճութիւն , 'ի շահաստացութիւն և 'ի փարթամութիւն , 'ի մեծութիւն և յիշխանութիւն , որովք և անձին և իւրայնոց լինիցի ոք պիտանացու . և այս ամենայն խորհրդածութիւն յօգտակարութիւն իրացն ունի զակնարկութիւն : Եւ որորդ ազգ երկմտութեան է , յորժամ դիմամարտ տեսանի ընդ վայելչականին՝ այն որ օգտակարն երևի . զի որովհետև օգտակարութիւնն յինքն թուի յանկուցանել , և նմին հակառակ՝ վայելչութիւնն առ ինքն ձգել , դէպ լինի 'ի խորհրդածութեան անդ յայսկոյս և յայնկոյս տարուբերիլ հոգւոյն , և 'ի վարանս հոգոց անկանին միտք :

Եւ յայդմ բաժանման զերկու ինչ իրօք զանց արարեալ է (ուր զանց առնել զիւրք 'ի բաժանելն թերութիւն մեծ է) : Եւ ամն զի խորհել բնաւորեցաք՝ ոչ միայն եւ 'ի արդեօք 'ի դէպ իցէ՝ եթէ դժպատեհ , այլ և 'ի յանդիման լինել երկուց վայելչականաց՝ ճիւղ այն յերկուց անյոյսի վայելչագոյն իցէ . ըստ նմին օրինակի , և որ այն յերկուց օգտակարացն իցէ օգտակարագոյն : Եւ այսպէս , զոր նա երբեակ վարկաւ լինել զբանն՝ մեք 'ի հնգեակ մաստնս զնոյն հարկ համարիմք տրոհել : Եւ ամն որոյ ճառեցուք նախ զվայելչականէն , բայց կրկնակի . ապա նոյնօրինակ զօգտակարէն , և 'ի վերջէ զհամեմատութենէ նոցուն :

Ի . Եւ իսկ քան զամենայն , կենդանեաց ամենեցուն տուեալ է 'ի բնէ՝ պաշտպանել անձին և կենաց և մար-

1 Κατόρθωμα.

2 Καθήκον.

մնոյ, և խորշել թորոց փռնակարն երևին, և հանդերձել խնամով շրմենայն կարևորս առ 'ի կեանս, զոր օրինակ քնարակ և գյարկ, և որ սոցին նման են: 'Խարձեալ, հասարակ է կենդանեաց ամենայնի իղձ զուգաւորութեան՝ ծննդագործութեան աղաքաւ, և ծննդոցն խնամարկութիւն: 'Այլ ընդ մարդ և ընդ անասուն այս մեծապէս է խտիր, զի անբանք որովհետեւ զգայութիւն շարժին, յայն ինչ և եթ զանձինս յարգարեն՝ որ մերձ և առաջի կայ նոցա, և կարի նուազ զգան զանցելոցն կամ զհանդերձելոց ինչ իրաց: 'Իսկ մարդ՝ քանզի բանի է հազորդական, որով նկատէ զհետևորդս, և զիրացն տեսանէ զպատճառս, և ոչ անգիտանայ զնոցին յառաջատուութիւն և զյառաջ խաղացմունս, և զնմանութիւն անգամ համեմատէ, և ընդ առաջիկայսն զհանդերձեալս լծորդէ. սմին իրի դիւրաւ տեսանէ զընթացս բովանդակ կենացն, և կանխաւ պատրաստէ զպէտս կարևորս առ նորին պահպանութիւն:

'Երբն ինքն բնութիւն բանականութեանն զօրութիւն ընտելացուցանէ զմարդ ընդ մարդոյ, և 'ի միաբանութի կրթէ բանից և կենաց, և բնաւորէ զառաջինն սէր իմն ազդողազոյն առ ծնունդս անձին, և սաղրէ յօժարել 'ի համախմբութիւնս և 'ի հանդէսս մարդկան, և անձամբ լինել հանդիսատես. և վասն այսորիկ փութայ հանդերձէ զոր ինչ միանգամ արբանեկեն 'ի պաշտել և 'ի կենցաղել միանգամայն. և ոչ անձին միայն, այլ և կնոջ և զաւակաց և այլոց ևս սիրելեաց խնամ ունել պարտ վարկանի: 'Այս փոյթ պնդութեան է որ զարթութեանն զողորմն և 'ի մեծամեծս տայ ձեռնարկել:

'Իսկ առաւել քան զայն ամենայն սեպհական է մարդոյ ճշմարտախնդիր լինել, և ճշմարտութեան խուզարկու: 'Սորին վասն յորժամ թափուր իցեմք 'ի կարևոր ինչ գործոց և 'ի հոգոց, յայնժամ իղձ լինիմք տեսանել ինչ կամ լել և կամ ուսանել, և հարկ համարիմք առ երանելի կեանս զիրացն ծանօթութիւն՝ զգաղտնեաց և զգարմանալեաց: 'Յորմէ ունիմք իմաստասիրել, եթէ որ ինչ ճշմարիտ է և պարզ և յստակ՝ նոյն և յանկաւոր ամենայնիւ բնութեան մարդոյ:

'Ենդ այսմ բաղձանաց տեսանելոյ զճշմարտութիւն կից է և յօժարութիւն իմն իշխանական. որով հոգին

բարիորդ կերպարանեալ 'ի բնութենէ՝ չկամի հնազանդել ումեք, բայց այնմ որ օրինադրէ կամ ուսուցանէ, և կամ օգտի աղագաւ՝ իրաւամբք և օրինօք լինի հրամանատար. յորմէ 'ի վեր երևի մեծանձնութիւն, և մարդկեղէն իրաց արհամարհութիւն:

Այ փոքր ինչ զօրութիւն է և այն՝ բնութեան և բանականութեան, զի այս և եթ կենդանի իմանայ՝ զինչ կարգն իցէ, զինչ վայելչականն, և զինչ յեղանակ բանից և գործոց: Սորին վասն և 'ի նոսա գլխովին որք ընդ զգայութեամբ անկանին տեսանելեաց, ոչ այլ որ 'ի կենդանեաց իմանայ զգեղեցկութիւն, զվայելքութի, և զմասանց համեմատութիւն: Եւ զայս նմանութիւն բնութիւնն և բանականութիւն յաչաց յոգին փոխաբերեալ՝ զևս առաւելագոյնն 'ի դէպ վարկանի պահել զգեղեցկութիւն, զանայլայլութիւն, և զկարգ 'ի խորհուրդս և 'ի գործս, և զգուշանայ չառնել ինչ անվայելուչ և կանացի. նոյնպէս և յամենայն կարծիս և յարարուածս չխորհել ինչ կամ չգործել մեղկութի: Ստոյունց աստի իրաց շարադրեալ՝ զայ յերևան խնդրելն մեր վայելչականն. որ թէ և չիցէ աղնուացեալ, բայց վայելուչ իցէ. և այն իսկ է զոր 'ի բնէ գովելի ասեմք, թէպէտ և չգովելի յումեք:

Եւ. Եւ արդ աւասիկ զկերպարանն գողցես, որդեակ Սարկիէ, և իբրու զգէմն իմն տեսանես զվայելչականին. որ եթէ առ աչս լինէր նկատելի, սխալի սիրով յինքն ձգէր զամենեսեան, որպէս ասացն Սղատոն: Եւ որ ինչ միանգամ վայելչականն է՝ 'ի միոյ անտի ծագէ 'ի քառեակ մասանցն. վասն զի կամ յածի 'ի քաջ դիտողութեան ճմարտութեան և յաչարջութեան, կամ 'ի պահել զմարդկան ընկերութիւն, և 'ի հատուցանել իւրաքանչիւր զիւրն, և 'ի հաւատարմութեան ուխտից և դաշանց. կամ 'ի մեծանձնութեան և յարութեան քաջութեան վսեմ և անպարտելի ոգւոյ, և կամ յամենայն բանից և 'ի գործոց 'ի կարգն և յեղանակ, յորս հաստատեալ է պարկեշտութիւն և չափաւորութիւն:

Եւ սոքա չորեքեան թէպէտ և կապեալ են ընդ իրեարս և աղխաղխեալ, բայց մի մի 'ի նոցանէ ծնանին զանազանեալ ազգս պատշաճից. զոր օրինակ յառաջնոյ անտի մասնէ յորում կարգեալ դնեմք զիմաստութիւն

և գիտականութիւն, ծնանի խոյզ և խնդիր և գիւտ ճշմարտութեան . և այնմ առաքինութեան այս պաշտօն է սեպհական :

Եւ որ որ նրբատես լինիցի եթէ զինչ ստուգադոյն կայցէ յիրս իւրաքանչիւր, և կարող գտանիցի սրատես լինել պատճառաց, և արագ արագ բացատրել, զնա օրէն է խոհականագոյն և իմաստնագոյն քան զամենեսեան ասել : Սորին աղաքաւ ճշմարտութիւնն ներքոյ անկանի նմա իբրև նիւթ ինչ զորմէ ճառէ և 'ի նմին դեգերի :

Իսկ երից այլոց առաքինութեանց հարկք առաջի եղան պատրաստել և պաշտպանել զայն ինչ իրս՝ յորս գործք կենաց բովանդակին . զի միաբանութիւն մարդկութեան և զօդ՝ անբակ պահեսցի, և շուք և մեծութիւն անձին փայլեսցէ եթէ 'ի յաճախել զգոյս, և 'ի հանդերձել զշահեկանս անձին և իւրոցն, և եթէ ևս առաւել՝ յարհամարհել զսովիմք : Իսկ կարգ և անայլ ալլուութիւն և յեղանակ, և որ սոցա նման են, յայն ազգ պարապին՝ յորում պէտք են 'ի կիր արկանել զարդիւնս ինչ իրաց, և ոչ զմտածութիւն և եթ :

Վանգի յորժամ իրացս այսոցիկ որովք վարիմք 'ի կենցաղումն՝ զյեղանակ ինչ և զկարգ դնելմք առնութեք, կայ և պահի արժանն և վայելական :

2. Ի չորից անտի տեղեաց՝ յորս զվայելականին բընութիւն և զգօրութիւն բաժանեցաք, նախկինն այն որ հաստատեալ է 'ի գիտութեան ճշմարտութեան՝ յանկաւորագոյն է մարդկեղէնս բնութեան : Ս ասն զի աւմենեքին ձգիմք 'ի ցանկութիւն ճանաչման և դիտութե, և 'ի նմին գերազանց հանդիսանալ գեղեցիկ վարկանիւմ . իսկ սայթաքել, սխալել, տգիտանալ և խաբիլ՝ և չար համարիմք և նախատինս : Ի սմին կարգի, որ և բնաւորական է և վայելական, յերկուց զգուշալի է մեզ թերութեանց . մի՛ զի մի զանձանութեան իբրու ծանուցեալս ինչ համարեսցուք, և յանխորհուրդս հաւանութիւն ընծայեսցուք նոցա . և որ կամի խորշել 'ի թերութենէ աստի (և պարտի իսկ կամել ամենայն որ), հարկ է նմա ծախել և զժամանակ և զփոյթ ջանից 'ի խորհել զառաջիկայ իրաց :

Սիւս ևս թերութիւն այն է, զի ոմանք փոյթ մեծ

յոյժ և ճիգն բազում ցուցանեն յորժնայ և դժուարինա, թեպէտ և ոչ հարկաւոր ինչպէս ի խուսափեալ միանգամ 'ի մոլութեանց աստի, որչափ ինչ ջան և հոգ դիցէ որ յիրս լաւութեան և արժանիս գիտութեան, գովելի է իրաւամբք. որպէս յաստղաբաշխութեան լուպը զլայիտս Սուլայիկիտս', և յերկրաչափութեան մեզէն ծանեալ զլէքստոս Պոմպէոս'. դարձեալ և զյուլիս 'ի տրամաբանականն, և զյորժնա 'ի քաղաքական իրաւունս : Իս ամենայն արուեստք դեգերին 'ի քննութիւն ճշմարտութեան. այլ առ այսպիսոյ ուսումնասիրութեան խափանիլ 'ի կարեւոր գործոց' հակառակ է պատշաճից : Վանդի առաքինութեանն գովութիւն բովանդակ յարդիւնս անդ է. և սակայն ստեպ ընի յուլանալ յայնմանէ, և ստէպ ստէպ դառնալ անդէն յուսումն. այլ և յոյգք մտաց որ ոչ երբեք հանդարտեն' կարող են զմեզ 'ի փոյթ գիտութեան մարդէլ նաև առանց մերոյ աշխատութեան : Ի՞նչ ամենայն մտածութիւն և շարժութիւն ոգւոյ յաճի կամ 'ի խորհել բուռն հարկանել զիրաց պատշաճից և զյանկաւորաց առ բարոյք և երջանկաւէտ կեանս, և կամ 'ի փոյթ գիտութեան և ծանօթութեան : Եւ յաղազս առաջնոյ աղբեր պատշաճից շատ լիցին ասացեալքս :

Ե. Իսկ վասն երկնց մնացելոց ինքնին իսկ յայտ յանդիման երեւին պատճառք՝ որովք ընկերութիւն մարդկան ընդ միմեանս, և կենաց իմն կցորդութիւն սահմանեալ բովանդակի : Եւ մասունք նորա երկու. արդարութիւն՝ յորում մեծապէս փայլէ առաքինութիւն, և անտի առնուն զանուն արք բարիք. և սմին լծակից՝ բարերարութիւն, զոր և անխտիր օրէն է մարդասիրութիւն և կամ առատաձեռնութիւն յորջորջել : Իսլ արդարութեան գործ է նախկին, զի ոչ որ ոչ ումեք վնասեցէ՝ եթէ ոչ հարստահարեալ յանիրաւի. և երկրորդ, զի

1 Կայիտ Սուլայիկիտ Գաղղոս, այլ ճոխ գիտութեամբ ճարտարիօսութեան և քերթողութե, և ևս առաւել աստեղաբաշխութեան, որիբուն լեալ զորաց յամին 595 շինութեան հռովմայ, զիւսարմանէ լուսնի գուշակ եղև զօրականին յառաջ քան զճակա-

տամարան որ ընդգէմ Պերսեայ. և զպատճառսն ևս նորանչան երեւմանն 'ի մէջ բերեալ՝ աներկիւզ յայնմանէ զմարտիկան արար :

2 Սա հօրեկբայր է մեծին Պոմպէի, բազմահմուտ իմաստութիւն մանաւանդ՝ քան քաղաքական արութեամբն հռչակեալ :

զհասարակաց՝ հասարակաց՝ ի կիր արկանիցէ, և զառանձնակեցեալսն զիւրս ինչ:

Իսկ առանձնական ի բնէ կայ և ոչ ինչ. այլ կամ վաղեմի ժառանգութեամբ, որպէս որք երբեմն ի ձեռս բերին զանգործ վայրս, կամ յաղթութեամբ՝ որպէս որք պատերազմաւ տիրեցին. և կամ օրինօք, դաշամբ, պայմանաւ և վիճակաւ: Իստի յայսմանէ անդն Լը պինեան՝ Լըպլինայց ասի, Տուսկուղեանն Տուսկուղեանց: Իստ այսմ օրինակի է և առանձին կալուածոց սահմանադրութիւն: Եւ արդ քանզի այր իւրաքանչիւր իւրացուցանէ զայս ինչ և զայն՝ որ ի բնէ հասարակացն էր, որ ինչ առն առն հանդիպի՝ զայն պինդ կալի իւրաքանչիւր դ. սմին իրի այր աւելախնդիր խան. զարէ զիրաւունս մարդկեղէն ընկերութեան:

Եւ քանզի, որպէս գեղեցիկ գրեաց «Պլատոն», ոչ մեզ միայնոյ ծնաք, այլ մասն ինչ ծագման մերոյ՝ հայրենեաց է անկ, և մասն ինչ բարեկամաց. վասն որոյ հաճոյ թուի ստոյիկեանց ասել՝ թէ ծնունդք կամ բերք երկրի ի պէտս մարդկան գոյաւորին բովանգակ, իսկ մարդիկ մարդկան աղաքաւ են ծնեալ, որպէս զի մի մեանց և այլոց օգտամատոյց լինել մարթասցին: Եւ այսմ մասին պարտ է մեզ զհետ երթալ առաջնորդութեան բնութեան, և զհասարակացն օգուտ մատակարարել փոփոխ պաշտամամբք, առիւ և տրով. և եթէ արհեստիւ իցէ, եթէ աշխատութեամբ և կամ գոյիւք ընչից զօղել ի միաբանութիւն զմարդիկ:

Հիմն ամենայնի է հաւատք արդարութեան. այս է հաստատութիւն և ճմարտութիւն բանից և դաշնաւորութեանց: Եւ ասն որոյ թէպէտ և խիստ թուեսցի ումբ բանս, բայց համարձակեսցուք նմանող լինել ստոյիկեանց, որք մեծաւ պնդութեամբ հետաջօտեն՝ թէ ուստի սկիզբն առին բանքն. և հաւատասցուք աւտանեալ հաւատոց կամ հաւատարմութեան, զի եղիցի որ ասացաւն: Իսկ անիրաւութեան կրկին ազգք են. մի այնոցիկ որք զրկենն, և միւս ևս այնոցիկ որք ոչ ի բաց վանեն զանիրաւութիւն՝ յորժամ ձեռնհաս իցեն՝ ի զրկելոց անտի: Եւ ասն զի որ դ յանիրաւի յարձակի

1 Ի թուղթն Թ, առ Ը. բրիտան տարեկնացի:

յուրուք վերայ բարկութիւն, և կամ այլով իւրք յուզմամբ գրգռեալ, այնպիսին ձեռս ամբառնալ թուի 'ի վերայ ընկերին. իսկ որ ոչն պաշտպանէ, և ոչ դիմաւ կալէ անիրաւութեան յորժամ կարող իցէ, նոյնչափ ևս ընդ ստգտանօք է՝ որչափ եթէ որ անտես առնիցէ զծրնոցս կամ զբարեկամս և կամ զհայրենիս:

Եւ Եւսեբէն այն անիրաւութիւնք զորս կամաւ որ առնէ փնասելոյ վասն, բազում անգամ յերկիւղէ դան յառաջ. ուր որ խորհի փնասել այլում՝ երկնչի զի մի գուցէ յոչն առնել զայդ՝ ինքն տուժեացի իւրք: Եւ այց մեծաւ մասամբ յանիրաւել բերին մարդիկ, զի ստասցին որում ցանկացեալն են. և յայսմ վատթարութեան մեծապէս 'ի վեր երեւի ազահուութեանն ախտ:

Եւ Եւսեբէն մեծութիւնք՝ նախ 'ի պէտս հարկաւորս կենաց, և երկրորդ 'ի վայելք փափկութեց: Յայր մեծանձն արծաթսիրութիւնն վերածի 'ի ճիսութիւն և 'ի կարողութիւն պարգեւաբաշխութեան. զոր օրինակ 'ի մօտոյ Սարկոս Արասոս՝ վկայէր, թէ ոչ մի ինչ ընչաւտութի շատ գրեացի այնմ որ իշխան լինել կամիցի հասարակաց, և արդասեօք նորին չկարիցէ դարմանել զզօրն: Օ ուարձալի իսկ են մեծավայելուչ հանդերձանք, և սպասք շքոյ պանծալիք և հարուստք, և 'ի սու ցանէ ծագեցաւ անչափութիւն ընչասիրութե: Եւ պարսաւելի ինչ է մեծութիւն ազգատոհմի ուրուք՝ որ ոչն ստնանիցէ ումեք. այլ խորշելի է միշտ անիրաւութիւն:

Եւ այց նոցին առաւելապէս 'ի մոռացոնս լինի արդարութիւն, որք անկանին իշխանասիրութիւն, 'ի պատուասիրութիւն և 'ի փառասիրութիւն. քանզի քաջայայտ է գրեալն առ Եսնիոսի.

Եւ իրական չիք պետութեանց ուխտ սիրոյ,

Չիք և հաւատ իշխանական որեւոյ:

Եւ ամն զի յոր ինչ միանգամ ոչ կարեն բազումք վերադոյն հանդիսանալ, անդ լինի ստէպ կադ և կռիւ այնպիսի՝ մինչև ամենայնիւ դժուարանայ սուրբ պահել զընկերութիւն: Օ քոյն յայտ արար այժմիկ ձեռնների.

1 Մ. Կրասոս փարթամագոյն 'ի Հռովմայեցիս գտեալ՝ մեծատուն կոչեցաւ: Սա ինքն ընդդէմ Պարթևաց երթեալ անկաւ 'ի մար.

տի: Չարծաթսիրութենէ նորա ճոխաբար ճառեն Պրուտարքոս և Դիոնի և Ապպիանոս:

ցութիւն լյայիոսի լիսարու, որ վեր 'ի վայր արար զամենայն իրաւունս զաստուածային և զմարդկային՝ 'ի պատճառս իշխանութեան, զոր մոլար կարծեօք սեպհա կանեաց անձին: Ի նբերելի է յայսմ կարգի այն՝ զի 'ի վսեմական և 'ի զգծնագոյն ոգիս առաւել ևս գտանին ցանկասիրութիւնք պատուոյ և իշխանութեան, զահու և փառաց: 1) ասն որոյ և առաւել հարկ է զգուշանալ չյանցանել իւրք յայդմ մասին:

Եւ յամենայն իսկ անիրաւութիւնս խտիր մեծ է 'ի յեղանակս անիրաւելոյն. և արժան է միտ դնել՝ եթէ արդեօք յամբողմանէ՝ իմեմնէ ոգւոց, որ բազում անգամ սուղ է և առժամեան, եթէ կամաւ և խորհրդով գործիցի: Վանգի թեթեւագոյնք են որ յեղակարծ ինչ գրգռութեամբ պատահեն՝ քան զորս խորհրդածութեամբ և պատրաստութեամբ ներգործին: Եւ յաղաքս անիրաւելոյ առ այլս այսքան:

Թ. Եւ յանց զպաշտպանութեամբ առնելոյ, և թողլոյ զպարտուպատշաճ պաշտօնն՝ բազմապատիկ պատահեն պատճառք: Վանգի են որք չկամին յանձն առնուլ զթնամութիւնս կամ զաշխատութիւն կամ զծախս. և են որք անհոգութեամբ, յուլութեամբ, դանդաղութեամբ և կամ ուսումնասիրութեամբ և այլովք ևս զբաղանօք խափանեալք՝ թողուն լքանեն զորս պարտական էին պաշտպանել: 1) մին իրի պարտ է տեսնել, գուցէ անբաւական իցէ ասացեալն 'ի «Ղատոնէ»՝ յաղաքս իմաստասիրաց, թէ 'ի քննութիւն ճմարտութեդեգերին, և քամահեն զերօք յորս յոյովք անյազար բերին, և արեամբ չափ զնոցանէ կուլին ընդ միմեանս. և զի յոչինչ համարին զայս ամենայն, վասն այնորիկ արդարք են: 1) ասն զի զհետ երթեալք առաջնոյ և եթ ազգի արգարութեան, այս ինքն զգուշացեալք չգրկել զոր անիրաւութեամբ, 'ի միւսն անկանին անիրաւութիւն. քանզի ուսումնասիրութե խափանեալք՝ անտես առնեն զոր պարտ էր նոցա պաշտպանել: 1) ասն

1 Զաստուածայինս, իբր զի զմեհեանս դիցն և զվապիտոյիսն կողոպտեաց. և զմարդկայինս, զի զբաղաքս աւերեաց, և զգաւառս և զպետութիւնս արծաթոյ վաճառեաց:

2 Յղ. Հասարակ. գիրք Զ. ուրանօր բացայայտագոյնս է տեսուինէ զայս իմաստ Կիկերոնի:

որոյ և 'ի գործակալութիւն հասարակաց իրաց մասէլ ոչ արժան գրեն' նոցա, բայց առ հարկի բռնադժօսութեամբ. ուր արդարացի ևս էր կամաւոր լինել իրացդ քանզի գործ ուղղութեան այդուիկ իսկ արդար է, եթէ կամաւոր իցէ:

Եւ և որ առ փութոյ զառտնին իրս հոգալոյ, և կամ առ մարդկան ինչ ատելութեան, զիւրեանցն ասեն գործել գործ, զի մի երեւեցին անիրաւել յոք. և այսպիսիք 'ի միոյ ազգէ անիրաւութեան ազատացեալք' 'ի միւսն գլին զանձինս. վասն զի թողուն բաննն զընկերութիւն կենաց, և ոչ ինչ փոյթ տանին այնմ, ոչ աշխատութիւն և ոչ ինչա ծախեն 'ի նոյն:

Եւ քանզի երկուս ազգս անիրաւութեան եղեալ առաջի՝ զպատճառան ևս սուրնթեր կարգեցաք միոյ միոյ, և յառաջագոյն սահմանեցաք՝ թէ որովք իրօք արդարութիւնն պարագրի, դիւրաւ կարող եմք այսուհետեւ դատել զպատշաճն իւրաքանչիւր ժամանակի, միայն թէ մի լիցուք կարի անձնասէրք:

Ամսն զի դժուարին է օտարին հոգ: (Թէպէտ և Տերենտեանն այն 'Բրեմէս' զմարդկայինս ամենայն ոչ ինչ օտար յիւրմէ համարի. բայց սակայն, որովհետեւ զայն ինչ իրս առաւել ըմբռնեմք և յանձին գգամք՝ որ միանգամ կամ աջող և կամ ձախող մեզ հանդիպին քան այլոց, զի գնոսին իբր մեծաւ անջրպետեալ միջոցաւ տեսանեմք, այլազգ գատեմք զայլոց քան զմէնջ: Սորին աղագաւ բարոք իրատ տան՝ ոչք արգելուն չառնել ըզգործ ինչ՝ զորոյ յերկբայս իցես զիրաւացի կամ զանիրաւ լինելոյն. քանզի իրաւացին ինքնին արտափայլէ. իսկ երկմնութիւն զանիրաւախոհութե տայ զնշանակ:

Ի. Եւ հանդիպին բազում անգամ ժամանակք այն պիսիք յորս որ ինչ իրք արժանաւորք երեւին առն արդարոյ, և մարդ բարի 'ի մէնջ անուանելոյ, փոփոխին, և հակառակքն գործին. զոր օրինակ հատուցանել զաւանդն, զխոստմունան կատարել, և որ այլ ինչ այսպիսիք իցեն՝ որ առ ճշմարտութիւն և առ հաւատս ակնարկեն, զսոսին յեղաշրջել ըստ տեղւոյն, և ոչ պահել:

1 Բրեմէս ոմն դերասան 'ի րանի զայս բան, 'ի քրքիջ մեծ ծաւիում 'ի կատակերգութեցն Տէրու զունկնդիրսն ասի զարթուրենտեայ բարբառեալ 'ի տեսացեալ:

արդարացի լինի գործ : 1) ամեն զի վայել է վերածել 'ի հիմունս անդր արդարութեան՝ զորս 'ի սկզբն անդ եղի առաջի . նախ՝ զի մի լիցի ումեք փնասել . և երկրորդ՝ զի 'ի պետոս դայցէ հասարակաց օգտի : 2) փոփոխել ժաւմանակաց՝ փոխի և պատշաճն , և չմնայ միշտ նոյն : 3) անդի է երբեք զի խոստումն ինչ և դաշն՝ չէ ինչ օգուտ թէ կատարեսցի . անօգուտ կամ այնմ՝ առ որ խոստումն եղև , և կամ այնմ որ խոստացաւն : () Ի եթէ որպէս յառասպելն ասի , Պոսիդոն չառնէր զոր խոստացաւն (Ս) Եսէոսի , (Ս) Եսէոս ոչ որքանայր յորդոյ իւրմէ Հիպոդիտայ . քանզի յերկց անտի ըղձութեանց , ըստ գրեցելումն երրորդ այն էր՝ զի 'ի ժամ բարկութե խնդրեաց զկորուստ Հիպոդիտայ , և 'ի կատարման անդ իրացն սուգ մեծ զգեցաւ : 1) պա և ոչ այն խոստմունք պահելի են , որ անօգուտ իցեն որում խոստացարդ . և ոչ այնդքիկ՝ որ առաւել փնասեն քեզ՝ քան թէ օգտեն որում խոստացարն : Հակառակ պատշաճից է՝ ոչ նախապատիւ արնել զմեծն քան զփոքր . զոր օրինակ եթէ եղեալ իցէ քո քանս՝ գալ 'ի փաստաբանութիւն առաջիկայ դատիդ , և յայնմ վայրի որդին քո ըմբռնեսցի 'ի ծանր խօթութիւն , ոչ է հակառակ պատշաճից՝ չառնել զոր խօսեցարն . մանաւանդ անպատշաճս գործէ այն որում խոստումն եղև՝ եթէ տրտնջեսցէ որպէս լքեալ առ 'ի քէն : 2) Ես առաւել , ոչ ոչ գիտիցէ եթէ չէ արժան կատարել զայն խոստմունս՝ զորս արարեալ իցէ ուրուք բռնադատութեամբ երկիւղի , և խաբանօք դաւանաց . և յորովք ազատ կացուցանին 'ի սոցանէ դատաւորական իրաւամբք , և կէսք օրինօք :

Բազում այն է զի անիրաւութիւնք գործին և խարդախանօք իւրիք , այս է ճարտարարուեստ և խորամանկ թարգմանութեամբ իրաւանց . ուստի յառակա եղև ասել . « 3) այրագոյն իրաւունք՝ ծայրագոյն է անիրաւութիւն » : 4) Ես այսու օրինակաւ բազում ինչ լինի յանցանել 'ի հասարակաց պետութեան . որպէս այն՝ որ վասն զի երեսուն տիւ սահմանեալ էր պարսպոյ հաշ-

1 Թեսէոս հրաման առեալ 'ի Պոսիդոնէ խնդրել զինչ և կամեսցի , հայցեաց՝ ասեն առասպելք՝ զերիս զայստիկ . և , զի գարձ ա-

րացէ 'ի սանդարամետաց . ք , զի 'ի բաւիղն արձակեսցի . և ք , զի մեռցի որդին իւր Հիպոդիտոս՝ որ զըպարտեալն էր 'ի փեղրայ :

տուութեան ընդ թշնամւոյն, գիշերի ասպատակէր յանդաստանս նորա. զի ոչ վասն գիշերոյ, այլ վասն տուրնջեան էր ասէ պայմանն¹: Եւ ոչ մերն է գովելը՝ (եթէ ճշմարիտ իցէ) թէ Լուինտոս Փաբլիոս Լաբէոն², կամ թէ այլ ոք (զի 'ի լոյս և եթ Տամբաւոյ ունիմ զայդ) դատաւոր առաքեցաւ 'ի ծերակուտէն վասն որոշման սահմանաց՝ Եղացւոցն և՝ Եւպոլսեցեաց. արդեկեալ (ասեն) 'ի տեղին, ուրոյն ուրոյն խօսեցաւ ընդ կողմանսն երկոսին, զի մի ինչ ազահեցեցն և մի աւելախնդիր լինիցին. այլ լաւ համարեսցին յետս ընկրկել՝ քան յառաջ խաղալ: () այս իբրև արարին երկոքեան, անդաստան ինչ թողաւ 'ի միջավայրին: Եւ զոցա սահմանս՝ որպէս նոքայն անդէին որոշեաց, և զոր 'ի միջոցին թողաւ՝ ժողովրդեանն Հռովմայեցւոց սեպհակա նեաց: Եւ արեւ է այդ, և ոչ դատ առնել. վասն որոյ յամենայնի զգուշանալ արժան է յայդպիսւոյ խորամանկութենէ:

ԺԱ. Եւ ինչ ինչ 'ի պատշաճից և ընդդէմ այնոցիկ 'ի գործ արկանելիք՝ յորոց զըկանս ինչ ընկալար. զի գոյ յեղանակ և՝ վրիժուց և պատժոց: Եւ ոչ գիտեմ, եթէ բաւական իցէ հարստահարողին զղջալ ընդ անիրաւութիւնն զոր գործեաց, որով յայնմ հետէ չառնիցէ նա ինչ յայնպիսեաց անտի, և այլք դանդաղագոյնք գտանիցին յանիրաւութիւն:

Եւ հասարակաց պետութեան առաւելապէս խնամ ունել հարկ է իրաւանցն մարտի. զի որովհետև կրկին ազգք են կռուելոյ, է որ կագելով և է որ բուռն առնելով, յորոց առաջինն մարդումն է սեպհական, և երկրորդն գազանաց, յայնժամ օրէն է յերկրորդն դիմել՝ յորժամ անմարթ իցէ առաջնոյն վարել:

Եւ մին իրի յայն սակս և եթ 'ի պատերազմն օրէն է ձեռն արկանել՝ զի զերծ 'ի զըկանաց 'ի խաղաղութեան լցի կեալ: Եւ յետ 'ի գլուխ տանելոյ զյաղթութիւն՝ պարս է խնայել 'ի նոսա որ չեղենն անագորոյնք կամ ապառումք 'ի պատերազմի. զոր օրինակ մերս նախնիք

1 Քանզի 'ի լատին լեզու նոյն բառ dies, զորև և զօր նշանակէ անխոր:

2 Հռովմայեցի այր:

3 Լաբէոնի հիւպատոս հաւակեալ է որպէս այր բանաստեղծ և իմաստուն և պերճախօս:

զՏուսկուղացիս, զԵկուղացիս, զԼ ղըսկեանս, զԼաբի-
նացիս և զՀերնեանս՝ ի քաղաք անգամ ժողովեցին.
բայց զԼաբեդոն և զԼոմանտիա ի հիմանց տապալե-
ցին. իցէ՝ թէ ոչ և զԼորնթոս. այլ կարծեմ թէ ինչ
մի իմացան նոքա վասն յաջողակութեան տեղւոյն ա-
ռաւելապէս, զի մի լինիցի երբեմն յորդոր պատերազմ
յարուցանելոյ տեղին գլխովին : Բայց ըստ իմումս խոր
հրդոյ, լաւ է միշտ հաշտութեան լինել ի խնդիր՝ ուր
չգուցէ կասկած դաւաճանութեան : Յորում մասին ե-
թէ ինձ անսային, ունել ունէաք՝ եթէ ոչ զամենեւին
լաւն, գէթ տէրութիւն ինչ հասարակաց, որպիսի
չիք զարդիս և ոչ մի : Եւ ընդ այնոսիկ որոց յաղթե-
ցերն զօրութեամբ՝ բարիորդ պարտ է վարել. որպէս և
որք զէնընկէց անձնատուր լինին ի սպարապետն, սի-
րով են ընդունելի, թէպէտ և մանգղիոնի նոցա խախ-
տեալ իցէ զպարիսպն : Յայսմ կարգի այնչափ խնամով
արդարութիւն ի մեւոցս պաշտեցաւ, զի որք քաղաքաց
և ազանց յաղթեալ մարտիւ պատերազմի՝ ընդ հովա-
նեաւ ընկալան զնոսա հաւատարմութեան իւրեանց,
պաշտպանք կացին նոցա ըստ նախնեացն օրինի :

Բայց քաղ ուղղութիւն պատերազմի կարի սրբաբար
օրինադրեցաւ յիրաւունս հռովմէական ժողովրդեան՝
լինել բանիւ իրաւաբան վճռատուի : Յորմէ ի դէպ է
իմաստասիրել՝ թէ չիք պատերազմ արդար, բայց որ
կամ ի դարձ լինի փոխարինաց, և կամ վաղագոյն ազ-
դի և հրատարակի : Պոմպիլիոս՝ սպարապետ ընդ ձե-
ռամբ ունէր գաւառ, և ի գնդի նորա զինուորեալ էր ի
համբակաց կարգի որդին Վատոնի : Եւ յորժամ հա-
ճոյ թուեցաւ Պոմպիլիոսի ի բաց արձակել զլեզէոն
մի, արձակեաց և զՎատոնի որդին՝ որ յայնմ լեզէոնի
էր զինուորեալ : Եւ ի կալ մնալ նորա ի զօրու պա-
տերազմասէր մտօք, գրեաց Վատոնի առ Պոմպիլիոս,
զի թէ յանձն առնու մնալ նմին ի զօրու անդ, պար-
տաւոր արասցէ զնա կրկին երդմամբ զինուորութեան :

1 Ազգք կամ տոհմք ազանց որ ի
հնումն ի լատին բնակեալ մարտ
ընդ հռովմայեցիսն յաճախ յօրի-
նէին :

2 Լաւ ևս թուի հնախօսից Պ .

Եւ ի ինն ընթեռնու կամ իմանալ
տատանօր. զի նա սպարապետ ա-
նուանի եկաց մակեդոնական պա-
տերազմին. իսկ Պոմպիլիոս անուն
օտարոտի իմն թուի սասնէ :

իբր զի կորուսեալ միանգամ զառաջինն՝ ոչ ևս կարէր իրաւամբք մարտնչել ընդ թշնամիս :

Եւսքան էր աշարուրջ զգուշութիւն 'ի յարուցանել զպատերազմ : Կայ նամակ ծերոյն Սարկոսի Կատողնի առ Սարկոս որդին, յորում գրէ . Եւսմ, զի 'ի բաց արծակեալ է զքեզ հիւպատոսն՝ երբ զինաւորն էիր 'ի Սակեդոնիա 'ի պերսեան մարտին . և արդ ազդ առնեմ զգոյշ լինել քեզ չմտանել 'ի պատերազմ : զի չէ օրէն որոց չիցեն 'ի զինուորութեան՝ մարտ դնել ընդ թըշնամուոյ :

ԺԲ . Եւս զայն ևս յուշ առնեմ, զի որ անձամբ անձին մարտիկ հանդիսանայր, այնպիսին հիւր կոչէր՝ մեղմու թեամբ ձայնին զիրացն դժնդակութի ամոքելով : Բան զի զոր այժմ հիւր կամ օտար ձայնեմք, առ նախնեօք պանդուխտ անուանէր : () այդ յայտ առնեն երկոտասան տախտակքն, յասել անդ . « Կամ օր սահմանեալ ընդ օտարի » . և դարձեալ, « Ինդդէմ օտարականի մշտնջենաւոր իրաւունք » : Եւ զինչ աւելի հեզաբանութիւն քան զայդ կայցէ . ընդ որում մարտ մղես՝ այդպիսի մեղմական վարել յորջորջումն . միայն թէ զայդ անուան տակաւ 'ի խստագոյնն վերածեաց հնութիւնն . զի 'ի նժդէհին անձնէ հեռացեալ, մնաց յայնմ՝ զոր զի նուք ընդդէմ ուրուք ամբառնայ :

Եւ եթէ յաղաքտ պետութեան իցէ կռիւն, և մարտիւ պատերազմի խնդիր փառաց, տակաւին հարկ է զի գտցին 'ի նմա այն պատճառք՝ զորս խուն մի յառաջ ասացի լինել արդարացի պատճառա պատերազմաց : Եւ կայն պատերազմունք որ յաղաքտ զփառս տէրութեանն խնդրելոյ գործիցին, ոչ այնչափ դառնութեամբ են մղելի : Բանզի զոր օրինակ այլ ազգ մաքառիմք ընդ քաղաքացւոյ՝ եթէ թշնամի իցէ, և այլ ազգ՝ եթէ պահանջող . ընդ առաջնոյն միցումն է պատուոյ և իշխանութե, և ընդ երկրորդին վէճ՝ զգլխոյ և զհամբաւոյ . սոյնպէս ընդ Վիզտիբերեայսն և ընդ Վիմբրացիս՝ իբրև ընդ թըշնամիս էր մեր պատերազմ, որպէս զի կացցեն և երկու

1 Քանզի ըստ լատին բարբառոյ hostis հիւր և թշնամի միանգամայն նշանակէ . իսկ զպանդուխտս peregrinus կոչեն :

2 Կեղտիբերեայս զՍպանիացիս արն կոչէին նախնիք . Կիւբրացիս զհիւսիսաբնակ ազգին Գերմանիոյ :

քեան, բայց ոչ երկոքեան ևս իշխեսցեն. իսկ ընդ Ստինս, ընդ Սաբինացիս, ընդ Սամնիացիս, ընդ Փիւնիկեցիս¹, և ընդ Պիւռոսի՝ յաղագս տէրութե էրմաքառումն: Փիւնիկեցիք ուխտադրուժք, Ննիբաղ աւագորոյն, այլք արդարագոյն: Վեղեցիկ են յոյժ Պիւռոսին ասացուածք յաղագս դարձուցանելոյ զգերեալն:

Այս ոսկի ինձ խնդրեմ, ոչ գինս ՚ի ձէնջ արծաթոյ:

Այս մարտի սակարկուս, այլ ըզբաջաց ոյժ ազդոյ:

Երկաթով, ոչ ոսկով աղէ լիցուք դիմագրաւ,

Եւ թէ մեզ տացէ զթագ կմ թէ ձեզ բախտ վիճակաւ, Օ օրութիւն փորձեսցուք: Եւ հակիրճ ձեզ այս իմ բան:

Երոց բախտն անխայեաց ՚ի մեծ կորով զօրութեան, Եւ նոցին անխայեամ յազատութիւն անկասկած:

(Իս առէք ՚ի պարզեւ, տամ ես ընդ դիցնն մեծաց:

Երդարեւ թագաւորական, և այսսեան տոհմին արժանաւոր վճիռ:

ԺԳ. Եւ եթէ մի մի յըմբռնելոցն ըստ ժամանակին՝ խոստացեալ ինչ իցեն թշնամոյն, պարտ է հաւատարիմ ՚ի խոստմունսն լինել: Օ որ օրինակ յառաջնումն պունիկեան մարտի հռեգուցոս ձերբակալ ՚ի Փիւնիկեցւոցն եղեալ, յորժամ ՚ի հռովմ արձակեցաւ վասն զգերիս փոխելոյ, երդումն տուեալ վասն դարձի, նախ ընդ գալ իւրում յայտ արար յատենի ծերակուտին՝ թէ ոչ բարւոք ինձ թուի յետս տալ զգերեալն. և ապա մինչդեռ մերձաւորքն և բարեկամք պինդ ունէին զնա, ըստրեաց դարձ առնել ՚ի պատուհասի տեղին՝ քան ՚ի հաւատարմութենէ խոստմանն տուեցելոյ առ թշնամին վրիպել:

*² Իսկ յերկրորդումն պունիկեան պատերազմի ըզհետ լաննեայ ճակատամարտին, արս տասն արձակեաց Ննիբաղ ՚ի հռովմ, երդմնի արարեալ զնոսա, զի թէ ոչ յաջողեսցին փրկանաւորել զգերեալն, անդէն զնոսալ եկեսցեն. և համարակալքն ՚ի հասարակաց գամնուց դարմանեցին զամենեսեան զնոսա ցորչափ կեցինն, ևս և զմին ՚ի նոցանէ՝ որ երդմնազանց գտեալ

1 Իմա զԿարբեդոնացիս, որ բազումն ՚ի գրչագրաց, և յերկուս Պունիկեանք ևս կոչին:

2 Եստեղանիչս այս հատուած վինչե ցմիւս նշանակն պակասէ ՚ի զատուժիւն բանինցն:

էր : Վրանգի հրամանաւ Ննիբաղայ ելեալ նորա ըստ բանակն , և յետ սուղ ինչ պահու անդրէն դարձաւ , որպէս թէ զմոռացեալն ինչ կամէր ասել . ապա միւս ևս անգամ մեկնեալ 'ի բանակէն՝ ազատ յերդմանէն զանձն իւր համարէր . այլ բանիւք չափ էր ազատութիւնն այն , և ոչ արդեամբք . իսկ 'ի հաւատարմութեան իրս ցանգ 'ի միտս քո պարտիս ուշ ունել և ոչ 'ի բանսդ : Եւ օրինակ մեծ յոյժ թողին մեզ նախնիք զարդարութեան 'ի վարել ընդ թշնամիս , այնու՝ զի յորժամ այր փախստեայ 'ի Պիւռոսէ առ ծերակոյտն եկեալ՝ բան տայր դեղամահ սպանանել . զաղբայ , ծերակոյտն և Լ . Փաբրիկիոս ետուն զփախստեայն 'ի ձեռս Պիւռոսի : Եւ յայտն և ոչ զառն թշնամուց և հզօրի և անպատճառ 'ի մարտ մատուցելոյ զկորուստն յանձն առին դաւով լինել* :

Եւ յաղագս պատերազմական պարտեաց և պատշաճից այսչափ ինչ հերիքացի :

Յուշ լիցի մեզ , եթէ առ անաւագս անգամ արդարութիւն է պահելի : Եւրդ անաւագ աշտիճան և վիճակ՝ ծառայիցն է : Ոչ անբարիս օրինադրեն՝ ոյք հրա մայեն այնպէս վարել ընդ սոսա , որպէս ընդ վարձկանս . այս ինքն է զգործ պահանջել , և զարդար առնել զհատուցումն : Եւ քանզի կրկնակի լինի անիրաւ , այս է , կամ բռնութեամբ և կամ նենգաւ , նենգն աղուխու զողջես անկ , բռնութիւնն առիւծու . երկոքեան իսկ օտար ամենայնիւ 'ի մարդոյ , այլ նենգն առաւել ատելլութեան արժանաւոր : Վրան զամենայն անիրաւութիւս զլիաւորագոյն այն է , զոր առնիցէ դր սակս երևելոյ այր բարի : Եւ յաղագս արդարութեան շատ լիցին ասացեալքս :

ԺԴ . Եւ յամ է այսուհետեւ ասել ըստ խոստացելոյ կարդիս՝ յաղագս բարերարութեան և առատաձեռնութեան , քան զոր չիք ինչ յանկաւորագոյն բնութեան մարդոյ . սակայն և աստ բազում զգուշութեան պէտք են : Վրանգի նախ զառաջինն պէտք են հայել՝ զի մի 'ի փնաս լինիցի բարերարութիւնն , եթէ այնոցիկ՝ որոց մարդասիրեն կարծեմք , և եթէ այլոց : Եւրկրորդ՝ զի մի առաւելագոյն իցէ մարդասիրութիւնն քան զկար զօրութեան : Եւ երրորդ , զի ըստ արժանեաց իւ-

րաքանչիւր լինիցի : Վանդի այս հիմն է արդարութե՛ ,
յոր արժան է և զամենայն վերածել : Աման զի որք
միանգամ չնորհ այնպիսի առնեն ումեք , ուստի փնաս
հասանիցէ նմա փոխանակ օգտի , ոչ բարերարք և ոչ
պարզեւատուք են համարելի , այլ մարդահաճոյք փնա-
սակարք : Այլ որք ումանց փնասեն՝ զի այլոց բարերարես-
ցեն , ՚ի նմին անիրաւութեան են , որպէս այն թէ զօ-
տարինն յիւրեանս ձգիցեն : Բազումք այնոքիկ են , և
առաւել փառասէքք և պատուախնդիրք , որք ՚ի կիսոց
յափշտակեն՝ զի յայլս առատաձեռնեսցեն . և այսպի-
սիք համարին յանձինս՝ եթէ բարերար առ բարեկամս
իւրեանց երևեսցին , եթէ հարստացուսցեն զնոսա ու-
րով օրինակաւ և իցէ : Իսկ այդ այնչափ օտար է ՚ի պատ-
շաճից , զի և չկարէ լինել ինչ այնպէս հակառակ պատ-
շաճից : Բայա ուրեմն պէտք են տեսանել զայնպիսի վա-
րել մեզ առատաձեռնութիւն , որ օգտեսցէ բարեկա-
մաց , փնասեսցէ և ոչ ումեք : Ամին իրի զԱիդդային և
զԱեսարու զփոխաբերութիւն ընչից յարդար տերանց
առ օտարս՝ ոչ առատաձեռնութիւն արժան է կարծել-
զի չէ և չէ ինչ ազատական՝ որ ոչն իցէ և արդար :

Այլու ևս կարգ զգուշութեան էր՝ չանցանել մար-
դասիրութեան ըստ չափ կարողութեան և գոյից . զի
որք մարդասիրապոյն կամին լինել քան զարժանն , նախ
այնու իսկ յանցանեն՝ զի անիրաւին առ մերձաւորս .
վասն զի որչափ ինչ ՚ի սոսա մատակարարել և թողուլ
իրաւացի էր , առ օտարս զնոյն փոխանցեն : Այլ է յայդ-
պիսում առատաձեռնութեան բազում անգամ զօշա-
քաղութիւն և կեղեքումն անիրաւ , որպէս զի ունի-
ցին ինչս բաւական ՚ի պարզեւաբաշխութիւն : Այլ է
իսկ տեսանել զյոքունս յայնցանէ որ ոչ այնչափ ՚ի բնէ
են առատաձեռն , քան ՚ի փառամոլութենէ , բարերարս
երևելոյ զի բազում ինչ առնեն՝ առաւել առ աչս մարդ-
կան , որպէս թուի , քան ՚ի յօժարութենէ կամաց :
Իսկ այդպիսի կեղծաւորութիւն կից է մանաւանդ ընդ
ունայնութեան՝ քան ընդ ազատականութեան կամ
ընդ համեստութեան :

Երրորդ խնդրելին էր , զի ՚ի բարերարութեան ընտ-
րութիւն արժանաւորութեան լինիցի . և յայսմ մասին
պարտ է հայել ՚ի բարս նորա՝ ում բարերարեմքն , և

ի սիրտ նորա ՚ի մեր կոյս, և ՚ի կենաց կցորդութիւն և ՚ի քաղաքավարութիւն, և ՚ի ծառայութիւնս նորա առաջինս վասն մերոյ օգտի: Արդ ըղձալի է զի այս առ մենայն միահամուռ գտցին. ապա թէ ոչ յողովագոյն և մեծահարկի պատճառք կայցեն ՚ի միջի:

ԺԵ. Եւ քանզի կեամք ոչ ընդ արս կատարենալ և տիրապէս իմաստունս, այլ ընդ այնոսիկ որոց բարիս առնել գովելի է, եթէ իցեն ՚ի նոսա կերպարանք առաքինութեան, վասն որոյ լաւ վարկանիմ յուշ առնել և զայս, թէ չէ՞ արժան անտես առնել և ոչ զոր՝ յորում նշմար ինչ առաքինութեան երևեսցի. այլ առաւել այնպէս պարտ է պատուասիրել զիւրաքանչիւր դր, զի իւրաքանչիւրն առաւել իցէ զարդարեալ թեթեւագունիւքս այսոքիմք առաքինութեամբք, համեստութեամբ, բարեխառնութեամբ, և սովին այսու՝ զորմէ բազմօք խօսեցաք ցայս վայր, արդարութեամբ: Վնա՞ն զի քաջասրտութիւն և մեծասրտութիւն յայր օչ կատարեալ և օչ իմաստուն՝ բազում անգամ եռանդուն ևս է. իսկ այդ առաքինութիւնք յայր բարի մանաւանդ յարեանալ երեին:

Այսոքիկ ՚ի մերմէ կողմանէ բարեխառնութիւնք: Եւ ըստ բարեսիրութեան այլոց առ մեզ՝ նախ այն իսկ է ՚ի պատշաճից սակի, զի շատ երախտապարտ ըցուք այնմ որ շատ սիրէ զմեզ. այլ զբարեսիրութիւն ոչ ըստ օրինի երիտասարդագունից կռեցցուք վառմամբ իւրի սիրոյ, այլ առաւել հաստատուն և անյողդող մտօք: Ապա եթէ կայցեն արդիւնք, փոյթ մեծ պիտի՝ ոչ զի սկսցուք, այլ զի հատուցուք և շնորհս. զի չիք ինչ պարտուպատշաճ ծառայութիւն կարեարժեք և զշնորհահատոցն լինել:

Օ ի թէ զյանձնութ առեալ իրս՝ մեծաւ ևս չափով, եթէ կարող միայն իցես, հատուցանել հրամայէ Եւսիողոս՝, զինչ ոչ պարտիմք առնել ընդ երախտօք զրաւեալք. ոչ ապաքէն արժան է նմանողս լինել անդոց պտղաբերաց, որ բազմօք առաւել տան՝ քան զոր առնուն: Օ ի եթէ զնոսա յորոց ակնունիմք օգտից ինչ հանդիպել ոչ ինչ դանդաղիմք պատուասիրել, որպէս

1 «Նովին չափով, և լաւագոյն՝ թէ մարթիս». Եփե. Գ. րծ. և Տիմ.:

վարիցիմք ընդդէմ իր արդէն օգտեցին : () ի ուր
կրկին ազգք են արդարականութեան , մին երախտիս
առնելոյ , և միւրիւ երախտահատոյց լինելոյ , առնելն
կամ չառնել զերախտիս ընդ մերով իշխանութեամբ
է . իսկ չհատուցանելն՝ ոչ է օրէն առն բարւոյ , միայն
թէ առանց անիրաւութեան զայդ առնել կարող իցէ :

Եւ յընդունելութեան երախտեաց արժան է ընտ-
րութիւն առնել . վասն զի չիք տարակոյս , թէ մեծա-
գունին առաւելապէս եմք պարտապան . բայց յայսմ
նախ պէտք են կշռադատել՝ թէ իւրաքանչիւր որ որով
ողուով և փութով և բարեսէր կամքք արարեալ իցէ :

() ի բազումք բազում ինչ առնեն յանխորհուրդոյ , ա-
ռանց կշռութեան կամ չափու և եղանակի , յամե-
նայն մարդիկ բերեալք յեղակարծ իմն յարձակմամբ
ողոյ՝ որպէս հողմով . արդ այսպիսի երախտիք ոչ նոյն
պէս մեծ ինչ են գրելի , որպէս որ գիտութեամբն լի-
նին և խորհրդով և հաստատուն մտօք : Եւ յե-
րախտահատոյցն լինել և ՚ի չնորհակալիս , եթէ այլով
մասամբ հաւասարք իցեն , այս է առաւել ՚ի պատշա-
ճից սակի , զի ըստ առաւել կարօտելոյ իմիք առն առն՝
առաւելապէս լինիցի որ նպաստամատոյց . զորոյ զհա-
կառակն գործեն յոլովք . զի յումնէ առաւելագունի
իմիք ունին ակն , թէպէտ և անկարօտ իցէ նա , սակայն
նմին սպասահարկեն առաւելութեամբ :

ԺԶ . Գեղեցիկ պահի մարդկան ընկերութիւն և ըն-
դակցութիւն , եթէ ըստ առաւելագոյն մերձաւորու-
թեան՝ յաճախագոյն ցուցցի ումեք մարդասիրութիւն .
այլ արժան թուի խորագոյնս հետազօտել , թէ որ այն
իցեն ՚ի բնէ սկզբունք հաղորդակցութեան և ընկերու-
թեան մարդկութեանս : Եւ անդի առաջին այն է՝ որ նըշ-
մարի ՚ի միաբանութեան համբռն ազգի մարդկան . և
սորայս զօդ է բան և բանականութիւն , որ ուսուցանե-
լով , ուսանելով , հաղորդելով , պայքարելով , դատելով
դաշնաւորէ զմարդիկ ընդ միմեանս , և զօրէ գնոսս բնա-
ւորական իմն ընկերութեամբ : Եւ ոչ այլով իւրք այն
չափ հեռի գտանիմք յանբանիցն ՚ի բնութենէ յորս
ստեպ ստեմք թէ գոյ արիւնութիւն՝ զոր օրինակ ՚ի ճիս

1 Մանաւանդ ՚ի լատին բար . բիութիւն է և ուժեղակութիւն :
բառ , զի առ նոսա fortitudo և ա .

և յառիւծունս . իսկ արդարութիւն , ուղղութիւն և բարութիւն՝ ոչ երբէք , վասն զի անբանք են և անխօսունք :

Եւս ճոխափայլ ընկերութիւն մարդոյ ընդ մարդոյ , և ամենեցուն ընդ ամենեսին այն է՝ յորում պարտ է պահել զհաղորդութիւն իրաց ամենայնի , զորս ընձեռեաց բնութիւնն՝ ի պէտս հասարակաց . իբր զի որ միանգամ զրեալ կան յօրէնս և ի քաղաքական իրաւունս՝ այնպէս պահեսցին անդապէս , որպէս և սահմանեալ իսկ է , և ի սոցունց աստի այլքն այնպէս տնօրինեսցին՝ որպէս առակն է Հելլենացոց . “ Բարեկամաց ամենայն ինչ հասարակաց է , , : Բրդ ամենայն ինչ մարդկան հասարակ՝ այն իբր թիւին , որ են յայնմ ազգէ՝ որ յձննիոսէ յայս ինչ իրի սահմանեալ մարթի ի բազումս փոխաբերի .

Որ ուղեցոյց մոլորելոյն սիրով կայ ,

Որ առեալ գոգցես լոյս ի լուսոյն իւրմէ տայ .

Որպէս զի ոչ պակասեսցէ լոյս նրմա :

Ի միոյ աստի բանէ շատ իսկ խրատ ընծայի , զի զոր ինչ առանց ֆնասու մարթ է յանօթ տալ՝ տալուք զայն և անծանօթին :

Բնտի և այն հասարակաց բանք . մի արգելուր զջուր ինքնահոս : Թողացո հուր ի հրոյ լուցանել թէ կամիցի որ : Տուր վարանելոյն խորհուրդ հաւատարիմ . որք օգտակար են որոց առնուն , և ոչ ծանր որոց տանն : Որ ասն որոյ և զայսոսիկ արժան է ի կիր արկանել , և միշտ մատուցանել ինչ մի յօգուտ հասարակաց : Եւ քան զի չափ փոքր է իւրաքանչիւր անձին , իսկ կարօտելոցն անչափ է բազմութիւն , ուսմկական առատաձեռնութիւնն վերածելի է յայն սահման յձննիոսի . “ Որպէս զի ոչ պակասեսցէ լոյս նրմա , , . իբր զի մնասցէ կարողութիւն առատաձեռն առ մերսն լինելոյ :

ԺԵ . Իսկ աստիճանք ընկերութեան մարդկան բազումք են . քանզի առ խորելոյ յանբաւութենէ անտի՝ հպաւորագոյն է ընկերութիւն նոյն ազգի , գրոհի , լեզուի , որով առաւել միանան մարդիկ : Երծաւորագոյն ևս իմն է՝ նորին քաղաքի լինել քաղաքացի . վասն զի բազում ինչ իբր են հասարակաց առ քաղաքակիցս , հրապարակ , տաճարք , ճեմելիք , ճանապարհք , օրէնք ,

իրաւունք, դատաստանք, քուեայք . ևս և սովորութիւնք, ընտանութիւնք, և բազմաց ընդ բազումս բանք և դաշինք : Եւ ևս անձուկ կապակցութիւն ընկերութեան է 'ի մէջ ազգականաց . զի յամբաւութենէ անտի ընկերութեան մարդկային ազգի 'ի զոյգն ինչ և 'ի նեղազոյն ամբոյնի :

Օ ի որովհետեւ 'ի բնէ հասարակ է այս կենդանեաց, ունել զորդեծնութեան ցանկութիւն, առաջին ընկերութիւն 'ի լծակցութեան անդ է . յետ նորա 'ի զաւակս . այնուհետեւ 'ի միում տան ամենայն ինչ է հասարակաց : Եւ այս իսկ է սկզբնաւորութիւն քաղաքի, և որպէս թէ սերմնարան տէրութեան հասարակաց : Յետոյ գան ընդակցութիւնք եղբարց, ապա եղբորորդոց և քեռորդեաց, որք իբրեւ չկարեն 'ի միում տան օժանդակիլ, 'ի սունս բաժանին իբրեւ հատուածք զաղութականութեան : Օ հետ գան ամուսնութիւնք և խնամութիւնք, և 'ի սոցանէ ևս բազմապատիկ տոհմակցութիւնք : Եւ այս սերունդ և զաւակագործութիւն սկիզբն է պետութեան հասարակաց : Եւ արեան մեր ձաւորութիւն զօդէ զմարդիկ սիրով և մարդասիրութեամբ : Օ ի մեծ ինչ է զնոյն ունել յիշատակս (կամ զչիրիմս) նախնեաց, զնոյն պահել կրօնս, և հասարակաց ունել զգերեզմանս :

Եւ յամենայն ընկերութեանց միջի չիք այնպէս գերապանծ, և ոչ այնպէս հաստահիմն, որպէս յորժամ արք բարիք համաբարոյք միացեալ իցեն ընտանութեամբ : Եւ ան զի պատշաճն այն՝ զոր ստէպ յեղյեղեմք, թէպէտ և յայլում ումեք 'ի մէջ նշմարեսցի, սակայն և զմեզ շարժէ, և բարեկամս զմեզ առնէ ընդ նմա՝ յորում երևի այդ լինել :

Եւ թէպէտ և ամենայն առաքինութիւն յինքն զմեզ յանկուցանէ, և տայ մեզ սիրել զայնոսիկ յորս ինքն գտանել թուի, սակայն առաւելապէս զսոյն ներգործէ արդարութիւնս և առատաձեռնութիւն . վասն զի չիք ինչ այնպէս սիրելի և շաղկապիչ, որպէս համաբարոյնութիւն լաւաց . քանզի յորս նոյն փոյթք են և նոյն կամք, յայնպիսիս զուգապէս այր ընդ եղբօր զուարթանաց որպէս ընդ անձին . և եղանի այն ինչ զոր Պիւթագորասն կամի 'ի բարեկամութեան, միութիւն 'ի բազմաց

լինել: Ս'եժ է և հաղորդութիւն ծագեալ յերախտեաց առ միմեանս եղելոց. որք յորժամ փոխադարձք իցեն և ձրի յերկաքանչիւր կողմանց, զօդեն զնոսա հաստաւ տուն ընկերութեամբ:

Եւ յորժամ ընդ ամենայն յաժեսցիս մտօք և բա նիւ, յամենայն ընկերութեանց միջի չիք այլ ծանրագոյն և պատուական իբրեւ զայն, որ ընդ հասարակութիւն և ընդ իւրաքանչիւր ոք 'ի մէնջ: Արեւի են ծնողք, սիրելի զաւակք, տոհմակիցք, ընտանիք. այլ զւորորն բոլորեցիւնց սէր՝ միակ հայրենիք բովանդակեալ ունի. ոյր փոխաբանակ ո՞ր 'ի լաւաց դանդաղեսցի 'ի մահ դիմել, եթէ ունիցի օգուտ գործել նմա: Սմին իրի ևս քան զևս անբերելի է անագորոյն բարք նոցա, որք հերձիչք եղեն հայրենեաց ամենայն ժանտագործութեամբ, և 'ի բնաջինջ առնել զայն 'ի հիմանց պարապեցան և պարապին:

Եւ այց եթ խնդիր ընկիցի և զուգակշռութիւն, ոյց ոմանց առաւել պարտ իցէ հատուցանել զպաշտօն պատշաճից. նախապատիւ եղիցին հայրենիք և ծնօղք, որոց երախտապարտ եմք առաւել. ապա զաւակք և տունս համօրէն՝ որ 'ի մեզ և եթ պատկանի, և չկարէ ունել զայլ ապաստան. յետոյ կարեօր մերձաւորք, ընդ որս կից է բազում անգամ և բախտ մեր հասարակաց: Ս' անս այսորիկ զհարկաւոր նպաստս կենաց՝ սոցա պարտիմք առաւել զորս ասացիդ. իսկ կենանք և կենաց կըցորդութիւն, խորհուրդք, զըոյցք, յորդոր, մխիթարութիւն, է զի և յանդիմանութիւն, 'ի բարեկամութիւնս մանաւանդ ունին զտեղի. և այն բարեկամութիւն է զուարճալի քան զամենայն՝ զոր համաբարոյ բնութեան զուգեալ իցէ:

ԺԸ. Եւ յայս ամենայն պարտուպատշաճ՝ ծառայութիւնս՝ տեսանել արժան է, եթէ զինչ ինչ առաւել հարկաւոր իցէ իւրաքանչիւր ումեք. և զինչ ինչ իւրաքանչիւր 'ի նոցանէ առանց իսկ մեր կարող իցէ ածել զբաւմբ, և կամ ոչ կարիցէ: Եւ այսպէս ոչ նոյն աշտիճանք ընին կարեաց՝ որպէս ժամանակաց: Եւ ծառայութիւնք՝ որք առաւել ոմանց քան այլոց պիտին. զոր օրինակ դրացւոյն վաղագոյն օգնեա 'ի ժողովել զսրտուղս, քան եթէ եղբօր կամ ընտանւոյ. ապա ե

Թէ վէճ՝ իցէ 'ի դատաստանի, մերձաւորիդ և բարեկամիդ առաւել պաշտպան կաց քան դրացւոյն։ Օայստօրիկ և զայսպիսիս պարտ է քաջ դիտել յամենայն գործս պատշաճից, և սովորութիւն առնել կրթանօք, որպէս զի մարթացուք բարւոք մատակարար լինել պատշաճիցն, և յաւելլով և կարճելով տեսանել զոր մնայն բովանդակութիւն . յորմէ 'ի միտ առնուցուս, Թէ որչափ ինչ պարտիմք իւրաքանչիւրոց։

Ըստ զոր օրինակ ոչ բժիշկք, ոչ զօրավարք և ոչ փաստաբանք, Թէպէտ և հմուտք իցեն կանոնաց արուեստին, կարող ինչ են առանց մարդից և վարժութեան 'ի գլուխ տանել գործ արժանաւոր գովութեան մեծի, սոյնպէս և կանոնք պահէրց զպատշաճն աւանդել աւանդին, որպէս և մերս առնեմք, այլ մեծութիւն իրացն պահանջէ և զմարդս և զվարժութիւն։ Բայց արդ ըստ բաւականին գոգցես ասացաք՝ եթէ յիրաց եղելոց յիրաւունս մարդկային ընկերութեան որով օրինակաւ քաղի վայելուչն, յորմէ և պատշաճն յարգարի։

Ետանօր պարտ է խելամուտ լինել, եթէ 'ի քառեակ տեսակաց միջի նախակարգելոց՝ յորոց յառաջ զայ համեստութիւն և պարտուպատշաճ ծառայութի, առաւել քան զառաւել պանծալի տեսանի այն որ եղաւ 'ի մեծանձն սրտէ, որ վսեմամիտ իցէ և արհամարհող մարդկային իրաց։ Սին իրի դիւրապատրաստ նախատինք են մեծ՝ զոր դէպ լիցի ասել՝ .

Երիտասարդք դուք կանացիք,

Օայդ առնացի կին տեսէք։

Եւ կամ զայս օրինակ² .

Հապա յաւար, ո՞ Սաղմակեան,

Ըռանց քրտանց և արեան։

Օտրին հակառակն է տեսանել 'ի գովեստս . զի ըզգործս մեծանձնութեան և զարիական քաջութեան և զվեհապանծութեան՝ չգիտեմ որպէս լիաբերան դրուս տեմք։ Յայսմանէ է ընդարձակն այն ասպարէզ բանից հոգեորոց զՍարաթովնէ, զՍաղմինեայ, զՍղատէայ, զԹերմուպիղայց, և զԷկտրայց։ Ետի և մերս Կոկ

1 Ըստ Եննիոսի, կամ այլում իրա, զորմէ վիպէն առասպելք՝ ումք քերթողի։ կնատիչ ունել զօրութիւն։

2 Սաղմակիս աղբիւր էր 'ի Կա

դէս, աստի՛ Վեկոսեանք, աստի՛ Սկեպիոնեանք՝ ինչոն
և Պոքղիոս, աստի՛ Սարկոս Սարկեղոս, և այլ ևս ան-
թիւք, ևս առաւել ժողովուրդն հռովմէական ինքնին
զլիտովին գերազանց գտանի մեծանձնութեամբ։ Վոյթ-
պատերազմական փառաց յայտնի լինի և յայնմ, զի
զանդրիս իսկ տեսանեմք իբրև ՚ի զարդ զխուորութե-
կանգնեալս։

ԺԹ. ՄԵՂԼ այն փրացումն ոգւոյ որ ՚ի վիշտս վտանգի
և ՚ի վաստակս երևեալ, եթէ անմասն իցէ յարդարու-
թենէ, և մաքառիցի ոչ վասն հասարակաց փրկութե-
այլ վասն անձին օգտաշահութեանց, մոլեկան է։ Սի
ոչ միայն չէ այդ ՚ի սահմանի առաքինութեան, այլ
մանաւանդ անագորոյն մտաց է, որ զամենայն ցրէ ըզ-
մարդկութիւն։ Սորին վասն իմաստութեամբ սահմա-
նի արիութիւնն ՚ի Սոյիկեանց, յորժամ ասեն զայն
Սաքինութիւն մրցական ՚ի կողմանէ արդարութեան։
Սան այսորիկ ոչ որ է որ զարիութեան ստացաւ ըզ-
փառս դաւաճանութեամբ և չարութեամբ, և գովու-
թեան եղև ժառանգորդ. զի չէ հնար վայելչական լինել
իմիւր, որ անմասն է յարդարութենէ։

Վեղեցիկ ուրեմն է Պղատոնին առասացութիւն.
Ոչ միայն, ասէ, գիտութիւնն որ հեռի իցէ յարդա-
րութենէ՝ խորամանկութիւն առաւել քան իմաստու-
թիւն է յորջորջելի, այլ և անձն պատրաստական դնել
զինքն ՚ի վտանգ, եթէ առ ՚ի յիւրմէ դրդի ցանկութե-
և ոչ ՚ի հասարակաց օգտէն, յանդգնութեան ժառան-
գեսցէ զանուն քան զարիութեան։ Միդ այսուհետև
կամիմք, զի արի և մեծանձն մարդիկ իցեն միանգա-
մայն բարի և անկեղծ. ճմարտասէրք լինիցին, և ոչ
խաբեբայք. որ են ՚ի մասնէ բուն գովեստից արդարուն։

ՄԵՂԼ այն իսկ է դժոխքներ, զի յայսպիսի վսեմու-
թեան ոգւոյ և ՚ի մեծութեան սրտի՝ կարի հեշտեալ
դարանի կամակորութիւն և իշխանասիրութիւն յոյժ։
Վանգի զոր օրինակ ըստ Պղատոնի՝ ամենայն բարք
լակեղեմնացոց վառեալ էր ցանկութեամբ յաղ-
թող լինելոյ, սոյնպէս որչափ որ առաւելու պանծալի
մեծանձնութեամբ, նոյնչափ առաւել կամի ամենեցուն
իշխան լինել, մանաւանդ թէ միայն լինել։ Միդ դը-
ժաւարին է ՚ի ցանկալ անդ գեր ՚ի վերոյ լինել ամենե-

ցուն՝ պահել զհաւասարութիւն, որ յոյժ է յանկաւոր արդարութեան : Իստի յայսմանէ լինի, զի ոմանք ոչ պայքարաւ, և ոչ որ և է իրաւամբ՝ որ հասարակաց, որ օրինաւոր, յաղթիլ յանձն առնուն . և գտանին 'ի ժողովրդեան յորվակի կաշառատութեւ և եղեռնագործք, որպէս զի առաւել մեծութիւնս ստացին, և առաւել վերագոյնք իցեն բռնութեամբ՝ քան հաւասարք արդարութեամբ : Իսլ որչափ դժուարին է իմն, նոյնչափ և գովելի . զի չիք ժամանակ, որում օրէն իցէ անբաժ յարդարութեանէ լինել :

Եւ արդ արի և մեծասիրտ են համարելի՝ ոչ որ առնեն, այլ որ վանեն զանիրաւութիւն : Իսկ ճշմարիտ և իմաստուն մեծանշնութիւնն զհամեստն զայն՝ որում առաւել զհետ երթայ բնութիւնս, 'ի գործս հաստատեալ գիտէ, և ոչ 'ի փառս . և առաւել կամի լինել՝ քան երևել իշխան : Իւանզի և որ կախի զտգէտ խառնաղանձին մոլորութեանէ, այնպիսին մի գրեցի 'ի թիւս վեհիցն արանց : Եւ կարի իսկ զիւրագոյն զրդի 'ի գործս անիրաւ՝ որչափ որ բարձրամիտ է և փառասէր : Եւ այս է ապաքէն զիւրագայթ վայր . զի դժուարաւ որ գտանի, որ յետ յանձին կրելոյ զվաստակս, և 'ի վտանգո լինելոյ միջամուխ, ոչ ցանկանայցէ փառաց որպէս վարձուց գործոց իւրոց :

Ի . Իմենայնիւ արին և մեծասիրտն՝ երկոքումբք ի ըօք առաւել 'ի վեր երևի . յորոց մին հաստատեալ է յանտեսն առնել զարտաքին իրօք, ուր դնէ որ 'ի մտի՝ թէ չէ արժան մարդոյ զարմանալ կամ ցանկանալ կամ զհետ լինել իմիք, բայց միայն որ համեստն իցէ և վայելչական . և ոչ ներքոյ անկանել ոչ մարդոյ, ոչ խոտվութեան ոգւոյ, և ոչ բախտի : Իսկ միւսն է, զի յորժամ զայդ սիրտ ունիցիս զոր ասացիդ, գործս գործիցես ոչ միայն մեծամեծս և կարի օգտակարս, այլ և դժուարինս յոյժ և տարժանաւորս, և լիս վտանգօք կենաց, և յղբունց իսկ իրաց՝ որ կենաց են անկ :

Եւ այս երկուց իրացս բովանդակ պարծանք և մեծութիւն, ըստ նմին և օգտակարութիւն, 'ի վերջնումն անդ է . իսկ պատճառն և բան որ առնէ զոր այր մեծ՝ յառաջնում անդ է : Եւ ասն զի յայնմ է բանն, որ առնէ վեհանշնեայ և արհամարհող մարդկեղէն իրաց :

Եւ այս տեսանի յերկուս՝ եթէ զայն եւթ բարի համարիցիս որ համեստն է, միանգամայն և յամենայն ամբողջմանէ սրտի ազատ իցես: Վանգի և զորս գերապանծ և զարմանալի բազմաց թուին՝ զուգնաբեայ ինչ վարկանել, և քամահել զնոքոք անայլայլակ և հաստատուն խորհրդով, գործ է քաջատրուութեան և մեծանձնութեան. և զորս դառն թուին, ուր բազմապատիկ և պէսպէս հանգիստին այդպիսի զեանք կեննաց և ընչից մարդկան, այնպէս տանել զի ոչ իւր օտարանայցես՝ ի պայմանէ բնութեան կամ՝ ի պատուոյ առն ի մաստնոյ, արիական ոգւոյ է գործ և մեծամուր հաստատութեան:

Եւ ոչ իսկ վայել է այնմ՝ որ ոչ խորտակի յերեսաց երկիւղի, լուծանիլ ցանկութեամբ, և անպարտելոյն ի վատտակոց՝ յողթիլ ի փափկութենէ: Ամսն որոյ և ի սոցանէ է զգուշալի, և խորշելի յարծաթսիրութենէ: Օ ի չիք ինչ այնպէս նշանակ փոքրոգի անձին՝ որպէս սիրել զմեծութիւնս, և ոչ այնպէս համեստագոյն և մեծավայելուչ, որպէս արհամարհել զինչա՝ եթէ չունիցիս, և ի բարերարութիւն վարել և յառատաճեռնութիւն՝ եթէ ունիցիս: Օ գուշանալ պարտ է և ի փառասիրութենէ, ըստ որում ի վեր անդր ասացի. վասն զի կապտէ ի բաց զազատութիւն, ոյր վասն պարտի լինել բովանդակ ճիգն մեծանձն արանց: Այլ արժան հետամուտ լինել և իշխանութե. մանաւանդ թէ արժան է կամ երբեմն չառնուլ յանձն, և կամ երբեմն և հրաժարել:

Վատարկանալ պարտ է և յամենայն ամբողջմանէ սրտի, եթէ ի ցանկութենէ և յերկիւղէ, և եթէ ի վատասրտութենէ և ի հետախտութենէ և ի բարկութենէ. որպէս զի առնութեք կացցէ հանդարտութի և աներկեանութիւն, որ բերէ ընդ իւր զանայլայլութիւն միանգամայն և զարժանապատուութիւն: Եւ առ ևս այնք են և եղեն, որոց ցանկացեալ հանգարտութեանն զոր յիշեցի, ի զբաղմանց հրաժարեցուցին զանձինս, և յանգործութիւն եղեն ապաստան: Եւ որոց սակի և ազնուական փիլիսոփայք և կարի ականաւորք, և ոմանք ոմանք արթունք մտօք և ծանրաբարոյք ի մարդկանէ, ոչ զամբոխին և ոչ զիշխանաց զբարս կարող ե-

դէն բառնալ, և բնականօրէն ոմանք յագարակս՝ զբռնեալք յառանին իրս : Սոցա այն էր միտք՝ որ ինչ և թագաւորաց . իբր զի կարօտասցին և ոչ իմիք, հնազանդեսցին և ոչ ումեք . այլ ազատութեամբ վարեսցին, որում անկ է ըստ կամի կեալ :

ԻԱ. Եւ որովհետեւ միօրինակ այդ է ՚ի կարողութեան ցանկասիրաց և հանդարտելոց, նոքա կարծեն ՚ի ձեռմ բերել զայդ՝ եթէ ինչս բազումս ունիցին . սոքա՝ եթէ շատացեալ գտցին իւրոյին իրօք և սակաւութ : Եւ ոչ միւռն կարծիք է ամենայնիւ անգոմանելի . այլ հանդարտելոցն կեանք է առաւել հեշտ և ապահով, և ոչ այնչափ ծանր կամ դժկամակելի այլոց . իսկ որոց տան զանձինս ՚ի զբաղանս տէրութեան և ՚ի գործել զմեծամեծս, է առաւել բարեբեր մարդկան ազգի, և ճահողագոյն առ պայծառութիւն և ՚ի տարածութի :

Սմին իրի և այնոցիկ թերեւ ներել արժան է յոչն առնուլ յանձինս զհոգ տէրութեան հասարակաց, որք գերապանծ ուշիմութեամբ ճոխացեալք՝ ՚ի վարդապետութիւն զանձինս ետուն . և այնոցիկ՝ որք կամ առ նուազութեան առողջութեան, և կամ յայլ ևս ծանր պատճառաց խափանեալք, ՚ի բաց հրաժարեցին ՚ի հոգոց հասարակաց, այլոց թողլով զկարողութիւն և զգուրութիւն տնտեսութեան սոցին իրաց : Իսկ որոց չկայցեն պատճառք այսպիսի և ոչ մի, եթէ ապիցեն՝ թէ ինքեանք արհամարհեն զայն ինչ իրս՝ որ զարմանալի թուին բազմաց, իշխանութիւնք և պետութիւնք, զայն սիսիս ոչ միայն չգովեմ, այլ և պարսաւանաց գրեմ արժանի : Եւ պարէն անմարթ է չհաւանել դատաստանի այդպիսեաց յայնմ՝ զի զփառս արհամարհեն և յոչինչ համարին . այլ սակայն երեւին յաշխատութեանց և ՚ի տաղտապանաց՝ եթէ վնասուց և եթէ հերքմանց՝ զանգիտել իբրեւ ՚ի վատանունութենէ և ՚ի չարահամբաւութենէ : Օ՛ի են որ ՚ի ձախողակս վերովին, զփափկութիւն՝ ՚ի սպառ անգոմանեն, ՚ի ցաւս են թուլամորթք, անտես առնեն զփառս, վատահամբաւութեամբ կործանին . և յայսոսիկ ևս յողորմօք մնօք :

Եւ որոց տուեալ է ՚ի բնութենէ աջողակութիւն գործոյ, առանց ընդ բանս ինչ ածելոյ պարտ է նոցա ունել զդատաւորութիւն և զգործակալութիւն ՚ի տէ-

րութեան հասարակաց: () Ի և ոչ այլ ազգ մարթ է յոտին կալ քաղաքի, որպէս և ոչ հանդիսանալ մեծանձնութեան: Այլ որոց յանձն առնուն զհոգ տէրութեան՝ ոչ ինչ ընդհատ յիմաստասիրաց, չասացից թէ առաւելագոյն իսկ, պէտք են նոցա ՚ի կիր արկանել զմեծավայելուչ բարս և զարհամարհութիւն մարդկեղէն իրաց, և զոր ստէպն երկրորդեմ՝ զհանդարտութի սրտի և զաներկեանութիւն. վասն զի չէ պարտ նոցա նեղսրբտութեամբ վարիլ, այլ ծանրութեամբ և անայլայլակ ոգւով կեալ:

Այսոքիկ այնչափ առաւել դիւրագործ են իմաստասիրաց, որչափ նուազ հանդիպին ՚ի կեանս նոցա իրք՝ զորս բախտն հարկանիցէ դժբախտութեամբ, և որչափ նուազ ունին կարօտութիւն. թող զի եթէ և ձախող ինչ իրք դիպեսցին, ոչ այնպէս չարաչար կործանին նոքա: Այլ իրի ոչ անպատճառ զմեծագոյն յուզմունս շարժութեան սրտի կրեն, և մեծագունի աշխատութեան պէտս հոգաբարձուք տէրութեան քան զհանդարտեալսն. վասն որոյ պարտ է սոցա մեծ ևս մեծանձնութիւն յանձին բերել, և ազատութիւն յանձկութեանց կրից:

Իսկ որ մնտչին ՚ի գործակալութիւն, զգոյշ լինիցի՝ ոչ լոկ նկատել զի իրքն համեստ իցեն, այլ զի և ունիցի կարողութիւն ձեռն ՚ի գործ արկանելոյ: Այլ և զայն պէտք են դիտել, զի ոչ վայրապար յուսահատ լինի առ վատութեանն, և ոչ կարի յանձնապաստան առ ցանկութեանն: Այլ յամենայն իրս՝ նախ քան զմիջամուխն լինել, պիտոյ է արթուն պատրաստութիւն վաղագոյն:

ԻԲ. Իայց քանզի բազումք են որ զպատերազմական իրս մեծ քան զքաղաքականս համարին, Ժամ է մեղմել զայդ կարծիս: Աման զի յոլովք ՚ի խնդիր եղեն բազում անգամ պատերազմաց առ փառասիրութեան. և այս ստէպ պատահէ ՚ի մեծանձն և ՚ի բազմահանձար անձինս, ևս առաւել է թէ աշողակք իցեն ՚ի գործ զինուորութեան և պատերազմասէրք: Ասկայն եթէ կամիցիմք ճմարտութեամբ դատել, բազում ինչ իրք քաղաքականք՝ մեծ ևս գտան և պայծառ ևս քան զպատերազմականսն: () Ի թէպէտ և (կ)եմիտոկղէս իրա-

ւամբք գովի, և պայծառաւիայլ է անուն նորա՝ քան ըզ-
Սողոնին, և վկայ 'ի մէջ բերի Սաղամիս քաջափայլ
յաղթութեանն, իբրու նախապատիւ քան զխորհուր-
դէն զայն Սողոնի, որով զառաջինն կարգաւորեաց զԼ-
րիսպազացիս. սակայն ոչ փոքր մեծագործութիւն զայս
քան զայն ասել արժան է. վասն զի այն մի անգամ օգ-
տեաց քաղաքին, իսկ սա յաւեժաբար օգտեսցէ. սովին
խորհրդով օրէնք Լթնացւոց պահին, սովին և առաջ-
նոցն սահմանք: Թող զի Թեմիստոկղէս չունի ինչ ա-
սել, եթէ այսու օրհնեցի Լրիսպազին. բայց նա իրա-
ւամբք ասացցէ, եթէ յինէն օգնականութիւն եզրիտ
Թեմիստոկղէս. վասն զի պատերազմն մեղեցաւ խորհրդ-
դով ծերակուտին՝ որ 'ի Սողոնէ էր հաստատեալ:

Օնոյն օրէն է ասել և յաղաքս Պաւսանեայ և ի
սանդրի. զի Թէպէտ և գործովք արութեան սոցա ընդ-
արձակեալ կարծի իշխանութիւն Վեդեմոնացւոց,
սակայն և ոչ դոյզն մասամբ 'ի համեմատութիւն բե-
րել արժան է գնոսա ընդ իկուրդոսին օրինաց և վար-
դապետութեան: Եւ զի յայդց պատճառաց զխտովն ե-
ղև նոցա ունել զօրականս հլուս և առաքինիս: Եւ պա-
քէն և ինձ այնպէս թուէր, թէ ոչ յաւուրս մանկու-
թեան մերոյ Ս. Սկաւրոս 'ի վայր գտանէր քան զՎայ-
իոս Սարիոս, և ոչ 'ի ժամանակին յորում գեղե-
րէաք 'ի գործ տէրութեան, Կ. Կատուղոս քան զԿ.
Պոմպէոս: Ասան զի ասիկար են զէնք արտաքոյ, եթէ
չգուցէ խորհուրդ առնին: Եւ ոչ աւելի օգուտ սե-
տութեանն գործեաց Լիբիկանոս, այլն անհամեմատ և
զօրավար քաջ, 'ի յատակել սատակել անդ զԼուամն-
տիա, քան եթէ 'ի նմին ժամանակի Կաթիկա այր
ստակական, յորժամ զՏիբերիոս Վրակքոս սպան. միայն
թէ վերջինս այս չէ լոկ գործ առնին, այլ 'ի պատե-
րազմական անդր հայի. որովհետև զօրութեամբ քաղ-
կի ել 'ի գլուխ. բայց սակայն և այդ խորհրդով գոր-
ծեցաւ քաղաքականաւ առանց զօրու:

Լյն ինչ է քաջալաւ, որ որպէս լեւմ՝ մախացողս
ունի յարձակեալս յիւր վերայ յաջաղանօք.

Տեղի տուք զէնք պատմութեանին,

Տեղի տացէ պերճախօսի սարդենին:

Թողից զայլ. ոչ ասաքէն 'ի տնտեսել մեր անդ զտէ-

րուծիւն հասարակաց՝ զէնք տեղի ետուն պատմութեանս
նաց. զի ոչ երբէք այնպէս ծանր վտանգ եղև հասարակաց իրաց, և ոչ այնպէս հանդարտութիւն։ Այս օրինակ խորհրդով և հանձարով մերով արագ արագ ՚ի ձեռաց անտի յանդուգն քաղաքացւոց ՚ի վայր անկան զէնք գլխովին։ Այդ ուր ուրէք ՚ի պատերազմի այս պիտի գործեցան գործք մեծամեծք. որ այն յաղթանակ սմին զուգական՝։ Վանդի ինձ օրէն է, որդեակ իմ I) արկոս, պարծել քո առաջի, որում անկ է և ժառանգութիւն փառացն, և գործոց հետեւութի։ II) տուգութեամբ ասեմ, զայս պատիւ ինձ արար լու ՚ի լու բազմաց ինէոս III) անպէտս այրն փառաւորեալ բազմադէմ գովութեամբք պատերազմականօք, յասել անդ, թէ I) զուր ինձ լինէր յաղթանակ ՚ի մէջ ածել երրորդ, եթէ չունէի տեղի յաղթանակի քոյովդ առ տէրութիւն երախտաւորութեամբ։ IV) պա ուրեմն ոչ փոքր են առանին արիութիւնք քան զգլխաւորականս. և առաւել իսկ ՚ի նոսա քան ՚ի սոսա պիտոյ է փոյթ և խընամ ունել։

ԻԳ. I) նշուշտ համեստն այն՝ զոր պահանջեմք ՚ի վըսեմ և ՚ի մեծագործ անձնէ, ներգործի ոչ մարմնոյ այլ հոգւոյ զօրութեամբք. բայց պարտ է կրթել զմարմինն, և այնպէս տնօրինել, զի մարթասցի հպատակել խորհրդոյ և բանի՝ ՚ի կատարումն գործոց և ՚ի տանել վատակոց։ Իսկ համեստն զորոյ զհետ ելեալ եմք, հաստատեալ է ամենայնիւ ՚ի ճիգն հոգւոյ և ՚ի մտածութե, յորում ոչ դոյզն օգուտ մատակարարեն պատմութեանս զգեացն վերակացուք տէրութեան՝ քան զորս պատերազմ մղեն։ Եւ այսպէս բազում այն է զի ըստ նոցին խորհրդոյ կամ ոչ յանձն առնուն զպատերազմն կամ վճարեն, և է երբէք զի ինքեանք հրատարակեն. զոր օրինակ I) արկոսի I) ատուքին (խորհրդով) այն երրորդ պատերազմն պունիկեան. յորում մեռելոցն անգամ զօրեաց հրամանատարութիւն։

I) ասն այսորիկ ըղձալի է առաւել բանն ընտրողութեան քան զքաջութիւն պատերազմական. բայց ըզ

I) Անարկէ ՚ի գաւառաւորութիւն
վատիկնայ, զոր մեծաւ արթնութեամբ և խոհական խորհրդով

ցրեաց Կիկերոն. այլ կարի են պանծանքն, թէպէտ և առ որդին աւսացեալ։

դուշալի չառնել զայդ առ խորշերոյ մանաւանդ 'ի պատե-
րազմէ՝ քան օգտի աղագաւ : Այնպէս պարտ է յանձն
առնուլ զպատերազմ, զի ոչ ինչ այլ, բայց միայն
խաղաղութիւն երեւեսցի ինդրել : Իսկ արիական և
հաստատուն սրտի է գործ՝ ոչ խռովիլ 'ի դժուարինս .
և ոչ ամբոխմամբ՝ ըստ առածին 'ի սանդղոց և 'ի վայր
կործանիլ, այլ վարիլ խոհական մտացն խորհրդով, և
ոչ 'ի բանէն օտարանալ :

II) Իայն թէ այս սրտի է գործ, և այն մեծի հանձա-
րոյ, յառաջագէտ լինել մտօք լինելեացն, և իւրք իրօք
կանխել կարգաւորել՝ զինչ ինչ մարթի պատահել եր-
կաքանչիւր կողման, և զոր պարտ իցէ առնել եթէ դի-
պեացի ինչ, և չառնել ինչ, զորմէ հարկ լիցի երբեմն
ասել . Ոչ կարծէի : Այսօրիկ են մեծ և վեամ ոգոյ
գործք՝ խոհական խորհրդով յանձնապատան եղերոյ :
Իսկ անխորհրդաբար 'ի ճակատ մտանել և ձեռներեց
լինել, բախիլ ընդ թշնամոյն, ապառուժ մտաց է և
գաղանակերպ : Այլ ուր ժամն և հարկն պահանջիցէ,
ձեռն 'ի գործ առնել պարտ է, և նախապատիւ համա-
րել զմահն քան զծառայութիւն և զվատթարութիւն :

Ի Գ. Իսկ յաւեր և յաւար քաղաքաց քաջ միտ դնել
պարտ է, զի մի լիցի ինչ յահուր և անազորոյն մտօք :
Եւ այս է առն մեծի, կշռել զիրան, և ըստ այնմ զչա-
րադործան պատժել, զխառնիճաղանճն պահել . յամե-
նայն յաջողուածս զուղիղն և զհամեստն պինդ ունել :
Վանդի զոր օրինակ են որ ըստ յառաջագոյն ճառե-
լոցս՝ զպատերազմական իրս նախապատիւ համարին
քան զքաղաքականս, սոյնպէս գտանիցես զյորովս՝ որոյ
առաջի պանծալիք և մեծամեծք թուին վտանգաւոր և
ջերմ մտածութիւնք քան զհասունս և զհանդարտս :

Ոչ երբէք ոչ ուրեք 'ի վտանգէ խուսափել արժան
է, որով անզօր և վատասիրտ երեւցիմք :

Այլ արժան է խոյս տալ և յայսմանէ, մի անձամբ
զանձինս 'ի վտանգ արկանել անպատճառ . քան զոր ոչ
ինչ է անմտաբոյն : II) ամս այնորիկ 'ի բերիլ 'ի վտանգս՝
զբռնկացն սովորութեան 'ի դէպ է զհետ երթալ . որք
զթեթեւ խօթացեալս մեղմով դարմանեն, իսկ ցաւոյն
ծանրագունից հարկին ածել զվտանգաւոր և զանստոյգ
դարմանս : II) ամս որոյ 'ի հանդարտութեան՝ հակառա-

կաց ցանկալ միրկաց՝ անմտի է . իսկ հնարս հայթհայթել միրկի զիարդ և է օրինակաւ , իմաստնոյ . և այնչափ ևս , որչափ առաւել շահել ունիս զբարիս յերս գործոյն , քան զչարիսն՝ ի կալն յերկուանալի վիճակի : Այլ վտանգքն իրաց կէս մի՝ ի գլուխ միջամուխ եղելոցն քան , և կէս մի տերութեան հասարակաց . և դարձեալ են՝ ի գործոց որ ի վտանգ կենաց կարգին , և են որ փառաց և երախտեաց քաղաքացւոց . արդ առաւել դիւրապատրաստ պարտիմք լինել ի վտանգ անձանց՝ քան հասարակացն . և կամակար մարտնչիլ ի սակս պատուոյ և փառաց՝ քան վասն այլոց ինչ դիւրութեանց :

Բազումք գտան որք պատրաստ էին ոչ զինչս ևեթ , այլ և զկեանս անգամ տալ վասն հայրենեաց . որք և ոչ փորք զեան բերել իւրեանց փառացն յանձն առնուին , նա և ի պահանջել անգամ տերութեն : () որ օրինակ լալ լիկրատիդաս զօրավար եղեալ | ակեղեմննացւոց ի պեղոպոնեսեան պատերազմի , յետ բազում գործս արութեան ի գլուխ տանելոյ՝ յեղծումն դարձոց զամենայն , յոչն անալ խորհրդոյ նոցա՝ որք աւելին ի բաց հեռացուցանել յԱրգինուսայ զտորմիդ նաւաց , և ոչ միսել ի մարտ ընդ Աթենացիս : Որոց ետ նա պատասխանի . | ակեղեմննացիք կարօղ են ի կորուսանել զայն նաւատորմիդ՝ միւս ևս պատրաստել . այլ ես չկարեմ ի փախուստ դառնալ առանց խայտառակութե : Բայց այս հարուած | ակեղեմննացւոց չափաւոր եղև . այլ մահառիթն այն է , բախին լղէտմբրոտայ անխորհրդաբար ընդ Ապամինոնդայ՝ առ երկիւղի նախանձարկութեան , յորում | ակեղեմննացւոցն յոյս ի գետին անկա : Բանիօն լաւ է |) պքսիմոս , զորմէ այսպէս խօսի Անսիոս .

Այլաց այր որ մերոց չարեաց ի դարմանս հանդարտ ի գործ ուանձայն յառաջ քան զփրկանս . |) եծ ևս ի փառս արդ նա փայլէ առ յապայս :

Այս ազգ սխալնաց խորշելի է և ի քաղաքականս . զի են որոց խորհուրդք բարի են յոյժ , այլ առ ահի նախանձու ոչ համարձակին ասել :

ԻԵ . Որ միանգամ առաջնորդ լինել հանդերձեալ են ժողովրդեան , ամենայն իրօք զՊլատոնին կալցին խրատըս կրկին . մի՞ զի այնպէս խնամ ունիցին օգտի քա-

զաբացաց, զի զինչ և առնեն՝ ՚ի նոյն հայեցուցեն, զանձանց դիւրութիւն մոռացեալք. միւս ևս՝ զի զբոլոր զմարմին հասարակաց խնամարկեսցեն. և մի յորժամ զմասն մի հոգան, զայլն անտես առնիցեն : Ս ասն զի զոր օրինակ զհովանաւորութի որբոց, նոյնպէս և զտրուտեսութի ժողովրդեան՝ պարտ է վարել յօգուտ յանձնելոցն ՚ի խնամն, և ոչ որոց հաւատացան խնամքն : Իսկ որք զմասն մի քաղաքացւոց յանձանձեն, և զմի մասն անտես առնեն, զեան մեծ յոյժ փաստուց ածեն ՚ի քաղաքն, զապստամբութիւն և զերկպառակութիւն. որով կէսք՝ ռամկաց կուսակիցք երեւին, կէսք թեւակիցք աւագաց, սակաւք հասարակաց բոլորից :

Հայսմանէ առ Մթենացիս մեծամեծ երկպառակութիւնք. իսկ ՚ի մերում միջի ոչ միայն հերձուածք, այլ և մահառիթ մարտք քաղաքականք. յորոց պարտի խորշիլ մերժիլ քաղաքացի ծանրաբարոյ և քաջ՝ արժանաւորն վերակացութեան ՚ի ժողովրդեան, որ և անձնատուր լինիցի բոլորովին ՚ի խնամն հասարակաց. ոչ ընչից և ոչ իշխանութեան լեալ ՚ի ինդիր. և այնպէս պաշտպանեսցէ ամենեցուն, զի ամենեցուն օգտեսցէ : Ս ՚ի և մի զոր սուտ զրպարտութեամբք յատելութիւն կրթեսցէ կամ ՚ի մախանս. և յամենայնի այնպէս փոյթ կալցի արդարութեան և համեստութեան, մինչև եթէ զէպ լիցի յանձին կրել ՚ի պէտս պահպանութեան սոցա ծանր ծանր վիշտս, ընտրեսցէ մեռանել առաւել քան թողուլ ՚ի ձեռանէ զորս ասացիդ :

Ղուառական է ստուգապէս ամբարհաւաճութիւն և փառամոլութի. զորմէ գեղեցիկ գրէ նա ինքն Պղատոն և ասէ. Որ միանգամ մի զմիով ելեւելս առնեն, թէ ո՞ր առաւել տնտեսեսցէ զժողովուրդն, նման է գործ նոցա նաւավարացն կազելոց, թէ ո՞ր ՚ի նոցանէ ղեկավարեսցէ : Սոյն սա պատուիրեաց, զի համարեսցուք ոսոխս զոսսա ոչք զէն առնուն այր ընդդէմ եղբօր. և ոչ զորս ըստ ընտրութեան իւրեանց կամին տնօրինել զիրս ժողովրդեան. որսիսի եղև հակառակութիւն անկուիւ ընդ Մարիկանոս և ընդ Սեւեզոս :

Եւ արժան լսել և նոցա, որք արժան համարին ծանրացասունն լինել թշնամեաց. և զայդ վարկանին գործ մեծասիրտ և քաջի առն : Ինչպիսիք ինչ առաւել գո.

վելի, և մեծի և պատուական առն արժանաւոր՝ որպէս քաղցրաբարոյութիւն և գթութիւն։ Իսկ ՚ի ժողովուրդ ազատ և ՚ի հաւասարադատութեան իրաւանց պարտ է վարել նաև զգլխաւոր ունկնդրութիւն, և զանուանեալն մեծանշնութիւն. զի մի, եթէ բարկացուք կամ մատուցելոյն ՚ի տարաժամու և կամ անպատկառ ժտելեացն, լիցի մեզ անկանել ՚ի դաժանութիւն անպէտ և ատելի։ Եւ սակայն այնպէս պարտ է վարիլ հեզութիւն և գթութեամբ, զի խառնեցի ՚ի նոսա ՚ի պէտս հասարակաց օգտի և խստութիւն, առանց որոյ անհնար է լինել տնտեսութեան քաղաքի։

Իայց ամենայն պատիժ և պատուհաս պարտի լինել առանց թշնամանաց. և ոչ ՚ի շահ նորա որ պատուհասէն զոք կամ յանդիմանէ՝ վերածեսցի, այլ առ հասարակաց օգուտ։ Եւ ևս զգուշանալ արժան է, զի մի լինիցի պատիժն մեծ քան զյանցուածն. և մի յաղազս նոյնատիպ քնասուց լինիցի զոմանս տանջել, իսկ զոմանս և ոչ ՚ի դատ կոչել։

Եւ ծապէս սանձել պարտ է զբարկութիւն ՚ի պատուհասելն։ զի ոչ երբէք որ ցասմամբ բերի ՚ի պատժել, կացցէ ՚ի չափաւորութեան՝ որ ընդ մէջ առաւելոյն և նուազին, ընդ որ ճեմականք հաճին. և իրաւամբք հաճին, միայն թէ չգովէին զբարկութիւն իբրև օգտակար ինչ բնատուր, որ՝ յամենայնի է հերքելի. և ըզձալի, զի առաջնորդք հասարակաց նման գտցին օրինաց՝ որ բերին ՚ի պատուհասել ոչ բարկութեամբ, այլ արդարութեամբ։

Ի 2. Եւ ևս ՚ի յաջողուածս իրաց յորդելոց ըստ հաշոյս անձանց մերոց, մեծապէս խորշեսցուք յամբարտաւանութենէ, յարհամարհութենէ և ՚ի յանդգնութենէ։ Եւ ասն զի որպէս ՚ի ձախողութիւնս, նոյնպէս և ՚ի յաջողութիւնս ոչ կալ ՚ի չափուն՝ ծանծաղմտութիւն է. գեղեցիկ և պատուական է հաւասարութիւն յամենայն ՚ի կեանս, և նոյն հանապազ դէմք կերպարանաց, և նոյն ճակատ. զոր օրինակ զՍոկրատայ լսեմք և զԵլիսէն։ Ի պարէն զԻլիլպպոս մակեդոնացւոց արքայ, որ գործովք քաջութեան և փառք յաղթեալ

1 Ըստ Ստոյիկեանց։

տեսանի յորդոցն, 'ի հեղութեան և 'ի մարդասիրութեան գեր 'ի վերոյ տեսանեմ քան զորդին: Ասան ուրոյ առաջինն միշտ մեծ դտաւ, և երկրորդն բազում մասամբ վատթար. մինչ զի ուղիւ պատուիրանադրել երեւին որք խրատենն, զի որչափ բարձրագոյն դտանիմք, այնչափ ցածագոյն ցուցուք զանձինս: Պանետիոս զ'փրիկանոսէ աշակերտէ և զընտանւոյ իւրմէ՝ սովոր էր, ասէ, ասէ. Օ որ օրինակ սովորութիւն է ըզձիս յանդգունս 'ի պատճառս ստէպ արշաւանաց պատերազմի խայտաղեալ՝ 'ի ձեռս տալ սանձակոծիչ վարժողաց, զի մեղմասցին, և դիւրին լիցի վարել զնոսա. սոյնպէս և զմարդիկ որ յաջողութեամբ տնքացեալք իցեն իբրեւ անսանձք և յանձնադատտանք, պարտ է ընդ կրկէսս բանի և վարդապետութեան շրջաբերել, զի քաջ տեսանիցեն զանհաստատութիւն իրաց մարդկութեանս և զայլափոխութիւնս բախտի:

Եւ զարձեալ յառաւել յաջողութիւնս առաւել 'ի ձեռս առնուլ պարտ է զխորհուրդ բարեկամաց. և մեծ ևս քան զոր յառաջն մեծարանս ընծայել նոցա: Սիան գամայն և զգուշալի, զի միշտ ունին մատուցուք մարդահաճոյլից, և մի թողցուք մարդերուղել մեղ. յորում դիւրին է պատրիլ. վասն զի յայնժամ սկսանիմք այնպիսի համարել զանձինս, իբրեւ զի իրաւամբք գովիցիմք: Յորմէ անթիւ ծնանին վնասք. որովհետեւ մարդիկ փրացեալք կարծեօք՝ ծաղր լինին ամօթով, և 'ի մեծաւ մեծ մոլորութիւնս շաղին: Այլ այսոքիկ այսքան:

Եւ զայս այսպէս արժան է դատել, թէ մեծամեծ իրք և մեծասիրտ ոգւոյ գործք 'ի նոցանէ գործին՝ որք հասարակաց են առաջնորդք. զի տնտեսութիւն նոցա է համատարած և առ բազումս պատշաճեալ: Բայց կան և եղեն ևս մեծասիրտք բազումք՝ 'ի հանդարտութեան վարս. որք հետազօտեցին և կամ 'ի գլուխ հանին զիրս մեծամեծս, կալով 'ի վիճակի իւրեանց սահմանի. և կամ անցեալք 'ի դասս իմաստասիրաց և վերակացուաց տէրութե, բերկրական էր նոցա առտնին գործք. ոչ յանչափս յաճախելով զնոսին, և ոչ արտաքոյ թողլով զիւրեանցսն 'ի վայելից նոցին. մանաւանդ թէ և բարեկամաց մատակարարելով և հասարակաց՝ յորժամ պէտքն պահանջէին: Սիայն թէ նախ զա-

ուաջինն այն ինչք բարիորդ ծնունդ ունիցին, և ոչ իւրեք երբէք յանիրաւ շահուց վատթարութեան . և դարձեալ յորովից իցեն 'ի շահ օգտի, և այն՝ արժանաւորաց . և ևս՝ զի աճեսցեն խելօք, արթնութեամբ և խնայութեամբ . և ոչ վատնեսցին 'ի պէտս զեղիւութե և անսուսութեան, այլ առաւել առատաձեռնութե և բարերարութեան: (Ի զայս ամենայն պահիցէ, մարթէ այնպիսոյն կեալ մեծավայելուչ, ծանրաբարոյ և քաջասիրտ, միանգամայն և անկեղծ, հաւատարիմ և մտերիմ ոգւով բարեկամութեան ընդ մարդկան:

Ի՛. Եւ ասել այսուհետեւ զմիոյ մնացեալ մասնէ համեստութեան, յորում փայլէ ամօթխածութի, և զարդ իմն գողցես վարուց, բարեխառնութի և պարկեշտութիւն, և բովանդակ հանդարտութիւն ամբոխմանց սրտի, և չափ և եղանակ իրաց: Ի՛. Եւ այն է որ 'ի Հելլենացւոց և 'ի Հռովմայեցւոց Եւ պելլական առձայնի: Եւ ճիգն սորա այն, զի ոչ 'ի վայր քան զհամեստն երևեսցի. վասն զի որպէս վայելականն է համեստ, նոյնպէս և համեստն վայելուչ:

Իսկ թէ զինչ խոիր կայցէ ընդ համեստն և ընդ վայելուչն, դիւրագոյն է իմանալ քան ճառել: () Ի վայելուչն յայնժամ 'ի վեր երևի, յորժամ յառաջեսցէ համեստութիւնն: () Ինչ զի ոչ միայն յայնժամ մասին համեստութեան, զորմէ աստանօր 'ի դէպ է ժեզ խօսել, այլ և յերիս անդ նախաճառեալս փայլէ վայելութի: Եւ ասն զի եթէ բանականութեամբ վարիլ, և եթէ խոհական բանիւ, և զոր առնեսդ՝ խորհրդով առնել, և յամենայնի հայել և կալ պաշտպան ճշմարտին է վայելուչ. ընդ հակառակն՝ խաբիլ, սխալել, մոլորիլ, անկանել, այնչափ անփայելուչ է, որպէս զցնորին և 'ի մտաց անկանիլ: Եւ ամենայն ինչ արդար՝ է և վայելական. և զսորին հակառակն անիրաւն, որպէս ամօթալի, նոյն և անվայել: () Նոյն իմա ինձ և զարիւթեանէ. զի որ ինչ գործի այրաբար և քաջասրտութեամբ, է գործ մարդոյ արժանի և վայելական. և որ ոչ այսպէս, յոռի է, ըստ նմին և անվայելուչ:

Ի՛. Եւ ուրեմն առ ամենայն ինչ համեստ է և վայելական. և այս այնպէս յայտնի, զի ոչ խոր իմն տեսութիւն խնդրէ, այլ ակն յանդիման կայ: Ի՛. Եւ անգի է ինչ

մասն վայելչականին զոր և յամենայն առաքինութիւն պարտ է իմանալ, որ առաւել 'ի միտս մարթի զանազանիլ յառաքինութենէն, քան եթէ իրօք: Օ որ օրինակ վայելչութիւն և գեղեցկութիւն մարմնոյ ոչ մարթի զտոանիլ 'ի քաջողջութենէ. ըստ նմին վայելչականն, զորմէ մեր բանքս են, բոլորովին արդեօք ընդ խառնեալ է ընդ առաքինութեան. այլ մտօք և խորհրդածութեամբ զանազանի:

Եւ է ստորագրութիւն նորին կրկնակի. վասն զի նախ հանրական իմն իմանամք վայելչականութիւն, որ յամենայն համեստութեան գտանի. և երկրորդ այլ նմին ներքոյ անկեալ, որ անկ է իւրաքանչիւր մասին համեստութեան: Օ առաջինն զայն զայս օրինակ գրեթէ սովորութիւն է սահմանել. վայելչականն է՝ որ յանկաւոր է գերազանցութեւ մարդոյն, յայնմ՝ յորում բնութիւն նորա տարբերիցի յայլոց կենդանեաց: Իսկ զմիւս մասն ստորանկեալ ընդ սեռիւ, այսգոյն սահմանեն. վայելչականն այն է ասեն, որ այնպէս յանկաւոր է բնութեան, մինչ զի 'ի նմին բարեկարգութիւն և չափաւորութիւն երևեսցի հանդերձ ազատական իմն ցուցիւք:

ԻԸ. Եթէ զայս այսպէս իմանալ իցէ պարտ, իմաստասիրել կարօղ եմք 'ի վայելչականն անտի, որում քերթօղք երթան զհետ. զորմէ այլուր ճոխագոյն բանք լինին: Իայց աբդ՝ յայնժամ պահեալ ասեմք 'ի քերթողաց զվայելչութիւն, յորժամ իւրաքանչիւր անձին զպատշաճականն տան գործել և աւել: Օ որ օրինակ, եթէ 'ի բերանոյ Երասայ կամ Երնուխայ ասասցէ ոք, լծող ատեսցեն, այլ երկիցեն:

կամ Երն ծնողն է գերեզման ծննդոց.

Եւ վայելչութեւ երևի, զի արդարս լուսք զնոցանէ լինել. և սակայն 'ի դէմն Երեւոսի՝ ասացեալ ծափաճայն գովի. զի արժանի առնն են բանքս: Իայց քերթողք թող զվայելչութեւն դատեսցին ըստ գէմն կերպարանաց. իսկ մեզ բնութիւնն ինքնին գլխովին ետ զիւրաքանչիւր դէմն, գերապանծ և գեղեցիկ վայելչութեւ քան զամենայն կենդանեաց:

Եւ մին իրի թող քերթողք տեսցեն 'ի բազմապատիկ

դիմանումութիւնս անդ և զայն, թէ զի՞նչ 'ի ճահ իցէ և զի՞նչ վայելչական նաև վատթարաց. այլ քանզի մեզ 'ի բնութենէ տուան մասունք զգօնութեան, չափաւորութեան, բարեխառնութեան և ամթ թխածութեան, և ինքնին բնութիւն ուսուցանէ ոչ անտես առնել զայնուիկ՝ թէ որպէս արժան իցէ քաղաքավարել առաջի մարդկան, զհետ գայ, զի և վայելչականն այն առ ամենայն համեստութիւն պատկանեալ՝ երևեսցի սիռեալ և տարած, որպէս և այն՝ որ նկատի յիւրաքանչիւր ազգս առաքինութեանց։ Վասնզի զոր օրինակ գեղեցկութի մարմնոյ վայելուչ քաղարկութեամբ անդամոց զօշոտէ զաչս, և զուարճացուցանէ դովին իսկ այդուիկ՝ զի ամենայն մասունք չքնաղ իմն յօրինուածով դաշնաւորեալ են ընդ իրեարս, նոյնպէս և վայելչութիւնն 'ի վարս փայլեալ ինքն յանկուցանէ զհաւանողական հաշութիւնս այնոցիկ, ընդ որս քաղաքավարիցի որ կարգաւորութեամբ և զգօնութեամբ և չափաւորութեամբ բանից և գործոց։

Այս և արժան իսկ է ակնածութիւն իմն ցուցանել առաջի մարդկան, եթէ առ պատուականս և եթէ առ այլ։ Ամեն զի անտես առնել՝ թէ որպիսի է զք յաչս այլոց, ոչ միայն յանդգնութիւն է, այլ և ամենեւին իսկ ցոյութիւն։ Այլ է ինչ զանազանութիւն 'ի պատշաճական գնացնս որ առ մարդիկ, ընդ արդարութիւն և ընդ ակնածութիւն. արդարութեան մասին է՝ ոչ խուել զմարդիկ, ակնածութեան՝ ոչ դառնացուցանել. յորում առաւել քաջ տեսանի վայելչականին զօրութի։ Յայտոսիկ առաջարկութիւնս, որպէս կարծեմ՝ ծանուցաւ թէ զի՞նչ այն իցէ ձայնեալն 'ի մէջ վայելչական։

Իսկ գործ նորա պատշաճական նախ առաջին ընդ այս ուղղի ճանապարհ, որ առաջնորդէ առ պատշաճն և առ պահպանութիւն բնութե. որոյ առաջնորդութեն եթէ զհետ ընթացուք, ոչ երբէք խտորեցուք։ Իարձեալ 'ի միտ առնուցումք որ ինչ սրատեսն է և նրբահայեաց բնութեամբ, և որ քաջայարմարն է առ մարդկան ընկերակցութիւն, նա և որ ինչ ուժաւորն իցէ և կորովին։ Այլ առաւելագոյն յարգ վայելչականին յայտմ մասին է՝ զորմէ ճառեմք։ Այլ ոչ մարմնոյ միայն շարժմունք յարմարք բնութեան են ընտրելի, այլ ա-

ռաւել ևս հոգւոյն՝ նոյնպէս բարեյարմարք բնութեան։

|| ամսն զի կրկին զօրութիւն է հոգւոյ և բնութեան մի մասն 'ի յօժարութեան հաստատեալ՝ որ ցանկութիւն կամ կիրք ասի, որ տատանեալ յուզէ զմարդ . և միւսն 'ի բանն՝ որ ուսուցանէ և յարդարէ զինչ պարտ իցէ առնել և յորմէ՝ հրաժարել։ Այս հարկ է, զի բանն առաջնորդեսցէ, և յօժարութիւնն հպատակեսցի։

ԻԹ. Ի՞նչ ամենայն առնելութիւն պարտի անմասն լինել 'ի յանդգնութենէ և յանհոգութենէ . և չառնել ինչ, զորոյ չկարիցէ տալ զպատճառ հաւանելի։ () Ի այս խոյն է գրեթէ սահման պատշաճականին։

|| Ե պարտ է գուն գործել՝ զի յօժարութիւնքն հնազանդեսցին բանին . ոչ յառաջ վաղեսցեն քան զնա, և ոչ լքանիցեն առ վատութեան կամ վատաստութեան . և իցեն հանդարտ և ազատ յամենայն ամբոխանէ սրտի, յորմէ 'ի վեր փայլեսցէ ամենայն զգոնութիւն և ամենայն բարեկարգութիւն։ || ամսն զի այն յօժարութիւնք որք հեռագոյնս թափառին, և որպէս խայտացեալք եթէ 'ի ցանկալն և եթէ 'ի խորշէն՝ ոչ ըստ բաւականին սանձեալ լինին 'ի բանէ, անշուշտ անցանէն ըստ սահման և ըստ չափ։ || ամսն զի ըմբկէց լինին և զընկենուն զհնազանդութիւն, և ոչ հպատակէն բաւնի՝ որովհետեւ ներքոյ են անկեալ օրինոք բնութեան . ուրովք ոչ միայն ոգւոյն խռովութիւն հասանէ, այլ և մարմնոց։ Ի դէմս հայեաց բարկացելոցն, կամ յուզելոց 'ի ցանկութենէ իմեմնէ կամ յերկիւղէ, և կամ խրնձղելոց 'ի տարապայման հեշտութենէ . որոց այլատարազ են երեսք, ձայնք, շարժմունք և կացք։

|| Յորոց ունիմք իմաստասիրել առ օրէնս պատշաճից 'ի վեր երեալ՝ թէ պարտ է զամենայն յօժարութիւնս ամբոխել և ցածուցանել . և արժարժանել զուշ և ըզփոյթ պնդութե, զի մի ինչ յանդգնութեամբ և ըստ բերման, անխորհրդաբար և անհոգաբար գործեսցուք։ Վրանգի և ոչ ծնաւ զմեզ բնութիւնն զի երեսացուք առ խաղ և առ կատակ ստեղծեալ, այլ մանաւանդ 'ի լրջմտութիւն և առ ծանր ծանր և մեծամեծ փոյթս։ () Ինչ է արդեօք 'ի կիր արկանել զխաղն զայն և զկատակ, այլ այնպէս՝ որպէս զհանգիստ քնոյ և զայլ դիւրութիւնս, յետ 'ի գլուխ տանելոյ զծանր իրս և զլը-

ջականա : Եւ նոյն իսկ խօսելն ընդ կատակս չարարտի լինել խեղկատակութեամբ և անպարկեշտութեամբ , այլ զգօն և զուարճալի : Վանդի զոր օրինակ տղայոց ոչ զամենայն խաղ խաղալոյ տամբ համարձակութիւն , այլ զայն որ չիցէ օտար 'ի համեստ շարժութեց , սոյն պէս և 'ի կատակս անդ պարտի փայլել նշոյլ իմն գեղեցիկ հանձարոյ :

Եւ պարզաբար՝ կրկին ազգ է կատակաց . մին գոեհկական , ժանտաժուտ , խենէշ , պղծալից . միւսն պանծալի , քաղաքավար , մտացի և քաղցրաբան : Եւ յսպիսիք են ոչ միայն Սղաւտոսն մեր , և Մտտիկեցւոյն վաղեմի խաղք ծաղրաշարժք , այլ և սոկրատեան փիլիսոփայիցն մատենանք լի են , և բազումք են բազմաց զուարճախօսութիւնք . զոր օրինակ են նոքա , զորս Վատոյն ծերն հաւաքեաց , որ և առածք կոչին : Եւ այսպէս դիւրին է զանազանութիւնն մտացի և գոեհկական կատակաց . մին այն որ 'ի դէպ ժամու լինի և յոգւոյ զուարթացելոյ , վայելչական մարդոյ . իսկ միւսն և ոչ ազատ անձին յանկաւոր , եթէ ընդ իրացն դժպատեհութիւն խառնեացի և ցոփաբանութիւն : Եւ յիշտան է և խաղալոյն չափ դնել , զի մի յանչափս մեղկասցուք , և զրդանօք գգուեալ 'ի վատթարութիւն ինչ անկղիտանայցեմբ : Բայց առաջի առնեն պարկեշտ օրինակս խաղուց Դաշտն՝ մեր և զբօսանք որսորդութեան :

Եւ Եւս առ ամենայն ինդիր պատշաճից պատկանի հանապազ որոճել 'ի միտս՝ թէ ի՞նչ քան է գերազանցեալ մարդոյս բնութիւն քան զանասնոց անբանից և զգազանաց : Եւ ոչ ինչ զգան բաց 'ի հեշտութենէ , և 'ի նոյն բերին ամենայն ճգամբ . իսկ միտք մարդոյ ուսմամբ բուծանի , և խորհելով՝ միշտ զիմն կամ հետաքննէ , կամ առնէ , և զուարճութեամբ տեսոյ և ըրոյ բերի : Եւ զի՝ եթէ ոք փոքր մի աւելի հեշտասէր իցէ՝ միայն թէ չիցէ յանբանից ազգէ , զի գտանին և այնպիսիք 'ի մարդկանէ ոչ իրօք՝ այլ կոչմամբ . այլ եթէ իցէ ոք

1 Դաշտ , կամ Դաշտ Արէսեան կոչի 'ի հռովմ հրապարակն այն որ էր նուիրեալ Արէսի անուանելոյ առտուած պատերազմի . յուրում մարզէին պատանիք հռովմ

մայեցւոց 'ի կիրթ զինուորութե . և այլ ամենայն խաղք հրապարակական հանդիսից անդէն կատարէին :

փոքր մի ուղղորդ, թէպէտ և ըմբռնեցի 'ի հեշտասիրութենէ, ղուդակէ և թանգուզէ զյօժարութիւն ցանկութեան առ պատկառանաց: (Երմէ պարտ է 'ի միտ առնուլ, թէ ցանկութիւն մարմնոյ ոչ է լրին արժանի գերազանցութեան մարդոյս. և թէ պարտ է արհաւիրել զայն և 'ի բաց մերժել: Իսկ եթէ դը տեղի տայ իւր ցանկութեան, պարտ է նմա զգուշեալ կալ 'ի չափն վայելից: Ինչ կերակուր և ըմպելի յառողջութիւն մարմնոյ և առ ոյժ պատկանիցին, և ոչ 'ի հեշտութիւն: Եւ ևս եթէ կամիցիմք խորհել թէ իրքան է 'ի բնութեանս գերազանցութիւն և արժանապատուութիւն, խեղամտեմք թէ քանի անարգ է զեղիւիլ յանառակութիւնս, և մեղկ և գիրգ կեանս վարել. և քանի համեստ խնայութիւնն իցէ, ժուժկալութիւն, լըմնութիւն և սակաւապէտ կեանք:

(Ի)Վի իմն այնպէս՝ եթէ բնութիւնն կրկին մեզ ըզգեցուցեալ իցէ դէմս. յորոց առաջինն է հասարակաց. այն զի ամենեքեան եմք հաղորդ բանի, և գերազանցութեան նորա՝ որով 'ի վեր եմք քան զանասունս. յորմէ ծագէ ամենայն համեստ և վայելչական, և 'ի նմանէ բղիւն բանն գտակ պատշաճից. և միւսն այն՝ որ միոյ միոյ առանձին է չնորհեալ: Վնազի զոր օրինակ 'ի մարմինս բազմադիմի են խտիրք. զի զմանս տեսանեմք երազոտն յընթացս, զայլս զօրաւոր զօրութիւն 'ի մրցանս. որպէս և 'ի տեսիլ գեղոյ ոմն մեծարոյ 'ի բնէ, այլ դը չքնաղ. սոյնպէս և 'ի հոգիս են մեծ ևս զանազանութիւնք:

Ի՛) Ուկիոս Երասոս և 'ի՛) Բիլիպպոս էր չնորհ մեծ բանի. մեծ ևս ճարտարութիւն ոյժ 'ի Լ. Լեաար յորդին Դ ուկիոսի: Բայց զայնու ժամանակաւ 'ի Լ. Լեաարոս, 'ի Լ. Դիոսոս երիտասարդ՝ անհամեմատ անաչառուի. 'ի Լ. Լեիոս զուարթուի շատ. յընտանին նորա՝ 'ի Լեիոս ամբարհաւաճութիւն մեծ, կեանք տխուր: Ի մէջ (Երմաց յաղագս) յոկրատայ լսեմք քաղցր լինել և քաղցրաբան և զուարճախօս, և յամենայն բանի քօղաւոր, ըստ յունական ձայնին ծաղրածու. ընդ հակառակն՝ Պիւթագորաս և Պերիկլէս ամենեկին ծանրաբարոյք լինել ասին՝ առանց իրիւր զուարթութեան: Իտրամանկ ասի լինել Իննիբաղ 'ի Պենագիս. և 'ի մե-

րոց զօրավարաց Կ. Սաքսիմոս ասեն զիտէր դիւրաւ վերարկել, լուել, պատրուակել, դարանիլ և գուշակել զթշնամեացն խորհուրդս : Յորում մասին Յոյնք վերագոյն քան զայլս դնեն զ(Դ)եմիստոկղէս և զփերէացին Յասոֆն : Եւաւել հնարագէտ և խորագէտ գործ է Սողոնի, որ ձեացոյց զանձն մոլեզնեալ առ ապահովել զկեանս, և աւելի ևս օգտել հասարակաց :

Բազմօք աննաման գտանին սոցա այլք՝ անկեղծք և անպատրուակք, որք ոչն արժան համարին առնել և ոչ ինչ զաղտնածածուկ և դարանօք՝ ճշմարտասէրք, նենգատեացք. դարձեալ և այլք՝ որք զամենայն ինչ յանձն առնուն կրել, և ամենայն ումեք ծառայել, միայն թէ հասցեն կամաց իւրեանց. զոր օրինակ տեսանէաք ըզ(Ս)իդդա և զ(Ս). Լրասոս : Յայսմ աւանդի զ(Ի)ւսանդրէ լակեդեմոնացոյ կարի յոյժ աչալուրջ լինել և համբերատար. և հակառակ այնմ Կալիկրատիդաս, որ առաջնորդ եղև նաւական գնդի իսկ և իսկ զկնի Իլասանդրի : Եւ ևս գտանի այր որք այր, որ թէպէտ և աւագութեամբ ճոխացեալ, այլ ՚ի բանս իբրև զմի ՚ի բազմութենէ երևի լինել. զոր ՚ի Կատուղոս՝ եթէ ՚ի հայրն և եթէ յորդին, տեսաք. որպէս և ՚ի Կ. Սուկիոս Սանկիա : Եւ այլ գնոյն նոյնպէս լինել և յանդրաւ նիկն (Պ). Սիլիպիոն՝ Կասիկա : Օնորին հակառակն՝ թէ հայր նորա, այն որ զՏիբերիոսի Կրակեոսի զմեռսակար փութոյ վրէժս էառ, ոչ ինչ քաղցրութիւն ունէր խօսից : Որպէս և ոչ Վսենոկրատէս խտաբարոյն ՚ի փիլիսոփայս, որ և յայն սակս ասեն մեծանուն եղև և ականաւոր : Եւ ևս անթիւ խտիրք են բնութեան և բարոյից, որ ոչն են անգոսնելի :

ԼԱ. Եւ որ իւրաքանչիւր ումեք պարտ է զիւրն պահել բնութիւն, ոչ որ ախտաւոր՝ այլ որ սեպհականն իցէ. որով և հեշտեաւ պահի վայելչականն այն զոր խնդրեմք : Եւ ամն զի այնպէս պարտ է վարիլ, զի ոչ իւրիւր ընդդէմ կըրեսցուք հանրական բնութեան. բայց յետ պահելոյ զայն՝ իւրական բնութեան զհետ եկեսցուք : Եւ ինչ զի թէ և իցեն այլք ոմանք առաւել ծանրաբարոյք և լաւաբարոյք, սակայն մեք զմեր փոյթ՝ բնութեան կանոնաւ չափեսցուք : Օ ի և չէ ՚ի ճահ դիմամարտիլ ընդ բնութեան, և ոչ զհետ վարիլ այնմ՝

որում ոչն առին հասանել։ Նորմէ առաւել 'ի վեր երեւի, թէ որպիսի ինչ իցէ վայելչականն այն . վասն զի ըստ առածին, Ոչ ինչ է վայելուչ յոչ կամաց լ'թեանա սայ . այս է՝ յորժամ ընդդէմ կայ և դիմամարտ յառնէ բնութիւնն։

Ի պարէն եթէ կայ ինչ վայելչական, ոչ այլ ինչ է այն անշուշտ՝ բայց զուգակշռութիւն համօրէն կենաց, միանգամայն և իւրաքանչիւր գործոց . զոր անմարթ է պահել քեզ, եթէ այլոցն բնութեան զհետ կրթեալ՝ զքոյովդ զանց առնիցես։ Վանգի զոր օրինակ զայն բարբառ պարտ է մեզ վարել՝ որ գիտեղին է մեզ, զի մի հանգոյն ոմանց որ գլուխակն բառս 'ի ներքս մոծանեն' կարի իրաւամբ այսպանելի լիցուք, սոյնպէս և յաւարտաւծս և յամենայն վարս չարտիմք այլափոխութիւն ինչ 'ի վերայ ածել։

Եւ այս պէսպիսութիւն բնութեանց այնչափ ունի զօրութիւն, մինչ զի ուր երբեմն պարտ թուի ումեք զիւրովին գնալ, այլում 'ի նոյն պատճառս չէ պարտ։ Ս'իթէ այլ պատճառք էին Ս'արկոսի Վատոմի, և այլ այլոց, որք անձնատուր եղեն Վեսարու յ'փրկէ։ Եւ թերեւս պարսաւելի իսկ ընէին այլք, եթէ անձամբ զանձինս սպանանէին . զի վարք նոցա ոչ խիստ էր, և բարք հեշտինք . իսկ Վատոմի քանզի անկարծելի իմն ծանրաբարոյութիւն առեալ էր 'ի բնութեան, և ինքն զնոյն հանապազորդեան տոկունութեամբ էր ամրացուցեալ, լաւ ևս թուեցաւ նմա մեռանել՝ քան զերեսս տեսանել զբռնաւորին։

Որչափ ինչ շատ կրեաց Ողիսեւս յայնմ անընդհատ մոլորութեան, յորժամ և կանանց ծառայէր (եթէ արժան իցէ կանայս անուանել զՎիրկէ և զՎալիպսով), և միանգամայն յամենայն 'ի բանս՝ ամենեցուն բարեմոյն և զուարթ զանձն կամէր ցուցանել . իսկ 'ի տան թշուա մանաց անգամ ծառայից և աղախնայց տարաւ, զի երբէք որում ցանկանայրն հասցէ։ Բայց Եւսթս անձնաւ մատն՝ բիւր անգամ ընտրէր մեռանել, քան զնոյն կիրս կրել։

Օ այսոսիկ զմտաւ ածեալ՝ պարտ է նայել, զինչ ինչ իւրական ունիցի իւրաքանչիւր ոք՝ և զնոյնս սնօրինել, և ոչ փորձել՝ թէ լիք վայելեն ինքեան օտարին իրք։

1) ասն զի այն ինչ տիրապէս վայել է առն իւրաքանչիւր, որ ինչ տիրապէս իւր է :

Ի՛նչա ուրեմն զիւր ուշիմութիւն ծանիցէ այր իւրաքանչիւր, և անաչառ դատաւոր լինի լաւութեանց և պակասութեց իւրոց . զի մի իմաստնագոյնք քան զմեզ երկեայցին խուզարկութիւն թատերականք . քանզի նորա ոչ եթէ զլաւս 'ի լաւաց, այլ զանձանց իւրեանց համաւ պատշաճ ընտրեն զառասպելս : Երբ միանգամ զօրաւոր են ձայնիւ, զյայիգոնայս և զյոհոս կերպարանին . և որբ շարժուածով, զյոհոս երկեայցին և զյոհոսեմնեստրա : Հոռակիղոս՝ զոր ենն յիշեմ, միշտ զնորոպաս ձեւացանէր . ոչ ստէպ Լաւպոս զլաւքս : Լաւարդ եթէ կատակոյն զայս քաջ դիտիցէ 'ի տեսարանի, իսկ իմաստունն ոչ կարիցէ դիտել 'ի կեանս : Ի՛նչա ուրեմն յոր ինչ իրա քաջայարմար իցեմք, 'ի նոյնս վաստակեսցուք առաւել : Ի՛նչա եթէ հարկն ուրեք երբեք յայնս ձգեացէ զմեզ՝ որբ արտաքոյ են մերուան ուշիմութեան, պէտք են 'ի մշտ առնուլ զամենայն փոյթ և զմտածութիւն և զճիգն, զի գնոսին՝ եթէ ոչ վայելուչս, գէթ նուազ անվայելուչս մարթացուք կատարել : Լա ոչ պիտի ջանալ այնչափ հասանել բարեաց՝ որ չեն մեզ տուեալ, որչափ խուսափել 'ի չարեաց :

ԼԲ . () Երկուս դէմն անդ կերպարանացն զորոց 'ի վեր անդր ասացի, յարի և երրորդ, զոր պատահումն ինչ կամ ժամանակն 'ի ներքս ածէ . որպէս և չորրորդ, զոր մեք մեզէն մերոյս կամօք պատշաճեմք անձանց : 1) ասն զի թաւաւորութիւնք, տերութիւնք, աւագութիւնք, փառք, մեծութիւնք, ճոխութիւնք, և որ սոցին են հակառակք, ընդ դիպուածով են, և 'ի ժամանակաց դեկավարին : Իսկ այն՝ թէ զոր կերպարանս մեզ կամ իցէ առնուլ զանձամք, զմերոց կախի կամաց . և այսպէս են որ յիմաստասիրութիւն տան զանձինս, են որ 'ի քաղաքական իրաւունս, և են որ 'ի պերճախօսութիւն . և 'ի նոյն առաքինութեանց կարգի՝ է որ յայսմ և է որ յայնմ առաւել ընտրէ գերապանծ լինել :

ԼԳ որոց հարքն կամ նախնիք յառաքինութեան ի միք հանդիսացան, այնպիսիքն ջանան բազում մասամբ յայն ազգ գովութեան գերապանծ լինել . զոր օրինակ Կ . Երկուս որդի Պրեդիկտի 'ի քաղաքական իրա-

ւունս, Մփրիկանոս որդի Պօղոսի՝ ի զինուորութեան մասին: Եւ կէսք ի գովութիւնս անոր զոր ի հարց ընկարան՝ յաւելուն ինչ և յանձանց. որպէս սա ինքն Մփրիկանոս պերճախօսութիւն ի վերայ ած պատերազմական փառաւորութեան: Օնոյն և Տիմոթէոս արար իրենոնի որդին՝ որ ոչ ընդհատ գոլով ի հօրէն ի փառս մարտի՝ յաւել ի նոյն գովութիւն և զուսման և զուշիմութեան պարծանս: Եւ երբէք զի ոմանք զանց զառաջնոցն արարեալ նմանութեամբ, անձանց իմն կարգէն սեպհական ընթացս. և առաւել յայսմ մասին ճգնին յօրովակի այնոքիկ՝ որ յաննշան նախնեաց ծագեալ, ի մեծամեծս դէտակն ունին:

Եւդ զայս ամենայն, ի ինդրել մեր արդ թէ զինչ ինչ վայելուչ իցէ, պարտ է մեզ որոճել ի խորհուրդս և ի սրտի:

Եւ ի քան զամենայն պէտք են սահմանել անձին, թէ ո՞րք ոմանք և որպիսի կամիցիմք լինել, և յ՛որ պայման կենաց. որ է մտածութիւն դժուարին քան զամենայն: Եւ ասն զի ի սկզբան անդ երիտասարդական հասակի, ուր առաւել տկարութիւն է խորհրդոյ, յայն ժամ այր իւրաքանչիւր դնէ ի մտի վարել զայն ընթացս կենաց՝ յոր առաւել հարեալ է սիրով. և այնպէս մինչ չեւ բաւական լեալ ի դատել՝ եթէ ո՞ր այն իցէ լաւն ի լաւաց, անձամբ զանձն պարականդէ յայս ինչ օրինակ ընթացից կելոյ: Օ ի զոր զՊօղոսիկեանն Հերակլեայ ասէն, ըստ որում՝ է տեսանել առ Վսենոփոնի, թէ այն ինչ զառաջինն յարբունս հասանէր, որ է ժամանակ տուեալ ի բնութենէ առ ընտրելոյ զճանապարհ կենաց յոր և կամք իցեն ումեք մտանել, եւ յանապատ ուրեմն առանձնութեան, և անդ նստեալ խորհէր ընդ միտս յերկար վարանմամբ, քանզի երկուս տեսանէր ճանապարհս, մի փափկութեան և միւս ևս առաքինութեան, յոր ի նոցանէ արդեօք լաւ իցէ ոտնփոխ լինել. այդ ասեմ թերեւ Հերակլեայ մարթացաւ գէպ լինել Վիոսասերմանն. այլ մեզ ոչ նոյնպէս, որք զհետ երթամք որոց և հաճոյ թուիցի յաշ իւրաքանչիւր, և վարիմք զինի ջանից նոցա և գնացից. և շատ ևս այն է՝ զի ծնողացն մարդեալ խրատութեամբ ի նոցուն բերիմք սովորոյթ և ի վարս: Եւ երբ ձգին դատաստանաւ բազ-

մութե, և որ ինչ մեծագունի մասին գեղեցիկ թուի՝ այնմ առաւել իղձ լինին : Եւ այն ոմանք եթէ երջանիկ յաջողուածով, եթէ բնութեանն բարերարութիւն, և եթէ կրթանօք ծնողաց՝ ընդ ուղիղն ընթացան կենաց ճանապարհ :

ԼԳ. Եւրի սակաւ է տեսանել, որք կամ մեծահրաշ ճանաչարով, կամ գերափայլ հմտութեամբ, և կամ երկոքումբն իսկ ճոխացեալ՝ գտին ևս ժամ պարապոյ առ ՚ի խորհել, թէ ընդ որ ընթացս կենաց առաւել կամիցին ճանապարհորդել . և յայսմ խորհրդեան զամենայն մտածութիւն պարտ է ժողովել առն առն յիւր բնաւորութիւն : () Ի որովհետեւ յամենայն ՚ի գործս, յեղանակէ անտի իւրաքանչիւր բնութեան՝ ըստ ճառելոցս ՚ի վեր անդր՝ հետազօտեմք եթէ զինչ ինչ իցէ վայելչական, ապա և ՚ի տնտեսել զկարգաւորութիւն բովանդակ կենաց՝ ևս քան զեւ հոգ՝ ՚ի մտի դնել պարտ է վասն սոցին իրաց, որպէս զի մարթասցուք անձամբ յանձինս հաստատուն լինել ՚ի ճանապարհորդութեան կենաց, և ոչ ՚ի պարտուպատշաճն կաղալ ինչ երբեք :

Եւ քանզի առ այս բնութիւնն օգտէ մեծապէս, և ինչք կամ բախտ մերձաւորապէս, զերկաքանչիւրն իսկ քաջ պարտ է կշռել յընտրութեան անդ վիճակի կենաց, այլ առաւել զբնութիւնն . զի սա բազմօք հաստատագոյն է և անյեղ լի . ուր բախտն երբեք երբեք՝ ըստ որում ինքնին գլխովին մահկանացու և կորստական, մեքառել երեւի ընդ անմահ բնութեան : Եւս ուրեմն որ միանգամ զամենայն խորհուրդ կելոյ վերածէ յեղանակ իւրոյին բնութեան որ չիցէ ախտաւոր, այնպիսին հաստատութիւն ունի . քանզի այդ է կարի վայելչականն . եթէ ոչ՝ ՚ի միտ առնուցու արդեօք, եթէ սխալեաց յընտրութեան անդ վիճակի կենաց : Եւ եթէ հանդիպեսցի այս, որպէս և մարթի իսկ հանդիպել, պարտ է փոփոխումն առնել վարուց և գնացից : () այս փոփոխումն, եթէ ժամանակն լիցի ձեռնառու, դիւրագոյն և հեշտեաւ առնեմք . ապա թէ ոչ՝ մեղմով և ոտն առ ոտն պիտի առնել . զոր օրինակ զբարեկամութիւնս ոչ այնչափ հաճոյականս և ոչ այնչափ հաւանելիս՝ տակաւ քակել վայելուչ դատին իմաստունք, քան եթէ յանկարծակի խզել :

Իսկ յետ փոխելոյ զվարուց յեղանակ, ամենայն իւրօք պարտ է գուն գործել, զի ցուցցուք՝ եթէ բարի խորհրդով արարաք զայն :

Եւ քանզի խուն մի յառաջ ասացաւ, եթէ արժան է նախնեաց լինել նմանող, նախ զայն՝ ի բաց ձգել պարտ է, զի մի պակասութեանց նոցա լիցուք նմանողք. երկրորդ՝ եթէ բնութիւնն ոչ տանիցի նմանել ինչ ինչ իրաց, զոր օրինակ յառաջասացեալ Միքիկանու որդիք՝ զոր հայրն յորդեգիրս ետ Պօղոսի, առ տկարութեան առողջութեանն ոչ կարաց հօրն լինել նմանող, որպէս նա նմանող լեալ էր հօր իւրում. արդ ասեմ, եթէ չկարիցէ դատից պաշտպան կալ, կամ բեմբասացութեամբ խաղաղել զժողովուրդն, կամ մարտ յարդարել, սակայն զայն ինչ պարտ է ՚ի գործ արկանել որ ընդ իւրով իցէ. կարողութեամբ, զարդարութիւն իմա, զհաւատս, զմարդասիրութիւն, զհամեստութիւն, ըզպարկեշտութիւն. որով ոչ ևս պահանջիցի ՚ի նմանել, որ ինչ պակասի : Իսկ ժառանգութիւն ամենալաւ ՚ի հարց յորդիս աւանդի, քան զամենայն գանձ պատուական, պարծանք առաքինութեան և գործոց լաւութե. զոր յանարդութիւն դնել՝ գործ անարժանութեան և ամաբարշտութեան պարտ է համարել :

Եւ քանզի գործք պատշաճից ոչ նոյն գրին այլ և այլ հասակաց, են որ երիտասարդաց անկ, և են որ ծերոց, արժան է ասել ինչ մի և յաղագս զանազանութեանս : Երդ երիտասարդին անկ է յերիցադունից պատկառել. և ՚ի նոցանէ ընտրել զառաւել լաւն և զփորձս՝ առ ՚ի յենուլ ՚ի նոցուն խորհուրդ և յակնարկութիւն : Ասան զի անգիտութիւն խակ տիոց իմաստութեամբ ծերոց կարգաւորեսցի և ուղղեսցի : Եւս առաւել ՚ի հեշտախտութեանց պարտ է արգելուլ զայդ հասակ, և կրթել յաշխատանս և ՚ի վշտակրութիւնս հոգւոյ և մարմնոյ, զի քաջափայլեսցէ ճարտարութիւն նոցա ՚ի պատերազմական և ՚ի քաղաքական հանգիսի : Եւ ՚ի կամեն իսկ թոյլ առնել անձանց և խորխանալ զգոյշ լիցին յանչափութենէ. յուշ լիցի նոցա պարկեշտութիւն, որ դիւրաւ յաջողէ՝ եթէ յայնպիսիս կամիցին զի առաջիկայ գտցին և երիցադոյնք :

Իսկ ծերոց արժան թուի մեղմել զաշխատութիւնս

մարմնոյ, և ևս առաւելուլ զհոգւոյն կրթութիւնս: Պարտ է նոցա գուն գործել նպաստամատոյց լինել և բարեկանաց և երիտասարդաց, և առաւել տէրութեան հասարակաց՝ խորհրդով և իմաստութեամբ՝ ըստ կարի և առաւել քան զկար: Ոչ ինչ այնպէս զգուշալի է ծերութեան, որպէս չտալ զանձն 'ի թուլութիւն և 'ի յուլութիւն: Իսկ վախճանութիւն՝ որպէս ամենայն հասակի դժպատեհ է, նոյնպէս յետին դարձութիւն է ծերութեան: Իսկ եթէ յաւելցի և անժուժութիւն տուփանաց, կրկին են չարիք. զի ինքն ծերութիւնն ազել զանայ, և զերիտասարդացն անժուժութիւն առնէ անամեթագոյն:

Չէ ինչ օտար 'ի կարգէս ասել և զպաշտամանաց աւագաց, սոսկականաց, քաղաքացեաց, և օտարականաց: Ի՞նչ սեպհական պաշտօն աւագութեան է 'ի միտ առնուլ՝ թէ ինքն յանձին բերէ զդէմն քաղաքին, և պարտական է պնդագոյնս պահել զնորուն պատիւ և զվայելութիւն. պահպանել զօրէնս, և զիրաւունս մատակարարել. յիշել՝ թէ ինքեան է հաւատացեալ աւանդ սոցա: Իսկ սոսկականին պարտ է զղբ և կշիռ իրաւամբք կեալ ընդ քաղաքակիցսն. ոչ նկուն լինել և ընկեցիկ, և ոչ սոնք փրացեալ. որպէս և 'ի տէրութեան հասարակաց զայն ինչ իրս կամել՝ որք խաղաղութեան մասին են և համեստութեան: Օ՞ր զայնպիսին բնաւորեցաք իմանալ և կոչել բարի քաղաքացի:

Իսկ օտարականի և նժդեհի գործ է՝ ոչ ինչ այլ իրս առնել, բայց զիւրն տուրեւառս. ոչ ինչ հետազօտել զայլմէ, և ոչ իւրք հետաքրքիր յօտար տէրութեան լինել: Օ՞ր այսօրինակ գոգցես է գտանել զինդրելին զայն՝ թէ զինչ իցէ վայելական, և զինչ յանկաւոր անձանց, ժամանակաց և հասակաց: Չիք այլ ինչ այնպէս վայելուչ, որպէս յամենայն 'ի գործս և 'ի խորհուրդս պահել զանայնյալութիւն:

ԼԵ. Ի՞նչ քանզի վայելականն այն յամենայն 'ի բանս և 'ի գործս՝ նկատի և 'ի մարմնոյ շարժուածս և 'ի կայս. և այն հաստատեալ է յերիս, 'ի գեղապատշաճութեան, 'ի կարգաւորութեան, և 'ի բարեվայելուչ գնացս. դժուարինք այսօրիկ 'ի ճառել. շատ լիցի գիտակ լինել: Երիս յայսոսիկ բովանդակի և փոյթն

լինելու յաչա այնոցիկ՝ ընդ որս և առ որս կեսամբ : Եստու
ցուք սակաւութիւն և զսոցանէ :

Եւ նախ բնութիւնն ինքնին մեծապէս երեւի խնամ
կալեալ մարմնոյ մերում : զի զդէմն կերպարանաց մեզոց
և զայլ ևս համաձեւութիւն՝ որ յանդիման առնել պար
տէր զտեսիլ համեստ , զայն յերեւելի վայրի եղ . իսկ
զմասունս մարմնոյ՝ զտուեալս 'ի կարին բնութեան , որոց
էր լինել 'ի տեսիլ անգեղեայ և դժպատեհ , զնոսին
պատրուակեաց և զուղակեաց : Եւսմ և այսպիսում
ճարտարարուեստ կազմութեան բնութեան զհետ չու
քաւ ամօթիսածութիւն մարդկան : Եւսմ զի զորս բը
նութիւնն ծածկեաց , զնոյնս ամենայն ողջամիտք տա
րամերժէն յաչաց . և 'ի հպատակել անգամ կարեաց
բնութեան՝ ջանան ըստ կարի գաղտնածածուկ օրինա
կաւ առնել . և զմասանց մարմնոյ որոց կարեւոր են պէտ
քըն , չտան զանուն , ոչ զմասանցն և ոչ զպիտոյիցն . և
զոր ինչ գործեմն չէ գարշելի միայն 'ի ծածուկ , այն և
'ի խօսս է ցոփութի : Եւսմ զի ոչ յայտնի գործականու
թիւն իրացդ այդոցիկ , և ոչ ցոփաբանն լինել ազատ է
'ի շամբշութեան :

Եւ չէ արժան ունկն դնել Շ նականաց , և կամ ե
թէ եղեն Ետոյիկեանք ոմանք ոչ ինչ ընդհատ 'ի Շ նա
կանաց , որք եպերեն և այսպանեն զայն , զի մեք զայն
ինչ իրս որք չեն իրօք վատթար , անշորհ համարիմք
'ի բերան առնուլ և անուանել . իսկ զգործս վատթա
րութե՝ սեպհական անուամբք յորժորջեմք : Եւսմ զայլ
դաւաճանել , շնալ , է գործ վատթարութեան . այլ տալ
զանուն սոցա չէ ցոփութի : Եւսմ զործ՝ է գործ
համեստ . այլ անուանել զիրսն՝ է ցոփ : Եւսմ և այլ
ինչ 'ի դէմն մեզ ածեն նոքա վասն սոցին իրաց ընդդէմ
պարկեշտութեան . այլ մեք զբնութեան զհետ եկես
ցուք , և յամենայնէ՝ զոր ոչ տանին տեսանելիք և լե
ւիք , փախիցուք :

Եւսմ , ընթանալ , նիստ և հանգիստ , երեսք և աչք ,
չարժմունք ձեռաց , սոքա իցեն 'ի վայելքականն յայն :

Եւսմ յերկուց իրաց պարտ է խորշել առաւել . զի մի
ինչ լինիցի կանացի կամ մեղի , և մի ինչ խիստ կամ
շինականագոյն : Եւսմ չէ իսկ ներքել զաւելջտարարաց և
ատենախօսաց՝ զի յանկաւոր ինքեանց համարեացին ,

զորս մեզ ցոյրութիւն վարկանիմք : Վատակողացն 'ի
 [Թատրոնի սովորութիւն այնչափ յինքեան բերէ ամօթ-
 խածութիւն ըստ հին կանոնի, զի ոչ ոք 'ի հանդէս ե-
 լանէ խաղու առանց անդրաձարտեաց, խիթացեալք՝ զի
 մի յանկարծ բացմամբ անդամոց՝ անպարկեշտ տեսիլ
 երևեցուցեն :] Եւ ըստ մերում սովորութեան որդիք
 չափահասք չերթան 'ի բաղանիս ընդ ծնողաց, որպէս
 և ոչ փեսայք ընդ աներաց : [Եւր պարտ է պահել զայս
 ազգ պարկեշտութեան, մանաւանդ ուր բնութիւն ինք-
 նին է վարդապետ և առաջնորդ :

ԼԶ.] Եւ քանզի գեղեցկութեան երկու ազգք են,
 մին չքնաղ, և միւսն պերճ, զչքնաղութիւնն պարտիմք
 կանացի գրել, զպերճութիւնն առնացի . վասն որոյ և
 արժան է յանձնէ 'ի բաց տարազրել զամենայն զարդ՝
 առն մարդոյ անվայել, և զգուշանալ յայսպիսի պակա-
 սութեանց նաեւ 'ի գնացս և 'ի շարժմունս : Վասնզի և
 կրկիսական շարժումաճք բազում մասամբ են ատելի . և
 կատակողաց ծեծեքմունք ինչ անպատեհք դառնացու-
 ցանեն զհանդիսականս . և յերկաքանչիւրոն բնականն
 և պարզն գովին : Իսկ պերճութիւն 'ի դէմն լաւութե-
 գունոյն երևի . և գոյնն կրթութեամբք մարմնոյն : [Եւ
 ժան է և ևս հոգ յանձին ունել 'ի լինել յարդարուն
 որ չիցէ ատելի, և ոչ յոյժ ինամեալ այնչափ՝ զի հեռի
 իցէ 'ի գեղջուկ և յանմարդի անհոգութենէ :] Եւ
 օրէնս պարտ է պահել և 'ի զգեստս . յորում, որպէս
 և 'ի յօլովագոյն իրս, չափաւորութիւնն է լաւ քան զա-
 մենայն :

Եւ ևս զգոյշ լինել պարտ է, զի ոչ կարի յամրա-
 շարժ լիցուք մեղկութեամբ 'ի ծանր գնացս, մինչև ե-
 րևել նման բառնալեաց զգահաւորակս՝ 'ի հանդիսի, և
 ոչ յերագել անդ շտապեսցուք խուճապմամբ . մինչև
 հեալ և այլագունիլ դիմաց և ծամաճոխ բերանոյ :
 [Եւ բազմեք առաւել պարտ է ինամ ունել, զի՝ մի
 շարժմունք հոգւոյն օտարանայցեն 'ի բնութենէ . և այս
 յաջողէ եթէ զգոյշ լինիցիմք՝ զի մի անկանիցիմք յաւ-
 բոխունս կրից և 'ի սրտաթափութիւնս . և պինդ կալ-
 ցուք զուշ մտաց 'ի պահպանութիւն վայելչականին :

1 Գահաւորակք յածեցուցաւ նեալ իրս յամրագնաց յոյժ :
 նէին զկուռս և զարբաղան անուա .

և յակամայս եկեացուք և 'ի հարկէ եւթ' եթէ ոչ ինչ այլ դեղ դարմանայ դտանիցի . այլ սակայն մի ընդ խառնեացի ցասուան, ընդ որում անհնար է ուղիղ ինչ առնել և կամ խորհրդով :

Սեփա մասամբ օրէն է գթութիւն խառնել 'ի պաւտոհասն, բայց կից ընդ ծանրութեան . զի և անաշուխատութիւն ցուցցի, և մի լինիցի արհամարհութիւն : Եւ զայն ևս պարտ է ցուցանել՝ թէ զայդ դառնութիւնս կշտամբութե 'ի պատճառս կշտամբելոյն յանձին կալաք : Վործ ուղղութեան է՝ և 'ի կազո կուոյ անգամ որ ընդ յետին թշնամիս լինին, թէպէտ և զանվայելն մեղ լուիցուք, ծանրութիւն պահել, և զարտմութիւն մերժել յանձնէ : () Ի որ ինչ ամբոխմամբ իւր լինի, այն ոչ կարէ կալ 'ի հաստատութեան, և ոչ յիւրաւունս 'ի մերձ կացելոյն գրի : Տարադէպ է և զանձնէ քարոզ լինել, մանաւանդ ստութե, և հանդերձ ծաղու լեւեաց, նմանող լեալ խապարծ () օրականին :

ԼԹ . Եւ քանզի զամենայն ինչ հետաքօտեմք, կամիմք իսկ ստուգապէս, ասելի է և ևս թէ որպէս արժան իցէ լինել տան առն պատուականի և իշխանի, որ կանգնի 'ի բնակութիւն . առ որ պարտ է յարմարել զստորագրութիւն շինութեանն, բայց լեալ մտադիր պատուոյ և դիւրութեան : Եւ իսկ չոկտաւիտի, որ եղև առաջին հիւպատոս յազգատոհմէ անտի, որպէս լեւմք, շինելն նորա 'ի Սալադինն՝ տուն հոյակապ և մեծաշուք, եղև նմա 'ի պատիւ . զոր տեսեալ ամբոխին՝ համարէին 'ի դէպ՝ զի տէր նորա, թէպէտև նոր այր, 'ի հիւպատոսութիւն 'ի վեր ելցէ : () որ քահեալ Սկաւրոսի՝ մեծացոյց յաւերուածովք զիւրն ապարանս : Բայց նա եղև առաջին՝ որ զհիւպատոսութիւնն 'ի տուն իւր ած : Եւ սա որդի առն մեծի և ապանաւորի՝ 'ի տուն անդր ընդարձակեալ ոչ միայն արհամարհութիւն երբեր, այլ վատանաւնութիւն և թրշուաւութիւն միանգամայն :

Եւ թժանապատուութեանն պարտ է առնուլ յաւերուածս զարդուց և 'ի տանէն, այլ ոչ եթէ միայն 'ի տա

1 Անարկէ գթաստօն Տերեն .
տիտի 'ի Ներքինի, և զՊերդոպո .
լինիկէ Պաւտեայ :

2 Անուանեալ Լեւոն Պաւ .
տիտի 'ի Հոռով :

հէն ակն ունել զամենայն: () ի ոչ եթէ յանուն տան տէրն, այլ յանուն տեառն տունն է բարեհամբաւելի: Եւ զոր օրինակ յայլ իրս ոչ զանձին և եթ, այլ և զայլոցն պարտ է հոգալ, սոյնպէս և ՚ի տան պայծառ առն որ ասպնջական ունի լինել բազմութեան հիւրից, և ընդունարան բազմութեան յամենայն վիճակէ մարդկան, արժան է հոգ տանել ընդարձակութեան: Եւ պարթէ ոչ՝ տուն ընդարձակ ՚ի նախատինա տեառն իւրոյ լինի յողովակի, եթէ միայնութիւն է ՚ի նմա. մանաւանդ եթէ երբեմն ընդ օտար տերամբ իցէ յաճախեալ: Եւ զի անարգանք են լսել յանցաւորաց:

Բաբէ, որպիսի, վաղեմի դու տուն

Եւ իսկ ՚ի տեառնէ ընդդիմակ նախնոյն:

զոր առ մեօք զյողովից տանց ՚ի դէպ է ասել:

Եւ ևս զգուշանալ պարտ է, մանաւանդ եթէ դու քեզէն շինեսցես, զի մի ծախիւք և մեծագործութիւն ըստ չափն ելանիցես. և յայսմ մասին ևս բազում չարեաց օրինակք կան առաջի: Եւ ասն զի յողովք փութով պնդութեան՝ առաւել յայդմ մասին նախանձաւոր լինին գործոց իշխանաց. զոր օրինակ () . () ուկուղոսի առն ծայրացելոյ ո՞րք եղև առաքինութեանն նախանձաւոր. բայց քանիք դաստակերտացն մեծագործութեց: Եւ քաբէն յայստակ պարտ է չափ դնել և ՚ի չափաւորութեան կալ. և զնոյն չափաւորութիւն յամենայն պէտս և ՚ի սպաս կենաց պարտ է երևցուցանել: Եւ յսոքիկ այսքան:

Եւ ձեռն արկանել ՚ի գործ՝ յամենայնի պարտ է հըսկել յերիս. նախ զի յօժարութիւն բաղձանաց հպատակեսցի բանին. քան զոր չիք ինչ յանկաւորագոյն ՚ի պահպանութիւն պատշաճից. երկրորդ՝ զի յուշածցուք որչափ ինչ իցէ այն զոր կամիմք կատարել. զի մի աւելի կամ պակաս փոյթ և խնամ յանձին կալուք քան զպէտան պահանջեալ. երրորդն է զգուշանալ զի կարգեալքն ՚ի շուք և ՚ի պերճութիւն մի ելեն ըստ չափ: Եւ չափն ընտիր է կալ ՚ի վայելչականին, զորմէ կանխեցաք ասացաք, և ոչ հեռագոյնս օտարանալ: Եւ այց գերագոյնն երիցս այսոցիկ է հպատակել բանի զբաղձանս:

Եւ () Եւ ասէ զկարգաց իրացն, և

զդիպողութենէ ժամանակաց : Ի սմին զիտութեան բռնականի անուանեալն 'ի Յունաց բարեկարգութիւն . ոչ զոր մեքս չափաւորութիւն թարգմանեմք , յորում չափ 'ի մէջ բերի ' . այլ այն է բարեկարգութիւն ' յորում տեսանի պահպանութիւն կարգի : Եւթմութեայտ և մեք համեստութիւն յորջորջիցեմք զնոյն , զայս օրինակ սահմանեն զայն Ստոյիկեանք . Բարեկարգութիւնն է զիտութիւն առնելեաց կամ ասելեաց 'ի պատշաճ տեղի սեպհական : Եւ այսպէս նոյն երեւի ունել զօրութի կարգն և պատշաճողութիւն տեղոյ : Բանգի և ըզկարգն այսպէս սահմանեն : Յարմարումն իրաց ըստ յանկաւոր և պատշաճաւոր տեղեաց : Եւ զտեղին գործողութեան՝ զիպողութիւն ժամանակի ասեն լինել : Իսկ ժամանակն առնելոյ՝ յունարէն ասի Դէպ ժամանակ . և լատիներէն՝ Պատեհ : Եւ ըստ այսմ (բարեկարգութիւն) համեստութիւնն , 'ի մէջ այսպէս թարգմանեալ , ըստ ասացելոցս՝ լինի Գիտութիւն զիպողութե ժամանակաց պատշաճելոց 'ի գործել : Եւթմութի նոյն լինել խոհեմութեանն սահման , զորմէ 'ի սկզբան անդ ճառեցաք . այլ յայսմ վայրի ինդիք մեր է յաղազս չափաւորութեան և բարեխառնութեան և զհանգու նաստիպ առաքինութեանց : Եւթ պատշաճականքն խոհեմութեան առանձին՝ յիւրում տեղոյց ցուցան . այլ զանկաւորացն առաքինութեց , զորոց առաջիկայ բանս է , որ և հային 'ի պարկեշտութիւն , և 'ի հաճութիւն այնոցիկ ընդ որս քաղաքավարիմք , ասացուք 'ի մօտոյ :

Եւթ կարգ այնպիսի պարտ է ունել 'ի գործս , զի որպէս 'ի ճառ իմն հանդերձեալ , սոյնպէս և 'ի վարս՝ առնայն ինչ իրք իցեն պատկանեալք և յարմարեալք ընդ իրերաց : Որպէս և անպատեհ է և յոյժ անտեղի՝ 'ի կարեւոր ինչ դէպս 'ի վերայ բերել զասացուածս ինչ խրախականս , կամ զբան ինչ մեղկ : Պերիկլէս ընդ Սոփոկլի բերթողի իւրումն գործակցի 'ի դատարանի , 'ի պարապել երկոցունց 'ի հասարակաց ծառայուի , դէպ եղեալ անցանել ընդ այն գեղեցիկ մանկան , և յասել

1 Modus է Եզանակ կամ չափ .
 և Modestia Չափաւորութի , կամ
 համեստութիւն :

2 Յունականն Εὐταξία, Բարե-

կարգութիւն , 'ի ձայնիցս 'Εὐ, բարի . τάττεσθαι, կարգել :

• 3 Յն, Εὐκαιρία. Լտ, Occasio.

Սոփոկղի, քանի՜ զեղաղէշ է մանուկդ Պերիկլէս, նա քաջիկ ետ պատասխանի. Սոփոկղէ, վայել է առն դատաւորի ոչ միայն զձեռն անարատ պահել, այլ և զաչս։ Բայց թէ Սոփոկղի զայն բան ասացեալ էր՝ի զուլուծի ըմբշամարտկաց՝ ազատ լինէր յարդարացի կտամբանաց։ Եւ յաբան է զօրութի տեղւոյ և ժամանակի։ Օ որ օրինակ եթէ որ որ ունիցի դատ վարել յատենի, զձառնապարհայն կամ՝ի ճեմել իւրում՝ անձամբ յանձին որոճեսցէ զխորհուրդս, կամ զայլ ինչ խորհեսցի ուշի ուշով, չէ ստգտանաց. սակայն եթէ՝ի սեղանի առնիցէ զայդ, տմարդի որ ցուցեալ լինի՝ անգիտութեամբն դէպ ժամանակի։

Եւ որ ինչ միանգամ կարի օտարանան՝ի մարդկութենէ, զոր օրինակ ՚ի հրապարակի երգել, կամ այլ ինչ մեծ իմն անպատեհ գործ, դիւրաւ յայտնի լինին, և ոչ շատ կարօտին խրատուց և կանոնաց։ Եւ որ փոքր թուին յանցանք, և ոչ ՚ի բազմաց մարթին խելամուտել, ՚ի նոցունց պարտ է խտորիլ մեծ ևս իմնամով։ Օ որ օրինակ ՚ի սրինգս կամ ՚ի փողս՝ թէպէտեւ դոյզն լինիցի անհամաձայնութի, բայց իմանան հմուտքն արուեստին. նոյնպէս պարտ է զգոյշ լինել ՚ի վարս, զի մի գուցէ անհամաձայնութիւն ցուցցէ որ յանձին. և այնչափ առաւել յոյժ, որչափ մեծ և լաւ է ներդաշնակութիւն գործոց քան զձայնից։

ԽԱ. Եւ որդ զոր օրինակ ՚ի լարս քնարերգուաց լսելիքն զգան և զկարի դուզնաբեայս, ըստ նմին և մեք եթէ սրագոյնք և արթունք կամիմք լինել, և ուշադիրք պակասութեանց, բազում անգամ զմեծամեծս ՚ի փութունց ունիմք իմաստասիրել։ Եւ յաչաց հայեցուածոյ, ՚ի պարզելոյ յօնից կամ ՚ի կծկմանէ, ՚ի թախծութենէ, ՚ի զուարթութենէ, ՚ի ծիծաղմանէ, ՚ի խօսելոյ, ՚ի լռելոյ, ՚ի սաստկութենէ և ՚ի թուլութենէ բարբառոյ, և ՚ի սոցին նմանեաց հեշտեաւ ունիմք դատել, որ ՚ի սոցանէ օրինօք լեալ իցէ, և զի՛նչ ինչ խտորեալ ՚ի պատշաճից և ՚ի բնութենէ։ Եւ յայտոսիկ չէ ինչ դժուարին՝ զորպէսն և զգիարդն նոցունց յայլոց անտի դատաստան առնել. զի թէ ինչ մի անվայել երևեսցի յայլս,

1 Նստեալ հանգիսատես դուպարուց մերկամիջանակ ըմբշաց։

խորշեսցուք մեք մեզէն։ Այս անգի չգիտեմ որպէս յայլ առաւել նշմարեմք քան յանձինս՝ զսխալմանս։ Աստի կարի յոյժ դիւրաւ ուղղին աշակերտք, զորոց զթերութիւնս նմանողօրէն յանձինս բերցեն վարդապետք խրատելոյ աղաղաւ։

Եւ չէ տարադէպ՝ առ ընտրութիւն իրաց, որք տալակուսանս՝ ի մէջ բերեն, ի ձեռն առնուլ զգիտնաւոր կամ զփորձ մարդիկ, և ստուգել զինչ հաճոյ թուիցի նոցա յազգա ազգա պատշաճից։ Այս անգի բազմագոյնք բնաւորեալ են յայն հակամիտել, յոր ի բնութէ անտի առաջնորդին։ Եւ յայսպիսիս արժան է տեսանել ոչ միայն թէ զինչ ասէ այր իւրաքանչիւր, այլ և յինչ միտս իցէ, և յինչ պատճառս իցէ յայն միտս։ Այս անգի զոր օրինակ նկարիչք և արձանագործք, և բանաստեղծք գլխովին, կամին՝ զի ամբոխն լիցի զննիչ գործոյ իւրեանց իւրաքանչիւր. որպէս զի եթէ ինչ մի եպերեսցի ի յօլովագունից, այն ինչ ուղղագրեսցի. որ և յիրերաց նաւ յայլոց հարցանեն, զինչ պակասութի կայցէ յայս գործ. ըստ նմին օրինակի անկ է և մեզ բազում ինչ առնել կամ չառնել, փոխել կամ ուղղել դատաստանաւ այլոց։

Իայց որ ինչ միանգամ գործին սովորութեամբ և քաղաքական օրինօք, զայնցանէ չէ օրէն կանոնս աւանդել. զի ինքնին իսկ կանոնադրեալ են այնորիկ. և չէ պարտ ումեք բերիլ յայս վրիպակ կարծիս եթէ Առկրատէս կամ Վրիստիպպոս գործեցին երբէք ինչ մի և կամ խօսեցան հակառակ քաղաքական վարուց և սովորութե, նոյն և ինքեան օրինաւոր իցէ։ Ի՞նչա յայսմ աղատութեան վայելցին առ մեծամեծ և անչափ լաւութեանց։ Իսկ զՇ նականացն կարծիս ի սպառ հերքել արժան է. վասն զի թշնամի է պարկեշտութեան, առանց որոյ ոչ կարէ լինել ուղիղ ինչ և համեստ։

Իսկ զայնոսիկ որոց վարք արտափայլեն ի համեստ և ի մեծամեծ իրս և բարեանէրք են առ հասարակաց տէրութիւն, և բարեացապարտք, կամ բարեաց արժանաւորք, պարտիմք մեծարել և պաշտել հանգոյն պերճացելոցն իւրք պատուով կամ իշխանութեամբ. որպէս և յարգ մեծ ընծայել ալեաց, տեղի տալ դատաւորաց, ընտրութիւն առնել քաղաքակցաց և օտարականաց, և

յօտարականս իսկ ընդ ինքնեկս՝ և ընդ եկս հասարակաց հաճութեամբ։ Եւ պարզաբար, զի մի զմիոյ միոյ շառեցից, պարտ է մեզ զհամբրէն ազգի մարդկան զընդհանուր դաշնաւորութիւն և զմիաբանութիւն պաշտել, պաշտպանել և պահպանել։

ԽԲ. Իսկ յաղաքո արուեստից և վաճառաշահոց, որ այն ազատականք իցեն, և որ այն սինքրորք, ասասցուք արդ։ Եւ յախ արհամարհ են այն վաճառաշահք, որք ատելութի ծնանին առ մարդիկ. որպէս մնքսառուացն և վաշխառուաց։ Եւ ծառայական և անարգ շահք են վարձկանաց, և ամենեցուն նոցա, որոց գործքն և ոչ ճարտարութիւնք զնոց գնին։ Եւ ասն զի այն իսկ վարձքն է նոցա հաստահիմն նշանակ ծառայութեան։ Եւ անարգս պարտ է համարել և զնոսա, որք գնեն 'ի վաճառակահաց՝ առ 'ի վաճառել անդրէն այլոց փութապէս. զի ոչ ինչ օգտին՝ եթէ ոչ ստեցնեն գլխովին, և չիք ինչ վատութարագոյն քան զխարդախութիւն։ Եւ գործաւորք առ հասարակ են յանարգ արհեստէ. զի ոչ ինչ հանձարաւոր մարթի գտանել 'ի գործարանի։ Եւ բնաւին գովելի և այն արհեստք որք փափկութեանց ծառայեն, կիտորսակք, սպանդարարք, խոհարարք, պարարտաբոյծք, ձկնորք, ըստ Տերենտիոսի ասելոյն։ Եւ յաւել, եթէ կամք իցեն, իւղեփեացք, կաքաւիչք, և ամենայն խաղ վիզաց կամ քուեսայց։

Եւ այց այնորիկ արհեստք՝ յորս են կամ առաւել հանձար կամ ոչ սակաւ պիտանութիւն, որպիսիք են բժշկականն, ճարտարապետականն, և ուսումն իրաց համեստից, այսորիկ գան 'ի ճահ այնորիկ՝ որոց վիճակին են վայելական։ Իսկ վաճառականութիւնն, եթէ դուզնաբեայ ինչ է, ընդ անարգս է գրելի. ապա եթէ մեծ և առատ, բազում ինչ բերելով յամենայն կողմանց, և բազմաց բաշխող անխարդախ, չէ 'ի սպառել պերելի։ Եւ ևս եթէ որ յագեալ 'ի շահոց, մանաւանդ թէ շատացեալ, որպէս ստէպ 'ի խորոց 'ի նաւահանգիստ, նոյնպէս և 'ի նաւահանգստէ անտի յազարակս իւր և 'ի կալուածս զանճն ժողովեացէ, այնպիսին թուի կարի քաջ իրաւամբք արժանի գովութեան։ Եւ մեջ ամենայն շահաբերաց չիք լաւագոյն քան զերկրագործութիւն, և ոչ պտղաբեր, և ոչ քաղցր. և ոչ իսկ առա-

ւել վայելական մարդոյ, մանաւանդ առն ազատի: Եւ քանզի զայսմանէ լիով ասացաք 'ի ճառն յատուի մեծի, անտի առնուցուս որ ինչ հայի յառաջարկութիւնդ:

Իսկ շատ իսկ բացադրեալ տեսանի, եթէ զհարդ յառաջագոյն պատշաճականքն 'ի մասանց անտի հա մեստութեան: Իսկ յաղազս բուն իսկ համեստից մար թի պատահել բազում անգամ վէճ՝ եթէ յերկուց հա մեստից որ այն իցէ համեստագոյն. զորով զանց արար Պանետիոս՝: Օ ի որովհետեւ ամենայն համեստութի ողջոյն 'ի չորս ամփոփեալ է մասունս. որոց առաջինն է ճանաչողութիւն, երկրորդն հաղորդակցութիւն, եր րորդն մեծօրհնութիւն և չորրորդն չափաւորութիւն, հարկ է սոցա 'ի բաղդատութիւն գալ ընդ միմեանս յընարութեան անդ պատշաճից 'ի գործս:

Եւ արդ ես այնպէս համարիմ՝ եթէ յանկաւորագոյն են բնութեան գործքն պատշաճից՝ յառաջ եկեալքն 'ի հաղորդակցութենէ, քան որք 'ի ճանաչմանէ. և զայս մարթ է հաստատել ձեռնարկութեամբս. զի եթէ զի պեսցի իմաստնոյ կեանք այնպիսի, մինչ զի լցեալ առա տութեամբ ամենայն պիտոյից, 'ի խոր հանդարտութե նկատող լեալ անձամբ յանձին խոկայցէ զկարեւորսն գիտութեան, սակայն եթէ այնչափ իցէ առանձնութի, մինչև չկարել տեսանել մարդ զոք, զրկի և 'ի կենաց: Եւ է իսկ իշխան ամենայն առաքինութեանց իմաստու թիւն, անուանեալն 'ի Յունաց σοφία, զանազանեալ 'ի խոհեմութենէ զոր φρόνησις, կոչեն Յոյք. որ է զի տութիւն բաղձալեաց և խորշելեաց: Իսկ իմաստութիդ այդ զոր իշխան կոչեցի, է գիտութիւն աստուածեղի նաց և մարդկեղինաց, յորում փակի աստուածոց և մարդ կան հաղորդակցութիւն և ընկերութիւն ընդ իրերաց: Եւրդ եթէ մեծ է այս քան զամենայն, որպէս և է ըս տուգապէս, հարկ է ապա լինել մեծ քան զամենայն՝ պատշաճին այնմիկ որ 'ի հաղորդակցութենէ ունի զծա գումն: Եւ ասն զի ճանաչումն և նկատումն բնութեան թերակատար ունի լինել իւրի իրօք, և սկսեալ և եթ, եթէ ոչ 'ի վերայ գայցէ առնելութիւն ինչ իրաց. իսկ

1 Ստոյիկեան. զի ըստ այնմ՝ մենայն, որպէս և չարիք ամենայն: Գալոցի հաւատար գինն բարիք ա.

առնեցութիւնդ այդ առաւել 'ի վեր երեւի 'ի հոգալ ըզմարդկան պէտս :

Այս ուրեմն պատկանի առ ընկերութի ազգի մարդկան, սմին իրի պարտ է վերադաս առնել զայս քան ըզճանաչումն . զոր և իւրաքանչիւր որ յառաքինեաց արդեամբք ցուցանէ և հաւատարմացուցանէ : Այսն զի ո՞ր որ է այնչափ յառեալ 'ի տեսութիւն և 'ի ծանօթութիւն բնութեան իրաց, զի 'ի զննել և 'ի նկատել նորա զիրս ամենայնիւ արժանաւորս գիտութեան, եթէ յանկարծակի հասցէ նմա լուր վշտաց վտանգի հայրենեաց՝ որում կարող իցէ սատար լինել և ձեռնուտ, ոչ թողուցու բռնիցէ զայն ամենայն, թէ և եղեալ իցէ 'ի մտի կարող լինել զաստեղս թուել, կամ զչափ առնուլ մեծութեան աշխարհի : Օնոյն առնիցէ և 'ի կալիս կամ 'ի վտանգո ծնողին և բարեկամին :

Յորոց լինի իմաստասիրել, թէ քան զուսմունս և ըզպաշտօնս գիտութեան նախապատուել արժան է ըզպաշտօնս արդարութեան՝ կարգեալս յօգուտ մարդկան . քան զոր ոչ ինչ այլ կարեւոր պարտի լինել մարդոյ :

Ի՞նչ . Ահայն և նոքա, որոց ուսումն և ամենայն կեանք ծախեցաւ 'ի ճանաչումն իրաց, ոչ օտարացան 'ի յաճախելոյ զօգուտս և զպէտս մարդկան : Այսն զի վարժեցին ուսմամբ զբազումս, զի լինիցին լաւագոյն քաղաքացիք, և օգտակարագոյնք հասարակաց . որպէս ի իսիս պիւթագորեան զթեբայեցին, յաւամքնոնդաս, և յղատոն զսիրակուսացին՝ Վիոֆն, և բազումք այլք զբազումս, և մեք իսկ գլխովին՝ որ զինչ շահ օգտի տուաք հասարակաց տէրութեան, եթէ տուաք ինչ, 'ի գիտնոց և 'ի գիտութենէ հրահանգեալք և կահաւորեալք մատեալք 'ի նոյն :

Եւ ոչ միայն առ կենդանութեամբ և յառաջիկայութեան մարդէն և ուսուցանեն զուսումնասէրս, այլ և զնոյն 'ի գլուխ տանին յետ մահու արձանագրութեամբ տառից : Եւ ոչ թողաւ 'ի նոցանէ բան ինչ պատկանեալ կամ առ օրէնս, կամ առ վարս, կամ առ հրահանգս վարդապետութեան հասարակաց . որպէս այն թէ զիւրեանցն հանդարտութիւն նուիրեալ իցեն 'ի մեր պէտս : Եւ այսպէս ինքեանք զանձինս տուեալ յուսումնասիրութիւն և յիմաստասիրութիւն՝ բոլորովին 'ի

մարդկանց օգուտ կարգեցին զհանձար և զուշխմութիւն իւրեանց : Սորին ազադաւ լաւ ևս է առատ լինել 'ի խօսս բանից , միայն թէ իմաստութեամբ , քան թէ առանց բանի կարի իսկ նրբատես լինել մտօք : Ստան զի մտածութիւնն ինքն յինքեան առնու շրջան . իսկ պերճախօսութիւնն յինքեան պարազրէ զնոսա՝ ընդ որս զօդեալ եմբ հաղորդակցութեամբ :

Եւ զոր օրինակ մեղուացդ պարբ ոչ 'ի կազմել ըզխորիսիս մեղու համահաւաքին , այլ քոնջի հաւաքական են բնութեամբ՝ խորիսիս կազմեն . սոյնպէս և առաւել ևս մարդիկ բնութեամբ համահաւաքեալք՝ փոյթ 'ի մօրի գնեն խորհելոյ և գործելոյ : Եւս ուրեմն առաքինութիւնն այն , որ հանդերձի 'ի հոգալոյ զմարդկան պէտս , այս ինքն յընկերութենէ ազգի մարդկան , եթէ ոչ միասցի ընդ ճանաչման իրաց , երևի ճանաչումն ցուրտ և թափառական : Արպէս և քաջարտութիւնն , եթէ բարձցես զմարդկային հաղորդութիւն և ընկերութի , գազանութիւն իմն է և տմարդութիւն : Եւ այսպէս միաբանութիւն և հաղորդակցութիւն մարդկան յաղթական գտանի փութոյ ճանաչման :

Եւ չէ ճշմարիտ ասացեալն յոմանց յաղազս կարեաց կենաց , թէ ոչ կարող էաք զկարիս բնութեան 'ի ձեռս բերել և գլխաւորել առանց այլոց , և վասն այն եղև այդ հաղորդութիւն և ընկերութի ընդ մարդիկ : Եւսն պէս զի ամենայն ինչ որ միանգամ կարեւորք իցեն 'ի թռչակ կենաց , եթէ աստուածային գաւազանաւ՝ ըստ առածին՝ մեզ մատակարարէր , յայնժամ ամենայն մտացի թողեալ զամենայն զգործս՝ անձնատուր լինէր բոլորովին 'ի ճանաչումն և 'ի գիտութիւն : Բայց չէ այդ այդպէս . նա և այնպէս յառանձնութենէ փախէր , և ընկերակից ուսման խնդրէր՝ եթէ ուսուցանել և եթէ ուսանել կամէր . ասել՝ միանգամայն և լսել : Եւսն ուրեմն զամենայն գործ պատշաճից՝ կարգեալ 'ի պէտս կցորդութեան և ընկերութեան մարդկան , արժան է նախապատիւ առնել քան զայն՝ որ յածի զճանաչմամբ և զգիտութեամբ :

Եւս է ըստ մերում՝ ուսմական առածին՝ Եթէ իջանէր յերկնից պարկաւ : Եւսն ինքն ինքնին մեզ

մատակարար առանց մերոցս վասակոց :

ԽԵ. Սերեա զայն արժան իցէ քննել՝ թէ արդեօք հաղորդութիւնս այս քաջադէպ բնութեանս, իցէ՞ նախապատուելի միշտ և քան զչափաւորութիւն և զհամեստութիւն : Սեղ ոչ հաճոյ թուի բանդ. վասն զի են ինչ ինչ այնպէս պժգալի, և այլք այնպէս եղեռնաւոր, մինչ զի պարտ է հրաժարել յայնմանէ իմաստնոյն՝ թէպէտ և ՚ի պէտս պահպանութեան իցէ հայրենեաց : Ըստ ինչ յայսպիսեաց աստի ժողովեաց Պոսիդոնիոս. այլ են ՚ի նոսին իրք ինչ այնպէս դժպատեհք և զազիրք, զի և ասել անգամ անարժան երևին : Ըրդ զայսպիսիս չունի յանձն առնուլ վասն հասարակաց օգտի. և ոչ հասարակութիւնն կամի զի որ յանձին կալցի վասն իւր : ԸՅԼ ևս դիւրագոյն է լուծումն այդորիկ երկմրտութեան. քանզի ոչ պատահէ երբեք լինել պէտք առնելոյ ինչ յայնպիսեաց անտի առն իմաստնոյ յօգուտ հասարակաց :

Եւ արդ արդարացեալ ուրեմն է՝ թէ յամենայն գործրս պատշաճից գերապանծ է քան զայլսն այն որ կարևորն իցէ ընկերութեան մարդկան : Վանզի և ճանաչման և խոհականութեան զհետ գայ գործ խորհրդածեալ. ուստի մեծ ևս է խորհրդով գործելն՝ քան խոհեմութեամբ խորհել : Եւ այսորիկ այսքան. զի յայտ յանդիման ցուցեալ եղև ինդիրս՝ թէ չէ դժուարին ՚ի հետազօտել անդ զպատշաճ՝ դիտել, թէ զինչ քան զինչ ինչ իցէ նախապատիւ : Եւ ընկերութեան իսկ անդաշտիճանք են գործոց պատշաճից, յորոց մարթ է ՚ի միտ առնուլ՝ թէ զինչ քան զինչ իցէ յարգի. զոր օրինակ առաջին պաշտօնն անկ է աստուածականին. երկրորդն հայրենեաց. երրորդն ծնողաց. սոյնպէս և այլքն հետ զհետէ՝ ըստ կարգի :

Ի համառօտ բանիցս ասացելոց՝ ՚ի դէպ է իմաստասիրել թէ մարդիկ ոչ միայն յերկբայս լինին, արդեօք այս ինչ համեստ իցէ եթէ տարադէպ, այլ և ՚ի յանդիման լինել երկուց համեստից՝ թէ որ այն համեստագոյն ևս իցէ. զորով որպէս ասացի, զանց արար Պանետիոս : ԸՅԼ մեք յառաջիկայսն ընթացուք :



ՄԱՐԿՈՍԻ ՏՈՒՂԱԴՌՈՍԻ

Կ Ի Կ Ե Ր ՈՆԻ

ՅԱՂԱԳՈՍ ՊԵՏՇԼԱՊՈՍ

ԱՌ ՄԱՐԿՈՍ ՈՐԴԻ ԻՒՐ



ԳԻՒՐ ԵՐԿՐՈՐԻ

Ա. ՕՍԵՆ, [Ե որով օրինակաւ, Սարկոս որդեակ, գործք պատշաճից ծագեն 'ի համեստութենէ և յամենայն ազգէ առաքինութեան, որպէս կարծեմ՝ փոքր 'ի շատէ ցուցաբ յառաջին գիրս: Սնայ ինձ անցանէլ ընդ ազգո ազգո պատշաճից՝ որ հային 'ի կենցաղս և 'ի վայելք բարեաց զոր 'ի կիր առնուն մարդիկ, որք են ինչք և իշխանութիւն: Յորում ըստ ասացելոցս լինի խնդրել, զինչ իցէ օգտակար, և զինչ անօգուտ. և յօգտակարս անդ զինչ օգտակարագոյն, կամ զինչ ամենաօգտակար. զորոց բուն հարից ասել, յետ ասելոյ կանխաւ սուղ ինչ զկանոնադրութենէս և զգաւաւ տանէ մտաց:

Ս ան զի [Եպէտ և գրեանք մեր զբաղումս զարթուցին ոչ միայն յընթերցասիրութի, այլ և 'ի սէր գրութեան, այլ տակաւին երկնքիմ մի արդեօք ոմանց ոմանց 'ի լաւ արանց դժկամակ [Եռեսցի փիլիսոփայութեանն անուն, և զարմանայլեն ընդ ծախելն իմ զայնչափ փոյթ և զժամանակ: Արդ ցորչափ առաջնորդէր հասարակաց տէրութիւնն յարանց որոց էր հաւատացեալ խը

նամքն, ես յայնժամ զիմ զամենայն ջան և զմտածութիւն 'ի նոյն ծախէի. այլ յորժամ ամենայն ինչ անկաւ ընդ ձեռամբ տիրապետութեան միոյն և ոչ մնաց տեղի խորհրդակցութեան կամ իշխանութեան, կորուսեալ իմ նա և զգործակիցս 'ի պաշտպանութի հասարակապետութեան՝ զընտիր որեալն, ոչ ևս ետու զանձն իմ 'ի վիշտս վտանգի, յորս թակարդապատեալ լինէի՝ եթէ ոչ զգէմ ունէի նոցա, և ոչ դարձեալ անձնատուր եղէ 'ի մեղկութիւնս՝ առն գիտնաւորի անվայելս:

Եւ եթէ կայր մնայր տէրութիւն հասարակաց 'ի վիճակին յորում 'ի սկզբանն էր, և չանկանէր 'ի ձեռս մարդոց՝ որք ոչ այնչափ իղձ լինին 'ի փոփոխել զիրս՝ որչափ հիմն 'ի վեր շրջել: Վնասդի նախ, որպէս սովոր էաք առնել 'ի ժամանակի հասարակաց տէրութեան, առաւել 'ի գործել քան 'ի գրել խնամ տարեալ. երկրորդ 'ի գիր իսկ անցուցանէաք՝ ոչ զայժմուս, այլ զանցս գործոց մերոց. զոր օրինակ բազմօք արարաք: Եւ այց յորժամ հասարակաց տէրութիւնս 'ի չիք դարձաւ գրել խովին՝ յոր ծախէի զամենայն զիմ փոյթ և զխորհուրդ և զգործ, լռեցին այնուհետեւ գրուածքն այն՝ եթէ աւտենականք և եթէ ծերակուտականք: Եւ զի ամենարթ էր անգործ լինել հոգւոյս 'ի սպառ, որովհետեւ անդատին 'ի մանկութենէ յուսմունս յայտոսիկ դեգերեալ էր իմ, համեստութեամբ փարատել զտաղտկութիւնս հնաբաւոր գոլ վարկայ, եթէ 'ի փիլիսոփայութիւն անդրասեմ զանձն իմ դարձուցից: Եւ յոր թէպէտ և յերիտասարդութեան բազում ժամանակս ծախեցի՝ առ ուսանելոյ, բայց յորժամ սկսայ արբանեկել չքոյ փառաց, և բոլորովին ետու զանձն իմ 'ի գործ հասարակաց տէրութեան, այնչափ մնայր տեղի փիլիսոփայութեան, որչափ ինչ յաւելոյր 'ի ժամանակէն բարեկամաց և հասարակութեան: Եւ զայն ևս բովանդակ ծախէի յընթեռնուլ, և ոչ գոյր պարապ գրելոյ:

Բ. Եւ արդ 'ի մեծամեծ չարեացս միջի գէթ զայս ինչ բարի, որպէս կարծեմ, 'ի ձեռս բերաք, զի 'ի գիր դրոշմեսցուք զայն ամենայն՝ որ ոչ ըստ բաւականին ծանօթ էին մերայոց, և ամենեւին իսկ արժանիք էին գիտութեան: Եւ ամեն զինչ է, զի և զն ասեմ, ցանկալի

առաւել քան զիմաստութիւն . զինչ այլ գերապանծ , զինչ այլ լաւագոյն մարդոյ , և զինչ առաւել վայելչական մարդկութեանս : Եւ ահա այսմ ցանկացողք՝ փիլիսոփայք՝ անուանին . զի և ոչ այլ ինչ է փիլիսոփայութիւն , եթէ թարգմանել կամիցիս , բայց իմաստասիրութիւն : Իսկ իմաստութիւնն է՝ ըստ որում՝ ի հնոց անտի սահմանեցաւ յիմաստասիրաց , գիտութիւն աստուածային և մարդկային իրաց , և պատճառացն՝ յորոց այսոքիկ յառաջ գան : Եւ եթէ որ զսորին ուսումն անգտնէ , չգիտեմ զինչ այլ գովելի պտանիցէ :

Օ ի եթէ զզուարճութիւն ասիցես ոգւոյ և զհանգիստ ի հոգոց , ո՞ր գտանիցի համեմատ ուսումնասիրութեան այնոցիկ՝ որ միշտ ՚ի խնդիր են տենչանօք իրաց որ ՚ի դէպ են և առաջնորդեն առ բարիօք և երանելի կեանս . և եթէ խնդրի սկիզբն անայլայլակ վարուց և առաքինութեան , կամ այս արհեստ է , և կամ չիք այլ բնաւին՝ որով ժաման լիցուք այդոցիկ : Չիքն ասել բնաւին արհեստ մեծամեծացն , ուր և ոչ մին ՚ի կարի փոքունց է առանց արհեստի , այնոցիկ է որ առանց խորհրդոյ բարբառին , և ՚ի մեծամեծս սխալին : Իպա եթէ կայցէ ուսումն ինչ սուաքինութեան , ո՞ր գտցես , եթէ յայս ազգ ուսմանէ օտարասցիս : Եւ զայսցանէ լաւ և աշուք ՚ի մէջ անկանին ՚ի յորդորանս անդ իմաստասիրութեան , զոր յայլում մատենի արարաք . բայց ՚ի ժամուս այնչափ ինչ մեզ յայտնաբանել պէտք եղեն , թէ հիմ ՚ի վերջանալ ՚ի պաշտամանց տէրութեան հապարակաց՝ ՚ի սոյն ուսումնասիրութիւն առաւել եղաք միջամուխ :

Եւ որ ՚ի դէմն մեզ ածեն , և այն՝ գիտնաւորք և ուշիմք , խնդրելով իմն՝ եթէ իմաստութեամբ կարծիցեմք գործել մեք , որք յետ ասելոյ՝ թէ անխմանալի է ամենայն ինչ¹ , վիճել սկսանիմք զիրաց իրաց , որպէս և ՚ի ժամանակի աստ յայսմիկ բերիմք կանոնս աւանդել ըզպատշաճից : Եւրոց կամիմ , զի գիտելի լիցի մերս մտածութիւն . զի ոչ եմք յայնցանէ որոց միտք թափառի մոլորական , և չգտանէ ինչ յոր հաստատեացի : Օ ի

1 Ի հայ բան՝ իմաստասէր :

2 Վիկերոն էր հետեող աղանդոյն Աղադեմականաց , ասել . Ոչ ինչ հաւաստի՝ այլ ամենայն ինչ հաւանական . վասն որոյ և ասէին ոչ ինչ գիտել մարդոյ :

որպիսի միտք լինէր այն, մանաւանդ թէ որպիսի կեանք, յառնելն անտես ոչ միայն զօրինօք հետազոտութեան, այլ և վարելոյ զկեանս: Իսկ մեք՝ յասել այլոց զիրս իրս ստոյգ և զայլս անստոյգ, որոշեալք ՚ի նոցանէ՝ ՚ի կարծիս՝ ասեմք. է ինչ հաւանելի, և այլ ինչ անհաւանելի:

Եւ արդ զինչ է որ զիս արգելուցու զհետ երթալ որոց հաւանելի ինձ երևին. և զսոցին հակառակն մերժել, և խորշելով ՚ի համարձակախօսութենէ՝ փախչել ՚ի յանդգնութենէ, որ օտար է յոյժ յիմաստութենէ: Եւ զամենայնէ վէճ ինչորոց յարուցանեն մերայինք. զի հաւանելիդ այդ չկարէր նշողել, եթէ ոչ յերկուց կողմանց յուզումն լինէր պատճառաց. այլ այսոքիկ մեկնեցան յակադեմեան գիրս մեր, որպէս կարծեմ, ըստ կարի լըմտութեամբ: Եւ քեզ լիկերորնդ իմ, որ թէ՛ պէտ և ՚ի վաղեմի և յաղնուական իմաստասիրութեան՝ դեգերիս առաջնորդութեամբ Լրատիպպոսի, որ նմանեալն է այնոցիկ որ ծնօղք եղեն այդ գերապանծ իմաստից, սակայն և մերումն այսոցիկ՝ ձերումդ մերձաւորին, ոչ կամիմ անծանօթ լինել քեզ: Եւ անցուք ՚ի բուն հարեալն մեր:

Գ. Եւ քանզի հինգ եղանակք առաջի եղան գիւտի պատշաճից, յորոց երկուքն առ վայելութի և համեստութիւն բերին, երկուքն առ կենաց դիւրութիւնս, որ են ինչք և իշխանութիւնք և կարողութիւնք, և հինգերորդն առ դատաստան ընտրութեան, եթէ երբէք զորս ասացիդ, հակառակիլ երեւցին իրերաց, ապաքէն կատարեցաւ մասն համեստութեան, որում ցանկամ ըզքեզ քաջ լինել խելամուտ: Իսկ որ յայժմուս առաջի կայ մեզ ճառել, այն իսկ է որ օգտակարն կոչի կամ պիտանի: Եւ որում մասին խոտորնակ սովորութիւնն շեղեցաւ ՚ի ճանապարհէ, և առ փոքր փոքր յայն վայր եհաս, մինչ զի զհամեստութիւնն զատուցեալ յօգտակարութեանէ, եւ թէ կայցէ համեստ որ ոչ օգտակար իցէ, և օգտակար որ ոչ համեստ. մեծ ևս փնտս քան զայս բերել մարդկան վարուց չէր կարելի:

Եւ այրագոյն անշուշտ իշխանութեամբ, և այն՝ անաշտ և համեստ կարգօք, զանազանեն իմաստասէրք

1 Պերիպատետիկեան, այս ինքն ձեմական:

զերիս զայսոսիկ կախեալս զմիմեանց յիմաստսն . վասն զի զոր միանգամ արդարն է՝ զայն և օգտակար գոլ վար կանին . և զհամեստն՝ նոյնգունակ արդար . յորմէ յայտ է թէ համեստն է և օգտակար : Եւ զի վատաստեցն աչօք բազում այն է զի ընդ չարարուեստ և ընդ խորամանկ անձինս սշուցեալք՝ զչարութիւնն իմաստութիւն համարին , զնոցա զմոլորութիւն պարտ է՝ ի բաց փաւատել , և համոզել զմիտս նոցա յայս՝ եթէ զամենայն զոր կամին կարող են ՚ի ձեռս բերել համեստ խորհրդովք և արդար գործովք , և ոչ խաբէութեամբ և չարութեամբ :

Եւ զկարգեալքն ՚ի պէտս կենաց մարդոյն կէս մի անշունչք են . զոր օրինակ ոսկի , արծաթ և բերք երկրի , և որ նման են սոցա . և կէս մի շնչաւորք կամ կենդանիք , որոց են սեպհական յօժարութիւնք և ըղձութիւնք իրաց , և ՚ի սոցանէ են որ անբանք են , և են որ բանականք : Եւ անբանք , ձի , արջառ և այլ անասունք , մեղովք՝ որոց վատակօք լինի ինչ ինչ պիտանացու ՚ի պէտս և ՚ի կեանս մարդկան : Իսկ բանաւորաց երկու ազգք գրին . մի՝ աստուածոց , և միւս ևս՝ մարդկան : Օտարուածս հաշտ առնէ բարեպաշտութիւն և սրբութիւն . յետ նոցա և ըստ նոցա մարդ մարդոյ մեծապէս օգտել կարող է :

Եւ փնասակարաց նոյն բաժանումն է . այլ քանզի համարին եթէ աստուածքն ոչ փնասիցեն , զնոսա զատուցեալ՝ կարծեն եթէ մարդ մարդոյ բազմօք կարէ փնասել կամ օգտել : Եւ ասն զի զորս անշունչս ասացաք բազում մասամբ ձեռագործք են մարդկան . զորս ոչն ունէալք՝ եթէ ձեռն և արհեստ ոչ տատարէին . և ոչ ՚ի պէտս վարէալք զնոսին առանց մատակարարութեան մարդկան . վասն զի ոչ բժշկութիւն , ոչ նաւարկութիւն , ոչ երկրագործութիւն , և ոչ արմտեաց և այլ ևս պտղոց ստացումն և պահպանութիւն ունէր լինել երբէք առանց գործակցութեան մարդոյ : Եւ պարէն և արտաքս տանել զուռաւելեալսն մեզ , և ՚ի ներքս բերել՝ որոց կարօտիմքն , լինէր յայսոցիկ և ոչ մին , եթէ ոչ տային մարդիկ զանձինս յարբանեկութիւն սոցին իրաց : Եւ լովին պատճառաւ և ոչ քծարինս լինէր հատանել յերկրէ կարեորս ՚ի պէտս մեր , և ոչ երկաթ և պղինձ ,

ոսկի և արծաթ 'ի ծոցոյ հողոյ 'ի վեր բերել առանց աշխատութեան և ձեռին մարդոյ :

Դ. Իսկ յարկք բնաւ՝ առ զդէմ ունել սաստկութեցրտոյ և մեղմել զնեղութի տապոյ, ուստի էր 'ի սկզբան անդ հայ(Թ)հայ(Թ)ել ազգի մարդկութեանս, կամ զկնի գտանել 'ի կարիս, յետ կործանելոյ նոցա կամ յօղոց բռնութենէ կամ յերկրի սասանութենէ և կամ յերեսաց հնութեան, եթէ միաբանական կեանք չէր ուսեալ օգնականութիւն առ 'ի մարդկանէ ինդրել վասն այսոցիկ :

Ուր թողից զջրանցս, զգետոց ածանցծ, զանդոց ուռզմունս, զպատուարս ընդդէմ ալեաց, զձեռնադործ նաւահանգիստս . զի ուստի կարող էաք ունել զայրտիկ առանց գործակցութեան մարդկան . յորոց քաջայայտ է, որպէս և յայլ բազում գլխոց, թէ որչափ ինչ տղատուղս և օգուտս քաղեմք յանշունչ իրաց, անմարդ էր մեզ բնաւին 'ի ձեռս բերել զնոյնս առանց ձեռին և վաստակոց մարդոյ : Եւ զոր օգուտ կամ զդիւրութիւն 'ի կենդանեաց հնար էր մեզ քաղել, եթէ ոչ էր ձեռն տուեալ մարդկան . քանզի և որք նախգիւտ եղեն իւրացս՝ թէ զոր օգուտ յորմէ անամնոյ մարդ իցէ ունել մեզ, ապաքէն մարդիկ էին . և ոչ իսկ զարգիս կարօղ եմք առանց գործակցութեան մարդկան կամ արածել զնոսա, կամ ընդեւացուցանել, կամ պահպանել և կամ զի դէպ ժամու զարդիւնսն ժողովել . նոքին դարձեալ զմնասակարս 'ի նոցանէ սպանանեն, և զպիտանացուս որսան :

Եւ զի է ինձ 'ի համար բերել զարհեստից զբազմութիւն, առանց որոց անմարդ էր բնաւին կեանս ունել : Օ ի ո՞րք էր որ դարմանէր զհիւանդս, իւր յանձանձել զառողջս, ո՞ր այն պարէնք և սպասք, եթէ ոչ սատար մեզ ինէին արհեստք բազմապատիկ : Սորօք յարդարեալ կեանք մարդկան՝ այսչափ զանազանի 'ի պարենից և 'ի վարուց անբանիցն : Եւ քաղաքք ոչ կանգնէին և ոչ լնուին երբէք առանց ամբօխի մարդկան, որք զօրէնս և կարգս հաստեցին . յորոց՝ և իրաւանց արձանադրութիւն արդար, և սահմանեալ կանոն կենաց : Որոց զհետ եկն և հեղութիւն բարոյից և պարկեշտութիւն . կեանքն եղև ամբապահեստ . որպէս և տալով

և առնելով և փոփոխելով զինչս և զպէտս առն ընդ եղբոր իւրում, կարօտիմք և ոչ իմիք :

Ե . Յերկարաբան աստանօր գտանիմք քան զարժանն . զի ո՞ն է որում չիցեն քաջայայտ բազմապատիկ բանիւք երկրորդեալն 'ի Պանետիոսէ՝ Թէ իջ որ, ոչ զօրավար պատերազմի, և ոչ տանուտէր տան կարօղ եղև գործս կատարել մեծամեծս և փրկարարս առանց սատարու . Թեան մարդկան : Ի՞նչ 'ի նմանէ յիշատակին թեմիս . տոկղէս , Պերիկղէս , Սիւրոս , Գլենիդայոս , Իջեքսանդր , որոց անհնար էր ասէ այնչափ ինչ առնել առանց ձեռնադուռ . Թեան մարդկան : Յանտարակուսելին վկայս յաճախէ անհարկաւորս :

Եւ որպէս մեծամեծ օգուտս քաղեմք 'ի համաշունչ լինելոյ մարդկան և միախորհ , նոյնպէս չիք և ոչ մի սրաժուծիւն այնչափ ժանտաբեր մարդոյ քան զհասեալն 'ի մարդոյ : Եւ մատեան Վիկէարքոսի ճեմական առն մեծի և ճոռումխօսի յաղաքս կորստեան մարդկան . ուրանօր հաւաքեալ 'ի մի զայլ պատճառս որ 'ի հեղեղէ , 'ի սրաժուծենէ , յամայութենէ , և 'ի յեղաւարձ բազմութենէ զազանաց , յորոց 'ի յարձակմանց ծախեցան՝ ասէ , ազգք ինչ մարդկան , յետ այնորիկ գայ 'ի բաղդատել՝ Թէ որչափ առաւել բնաջինջ եղեն մարդիկ 'ի յարձակմանէ մարդկան , այս ինքն յերեսաց պատերազմաց կամ խռովութեանց , քան յայլ ամենայն աղետից :

Ի՞նչ քանզի ոչ տանի ճառս երկբայութիւն՝ Թէ մարդ մարդոյ մեծապէս օգտէ և փնասէ անխտիր , սեպհական գործ ասեմ զայդ լինել առաքինութեան միաբանել զողիս մարդկան և զուգաւորել 'ի պէտս միմեանց : Ի՞նչ որ ինչ միանգամ յանշունչս և 'ի կիրառութեան անասնոց անբանից գործին յօգուտ կենաց մարդկան , վաստակասէր արհեստից են գործ . իսկ ջանք մարդկան կազմք և՛ պատրաստք առ 'ի պայծառաղարդութիւն մերոցս իրաց՝ արծարծանին իմաստութեամբ և առաքինութեամբ գերապանծ արանց :

Ի՞նչ և առաքինութիւն առ հասարակ յերիս գողցես յածի . յորոց առաջինն է նկատող լինել զինչ ինչ յիւրաքանչիւր գործ ճշմարիտ և անկեղծ իցէ , զինչ համապատշաճ միոյ միոյ , զինչ հետեւորդ , ուստի՛ իւրաքան-

չիւր ինչ ծնանիցի, և զի՞նչ պատճառ իցէ իւրաքանչիւր իրաց : Ի յիկրորդն՝ սանձել զամբոխեալ շարժմունս հոգւոյն, որ ՚ի յունաց $\pi\acute{\alpha}\theta\eta$ ՝ յորջորջին, և զյօժարութիւնս՝ զոր նոքա $\delta\rho\mu\alpha\varsigma$ ՝ անուանեն, հնազանդել բանին : Ի յերրորդն՝ ընդ այնոսիկ ընդ որս գումարիմք, բարեմարդութեամբ վարիլ և զգաստութեամբ, որոց գործակցութիւն զընութեան պէտս լի և անթերի ունիցիմք. և դարձեալ եթէ վիշտք ինչ մեզ հասանիցեն, ՚ի ձեռն նոցա ՚ի բաց վանեացուք, և վրէժս առցուք յորոց մեզս փնասել հնարեցան. և այնչափ ինչ տուգանս ՚ի վերայ ածցուք, որչափ ինչ ներեն արդարութիւն և մարդասիրութիւն :

2. Բայց եթէ իւ իւր մարթասցուք տտանալ զայս կարողութիւն զըռամբ ածելոյ և պահելոյ զմարդկան ձեռնտուութիւն, ասացուք ՚ի մօտոյ. այլ կանխաւ կաւիմ ասել սակաւուք : Եթէ որ ոչն գիտիցէ, եթէ մեծ զօրութիւն է բախտի ըստ երկաքանչիւր կողման, ըստ յաջողութեանց և ըստ ձախողութեանց. զի ուր աջողակ չնչէ, նաւարկեալ բերիմք յելս ցանկալիս, և յընդդէմն չնչել՝ տագնապիմք : Եթէ ՚ի սոյն այս բախտ են դիպուածք որք դուն ուրեք պատահեն. զոր օրինակ են նախ յանչնչից՝ մրրիկք, օդոց խռովութիւնք, նաւաբեկութիւնք, կործանմունք և հրկիզմունք, և երկրորդ ՚ի զազանաց՝ հարուածք, խայթուածք և յարձակմունք. այլ այսոքիկ՝ որպէս ասացի, դուն ուրեք երբեք :

Բայց կորուստ զօրաց՝ որպէս եղև ոչ բազում աւուրբք յառաջ երից բանակաց, յաճախ ևս բազմաց. կոտորած զօրավարաց, որպէս արդ ևս գերապանծ և անհամեմատ առնա՝. և դարձեալ յաչաղանք ամբոխին, և առ մախաւնաց տարազրութիւնք, թշուառութիւնք և փախուստք բարեաղացարտ քաղաքացեաց յոլովագոյն : Երպէս և յաջողուածք, փառք և պատիւ, իշխանութիւնք, յաղթութիւնք, թէպէտ և դիպուածոյք են, բայց սակայն առանց գործակցութեան և ձեռնտուութեան մարդկան

1 Կիբք կամ Ախտ :

2 Բազմանք կամ Իզք :

3 Աւաջին մեծին Պոմպէի ՚ի Փարսապիս. երկրորդ Գ. Մէտեղիս Պիոսի Սկիսիոնի յԱփրիկէ :

պարտեալ ՚ի Կեսարէ. երրորդ որդւոցն Պոմպէի ՚ի Կեսարէ ՚ի Սպանիա :

4 Պոմպէոսի մեծի :

ոչ յայս և ոչ յայն կողմն մարթին բերիլ : Յետ խելամուտ լինելոյ այսմ՝ ժամ է ասել, թէ որով օրինակաւ հնար իցէ զմարդկանն սատարութիւն յօգուտ մեր ամօքել և զարթուցանել . յորում եթէ յերկարեսցի ճառս, ՚ի բաղդատել անդ ընդ առաւելութեան օգտութեանն՝ թերեւ և համառօտագոյն երեւեսցի :

Երդ զոր ինչ միանգամ ընծայեն մարդիկ մարդոյն ՚ի մեծացուցանել զնա և ՚ի պատուասիրել, կամ ՚ի շնորհս բարեկամութեան զայդ առնեն՝ երբ սիրեն զքվասն իրիք պատճառի, կամ առ պատուելոյ՝ զառաքինութիւն նորա նկատեալ, արժանաւոր զնա դատին մեծաց բարեբախտութեանց, կամ հաւատս ունին ՚ի վերայ նորա, համարին՝ թէ զբարին իւրեանց խոկայցէ նա յոյժ . կամ զանգիտեն ՚ի կարողութենէ նորա . և կամ զսորին հակառակն՝ յորոց ակնկալութիւն է իմիք . զոր օրինակ յորժամ թագաւորք և իշխանք ժողովրդեան պարգևս իմն խոստանան . կամ ևս ՚ի սէր դրամոց և վարձուց յօժարին յայն, որ է անարժան անարգագոյն քան զամենայն պատճառս՝ եթէ այնոցիկ որ այնու պարտ յանձին ունիցին, և եթէ այնոցիկ՝ որ ՚ի նոյն ջանայցեն ապաստան լինել :

Ու ան զի չարաչար են իրքդ՝ յորժամ զոր պարտն էր առնել առաքինութիւն, դրամովք դք փորձի առնել : Եւ քանզի երբեմն և այս սատարութիւն է հարկաւոր, ըզգիարդն վարելոյ նովաւ ասասցուք՝ յետ խօսելոյ կանխաւ զմերձաւորագունիցն առաքինութե : Եւ ևս ներքոյ արկանեն մարդիկ զանձինս տէրութեան և իշխանութեան այլոյ՝ առ բազում պատճառաց . քանզի կամ ՚ի բարեկամութիւն սաղրին, կամ ՚ի մեծութենէ երախտեաց, կամ ՚ի բարձրութենէ պատուոյ, կամ ՚ի յուսոյ՝ թէ օգուտ ունի լինել անտի անձանց, կամ յերկիւղէ՝ գուցէ բռնութեամբ հարկեսցին հօգատակել, կամ յակնկալութենէ սրարգեւայ և խոստմանց պարտեսեալք . և կամ ՚ի վախճանի, զոր շատ ևս ՚ի մերում տէրութեան տեսանեմք, վարձուք վարձկանեալք :

Եւ Եւ քան զամենայն ինչ՝ չիք բարեպատեհ այլ ՚ի պահպանել զիշխանութիւն և յապահովի կալ՝ որպէս սիրելին լինել . և ոչ դժպատեհ այլ՝ որպէս լինելն զանգիտելի : Եւ քանզի իսկ խօսեցաւ Եւսիոս . Յոր

մէ երկնչին, ատեն. և զոր որ ատեայ, կորստեան նուրուն ցանկայ: Եւ թէ ոչ ինչ իշխանութիւն կարող է զգէմ ունել ատելութեանց, եթէ անգիտելի էր ժամանակաւ, զարդիս դիտելի եղև: Եւ ոչ եթէ սորին և եթ բռնաւորի զոր յանձին կարաւ քաղաքն զինուք նուաճեալ, կորուստն յայտնի առնէ՝ թէ որչափ բուռն է ատելութիւն մարդկան 'ի սատակումն, այլ և համանման ելք այլոց ևս բռնաւորաց. զի և ոչ մի 'ի նոցանէ գողցես վրէպ եղև 'ի նոյն օրինակ սատակմանէ: Եւ ամն զի չարաչար պահապան է հանապազօրոյութե՝ երկիւղ. ընդ հակառակն՝ բարեհաճութիւնն հաւատարիմ է մինչև ցոյցնեանաւորութիւն անգամ:

Եւ այնոցիկ՝ որք բռնակալութիւն իշխեն, հարկ 'ի վերայ կայ դժնեայ լինել առ հպատակս, որպէս տեսաց առ ծառայս՝ եթէ չիցէ մարթ այլ ազգ ունել զնոսա 'ի հնազանդութեան: Եւ որ միանգամ յազատ քաղաքի կամին ահրնկէց լինել, չիք ինչ անմտազոյն քան զայդ: Եւ թէ և խորասուզեալ իցեն օրէնք յերեսաց իշխաւ նութեան ուրուք, թէպէտ և ահաբեկ լեալ ազատութիւնն, այլ գայ ժամանակ՝ զի գլուխ ամբառնան դոքս կամ զանխուլ դատաստանօք, կամ ծածուկ քուէարկութեամբ 'ի վերայ բարձի և պատուոյ: Եւ դժնդակ ևս են խայթուածք ազատութեանն նիրհեցելոյ, քան յոտին կացելոյ: Եւ որ քաջայայտ իսկ է և օգտէ ոչ միայն առ անձին պահպանութիւն, այլ և բազմօք առ կարողութիւն և առ իշխանութիւն, զայնու գիրկս արկցուք. այս է, 'ի բաց դիցի երկիւղ, և պինդ պահեսցի սէր. այսու օրինակաւ՝ հեշտեաւ ունիմք 'ի ձեռս բերել զոր կամիմք, եթէ յառանձնականս, և եթէ 'ի հասարակացն տէրութեան: Բանգի և որ կամինն՝ զի երկիւղալի լիցին այլոց, հարկ է նոցա երկնչել յերկուցելոցն յիւրեանց:

Բանգի զինչ կարծեմք զ՝ Վիոնեսիոնն զայն զծերն, յոր տաղնապ երկիւղի տանընդ. այն որ խիթացեալ յածելեաց վարսաւիրաց՝ շանթացեալ գործելեաւ զիւրսն տաղէր զհերս: Եւ ինչ զ՝ քեքսանդրոս (ի երէացի, որպիսի համարիմք զկեանս նորա. որ՝ որպէս ընթեռ-

1 Ի մահուն կեսարու, քան և երկու հարուածս խոցից 'ի ծերաւուտին ընկաւեալ:

նուրբ զմանէ, թէպէտ և սիրել սիրէր յոյժ զկինն թեբայեցի, բայց յորժամ յետ ընթերեսցաւ զայր առնա 'ի սենեակն, հրամայէր զի յառաջեսցէ քան զինքն խուժադուժ որ սուսերամերկ, և այն՝ որպէս պատմի, ճակատադրոյմ թրակացի կիտուածովք. առաքէր և յառաջոյ յիւրոց թիկնապահաց՝ զննել զգլորոցս կանացիս, և հետախուզել զի մի՞ գտցի գաղէալ 'ի հանդերձս անդ գործի մահու։ Ո՛վ թշուառութեան չուռականիս, որ հաւատարիմ ևս համարէր զայր բարբարոս և զխարանաւոր՝ քան զիւր լծակից։ Եւ ոչ 'ի դերեւել կասկածն. զի 'ի նմին իսկ 'ի կնոջն դաւեցաւ 'ի մահ, որ զայրն կարծէր բողարած լինել։ Զիք և ոչ մի զօրութիւն իշխանութեան՝ որչափ և զօրաւոր իցէ, որ ահարկութիւն կարօղ իցէ յերկարատեւ լինել։

Ո՛վ կայ է Փաղարիս, որոյ անդթութիւնն ազնուակա՜նութիւն զգեցաւ քան զայլոցն. որ ոչ դաւով սատակեցաւ, որպէս Մէքսանդրոսդ՝ զորմէ այժմ ասացի. և ոչ 'ի ձեռն սակաւաւորաց, որպէս այս մերն. այլ միա՜համուռ բազմութիւն Մկրագանդացոց գրոհ ետ 'ի վերայ նորա։ Ո՛չ ապաքէն և Սակեդոնացիք թողլին լքին զՎեմետրիոս, և առ հասարակ առ Պիւռոս անդր դարձան։ Ո՛չ և զՎակեդեմոնացիս որք հարստահարութիւն տիրէին, յանկարծակի 'ի բաց լքին նիզակակիցք ամենայն, և անգործ հանդիսատեսք եղեն լեւկտրական աղետիցն։

Ը. Օտարաբնիս մտադիւրագոյն յիշեմ յայդալիսի անցս՝ քան զառտնինս։ Բայց սակայն ցորչափ իշխանութիւն ժողովրդեանս հռովմայ բարերարութեամբք կայր և ոչ անիրաւութեամբք, պատերազմ մղէր կամ յաղաքս նիզակակցաց կամ յաղաքս տէրութեան, եւք պատերազմաց կամ մեղմ էին և կամ հարկաւորք. թագաւորաց, ժողովրդոց, ազգաց և ազանց նաւահանս գիստ էր ծերակոյտն և տեղի ապաւինի։

Եւ դատաւորք մեր և զօրագլուխք 'ի միողէ յայսմա նէ և եթ գովութիւնս մեծամեծս ջանային քաղել, 'ի պաշտպանելոյն զգաւառս և զնիզակակիցս արգարութիւն և հաւատով։ Ո՛ր ամն որոյ ոչ այնչափ տէրութիւն էր կոչել զայն, որչափ ճգրտագոյնս՝ հովանաւորութիւն տիեզերաց։ Բայց յառաջագոյն տակաւ թուլանայաք 'ի սո՜

վորութենէ աստի և 'ի վարդապետութենէ . իսկ 'ի յաղթութե' Սիդայի և այսր 'ի սպառ կորուսաք : Ս' ասն զի ոչ ինչ անիրաւութեւն ընդդէմ 'նիզակակցաց, յորժամ 'ի վեր երեւցաւ անչափ անդթութիւն ընդդէմ քաղաքացւոց : Վ' անզի յայնմ արդար պատճառէ՝ զհետ եկն անիրաւ յաղթութիւն : Ս' ասն զի ձող կանգնեալ 'ի հրապարակի՝ 'ի վաճառ հանեալ զինչս արանցն լաւաց և փարթամաց և ստոյգ քաղաքացւոց, իշխեաց ասել . Ս' աճառեմ զաւարն իմ : () հետ եկն այնր այլ ոք որ ձեռն էարկ ամբարշտութեամբ և ևս դժպատեհ յաղթութեամբ, ոչ միայն զիւրաքանչիւր ուրուք 'ի քաղաքացեաց զինչսն 'ի վաճառ հանել, այլ զհամօրէն նահանգս և զգաւառս 'ի մի և 'ի նոյն աղէտս մատնել :

Եւ այնպէս յետ հարստահարելոյ և կորուսանելոյ զազգս օտարս, տեսաք զի յօրինակ տերութեանն կորուսելոյ 'ի հանդէս ածաւ յաղթանակի Ս' աստիւիւա՝, և ձողեցաւ քաղաքն այն յաղթանակաւ՝ առանց որոյ ոչ երբէք յաղթանակող եղեն զօրավարք մեր 'ի պատերազմունս որ յայնկոյս յայեայ : () յորովս այլս ունէի յիշատակել ապիրատութեան գործս ընդդէմ 'նիզակակցաց, եթէ աւելի անարժան ինչ քան զմի զայս տեսեալ էր արեգական : () ի թէ ոչ անպատիժ թողուաք զյոքունց չարագործութիւն, ոչ երբէք յայնչափ ժպրհութիւն հասանէր այր մի, յորմէ առ սակաւս էանց ժառանգութիւն ստացուածոցն . այլ ժառանգութիւն յանկութեանց անց առ բազումս ապիրատս :

Եւ ոչ երբէք պակասեցի սերմն և պատճառ քաղաքական պատերազմաց, ցորչափ յիշեսցեն ալք անօրէնք զձողն զայն արինաթաթաւ և յուսասցին . զոր յորժամ կշռեաց իբրեւ 'նիզակ Սիդայի Սիդայ 'ի դիկ տատորութեան մերձաւորին իւրոյ՝, նա ինքն յետ ամաց երեսնից և վեցից ոչ յետս եկաց յևս անօրինապոյն ձողոյ : Եւ միւս այլ ոք՝ որ էր դպիր յայնմ դիկ տատորութեան, յայսմիկ եղև զանձապետ քաղաքի :

1 Սիդայ ունէր իրաւունս գրք գրելոյ 'ի պատերազմ, բայց ապա անիրաւութեամբ վախճան արար պատերազմին :

2 Մաստիւիացիք զկողմն ունէին

Պոմպեոսի, և Կեսար նուաճեաց, և 'ի յաղթանակին իւրում մուծաւ և պատկեր քաղաքին Մաստիւիա :

3 Դ . Կուռնէրիոս Սիդայի :

Յորմէ պարտ է 'ի միտ առնուլ՝ թէ ուր առաջի դնին այդպիսի վարձք, ոչ երբէք պակասեացին քաղաքական մարտք։ Եւրդ պարիսպք քաղաքիս և եթ կան մնան, և նոքին փակ խիթալով ընդ յետին չարիսն վերահաս։ Եւ զհասարակաց տէրութիւն՝ զայն 'ի վաղուց հետէ 'ի սպառ կորուսաք։ Եւ ահա յայսպիսի թշուառութիւն հասաք, զի ('ի նպատակ անդր մեր դարձցուք) ընտրեմք ահարկու լինել մանաւանդ՝ քան զհաճոյանալն և լինել սիրելի։ Եւ եթէ այս անցք կարացին անցանել ընդ հոռվմէական ժողովուրդ՝ յանիրաւ տիրապետել նորա, զինչ պարտի կարծել զանձնէ այր իւրաքանչիւր։ Եւ զի քաջայայտ է բանս՝ թէ մեծ է զօրութիւն բարեւեւ կամաց, իսկ երկիւղն՝ անզօր, զհետ քայ ճառել մեզ՝ թէ իւ իւր մարթիմք հեշտեալ զոր կամիմք զսէր՝ ստանալ ընդ պատուոյն և ընդ վստահութեան։

Եւ ոչ ամենեքեան միօրինակ այդմ կարօտիմք. վասն զի ըստ ընթացից կենաց իւրաքանչիւր անձին պէտք են չափել, 'ի բազմաց արդեօք եթէ 'ի սակաւուց կարօտի սիրել։ Եւրդ այս ինչ հաւաստի գրեցի, և այն իբրև առաջին և կարի կարևոր. ընտանութիւնս ունել հաւատարիմն բարեկամաց՝ զմեզ սիրողաց և զարմացողաց ընդ մերմն. քանզի այս մի ինչ է գլխովին՝ որ ոչ շատ խտրէ ընդ մեծամեծ և ընդ միջակ անձինս. որ և երկաքանչիւր գոգցեն կողման է պիտանի։ Պատուոյ և փառաց և մարդասիրութեան քաղաքակցաց թերևս ոչ ամենեքին միապէս կարօտին. այլ սակայն եթէ գտցին ըստ բաղդի առ ումեք, օգնեն իւրք՝ եթէ յայլ ինչ պէտս, և եթէ 'ի ստանալ զբարեկամութիւնս։

Բ. Եւ յաղաքս բարեկամութեան յայլում մատենի ասացեալ է, որ մակագրի] էլիոս։ Եւ յամ ասացուք զփառաց. թէ պէտ և զայսց իրաց կան մեր գիրք երկու, բայց վերադարձցուք. զի մեծապէս օգտէ 'ի տընտեսութեան իրաց մեծամեծաց։ Եւ արդ ծայրացեալ և կատարեալ փառքն սահմանի յերիս այսոսիկ. եթէ սիրէ բազմութիւնն, եթէ վստահի, եթէ զարմացմամբ իմն արժանիս պատուոյ վարկանի։ Եւ զայսոսիկ (մեկն և համառօտ ասել,) որպէս հնար իցէ ստանալ 'ի միոյն առանձին, նովիմք հնարիւք գոգջիր և 'ի բազմութեանէ։ Եւ այց է և այլ իմն հնարք վասն բազմութեանն, զի

'ի սիրտ բոլորից որպէս եթէ ընդմտանել մարթասցուք։
 Եւ նախ յերից անտի զորս յառաջն ասացի, զբարեհաճութեան կանոնս տեսցուք. զոր առաւել բարերարութեամբ մարթ է ստանալ։ Իսկ երկրորդ նա և միայն բարերարութեան կամօք շարժի բարեհաճութիւն, մանաւանդ եթէ չիցեն յաւելուածք ընչից (առ բարերարել)։ Եւ քան զևս սէր բազմութեանն արծարծանի 'ի համբաւոյ անտի և 'ի կարծեաց առատաձեռնութեան, բարերարութեան, արդարութեան, հաւատոյ, և համբոյն այն առաքինութեանց՝ որք յանգին 'ի հեզութիւն և 'ի բարեբարոյութիւն։ Վանդի և բուն իսկ համեստն և վայելչականն 'ի մէնջ անուանեալ, որովհետև ըստ ինքեան է մեզ հաճոյական, և զմիտս ամենեցուն շարժէ բնութիւն և պեղեցկութեամբ իւրով, և առաւելապէս փայլէ արդեօք 'ի ձեռն նախ ասացեալ առաքինութեանց. սմին իրի զայնսիկ՝ յորս կարծեմք լինել զառաքինութիւնսդ զայդոսիկ, 'ի բնութեան անտի ստիպիմք սիրել։ Եւս պատճառք են ազդոյք 'ի սիրել. զի մարթին լինել և այլք ոմանք թեթեւազոյնք։

Իսկ արժանահաւատ որ երկոքումբք իրօք մարթ է լինել. եթէ համարեսցին զմեզ ստացեալս զխոհեմութի զոգ ընդ արդարութեան։ Վանդի և նոցա հաւատս ընծայեմք՝ զորս հանձարեղս քան զմեզ վարկանիմք և յառաջատեսս հանդերձելոց, և կարօղս ելի աղաղս գտանել 'ի դժուարինս, և հնարս հնարել յանպատրաստից։ Օ ի զայս ամենեքին համարին օգտակար և ճմարիտ խոհեմութիւն։ Իսկ արդարոց և արժանահաւատ արանց, այս ինքն լաւաց, հաւատք ընծայի, առանց շփելոյ զնոքօք զկարծիս խաբէութեան և անիրաւութեան։ Եւսին իրի ամենայնիւ արժանի համարիմք յանձն առնել 'ի նոցա ձեռն զկեանս մեր, զինչս մեր և զզաւակս։

Եւրդ յերկուց աստի արդարութիւնն է առաւելազօր 'ի ստանալ զհաւատս. զի նա առանց խոհեմութեան իսկ ունի զիշխանութիւն բաւական. իսկ խոհեմութիւն առանց արդարութեան ոչ ինչ զօրէ առ արժանահաւատն լինել։ Եւ ամն զի որչափ որ է առաւել խորագէտ և խորամանկ, նոյնչափ ևս ատելի և կասկածելի 'ի պակասել կարծեաց լաւութեան։ Եւ ամն որոյ ար-

դարութի ընդեւելեալ ընդ հանձարոյ՝ որչափ և կամք իցեն մեծագոր դտանի առ արժանահաւատն լինել։ Այլ դարութիւն առանց խոհեմութեան առ բազում ինչ կարող է․ խոհեմութիւն առանց արդարութեան առ ոչ ինչ է կարող։

Ժ․ Այլ մի լիցի ումեք զարմանալ՝ թէ զի է զի ուր հաւատտի դատեալ է յամենայն իմաստասիրաց միջի, և յինէն ևս բազում անգամ յեղեղեալ՝ եթէ որ զմի ունի առաքինութիւն՝ զամենայն ունի յառաքինութեանց, զարդիս այնպէս տրոհեմ, որպէս թէ մարթիցէ ումեք արդար լինել առանց լինելոյ և խոհեմ։ Այլ է նրբութիւնն այն՝ յորժամ բուն ճմարտութիւն ընդ խարտոցաւ անկանի վիճաբանութեան, և այլ՝ յորժամ առ հասարակաց կարծիս ճահաւորի ճառն ողջոյն․ սուրին աղաղաւ, որպէս ռամիկն նոյնպէս և մեք խօսիմք յայսմ վայրի՝ յասել անդ, թէ ոմանք են արի, ոմանք բարի, և այլք խոհական։ Այսն զի ռամիկան և սովորական բանիւք արժան է ճառել ՚ի խօսեին զռամիկան կարծեաց․ զայդ և Պանետիոս արար այդպէս․ այլ մեք ՚ի նպատակ անդր դարձցուք։

Այդ յերից անտի պատկանելոց առ փառս՝ երրորդն այն էր, զի հանդերձ զարմացմամբ մարդկանն՝ պատուոց արժանի առ ՚ի նոցանէ գրեսցուք։ Այդ զարմանան նոքա առ հասարակ ընդ ամենայն՝ զոր միանգամ մեծ և ՚ի վեր քան զիւրեանց կարծիս տեսանեն․ իսկ ուրոյն ուրոյն յիւրաքանչիւրսն, եթէ նկատեսցեն զանախնկալ ինչ բարիս։ Եւ այսպէս յայն անձինս ակնկաւոյց լինին և մեծամեծ գովութեամբք ամբառնան, յորս կարծեն նշմարել զի վեր քան զկար իւրեանց և անհամեմատ առաքինութիւնս․ և արհամարհեն և անգոմանեն՝ յորս ոչ համարին լինել ոչ ինչ առաքինութիւն, ոչ ինչ հաստատութիւն և ոչ ինչ արիութիւն։ Օ՛ի ոչ զամենեսին զնոսա անգոմանեն զորոց չարաչար ունին կարծիս․ վասն զի զորս միանգամ ապիրապոս, հայհոյիչ և դաւաճանս վարկանին, և առ անիրաւել աջողակս, ոչ եթէ քամահեն գնդօք, այլ առ չարս ունին։ Այսն որոյ ըստ յառաջագոյն ասացելոցս՝ նորա են արհամարհք, որք ըստ առաձին՝ Ոչ անձանց և ոչ այլում․ յորս ոչ երկասիրութիւն ինչ է, և ոչ ճարտարութիւն, և ոչ փոյթ։

Սքանչանան ընդ նոսա՝ զորս տեսանէն գերազանցեալս զայլովք սուաքինութեամբ և ազատս եթէ յամենայն անվայելականաց և եթէ ՚ի թերութեանց անտի՝ որոց այլք չեն բաւական դիւրաւ գղէմ ունել։ Քանզի և գրգանք՝ որպէս հրապուրիչ տիկնայք՝ զառաւելագոյն մասն հոգւոյն ՚ի բաց քեցեն յառաքինութենէ. և ցաւոյն ջահք յորժամ մերձ մատչին՝ յանչափս զարհուրեցուցանեն զյորովս։ Անանք և մահ, մեծութիւն և աղքատութիւն սասանեցուցանեն զամենայն մարդ։ Արդ որք միանգամ զայսոսիկ ըստ երկաքանչիւր կողման վսեմ ոգւով մեծանձնութեան արհաւիրհեն, ուր առաջի կայցէ նոցա այլ ինչ գերապանծ և առաքինական, զամենայն մարդ յինքեանս ձգեն և յապշութիւն կրթեն. և այն զի ոչ զարմասցի ընդ պայծառութիւն և ընդ գեղ առաքինութեան։

ԺԱ. Այսպէս ուրեմն և այս արհամարհութիւն անձին պատճառէ սքանչացումն. ևս առաւել արդարութիւնն (յորմէ և եթ բարիք անուանակոչին մարդիկ), սքանչելի իմն երեւի յաչս բազմութեան՝ և կարի յիրաւունս։ Օ՛ի ոչ որ կարօղ է լինել արդար, որ միանգամ երկնչի կամ ՚ի մահուանէ, կամ ՚ի ցաւոց, կամ յաքսորանաց, կամ ՚ի չքաւորութենէ. կամ որ զհակառակս սոցին նախապատիւ առնէ քան զուղղութիւն։ Այս քան զևս զարմանան ընդ նա որ դրամովք չարժի. և զայրն յորում այս երեւի՝ համարին զնա հրով փորձեալ։ Այս և զերիս զայնոսիկ՝ կարեւորքն առ փառս, արդարութիւն գլխովին ՚ի գլուխ հանէ. եթէ զբարեսէր կամն՝ ՚ի կամեն օգտել բազմաց, և եթէ այնր աղաղաւ՝ զվստահութիւն. որպէս զսքանչացումն՝ յարհամարհելն և յանտեսել զայն ինչ իրս, յորս յորովք բորբոքեալ անյազութեամբ բերին։

Այլ ըստ իմուամ կարծեաց՝ ամենայն հանգամանք և բարեկարգութիւն վարուց պէտս ունի օգնականութեմարդկան. նախ այն իսկ՝ զի իցեն ոմանք, ընդ որս յրնտանի զրոյցս կայցես. որ է դժուարին՝ եթէ ոչ զկերպարանս առն բարւոյ յանձին բերիցես։ Այս և մենակեաց առն և յանդս բնակացելոյ կարեւոր է անուն ար-

դառնութեան, և այնչափ առաւել՝ որչափ զի եթէ չու-
նիցին զայն, ընդ անարդարս գրեցցին. և անպատուաբար
'ի ցանգոց՝ բազմապատիկ տուժեցցին:

Եւ դարձեալ և որոց վաճառեան, գնեն, վարձեն, 'ի
վարձու տան, և 'ի սակարկութիւնս թարթափին վա-
ճառաց, արդարութիւն է հարկաւոր առ 'ի զգործն կա-
տարել: Եւ յնչափ է սորայս զօրութիւն, զի և ոչ այնու-
քիկ որք՝ 'ի չարագործութեան և յեղեռն սնանին, կա-
րծող ինչ են կեալ առանց իրիք նշխարի արդարութեան:

Օ՛ի որ 'ի միողէ յաւազակակցացն գողնայ ինչ կամ
յափշտակէ, այնպիսին և ոչ յաւազակութեան ունիցի
տեղի: Եւ հինապետն՝ եթէ ոչ հաւասար զաւարն բաշ-
խեցէ, կամ սպանանի յընկերացն, և կամ տարազրի:
Տինա ասի լինել և աւազակաց օրէնք՝ որոց հնազան-
դին և պահէն: Եւ ինչ զի յաղագս հաւասարաբաշխու-
թեան աւարին՝ Բարդիւղիս լիւրիկեցի աւազակ, զոր-
մէ է տեսնել առ Սէպուհայ, մեծ հարստութիւն
կալաւ. զէս մեծագոյն Եւ իրիատոս լիւսիտանացի՝ ու-
րում և զօրավարք զօրաց մերոց ակն ածին. զոր Եւ ի
լիտս դատաւոր, մակնաւանեալն զգօն, խորտակեաց և
նուաճեաց. և այնպէս սանձեաց զսպարասանութիւն
նորա, մինչև թողուլ այլոց զանաշխատ իմն և եթ պատե-
րազմ: Եւ որովհետև այսչափ է զօրութիւն արդարութե-
մինչև և զաւազակաց անգամ զհարստութիւն յապա-
հովել և բարգաւաճել, որչափ համարեցուք գոլ զնո-
րա զօրութիւն յօրէնս և 'ի դատաստանս 'ի բարեկարգ
տէրութեան:

ԺԲ. Սուրբ իմն ինձ այսպէս, եթէ ոչ առ Եւ արս և եթ՝
ըստ ասելոյ Հերոդոտոսի, այլ և առ մեր նախնիս՝ Թա-
գաւորք կարգեցան երբեմն արք բարեբարոյք՝ 'ի պատ-
ճառս վայելելոյ յարդարութեան: Վանգի 'ի հարստա-
հարիլ աղքատ Ժողովրդեան յերեսաց փարթամաց՝ առ
ոմն ապաւինէին առաքինութեամբ վեհագոյն, որոյ պահ
պանեալ զանաւագս յերեսաց զրկանաց, և արդարու-
թեան թեկն ածեալ՝ 'ի կշիռ իրաւունս պահէր զմեծա-
մեծս ընդ փոքունց: Եւ մի և նոյն եղև պատճառ կար-
գելոյ զօրէնս և զթագաւորս:

Վանգի միշտ խնդրեցան հաւասար իրաւունք. ապա
թէ ոչ ոչ ևս իրաւունք լինէր: Եւ եթէ գտանէին

զայդ 'ի ձեռն միոյ առն արդարոյ և բարւոյ, նովաւ շատանային . և իբրեւ այն ոչ յաջողէր, օրէնք հայթհայթեցան՝ զի ընդ ամենայնի հանապազ մի և նոյն բարբառով խօսեցցին : Ըրդ այս ինչ քաջայայտ է, զի սովորութիւն եղև զայնոսիկ ընտրել յիշխանութիւն, զորոյ զարդարութենէ մեծ էին կարծիք բազմութեան : Իսկ եթէ խոհական ևս զնոսա կարծէին, այնուհետև մարդիկ 'ի մտի դնէին՝ թէ չիք ինչ որում ոչ հասցուք 'ի ձեռն այսպիսի տերանց : Ըրդ այնուհետև ամենայն իրօք պարտ և արժան է պաշտել և պահել զարդարութիւն . նախ՝ զնոյն վաճառ իւր ինքեան . ապա թէ ոչ ոչ ևս արդարութիւն լինէր . և ապա յաղագս մեծանալոյ պատուով և փառօք : Ըսլ զոր օրինակ զգրամս սովորութիւն է ոչ միայն ստանալ, այլ և 'ի վարձու տալ, զի սատար լիցի հանապազորդեան ծախուց՝ ոչ միայն կարևորաց, այլ և ազատականաց . սոյնպէս 'ի դէպ է և զփառս ստանալ միանգամայն և յարգել :

(Թ) Կէպէտ և Սոկրատէս գեղեցիկ ասէր, թէ այս ճանապարհ է դիւրամերձ առ փառս, և որպէս թէ 'ի կարճոյ . այսինքն ջանալ լինել այնպէս, որպիսի կամի որ համարիլ յայլոց . բայց թէ որ կեղծաւորութեամբ և մտտի ցուցակութեամբ, և ոչ միայն ստայօղ բանիւք՝ այլ և պատիր դիմօք համարեցի հաստատուն փառաց գամագիւտ լինել, չարաչար սխալէ : ՂԶմարիտ փառքն արմատոս արձակէ և աճէ . կեղծեալքն նմա՝ արագ արագ որպէս ծաղիկ թօթափին . և չէ մարթ կեղծ բանի տևողական լինել բնաւ : Ս կայք են բազումք յոյժ յերկուց կողմանց ևս . այլ առ համառօտութեան շատ լիցի մեզ մի միայն տուն . քանզի Տիբերիոս Վրակքոս, Պուլպիոսի որդի, ցայն վայր գովեսցի, ցորչափ յիշատակ մընասցէ Հռովմայեցւոց . բայց որդիք նորա՝ և ոչ 'ի կենդանութե իւրեանց գովելի էին յաչս լաւաց . իսկ յետ մահուան իրաւամբք 'ի համարի գրեցցին մահապարտաց :

ԺԳ . Իսկա ուրեմն որ ցանկայ ՋԶմարիտ փառս ստանալ, յարդարութեան գործս պարտպեսցի . իսկ թէ որ այն իցեն, 'ի նախընթաց գիրս անդ ասացաք :

Ըսլ որպէս զի դիւրագոյն այնպիսիք երևեսցուք՝ որպիսի եմքն, թէպէտ և յայդմ է ամենայն ճիգն զի այնպիսիք լիցուք՝ որպիսի երևել կամիմք, սակայն ար-

Ժան է տալ կանոնս քանի մի : Ս ասն զի եթէ որ անդրստին յառաջին տիոց ունի զպատճառս հռչակաւոր և անուանի գորոյ, և այս կամ 'ի հօրէն ընկալեալ (որպէս քեզ՝ ի իմն խկերոն կարծեմ հանդիպեալ), և կամ ըստ զիպաց և ըստ բախտի իմիք, յայնպիսին ձգին աչք ամենեցուն, և յայնպիսումն լինի հետաջնենէ՝ թէ զինչ առնէ և զիարդ կեայ. մինչ զի և ոչ մի բան նուրա կամ գործ մարթի մնալ 'ի մթանս :

Իսկ որք 'ի յառաջին տիս առ նուաստութեան և անշուքութեան անծանօթք իցեն առաջի մարդկան, այսպիսիքս զոյգ ընդ զարգանալ տիօք՝ պարտին 'ի մեծամեծս անդր ակն դնել, և ուղիղ ջանիւք 'ի նոյնս նկրտիլ. զոր այնչափ առաւել անվրդով մտօք 'ի դէպ է նոցա առնել, որչափ զի ոչ միայն չնախանձի որ ընդ այն տիս, այլ և նպաստէ :

Երդ առաջին առիթ փառաց երիտասարդի այն է, եթէ մարթ իցէ նմա արիանալ 'ի պատերազմական գործս, յորում յորովք հանդիսացան առ նախնեօք մերովք. վասն զի գրեթէ անդադար պատերազմ կայր 'ի վերայ : Իսկ քոյին հասակդ այնպիսում հանդիպեցաւ պատերազմի, որոյ մի կողմն ապիրատութեամբ ականաւոր, և միւսն բարեբախտութեամբ աննշան : Սակայն և յայդմ մարտի, յորում գրեզ Պոմպէոս գլուխ կացոյց միոյ 'ի թեոց, գովութեան հասանէիր մեծի 'ի մեծէ առնէ անտի և 'ի զօրաց՝ յաշտանակել յերիվար, 'ի ճօճել զնիզակ, և 'ի նետաձիգ լինել, և 'ի տանել ամենայն զինուորական աշխատութեան. բայց և այնքո գովեստ անկաւ 'ի գետին զոյգ ընդ տէրութեան հասարակաց : Եւլ առաջիկայս իմ ճառ ոչ վասն քո ինչ, այլ վասն բոլորից է. վասն որոյ և 'ի մնացուածս բանից եկեսցուք :

Եւ արդ զոր օրինակ յայլ իրս մեծ ևս են բազմօք գործք հոգւոյ քան մարմնոյ, սոյնպէս և իրքս այս զորս կատարեմք ուշիմութեամբ և բանիւ, յարդի են քան զեղեալն զօրութեամբ : Եւսր աղազաւ առաջին գովասանութիւն ծագէ 'ի պարկեշտութենէ, 'ի բարեպաշտութենէ առ ծնօղս, և 'ի բարեսիրութենէ առ իւրսն : Եւ կարի դիւրաւ և 'ի լաւ անդր տան զոյս պաւտանիք՝ որք կրթին յոտս բարեհամբաւ և զգօն արանց՝

զբարին հասարակաց խորհրդեաց. և եթէ հանապա-
զորդէն առ նոսա, կարծիս տան ժողովրդեան՝ նման նո-
ցա լինել՝ զորս ընտրեցին անձանց՝ զհետ երթալ նոցա :

Օ պատանեկոտութենէ Պորդիոսի հռութիղեայ՝ կար-
ծիս և անարատութեան և իրաւանց զիտութեան ըն-
ծայեցոյց տունն Պ. Սուկիոսի : Քանզի Պ. Կրասոս՝
մինչդեռ տակաւին պատանեակ փոքր էր, ոչ այլուստ
մուրողութեամբ, այլ անձամբ անձին կալաւ զգովութի
մեծ յոյժ՝ ի ձեռն աղնուական և փառացի դատախա-
զութեան՝ և յայնմ հասակի՝ յորում որք կրթինն՝ տ-
վոր են գովեստ ընդունել, որպէս զՆեմոսութենեայ լեմբ,
ի նոյն եցոյց Կրասոս՝ թէ ինքն յատեան հրապարակի
զայն ինչ առնէ ըստ արժանւոյն, զոր ինչ մարթ էր
յայնժամ՝ ի տան խոկալ գովութեամբ :

ԺԴ. Բ.Ղ քանզի կրկին է եղանակ բանի, յորոց ի
միումն է զրոյց, և ի միւսումն վիճումն, չիք տարակոյս
թէ վիճաբանութիւնն է առաւելագոր ի փառաւորու-
թիւն. քանզի այդ իսկ է զոր ճարտարախօսութիւն
կոչեմք : Բ.Ղ անպատմելի է՝ թէ որչափ զօրաւոր է ի
յանկուցանել զսիրտ մարդկան վայելչաբանութիւն և
բաղցրաբանութիւն ճառից կամ խօսից : Կան թուղթ
Փիլիպպոսի առ Բլեքսանդր, և Բնտիպատրոսի առ Կա-
սանդրոս, և Բնտիգոնոսի առ Փիլիպպոս, երկց հարց
գերզգօնից՝ զի այսպէս լուաք, առ որդիան. յորս պա-
տուիրեն՝ զի ամբ բանիւք ձգեսցեն զսիրտ ամբոխին ի
բարեսէր կամ, և զզօրականսն ողորական յորջորջ-
մամբ յանկուցեն :

Իսկ որ ի բազմութեան լինի ատենախօսութիւն վի-
ճաբանական, բազում այն է զի զամենայն բազմու-
թիւնն առ հասարակ զարթուցանէ : Ս ամն զի մեծա-
պէս զարմանա յինքն բերէ ճոռում և իմաստուն ճարտա-
րախօսն. զոր լեւելքն վարկանին նա և բազմահանձար
և բազմիմաստ քան զայլ լինել : Բպա եթէ կայցէ յա-
տենաբանութեան անդ և ծանրութիւն կից ընդ պար-
կեշտութեան, չիք ինչ քան զայդ զարմացուցիչ. և այն
չափ առաւել՝ եթէ այդ ամենայն գտցի յերիտասարդ
անձին :

Բ.Ղ քանզի բազում ազգք են խնդրոց որք ճարտա-

1 ի փառաբանութեան :

ընդհատութեան պէտս ունին, և յոլովք յերիտասարդաց 'ի մերում տերութեան եթէ առաջի դատաւորաց, և եթէ առաջի ծերակուտին ատենաբանելով՝ գովութեան հասին, մեծ ևս զարմանք գործին 'ի դատս . որոց պատճառն է կրկին . վասն զի բաղկանայ յամբաստանութի և 'ի ջատագովութենէ . յորս թէպէտ և առաւել գովելի է ջատագովութիւն, բայց և ամբաստանութիւնն բազում անգամ ընտիր գտաւ . ասացի խոն մի յառաջ վասն Կրասոսի, զնոյն արար և պատանին Ս . Լնտոնիոս : Դարձեալ և ճարտարախօսութիւն Պ . Սուլպիկիոսի յամբաստանութեան անդ պայծառացաւ, յորժամ 'ի դատ կոչեաց զՍ . Երբանոս զայր խոռոխարար և զանպիտան քաղաքացի :

Եւ զայս չէ արժան ստէպ առնել, նա ոչ երբէք, բայց միայն կամ 'ի պատճառս հասարակաց տերութեան, զոր օրինակ նոքա՝ զորս կանխաւն ասացի . կամ որպէս երկոքեան Պ ուկուզոսք . կամ 'ի պաշտպանութեան սակս, որպէս մեք վասն Սիկելացոց, և Յուլիոս վասն Սարդիացոց : Յամբաստանել անդ զՍ . Լուկուիդիոս յայտնի ցուցաւ և ճարտարութիւն Պ . Փոսիոսի : Կառ ուրեմն միանգամ լիցի, կամ ստուգիւ ոչ բազում անգամ : Կա եթէ իցէ ոք որում ստէպ զայս առնել հարկ 'ի վերայ կայցէ, զայդ նուէր մատուցէ տերութեան, զորոյ զթնամեաց քինախնդիր լինել՝ ոչ է ստգտանելի . միայն թէ չափով լինիցի : Ս ասն զի խստասիրտ մարդոյ է, մանաւանդ թէ անմարդի առն, զխապարտութիւն 'ի վերայ ածել բազմաց : Եւ ոչ միայն անձին վտանգ բերէ, այլ և կեղտ անուն համբաւոյն . յանձն առնուլ կոչիլ ամբաստանող . որ պատահեաց Ս . Բրուտոսի որդւոյ, յագնիւ զարմէ, որ քաղաքական իրաւանց ներհուն գտաւ առաւել :

Եւ զայս ևս կանոն հարկի պաշտամանս պարտ է խնու մով պահել, զի մի զոք երբէք յանմեղաց լիցի քեզ գրւ խապարտ առնել . զի զայդ առնել անմարթ է բնաւին առանց անօրէնութեան : Ս ասն զի զինչ այդպէս անմարդի գործ, որպէս զճարտարախօսութիւնն որ 'ի բնութենէ պարգեւեալ 'ի փրկութիւն և 'ի պահպանութիւն մարդկան, 'ի սատակումն և 'ի կորուստ ապականութե լաւացն յեղաշրջել : Սակայն թէպէտ և յայսմանէ պարտ

է խորշել, բայց ոչ և զայն խղճել, ջատագովել երբեմն զայր փաստապարտ . միայն թէ չիցէ ժանտաթուտ և անօրէն : Օ այդ կամի բազմութիւնն, ներք սովորութիւն, և տանի մարդասիրութիւն : Ղատաւորի է՝ միշտ ՚ի դատս զհետ երթալ ճմարտութեան . պաշտպանի՝ երբէք երբէք ջատագովել զճմարտատեսին, թէպէտ և ոչ այնչափ ճմարիտ իցէ . և զայս գրել ոչ համարձակէի՝ մանաւանդ ՚ի գրել աստ իմեւմ զիմաստասիրութեան, եթէ չէր հաճոյական և Պանետիոսի ուշիմագունի ՚ի Ստոյիկեանս : Եթէ փառք և եթէ շնորհ առաւել ծնալի ՚ի ջատագովութեանց . և այնչափ աւելի՝ եթէ դէպ լիցի ՚ի թիկունս հասանել այնմ որ երեւի պարսկան դեալ և հարստահարեալ նպաստիւք հզօրի ուրուք . որպէս մեքս արարաք բազում անգամ, եթէ յայլում նուազի, և եթէ յերիտասարդութեան ընդդէմ նպաստից տիրապետութեան Պ . Սիդղայի՝ ՚ի պաշտպանութիւն Ս . Հռոսկիոսի ամբրինու . և զիտես՝ զի կայ ճառն այն :

ԺԵ . Եւ յետ առաջի առնելոյ զպատշաճս երիտասարդական հասակի՝ բաւականս առ ՚ի զփառս ստանալ, այսուհետեւ ՚ի դէպ է ասել մեզ յաղագս բարերարութեան և առատաձեռնութեան . որոյ կրկին է եղանակ : Ս ասն զի կամ գործով լինի մարդասիրել առ կարօտեալ, և կամ դրամով : Երկրորդս այս դիւրագոյն է, մանաւանդ մեծատան . այլ առաջինն չքեղ և պանծալոյն, և առն քաջի և երևելոյ արժանաւոր : Օ ի թէպէտ և յերկոսեանն է ազատական կամք առնելոյ շնորհս, սակայն մին յարկեղէ ելանէ, և միւսն յառաքինութիւն . և առատաբաշխութիւն որ լինի յընչից, զաղբիւրն զըլխովին մարդասիրութեան ցամաքեցուցանէ, և այսպէս մարդասիրութեամբ բառնի մարդասիրութիւն . զոր որչափ ՚ի բազումս անդր ծախեալ իցէ քո, նոյնչափ և վերջացեալ գտանիս ծախել ՚ի յոքունս :

Բայց որ միանգամ գործով, այս է՝ առաքինութեամբ և ճարտարմտութեամբ բարերարք և ազատաբարոյք լինին, նախ որչափ յօլովագունից եղեն ձեռնտու՝ այնչափ ևս բազմագոյն ձեռնտուս ունիցին ՚ի մարդասիրել . և դարձեալ սովորութեամբ բարեգործելոյ ևս քան զևս պատրաստագոյնք գտանիցին, և որպէս թէ քաջաւարժք ՚ի բարեացապարտ լինել առ բազումս : Վեղեցիկ ամ

բաստան լինի 'ի նամակի միում զ՝ շեքսանդրէ զորդւոյ իւրմէ (Փիլիպպոս՝ վասն յինքն յանկուցանելոյ զսիրտ Սակեդոնացւոց առատաբաշխութեւ. « Ո՞ր այն պատճառ՝ ասէ, ասա ինձ, յայդ ձգեաց զքեզ յակնկալութիւն, մտերիմն քեզ կարծել գո՛ւ զորս կաշառաբեկաւ ըրերէ դրամովք: Ս'ի թէ զայդ առնես դու, զի մակեդոնացիք անն ունիցին լինել քեզ ոչ թագաւոր իւրեանց, այլ սպասաւոր և մատակարար », : Նարոզք ասէ սպասաւոր և մատակարար. զի անարգանք են այդ առն թագաւորի. ևս բարոզք՝ զի զառատ բաշխոյս կաշառաբեկութիւն ասաց լինել: Ս' ասն զի վատթարագոյն ևս լինի առողն, և միշտ 'ի նոյն ակնկալուի պատրաստագոյն:

() այս նա որդւոյն. այլ մեք կանոն համարեսցուք բոլորից: Եւ այսպէս ոչ ինչ է երկբայելի՝ թէ մարդասիրութիւնն որ 'ի գործոց և 'ի հայթհայթմանաց, համեստագոյն ևս է և արձակածաւալ, և կարող օգտել բազմագունից:

Սակայն երբեմն արժան է և առատաբաշխ լինել, և զայս ազգ մարդասիրութեան ոչ մերժել 'ի սպառ. և ըստէպ օրէն է և 'ի դէպ՝ մարդոց կարօտելոց յիւրական ընչից մատակարարել, այլ արթնութեամբ և չափաւորութեամբ. քանզի բազումք վատնեցին զինչս հայրենի՝ անխորհրդաբար առատաբաշխելով: () ի զինչ անմտագոյն քան զայդ, ջանալ զի զոր մտադիւր առնեսդ՝ ոչ ընդ երկար կարողասցիս առնել: () յոյ զի զհետ գան առատ բաշխոյից և յափշտակութիւնք. զի յորժամ տալով սկսանին չբաւորել, յօտարին ինչս հարկին ձեռն արկանել: Եւ այսպէս ուր առ շահելոյ զսիրտ այլոց բարերար կամէին լինել, ոչ այնչափ սիրոյ նոցա հանդիպին որոց ետունն, որչափ ատելութեան նոցա յորոց կորզեցին:

Ս' ասն որոյ՝ ոչ այնպէս փակել պարտ է զդուռն իւրոյին ընչից, որ անկարող լիցի մարդասիրութիւնն բանալ զայն. և ոչ այնպէս բաց թողուլ՝ զի դիւրամտ լինիցի ամենեցուն: Պարտ է կալ 'ի չափու, և այն ըստ համեմատութեան գոյից: Ս' մենայն իրօք պէտք են մեզ յուշ ածել զբանն ստէպ 'ի կիր արկեալ 'ի մեր ազնեայց և յառակս լեալ թէ Վրատաձեռնութիւնն անյատակ է: Ս' անզի և զիւրդ չափ լինիցի, ուր որք

սովորեցանն՝ և որք ոչ նմին կարօտին :

ԺԶ. Տիրապէս երկու ազգք են առատաբաշխից . կէսք շուայլ, և կէսք առատաձեռն : Շուայլք՝ որք 'ի խրախոնս , 'ի բաժանմունս սպանդից և 'ի բաշխոյս ըմբշամարտկաց , և 'ի հանդերձանս խաղուց և որսոց վատնեն զդրամս յայնպիսիս , զորոց զսուղ կամ զոչ ինչ յիշատակ բնաւին ունին թողուլ :

Իսկ առատաձեռն նորա՝ որք ընչիւք իւրեանց կամ զգերեալս յասպատակաւորաց փրկանաւորեն , կամ ըզպարտիս յանձն առնուն զբարեկամաց , կամ նպաստամատոյց լինին 'ի տալ զօրիորդս 'ի հարսնութիւն , կամ ձեռնտու լինին եթէ 'ի շահել և եթէ յաճեցուցանել զինչս : Եւ ասն որոյ զարմանամ թէ յինչ միտս (Ինչփրաստոս՝ 'ի գիրսն՝ զոր գրեաց յաղագս ճոխութեանց , 'ի բազում պանծալիսն եղ զայս ինչ անտեղի . յաճախել գովութիւնս յաղագս մեծագործութեան և հանդերձանաց ժողովրդական ձրից . և զայնպիսի ծախուց կուտակութիւն՝ զարդիւնս համարել ճոխութեց : Իսկ ինձ պտուղն այն առատաձեռնութեան , զորոյ սակաւ օրինակս եղի , յոյժ առաւել մեծ և ստուգագոյն երեւի : Երովհետեւ Երիստոտէլ առաւել զգօնութիւն և ճիշմարտութեամբ ստգտանէ զմեզ՝ զի ոչ զարմանամք ընդ այս վատնումն դրամոց՝ որ լինին առ յանկուցանել ըզուամիկն . բայց թէ պաշարեալքն 'ի թշնամոյն՝ ստիպեցին մնասի միոյ գնել զվեցերորդ մասն դորակի ջրոյ , այդ մեզ նախ անհաւատալի թուի , և ամենեքին զարմանան . այլ միայն 'ի դնելն միտ , ներել ներեն հարկի . իսկ յայսպիսի անհասարկն տուգանս և յայնչափ ծախս ոչ շատ զարմանամք , մանաւանդ յորժամ ոչ գուցէ 'ի թիկունս հասանել կարեաց և ոչ առաւելուլ զշուք պատուոյ և զուարճութիւնն այն բազմութեան գլխովին առ սուղ մի և դուղնաբեայ ժամանակ իցէ , և այն սինքոր մարդկան . այն զի՝ զոյգ ընդ յափրութեան և յիշատակն շիջանի բերկրութեան :

Եւ բարւոք 'ի վերայ ածէ՝ թէ այսոքիկ տղայոց և կանանց և ծառայից և ծառայանման ազատաց են հաշոյականք . զոր այր մտացի և ողջմտութեամբ կշռադատող ոչ իւրեք առնուցու յանձն :

Եւ ինչ անտեղեակ զի 'ի մերում քաղաքի արմա-

տացեալ է սովորութիւն 'ի վաղ ժամանակաց, պահանջել 'ի լաւ արանց զհանդէս գործակալութեան շինուածոց: Լ՝յսպէս և Պ. Լրասոս մականուանեալն Ղոխ՝ որ և էր արդեամբք, արար զմեծաշուք հանդէս գործակալութեան. և սուղ ինչ յետոյ Ղ. Լրասոս ընդ ի. Սկիոսի առն չափաւորի քան զամենայն, մեծագործ հանդէս արար գործակալութեան. յետ այնորիկ ի. Սկիոսի որդի Սպարիոսի. և այլք յովք զկնի, Ղ. Եւկուղոսք, Հորտենսիոս և Սիդանոս. սոցա ամենեցուն յաղութեաց Պ. Ղ. ենտուղոս առ հիւպատոսութեամբ իմով. զսորին կնի չոքաւ Սկաւրոս. իսկ մերոյն Պոմպէի հանդէսք բաշխոյլց յերկրորդ հիւպատոսն գեր 'ի վերոյ մեծագործութեամբ քան զամենայն. այլ յայսմ ամենայնի տեսանես որ ինչ ինչ հաճոյ իցէ:

ԺԵ. Սակայն զգոյշ լինել արժան է և 'ի տալոյ կարծիս ազահուութեան: Սամերկոս այր միծատուն յոյժ վառն հրաժարելոյ 'ի գործակալութենէ շինուածոց մեր ժեցաւ յաշտիճանէ հիւպատոսութեան: Ս ամն որոյ թէ պահանջեսցի 'ի ժողովքդենէ լաւ որեանն՝ եթէ ոչ ցանկանալով, բայց հաւանելով պարտին առնել. միայն թէ ըստ իւրեանց կարի, որպէս և մեք գլխովին արարաք. դարձեալ եթէ 'ի մեծամեծաց ինչ և յօգտակարաց իցէ շահել 'ի հանդիսական առատաբաղխութենէ, որպէս Սիլեստեայ արդի կոչուք յանցա պարհաց՝ անուամբ տասանորդի՝ 'ի մեծ պատիւ համարեցան: Եւ ոչ 'ի ստգիւտ եղև Սարկոսի անգամ Սեյոսի, յորժամ յաւուրս սովուն՝ դանկի միոյ տայր ժողովրդեան զբոռն՝. վառն զի 'ի մեծ և 'ի հնացեալ մախանաց զանձն ազատեցոյց, ոչ դժպատեհ տուգանք և ոչ կարի մեծ, զի գործակալ շինուածոց էր: Լ՝յլ պանծալի շուք եղև յարդիս մերումն Սիդոնի, զի գնոց գնեալ զմեծ նամարտիկս 'ի պատճառս տէրութեան, զի 'ի մեր փրկանա էր նորայն, նկուն արար զամենայն հայթհայթանս և

1 Առ 'ի յաջորդել 'ի բազմանն էր սովորութիւն ուխտել Աստուծոյ զտասանորդս կմբքերոցն կամ զաւարին. և սա առ 'ի շահել ըզմիտս ժողովրդեան յրնտրութիւն իւր յատենակալութիւն, ետ խըն

ջոյս կոչնոց ժողովրդեան հռովմայ՝ յամենայն ճանապարհս քաղաքին սեզան պատրաստեալ իբրև տասանորդեկով զիւր ստացուածն:

2 Յորենոյ:

զմեղեգնութիւնս Պ . Եղօղիոսի : Եւրա ուրեմն այս պատ-
ճառք են ձրից բաշխման . հարկաւորն լինել կամ օգ-
տակար :

Եւ յայսպիսիս մի միայն գեղեցիկ կանտն է չափաւո-
րութիւնն : Եւրաքէն Պ . Փիլիպպոս , Կուինտոսի որ-
դի , այլ հանձարեղ և ականաւոր՝ սովոր էր պարծիլ ,
թէ ես առանց բնաւին պարգեւաբաշխութեան ստացայ
զամենայն պատիւ մեծութեան : Օնոյն ասէր Պ . Կու-
նտոս : Եւ մեզ իսկ գլխովին 'ի դէպ է իւրք օրինակաւ
պարծիլ յայսմ մնասին : Եւ ասն զի առ համեմատութե-
մեծութեան բարձի և պատուոյ զոր ստացաք հաճու-
թեամբ բոլորից , 'ի տարւոյ անդ մերում կարի յոյժ
նուազ ծախք եղեն գործակալութեան . որ ոչն յաջո-
ղեցաւ և ոչ միում ումեք՝ յորոց արդ անուանեցի :

Եւարձեալ են գովելի ծախք 'ի պէտս պարսպաց ,
նաւուց , նաւահանգստից , ջրանցից , և ամենայն որ միան-
գամ 'ի պէտս լինին հասարակաց : Օի թէպէտ և ներ-
կայն որ իբրև 'ի ձեռս չնորհի՝ ախորժական ևս է , սա-
կայն այդորիկ ևս հաճոյական առ յապայս : Օթատ-
րոնս , զարահակս , զնորանոր մեհեանս՝ մեղմով ստգտաւ
նեմ 'ի չնորհս Պումպէի . բայց գիտնաւորք չհաւանին ,
որպէս և նա ինքն Պանեատիոս , զոյր զհետ չգրայ բազ-
մօք 'ի մատենի աստ , այլ ոչ եթէ թարգմանելով . և
Փաղերեւս Եւմետրիոս ստգտանէ զՊերիկղէս իշխան
(Եւմաստանի՝ զի զայնչափ դրամս վատնեաց 'ի հոյա-
կապ նախադրունս անդր : Եւ զայսմ ինդրոյ ողջոյն
բանք եղեն քաջ զննութեամբ 'ի գիրսն , զոր գրեցի
յաղագս հասարակաց տէրութեան : Եւ արդ իսկու-
թիւն այդպիսի բաշխմանց պարգեւաց՝ ըստ ազգին է
պակասաւոր . 'ի դէպ ժամու՝ կարեւոր . բայց և յայն-
ժամ պարտ է կռել ընդ գոյիցն , և չափաւորութեամբ
տնտեսել :

ԺԸ . Եւ 'ի միւս ազգի պարգեւաբաշխութեան որ
յառաջ գայ յազատականութենէ , ոչ միօրինակ ունիմք
վարիլ 'ի տարօրինակ դէպս : Եւ պատճառ է նորա՝ որ
կայ 'ի նեղութեան տառապանաց , և այլ նորա՝ որ զևո
լաւագոյնս ինդրէ՝ և ոչ մի ձախորդութիւն ունեւով :
Եւ տաղիւրագոյն պարտի լինել մարդասիրութիւն առ
տառապեալս՝ միայն եթէ չիցեն արժանի տառապանաց :

Իսկ առ այնտիկ որք նպաստտ խնդրեն, ոչ զի մի տա-
ռապանս կրեսցեն, այլ զի 'ի բարձրագոյն աստիճանն ել-
ցեն, չէ պարտ մեզ 'ի սպառ կծկիլ. այլ փոյթ լե մտադ-
րութիւն ցուցանել յընտրութիւն ընտրելոց անձանց .
քանզի գեղեցիկ ասաց Եննիոս . Օ գործ երախտեաց
յանդէպս 'ի գործս գրեմ ես չար :

Իայց պարգևեալն առն բարւոյ և երախտագիտի՝ է
չահեկան եթէ յանձին նորա, և եթէ յայլ : Օ ի ուր
չկայցէ շուայլութիւն՝ գեղեցիկ է առատաձեռնութիւն .
և այնչափ առաւել խնամով գովեն զայն յորովք, զի բա-
րութիւն առն մեծի է տեղի ապաւինի ամենեցուն առ
հասարակ : Ի՞րդ պարտ է ջանալ զի առ նոսա առաւել
բարեբարեսցուք՝ որոց յիշատակ յորդիս և 'ի Թոռունս
անցանէ, զի մի լիցի նոցա ապերախտ գտանիլ : Եւ ամն
զի ամենեքին ատեան զանյուշն երախտեաց . և 'ի կար-
ձեղ անդ առատաձեռին զձեռն իւր՝ զրկանս նաւ ան-
ձանց լեալ համարին . և զնա որ առնէ՝ Թշնամի ասեն
լինել անաւագաց առ հասարակ :

Եւ այս մարդասիրութիւն օգուտ ևս է տէրութեան
հասարակաց . ազատել 'ի ծառայութենէ զգերեալս ,
հարստացուցանել զանաւագա, որ էր հանդիսացեալ
սովորութիւն 'ի մեզ յաստիճանաւորս, որպէս ճոխա-
գոյն տեսանեմք գրեալ 'ի Վրաստին ատենախօսութե :
Եւ ահա զայս սովորութիւն մարդասիրութեան բազ-
մօք նախապատիւ առնեմք քան զտուրս պարգևաց ա-
ռատս : Եւն է մտացի արանց և մեծաց . իսկ այս մար-
դելուզաց ամբոխին՝ իբրու գգուանօք գրգռողաց զխառ-
նիճաղանջին Թեթեամտութիւն :

Իսկ վայելուչ Թուի՝ որպէս 'ի տալն զուարթ լինել,
նոյնպէս և 'ի պահանջելն ոչ դառն . և յամենայն սակ-
արկութիւնս, 'ի վաճառել, 'ի գնել, 'ի վարձել, 'ի տալ
'ի վարձու, 'ի դրացութիւնս և 'ի սահմանակցութիւնս ,
արդարակորով և բարեմոյն բարուք . բազմօք բազմաց
տեղի տալ յիւրոց իրաւանց , և 'ի կագելոյ խորշիլ
լստ կարի, իցէ՛ Թէ և առաւել քան զկար . զի ոչ միայն
ազատաբարոյութիւն է երբէք փոքր մի յետնիլ յիւրոց
իրաւանց, այլ և երբեմն շահեկան գլխովին : Եւ Թաւն
է արթուն կալ և 'ի վերայ ընչից տան իւրոյ, զոր Թո-
ղու վատնել անպգամութիւն է . այլ այնպէս զի հեռի

իցէ կասկած կծծութեան և ազահուութեան : Ս ասն զի կարող լինել վարել զառատաձեռնութի առանց կապ տելոյ յանձնէ զհայրենին ստացուածս , այդ իսկ է մեծն 'ի շահս դրամոց :

Աղղութեամբ 'ի գովեստ առեալ է 'ի թէոփրաստեայ նա և հիւրասիրութիւն : Ս ասն զի որպէս ինձ թուի , յոյժ է վայելչական՝ զի դրունք պատուական ուրերոյ բաց գտցին պատուական հիւրից , որ և այն զարդ է հասարակաց տէրութեան , զի մարդիկն օտարականք ոչ մնասցեն կարօտ այսմ՝ ազգի ազատականութեան 'ի քաղաքի աստ մերում : Եւ մեծապէս ևս օգտակար այնոցիկ , որք յոյժ կամին համեստ օրինօք ստանալ կարողութիւն 'ի ձեռն հիւրից երեւել առաջի ազգաց օտարաց ճիւղ և պատուական : Վրէ թէոփրաստոս՝ թէ Լիմոն և յԵթէնս անգամ ասպնջական եղև իւրոց գիւղակցաց Լակիադացոց . քանզի այնպէս կարգեաց ասէ և պատուիրեաց զաւառապետաց , զի ամենայն ինչ չնորհեցի առն լակիադացոյ որ 'ի գիւղ իւր լուծանիցի :

ԺԹ . Իսկ գործք որ ոչ առատաձեռնութեամբ՝ այլ բարեգործութեամբք վճարին , այդոքիկ 'ի դէպ գան և բովանդակ տէրութեան հասարակաց , և իւրաքանչիւր ումբք 'ի քաղաքացոց : Վանզի ազգարար լինել յիւրաւունսն , խորհրդով նպաստամատոյց լինել , և այս ազգ գիտութեամբ օգտել յոլովագունից , մեծապէս սատար լինի առ առաւելու իշխանութեան և չնորհաց : Ս Ինչ զի որպէս բազմապատիկ գործք առաջնոց պանծալիք , նոյնպէս և հմտութիւն և լուծումն քաղաքական իրաւանց անտիտեղծ սահմանելոց՝ միշտ 'ի ծայրագոյն եղև պատուի : Օ որ յառաջ քան զայժմու խառնակութիւն ժամանակաց՝ ինքեանց գրաւեալ ունէին իշխանաւորք . իսկ այժմ որպէս պատիւք և ամենայն աշտիճանք չքոյ , սոյնպէս և փայլումն գիտութեանս շիջաւ . և այն այնչափ առաւել դժպատեհ , զի յայնպիսում՝ ժամանակի այդ պատահեաց՝ յորժամ 'ի միջի կայր այրն՝ որ քան զամենայն զառաջինսն , որոց պատուով էր հաւասար , գիտութեամբս քաջայաղթ էր հանդիսացեալ : Եւս ու

1 Վասն որ ասիցէ զայս չէ հաւասար , զի յոլովք էին յայնժամ աւանաւորք . թերևս Սերովիոս Սուլ

պիկիոսն իցէ . բայց մարթ է կարծել և զՍկեւողա , կամ զԿ . Կառուղոս , կամ զՄ . Անտոնիոս :

րեմն արդէ այդ է հաճոյական բազմաց, և քաջայար-
մար յերազմապարտ կացուցանել զմարդիկ :

Ամեն արուեստի է մերձաւոր մակացութիւն հռե-
տորութեան՝ առաւել յարգի, հաճոյական և չքնաղ :
Օ՛հ զինչ այլ գերապանծ քան զճարտարախօսութիւն, ի
զարմանցումն ունինդրաց, ի յոյս կարօտելոց, և ի շնորհս
արդարացելոց : Սորին վասն և սմին տուաւ ի մերոց
նախնեաց պատիւ իշխանութեան պատմութեանն ազգեաց
չքով : Արդ պերճախօս առն աշխատասիրի, որ և դիտի-
ցէ ըստ հայրենի սովորութեան զդատս բազմաց արդա-
րացուցանել՝ առանց պահանջանաց և ձրի, յայտնի է
լինել նորա բարերար և պաշտպան :

Հարկ էր ինձ ողբալ աստանօր և զճարտարախօսու-
թեանն զդադարումն, չասացից՝ զկորուստն, եթէ ոչ
խիթայի, մի արդեօք թուեցայց անձամբ զանձնէ գան-
գատել իւրք : Այլ սակայն տեսանեմք թէ որպիսի
հռետորաց եհաս վախճան, յորքան սակաւս իցէ յոյս,
յորքան սակաւագոյնս մակացութիւն, յորքան բազումն
զօրացաւ յանդուգն համարձակութիւն : Բայց քանզի
ոչ ամենեցուն է և ոչ իսկ բազմաց, կամ իրաւագէտ
լինել և կամ պերճախօս, սակայն օրէն է գործով օգ-
տել բազմաց, շնորհս խնդրել վասն նոցա, ընծայեցու-
ցանել դատաւորաց և ատենակալաց առաջի . տքնել
վասն իրաց ընկերին, աղաչել և գնոսին իսկ՝ որք կամ
խորհրդատու են և կամ ջատագով : Այլ ահա որք զայ-
սոսիկ առնեն՝ շնորհ յոյժ գտանեն, և ծովացեալ ծա-
ւալի հանձար նոցա :

Եւ ինչ հարկ յայսմ վայրի ազդ առնել նոցա, քան-
զի մեկն և յայտնի կայ առաջի, զգոյշ լինել անձանց
զի մի՝ ի կամելն օգնել ունանց՝ զայլս դառնացուցանի-
ցեն : Սոսն զի բազում անգամ կամ այնոցիկ ստնա-
նեն, որոց չէր պարտ, կամ այնոցիկ՝ որոց չէր հարկ :
Եթէ յանգէտս, անզգուշութիւն է . եթէ գիտութեւ,
յանդգնութիւն : Արժան է և չքմեղութեամբ թողու-
թիւն խնդրել՝ զորս ակամայ դառնացուցեր, ըստ կարի
ցուցանելով՝ թէ ուստի հարկեցար զայդ առնել, և թէ
չէր ի քո ձեռս այլազգ առնել . բայց զփոխարէնն այլոց
գործոց և պաշտամանց պարտ է հատուցանել՝ որչափ
ինչ խանգարումն եղև :

Ի. Լ՝ԱԼ որովհետեւ 'ի տալ ձեռն մարդկան՝ սովորու-
թիւն է կամ 'ի լաւութիւն նոցա հայել և կամ 'ի մե-
ծութիւն, ապաքէն հեշտ է ասել, և այսպէս իսկ խո-
սին առ հասարակ, թէ մեք 'ի բարեբարեւն հայիմք 'ի
լաւութիւն մարդոյն, և ոչ 'ի մեծութիւնն: Լ՝ըզարեւ
զրոյց համեստ. այլ յայսր ամենայնի վերայ՝ ո՞ այն որ
է՝ որ 'ի ձեռն տալ այլում՝ ոչ նախապատիւ արասցէ-
քան զգատ առն աղքատի և լաւագունի՝ զչնորհ մեծա-
տան և հզօրագունի. վասն զի յումմէ երեւի լինել ա-
ջողագոյն և արագագոյն հատուցումն պարզեաց, 'ի նա
անդր գողցես առաւել հակամիտ են կամք մեր: Լ՝ԱԼ
սլարտ է յուշ ածել խնամով զիսին իրացս: Իբր զի ան-
քատն այն եթէ իցէ այր բարի, թէպէտ և չկարիցէ
չնորհա հատուցանել, բայց անշուշտ կարող է չնորհ ու-
նել: Ի՝ դէպ իսկ ասաց որ ասացն. Արոյ են դրամք, ոչ
տայ, և որ կամի տալ, ոչ ունի. այլ զչնորհ՝ որ հատոյցն
ունի, և որ ունի հատուցանէ:

Բայց ոյք զանձինս առ ճոխս ունին և պատուականս
և երանելիս, այնպիսիքն չկամին իսկ ընդ երախտեօք
անկանել. մանաւանդ թէ երախտաւորս զանձինս գրեն՝
երբ ինքեանք լինին յօժարամիտ առնուլ որչափ և մեծ
իցէ ինչ. և յաւելուն 'ի կասկածանս բերիլ թէ գուցէ
պահանջիցեն ինչ կամ ակն ունիցին փոխարինի յին-
քեանց. իսկ զկոչին յայլմէ պաշտպանութիւն գտեալ
և հովանաւորեալ մահ համարին անձանց:

Բայց անաւագն այն որովհետեւ զոր ինչ և ընդունի-
ցի՝ այցելութիւն վարկանի անձին և ոչ մեծութեան
արժանիք, ջանայ չնորհապարտ զանձն ցուցանել՝ ոչ
միայն երախտաւորի իւրում՝ այլ և այնոցիկ յորոց ակն
ունի իմիք. զի է բազմաց կարօտ: Եւ ոչ իսկ բանիւք
մեծացուցանէ զիւր պարզե՝ եթէ առնէ ինչ փոխարինս,
այլ փոքրկացուցանէ ևս: Տես ինձ և զայն, զի թէ ըզ-
ճոխն և զմեծատունն արդարացուցես, 'ի միում անդ
կամ թերեւ 'ի զաւակս նորա գտեղի առնուլ չնորհդ.
ապա եթէ զաղքատն, միայն թէ իցէ այր ընտիր և հա-
մեստ, ամենայն խոնարհք, ոչ չարքն (որոց բազմութիւն
է յոյժ 'ի ժողովրդեան), ապաւէն պատրաստեալ ին-
քեանց զքեզ համարիցին: Լ՝յսր աղագաւ լաւ ևս գան-
ձեալ համարիմ զերախտիս առ լաւս՝ քան առ ճոխս:

Սնալ պէտք են յամենայնի զի մարմասցուք հա-
 ճել զամենայն ազգ մարդկան . բայց թէ ընդ խնդրով
 անկանիցին իրեղ , (Ը)Վեմիստակեայ արդարեւ արժան է
 լինել նմանող . ցոր իբրեւ հարցին՝ թէ Լըդեօք առն
 բարւոյ և աղքատի ընտրէ տալ զգոլատր իւր 'ի կնու-
 թիւն , եթէ մեծատան որ շատ ընտիր իցէ . ասէ , Լ ա-
 է ինձ մարդ զուրկ յընչից՝ քան ինչք զուրկ 'ի մարդոյ :
 Սակայն սպականեալ և խեղաթիւր բարք 'ի զարմա-
 ցումն հարեալ են մեծութեց . որոց առատութի զինչ
 օգտէ միոյ միոյ 'ի մէջն : (Ը)Վերեւ օգտիցէ ստացողին .
 սակայն և ոչ այն միշտ . այլ գրեա թէ օգտիցէ . յի-
 րաւի լինի նա ընչեղ . բայց լինիցի և հանձարեղ : Լ
 պա եթէ իցէ և այր բարի , մի խափան լինիցին ինչքն
 առ 'ի նուազել զօգնութիւն մեր 'ի նմանէ . միայն
 թէ և ոչ ձեռն տայցեն յառաւելութիւն . և եղիցի ա-
 մենայն դատաստան՝ ոչ ըստ հարստութեան առն այլ
 ըստ որախտութեան : Ս երջին կանոն բարերարութեց
 և օգնականութեան ձեռին այն լինիցի՝ զի մի ինչ ընդ-
 դէմ հաւասարութեան վիճեցես 'ի դատոս , և մի ինչ
 յանիրաւի . վասն զի հիմն ամենայն գովութեան և բա-
 րեհամբաւութեան արդարութիւնն է , առանց որոյ ոչ
 ինչ մարթի գովելի լինել :

ԻՎ . ԼՄԼ քանզի ասացաւ զայնմ ազգէ երախտեաց
 որ յանձն իւրաքանչիւր ակնարկէն , ժամ է այսուհետեւ
 ճառել զայլոցն որ հային առ բոլորեսին , և որ առ հա-
 սարակաց տէրութիւն : Լք 'ի սոցունց յայսցանէ կէս մի
 այնպիսիք են՝ որ առ համբրէն քաղաքացիս պատկանին ,
 և կէս մի՝ որ առաւել հաճոյականք են , առ մի մի 'ի
 նոցանէ պատշաճին : Լըդ պարտ է ամենայնիւ փոյթ
 'ի մտի դնել եթէ հնար ինչ իցէ , բոլորից լինել օգտա-
 մատոյց , նա ևս ոմանց . այլ այնպէս զի գործն այն կամ
 յօգուտ իցէ , և կամ գոնէ ոչ 'ի վնաս հասարակաց տէ-
 րութեան : Լ . Վրակքոսի ցորենաբաշխութիւն էք յան-
 չափս առատաձեռն , որով սպառէր զգանձն : Չայլ որ
 էր Ս . Հոկտաւիսին , դիւրատար տէրութեան , և իւր
 ընտր ժողովքեան . և իւրապա փրկարար էր քաղա-
 քացեաց և տէրութեան :

Լք նախ պարտի արթնն լինել նա որ զտնտեսու-
 թիւն յանձին ունի հասարակաց տէրութեան , զի իւ-

րաբանչիւր ոք զիւրն կայցի և ոչ լիցի նուազումն ընչից առն առն 'ի պէտս հասարակաց։ Վանդի ֆնասակար գտաւ Ռիլիպպոս 'ի հազարապետութեան իւրում, յորժամ զանդաստանական օրէնս սահմանեաց․ զի թէ պէտ և ինքն դիւրաւ յանձն էառ զխափումումն նորին, և յայնժամ կարի չափաւոր զանձն եցոյց, այլ յատենաբանել անդ բազում ինչ ըստ օրինի խաժամութին բարբառեցաւ, և չար ևս զայս բան։ Չիք ասէ 'ի քաղաքիս երկու հազար արանց՝ որ զինչս ունիցին։ Սահառիթ բարբառ, և առ հաւասարումն ընչից ասացեալ․ և զինչ ակտ ժանտութեան ֆնասակարադոյն քան զայս։ Օ՛ի վասն այդր իսկ տէրութիւնք հասարակաց և քաղաքք կանգնեցան առաւելապէս՝ որպէս զի այր իւրաքանչիւր զիւրն կայցի։ Օ՛ի թէպէտ և առաջնորդութբ բնութեան ժողով լինէր մարդկանն, բայց սակայն յուսով պահպանութեան ընչից իւրեանց խնդրէին զամբութիւնս քաղաքաց։

Եւ ևս ջանալ պարտ է, զի մի, որպէս ստեպ լինէր առ նախնեօք մերովք առ նուազութեմ զանձուն և յաճախութեան պատերազմաց, հարկ լիցի հարկապահանջութիւն։ այլ զի մի այդ լինիցի, բաղմօք յառաջ պարտ է լինել նախատես։ Ապա եթէ հարկ ինչ այսպիսի տրոց 'ի վերայ հասանիցէ իմիք տէրութեան, զի թէպէտ և առաւել զմերն խորհիմ, այլ ոչ զմերմէն խօսիմ՝ այլ զհամօրէն տէրութեանց, պարտ է գուն գործել զի ամենեքին 'ի միտ առնուցուն եթէ կեալ կամիցին՝ թէ հարկ է հնազանդիլ հարկաւորութեան։

Եւ դարձեալ տնօրէնք պետութեան պարտին ուշ ունել զի առատութիւն իցէ իրաց կարեւորաց․ իսկ թէ որպիսի ունի և սովոր է լինել պատրաստութիւն՝ չէ հարկ ասել, զի ըստ պէտս է․ միայն հարեանցի զայս ասել 'ի դէպ վարկայ։

Եւ դիւրիս է յամենայն տնտեսութեան գործակալութեանց և պաշտամանց տէրութեան այն՝ զի 'ի բաց լիցի ազահութեանն դոյզն իսկ կասկած։ Եւ թէ, ասէր սամնիացին Կ․ Պրնտիոս, յայն ժամանակս զիս պահէր բախտն և յայնժամ ծնեալ էի՝ յորժամ հոռով մայեցիք սկսանէին երբէք կաշառս առնուլ․ ոչ այնուհետեւ յերկար թողացուցանէի նոցա տիրել։ Եւ և ոչ

դարուց բազմաց մնալ ունէր նա . զի ահա այժմ չարիքս այս զօրացան յայսմ տէրութեան : Ս ամն այն լաւ ևս եղև ըստ իս , զի Պոնտիոս յայնմ ժամանակի գտաւ , եթէ այնչափ զօրաւոր էր զօրութեամբ : Ա և են ամբ հարիւր և տասն յորմէ հետէ 'ի Ս . Պիսոնէ օրէնք եղան կրկին պահանջման դրամոց . ուր ցայնվայր չէր լեալ երբէք : Այլ յետ այնորիկ այնչափ առաւելան օրէնք մի քան զմի խտազոյնք , այնչափ բազմացան յանցաւորք և յաճախեցին մահապարտք , այնչափ գրգռութիւն եղև խտալական մարտից առ երկիրդի դատաստանաց , և այնչափ կեղեքումն և գերփումն ընկերաց առ 'ի չգոյէ օրինաց և դատաստանաց , մինչ զի տկարութեամբ այլոց՝ և ոչ մերով զօրութեամբ եմք հզօրացեալք :

ԻՐ . Վալէ Պանետիոս զԱփրիկանոս առ ժուժկալութեանն . և զհարդ գովիցէ ոչ . այլ ևս մեծամեծք են 'ի նմա գործք : Ս ամն զի ժուժկալութեանն գովութի ոչ մարդոյն միայն է , այլ և ժամանակին : Ամենայն զան ձուն մակեդոնացւոց , որ էր հարուստ յոյժ , տիրացաւ Պօթոս . այնչափ ինչ կուտեայ 'ի զանձարանս դրամոց , մինչ զի միոյ սպարապետի աւարաւն դադար եղև հարկաց : Այց ինքն 'ի տուն իւր ոչ ինչ ած , բաց 'ի յաւերժական յիշատակէ անուան : Ամանող հօրն գտաւ Ափրիկանոս՝ ոչ ինչ աւելի հարստացեալ յետ քանդելոյ զԱլարքեդոն : Ա զինչ ևս յաւելից . միթէ գործակից նորա 'ի համարառութեան , Ս ումիոս , աւելի ինչ փարթամացաւ 'ի հիմն 'ի վեր տապալել զբազմահարուստն քաղաք : Ա աւ համարեցաւ զԱտալիա զարդարել քան զտուն իւր . թէպէտ և 'ի զարդարիլ Ատալիոյ , և տունն գլխովին թուի ինձ առաւել գեղազարդեալ :

Այդ դարձուցեալ զբանս ուստի խտորեցաւ , չիք մնլութիւն վատթարագոյն քան զազահութիւն . մանաւանդ յիշխանս ղեկավարս տէրութեան հասարակաց : Ս ամն զի 'ի զօջաբազութեան պէտս ունել զտէրութի ոչ միայն դժպատեհ է , այլ և ասիրատութիւն և ոճիր : Անչ զի ուր Արդոն պիւթիական պատգամ տայր՝ թէ ոչ այլով իւր կորնչել ունի Սպարտիա , բայց ազահութեան :

1 Զկորնթոս զմայրաքաղաքն Աթալիոյ :

Թէ, Թուի ինձ Թէ ոչ վասն ի ակեղեմննացւոց միայն զայդ գուշակեալ իցէ, այլ և յաղագս ամենայն ազգաց փարթամաց : Իսկ ոչ այլով իւրի դիւրագոյն մարթին յինքեանս յանկուցանել զսիրտ ժողովրդեան վերակալցուք տերութեան հասարակաց, որպէս սակաւապետութեամբ և ժուժկալութեամբ :

Իսկ որք բարեմարդիկ կամին լինել առ ժողովուրդն, և վասն այնորիկ կամ յանդաստանական իրս ձեռնարկեն ՚ի հանել զտեարս ՚ի կալուածոց, կամ լաւ համարին զի շնորհեսցին պարտապանաց փոխք դրամոց, այնպիսիքն զհիմունս խախտեն տերութեան հասարակաց . և նախ զմիաբանութիւնն, որում անհնար է կալ ուր յոմանց կորզին և ոմանց շնորհին դրամք . և երկրորդ՝ զհաւասարութիւն՝ որ ՚ի սպառ կորնչի, եթէ չիցէ օրէն իւրաքանչիւր զիւրն ունել : Վասնզի որպէս ՚ի վեր անդր ասացի, այդ է սեպհական իսկութեան քաղաքի փոքուր կամ մեծի, լինել ազատ, և ոչ երկեղուկք պահպանութեան իրաց իւրաքանչիւր անձին :

Եւ յի՜ ի մնասել անդ հասարակաց տերութեան՝ և ոչ այնմ շնորհի զոր կարծեն՝ հասանեն : Եւ ասն զի յորմէ կապտեցան ինչքն՝ Թշնամենայ, և որում տունն՝ կեղծաւորի գլխովին՝ Թէ իւր կամեցեալ իցէ առնուլ . ևս առաւել ՚ի փոխ առեալ դրամս պատրուակէ զիւր ուրախութիւն, զի մի երևեսցի Թէ չունի կամս վճարելոյ . իսկ որ զրկեցան, և յիշէ և յանձին երևեցուցանէ զցաւ իւր : Եւ եթէ բազումք իցեն որոց չարաչար տուաւ, քան այնորիկ՝ յորոց յանիրաւի գրաւեցաւ, և ոչ այդուիկ բազմազօր ևս լինին նոքին . զի ոչ ՚ի Թուոյն պարտ է չափել, այլ Թէ որպիսիք ոմանք իցեն : Եւ զինչ այն արդարութիւն իցէ, զի զանդաստան յամաց բազմաց՝ զուցէ և ՚ի դարուց հետէ ժառանգեալ, կալցի նա որում ոչն էր, և նա որում էրն՝ կորուսցէ :

Ի Գ . Յաղագս այսգոյն անիրաւութեան մերժեցին ի ակեղեմննացիք զ իւսանդոս պարետ . և որ ոչն էր յառաջագոյն լեալ երբէք առ նոսա՝ զ չիս արքայ խողխողեցին . և յայնմ ժամանակէ հետէ այնչափ երկպառակութիւնք յաճախեցին հետ զհետէ, մինչև յարեան բռնաւորք և սպառսպուռ կորուսին զմեծամեծս, և կործան անկաւ պանծալին այն հասարակաց տերութիւն :

Եւ ոչ նա միայն անկաւ, այլ և զմնացուածն Յունաստանի աւերեաց ժանտութեանցն շաղխմամբ, որ 'ի Սակեդեմոնացւոց սկիզբն առեալ՝ ընդ ամենայն կողմն ճարակեցան: Եւ զի ասեմ զնոսա. ոչ և զմեր Վրակքոսս զՏիբերեայ Վրակքոսի զառն մեծի զորդիս, զԼ. փրիկանոսի թոռունա, կազք և կռիւք անդոց կորուսին:

Իայց իրաւամբք գովի Մրատոս սիկիմոնացի, որ 'ի ժամանակին յորում զքաղաք նորա բռնաւորք ունէին զամս յիսուն, երթեալ յարգիացւոց քաղաքէ 'ի Սիկիոն, զանխուլ մտիւք տիրեաց քաղաքին: Եւ յորժամ նկուն արար յանպատրաստից զՍիկիոկէս բռնակալ, դարձոյց անդրէն զվեցհարիւր արս յաքսորանաց՝ որք ճիւղն էին քաղաքին. և զարտեամբ իւրով ազատեաց զտէրութիւն հասարակաց: Եւ իբրեւ ետես զմեծ կնճիռն ինդրոց ընչից և ստացուածոց, քանզի զնոսա զորս ինքն դարձոյց 'ի տեղիս իւրեանց, զորոց զինչս այլք էին ժառանգեալ, մնալ 'ի չքաւորութեան կարի դժպատեհ համարէր, և զյիմնամեայ ժամանակաւ ստացուածս խախտել ոչ կարի իրաւացի դատէր, վասն զի յայնչափ ժամանակս երկարութեան բազում ժառանգութիւնք, վաճառք և օժիտք 'ի ձեռս անկեալ էին առն առն առանց անխրատութեան, 'ի դէպ վարկաւ՝ ոչ 'ի սոցանէ կտպտել, և ոչ զնոսա որք բնիկ տեարքն էին՝ զուրկ թողուլ:

Եւ ոչ 'ի մտի հաստատեալ եթէ դրամոց պէտք են առ 'ի կարկատել զիրան, ասէ. Սամիմ ես յՄքէքսանդրիս երանել, և 'ի դարձին իմում իրքդ առցեն զկատարումն: Իպա յարուցեալ փութապէս գայ առ ասպրնջական իւր Պտղոմէոս, այն որ երկրորդ թագաւոր էր յետ շինութե քաղաքին Մքէքսանդրացւոց. և իբրեւ յայտ արար նմա եթէ զհայրենիսն խորհի ազատել և զպատճառան գեկոյց, դիւրաւ ընկարաւ զայս շնորհ այրն մեծ 'ի հարուստ թագաւորէ անտի, զի ձեռնտու լիցի նմա առատ դրամովք: Եւ իբրեւ առեալ եբեր 'ի Սիկիոն, 'ի խորհուրդ կոչեաց հնգետասան իշխանա. ընդ որս հետազօտեաց զպատճառս նոցա՝ որք զօտարինն ունէին, և նոցա որք զիւրեանցն էին կորուսեալ: Եւ սակարկեալ գնոց կալուածոցն, կիսոց հաւանեցոյց զի յանձն առցեն առնուլ զդրամ՝ հրաժեշտ տուեալ 'ի կալուա-

ծոց . և այլոց՝ զի հաճեացին ընդ վճարումն ինքեանց այսչափ դրամոց որչափ տեղիք իւրեանց արժէին , քան զգրաւումն անդրէն զիւրեանցն : Եւ այսպէս յանկ ելեալ իրացն՝ զօղիւ միաբանութե կապեալք անտրտունջ մեկնեցան ամենեքին :

Բարէ մեծի առնա , որում արժան էր՝ ի մերուս տէրութեան ծնանել : Եւ յայտն անկ է վարիլ ընդ քաղաքակիցս , և ոչ՝ որպէս երկիցս տեսաք ցարգ՝ տիգաբուն հարստել ՚ի հրապարակի , և զինչս քաղաքացւոց ներքոյ արկանել մոռնետկաց ձայնի : Բայց նա այր հէղեանացի ՚ի դէպ վարկաւ , (որպէս անկ իսկ է առն իմաստնոյ և պանծալոյ ,) զամենեսեան հաճել . և այդ իսկ է կատարեալ հանձար և իմաստութիւն բարի քաղաքացւոյ՝ չեղծանել զղիւրումի քաղաքակցաց , և զամենեսին ՚ի մի և ՚ի նոյն արդարութեան առնել : Եւ արդիկ ախորժեալ զի բնակեացեն անվարձ յօտարինն : Իսկ զհարգ . ես . քնեցի , շինեցի , պահեցի , ծախեցի . դու ընդդէմ ի մոցսկանաց յիման վայելեցես : Եւ զանազանից յոմանց զիւրն յափշտակել , և ոմանց զօտարինն տալ :

Եւ նոր իսկ տախտակք օրինադրութեց՝ զինչ ակնարկեցեն , բայց զի դու գետին գնեցես իմովս դրամով , ստացիս դու զնոյն , ես ոչ ստացայց զիմ դրամն :

Ի . Եւ ան որոյ պարտ է արթուն կալ՝ զի մի լեցի դրամ օտար մնասակար տէրութեան հասարակաց , յորմէ բազում օրինակաւ լինի զգուշանալ . և ոչ լինիցի փարթամաց կորուսանել զիւրեանցն , և պարտապանաց շահել զօտարինն : Եւ ոչ ինչ այլ քաջ պարսպեալ պահէ զհասարակաց տէրութիւն իբրեւ զհաւատարմութիւնն . իսկ այսմ անհնար է կալ երբէք՝ եթէ ոչ հարկ համարեցի հատուցումն փոխոյն առեցելոյ : Եւ երբէք այնպէս սաստիկ յուզեցաւ այս խնդիր , որպէս յիմեւն հիւպատոսութեան , զի մի լինիցի հատուցումն . զինուր զողջես և ճակատուր ճգնեցան մարդիկ յամենայն ազգէ և ՚ի վիճակէ . որոց այնպէս զգէմ կալայ , զի չարիքս այս մեծ բարձցի ՚ի տէրութեան հասարակաց : Եւ երբէք այնչափ բազմացեալ էր դրամ օտար , և ոչ լաւ և զիւրին վճարումն երբէք եղեալ է : Եւ ան զի ընդ կար

1 Զօր հրատարակեցին վասն ազատ առնելոյ ՚ի պարտուց :

ձեւ յուսոյն խորելոյ, զհետ եկն հարկն վճարելոյ: Քայց այժմուս այս յաղթող¹, որ յայնժամ յաղթեալ, զոր խորհեալն էր կատարեաց. այլ ոչ եթէ արդ պէտք ինչ էին նմա: Այնչափ բերէր 'ի մեղսասիրութիւն, զի սոյն այս և եթ մեղանչեին հեշտալի էր նմա, թէ և ան պատճառ:

Արդ վերակացուք տէրութեան հասարակաց հեռի լիցին յազգէ այտի առատաբաշխութեան, կիսոց տալ՝ յայլոց կորզել. և յառաջ քան զամենայն փոյթ կալցին զի արդարութեամբ իրաւանց և դատաստանաց իւրաքանչիւր որ զիւրն կալցի: Այն աւաւազք դաւաճանեսցին առ նուաստութեան, և ոչ փարթամաց ստնանիցեն մախանք՝ ունել զիւրեանցն կամ անդրէն զբռամբ ածել: Այլ դարձեալ որով օրինակաւ և ձեռնհաս իցեն՝ եթէ 'ի պատերազմի և եթէ 'ի տան, բարգաւաճ՝ առնիցեն զհասարակաց տէրութիւն իշխանութեամբ, ազարակօք և հասիւք: Այս գործ է արանց մեծամեծաց, այս էր յաճախեալ առ առաջնովք մերովք. և որ միանգամ այս ազգ պատշաճից զհետ երթան, թող զօգուտն հասարակաց զմեծ, շնորհս և փառս ստասցին և ինքեանք մեծապէս:

Ի կանոնս օգտակարութեանց Անտիպատրոս տիւրացի ստոյիկեան, որ այն ինչ մեռաւ յԱթէնս, զերկուս համարի 'ի բաց թողեալ Պանետիոսի զհոգ առողջութեան և դրամոյ. այլ որպէս ինձ թուի, խորհրդով զանց արար զնորօք կատարեալ իմաստասերն, իբրև ըզդիւրագունիւք: () Գտակարք են արդարև, բայց առողջութիւնն դարմանի ծանօթութեամբ իւրական մարմնոյ, և դիտողութեամբ, որ այն իբր բնաւորեալ իցեն օգտել կամ վնասել, և ժուժկալութիւն 'ի կերակուրս և 'ի սպասս որ 'ի պէտս դարմանոյ մարմնոյն. և անձնապահ լինելով 'ի հեշտալեաց, և 'ի վերայ ամենայնի արհեստիւ այնոցիկ՝ որոց դիտութեան անկ են այդոքիկ:

Իսկ զառանձնական ինչս պարտ է շահել այնպէս՝ յորում չիցէ կծծութիւն. և պահպանել ինամով և ինայովութեամբ, որովք լինի և աճումն: Քստ կարգի ճառեաց զիրացս՝ Սենեոփոն սոկրատեան 'ի գիրնս անդ,

որ մակագրի տնտեսական, զոր մեք յայնմ գողցես հասակի՝ յորում դուդ այժմ գտանիս՝ ի յունէ՝ ի լատին յեղաք :

ԻՅ • Ե՛լ օգտակարացն համեմատութիւն, քանզի այս է մասն չորրորդ՝ զորով զանց արար Պանետիոս, բազում անգամ գայ ՚ի պէտս : Եւ ամն զի սովորութիւն է համեմատել զմարմնոյ դիւրութիւնս ընդ արտաքինս, և զարտաքինս ընդ մարմնոյն. և դարձեալ զմարմնոյս ընդ մարմնոյն, և զարտաքինս ընդ արտաքնոցն : Ինդ արտաքնոցն մարմնոյն բաղդատին օրինակ զայս • Ընդ լինել կամիս եթէ ճոխ : Ինդ մարմնոյն արտաքինքն այսպէս • Շոխ լինել ընտրեն եթէ ուժեղ : Եւ արմնոյն ընդ միմեանս այսպէս • Եւ ջողջութիւնն նախապատօի է քան զհեշտութիւնս՝ և զօրութիւնն քան զարնգընթացութիւն : Եւ արտաքինքն ընդ իրեարս՝ զոր օրինակ • Եւ են փառք քան զմեծութիւնս, և քաղաքական հասք քան զգեղջկականս :

Յայս ազգ բաղդատութեան հայի բանն այն լատովնի առաջնոյ • որ իբրեւ հարցաւ՝ Եթէ Ո՞ր լաւ իցէ յառնին ինչս, ետ պատասխանի • Հարուստ խաշնադարման լինել : Եւ զինչ զկնի նորա երկրորդ • ասէ • Բարեկեցիկ խաշնադարման լինել : Եւ զինչ երրորդ • Եւ քատիկ խաշնադարման լինել : Եւ զինչ չորրորդ • Եւ քորա դիր լինել : Եւ յորժամ հարցօղն ասաց, Օ՞րնչ ապա վաշխառուն լինել, յայնժամ լատովն • Օ՞րնչ ապա ասէ, մարդաստան լինել : Եւ տի յայսմանէ և յայլ ևս բազմաց պարտ է իմաստասիրել՝ Եթէ օրէն է բաղդատութի առնել ՚ի մէջ երկուց օգտակարաց, և Եթէ իրաւամբք յաւելաւ ՚ի մէջ ՚ի խնդիրս՝ այս չորրորդ ազգ պատշաճից :

Ե՛լ յաղագս բովանդակ այդր խնդրոյ, վասն շահելոյ և ՚ի շահու զդրամն դնելոյ, որպէս և ՚ի կիր արկանելոյ լաւ ևս ճառեն ոմանք ՚ի լաւ որերոյ՝ որ նստին ՚ի մի ջալայրս Յանոսի՝ քան եթէ ՚ի փիլիսոփայից որ ՚ի դրպրատան ուրեք : Իսկ սակայն գիտելոյ արժանի են, քան զի պատշաճին առ օգտակարութիւն, զորմէ յայս գիրս ճառեցաւ : Եւ զցուք ՚ի մնացորդս բանից :

1 Ի միջավայր հրապարակին էր պարտագանք և վաշխառութիւն : Թաճար Յանոսի, ուր ժողովէին

ՄԱՐԿՈՍԻ ՏՈՒՂԱԴՌՈՍԻ

ԿԻԿԵՐՈՆԻ

ՅԼՂԼԳՍ ՊԸՏՇԼՈՒՑ

ԱՌ ՄԱՐԿՈՍ ՈՐԴԻ ԻԻՐ



ԳԻՐԿԻ ԵՐՐՈՐԴ

Ա. ՊՈԲՂՈՍ Սկիպիոն, Սարկոս որդեակ, այն որ նախ ընկալաւ զԱ' փրիկեցին անուն, սովոր էր ասել ըստ գրելոյ Սատովնի գոգ ժամանակակցի . Ոչ երբէք այնպէս եղէ անպարապ, որպէս յորժամ պարապեալ գտայ 'ի հանդարտութեան . և իչ այնպէս հեռի 'ի միայնութենէ, որպէս յորժամ միայնացեալ նստէի : Միշտ արեւմեծալայելուչ բարբառ, և մեծի առն և իմաստնոյ արժանաւոր . որ է յայտարար՝ թէ նա սովոր էր և 'ի հանդարտութեան խորհել զգործոց գործելեաց, և յառանձնութեանն անձամբ անձին լինել խօսակից . մինչև չտալ դուլ և դադար անձին, և չկարօտել ելբէք լինել խօսակից ընդ այլոմ : Եւ այսպէս երկուք այնոքիկ, որք ձանձրոյթ ծնանին այլոց, զարթուցիչք էին նորա . պարապորդութիւն և առանձնութիւն : Եղէ թէ և մեզ օրէն լինէր զնոյն երկրորդել ստուգութեամբ . բայց թէ վերջանամք նմանող լինել հասանել յայդ գերապանծ ուշիմութիւն, այլ յօժարութեամբ մերձազոյնս մատչիմք : Վսնգի և 'ի հասարակաց տէրութենէ և յատենական զբաղանաց, անօրէն զինուք և

բռնութեամբ արգելեալք՝ հանդարտութեան պարապեմք . և 'ի պատճառս այդարիկ թողեալ զքաղաք և 'ի գիւղս յածեալ՝ բազում այն է զի միայնացեալ զըտանիմք :

Եւ ոչ հանդարտութիւն մեր այս ընդ Լճիկեցոյն հանդարտութեան , և ոչ միայնութիւնս ընդ նորայումն 'ի բաղդաստութիւն ածիցի երբէք : Վանգի նա 'ի հանգիստ բերեալ , 'ի մեծապատիւ գործակալութեանց տէրութեան հասարակաց՝ պարապ առնոյր առ ժամանակ մի , և յամբոխէ մարդկան և 'ի խուռն խութելոյն իբրեւ 'ի նաւահանգիստ զանձն պատսպարէր 'ի միայնութիւն առ ժամն : Եւ մերս հանդարտութիւն առ 'ի չգոյէ գործոց՝ և ոչ 'ի փութոյ հանգստեան պատրաստեցաւ : Եւ ան զի յետ ծերակուտին շիջանելոյ և ատենի դատաստանաց բնաբարձ լինելոյ , զինչ վայելչական մեզ մարութասցուք առնել կամ 'ի զրան , կամ 'ի հրապարակ ատենի :

Եւ այսպէս՝ որ երբեմն մեծաշուք և նազելի յաչս քաղաքակցաց կեանս կէպք , արդ փախուցեալք 'ի տեսութենէ չարագործաց՝ որովք լի են վայրք ամենայն , թաքուցաք զանձինս ըստ կարի , և բազում այն է զի միայնիկ նստիմք : Եւ քանզի այսպէս ընկալաք յաւանց գիտնաւորաց՝ թէ ոչ միայն 'ի չարեաց զփոքրագոյնս ընտրել պարտ է , այլ և 'ի չարէ անտի քաղել՝ եթէ կայցէ մասն բարւոյ , սորին ազազաւ և 'ի հանդարտութեան վայելեմ , թէպէտ և ոչ յայնմ՝ որ պարսն էր առն որ երբեմն հանդարտութիւն ծնաւ քաղաքին . և ոչ թողացուցանեմ անգործ զմիայնութիւնս զայս՝ յոր բերեալ եմ 'ի հարկէ և ոչ կամօք :

Եւ իայն թէ Լճիկեցին և ըստ իմոց իսկ կարծեաց առաւել գովելի գտանէր . զի չիք նորա յիշատակ ինչ ուշիմութեան գրաւոր , և ոչ գործ ինչ պտուղ հանդարտութեան , և ոչ արգասիք միայնութեան . յորմէ պարտ է 'ի միտ առնուլ՝ թէ նա զմնութեամբ իրացն զորս մտածութեամբ գտանէր , ոչ պարապորդ և ոչ միայնիկ գտաւ երբէք : Եւ մեր՝ որ ոչ այնպիսի ունիմք զօրութիւն զի լոիկ մտածութեամբ զերծ լիցուք 'ի միայնութենէ , զամենայն փոյթ և զջան դարձուցաք յերկասիրութիւն զրութեանս . մինչ զի յովազոյնս

ի սուղ ժամանակի գրեցաք՝ յետ բարձման տէրութեան հասարակաց , քան ՚ի բազում ամս ՚ի կալ մնալ նորա :

Բ. Եւ զոր օրինակ բովանդակ իմաստասիրութիւն , Լիկերոնդ իմ , է արդիւնաբար և պողաբեր , և ճշ մի կողմն նորա է խոսքն և ամսյի , սոյն օրինակ չիք և ոչ մի մասն ՚ի նմա այնչափ բերրի և արգաւանդ , որպէս ամդանօր յորում յաղագս պատշաճից . յորոց առեալ լի . նին կանոնք զգծն և համեստ կենաց : Սորին վասն թէպէտ և վստահ եմ՝ թէ դու հանապազորդ ըես և ընդունիս զայսոսիկ ՚ի Սրատիպպոսէդ մերմէ՝ յիմաստասիրապետէ , բայց յօգուտ լինել համարիմ , զի այսպիսի ճայնք յամենայն կողմանց հնչեցեն շուրջանակի յա կանջս քո . և եթէ հնար ինչ է՝ ոչ ինչ այլ լուիցեն քո լսելիք : () որ որպէս ամենեցուն արժան է առնել որ մի անգամ մտանել խորհին ՚ի համեստութեան վարս , նոյնպէս և չունիմ ասել՝ եթէ ումեք առելի արժան իցէ քան քեզ : Վսնդի յանձին բերես ակնկալութիւն ոչ սակաւ նմանող լինելոյ մերումն ճարտարութեան և մեծ պատուոյ և բարձի , և մեծի արդարեւ անուան : Բստանձնեալ ունիս և ևս զբեռն ծանր եթէ զ՝ թէն քաղաքի և եթէ զՍրատիպպոսի . և զի առ սոսա ընթալ ցար իբրեւ ՚ի Թանգարան վաճառաց ագնիւ արհեստից , Թափուր յետս դառնալ յոյժ է անտեղի , որ անպատիւ առնէ զյարգ անուան և քաղաքիդ և վարդապետիդ : Ս ամս որոյ զրչափ և կարող ես ժրաջան լինել ՚ի սրտէ և ճգնել աշխատութեամբ , (եթէ իցէ աշխատութիւն ուսումն . և ոչ հեշտութիւն ,) արա զի ժամանեցես ՚ի կատարելութիւն . և զի ամենայն ՚ի մեր կողմանէ ՚ի քո սակս տնտեսեցաւ , մի Թողուցուս երևել դու քեզէն պակասեալ : Եւ այսգրիկ այսքան . զի բազում ինչ բազում անգամ գրեցի քեզ ՚ի յորգոր : Եւ յժմ ՚ի մնացուածոյ մասն նախակարգեալ բաժանմանս եկեալ ցուք :

Երգ Սանետիոս , որ առանց ընդ բանս ինչ ածելոյ անվրէպ ճառեաց զպատշաճից , որում և մեք առաւելապէս՝ յաւելուածով իմն ուղղագրութեան զհետ չոգաք , առաջի արարեալ զերիս տեսակս յորս բնաւորեալ են մարդիկ խորհել և խելամուտ լինել յաղագս պատշաճից , առաջին յերկուանալ անդ թէ արդեօք

Համեստ իցէ այն զորմէ է բանն , եթէ անարդ . երկրորդ՝ օգտակար իցէ եթէ անօգուտ . երրորդ՝ Համեստ երևեալն եթէ հակառակ ելանիցէ օգտակար թուեցելոյն , որով օրինակաւ պարտ իցէ որոշումն առնել նոցա . զերկուսն զառաջին տեսակս յերիս գիրս բացադրեաց . իսկ զերրորդէն ասէ գրել զկնի . բայց ոչ կատարեաց՝ զոր խոստացաւ : Ինդ որ այնչափ առաւել զարմանամ , որչափ զի գրէ աշակերտ նորա Պոսիդոնիոս՝ թէ երեսուն ամ եկեաց Պանետիոս յետ 'ի լոյս հանելոյ զայն գիրս : Եւ զարմանամ , զի զայս տեղի , ինքն Պոսիդոնիոս կարճ 'ի կարճոյ նշանակէ 'ի յիշատակարանս ուրեք . մանաւանդ զի գրեթէ չեք մասն այլ 'ի բովանդակ փիլիսոփայութեան այսչափ հարկաւոր :

Եւ չեմ հաւան ընդ նոսա որք ժխտեն եթէ Պանետիոս զանց արարեալ իցէ զայնու մասամբն , այլ համարին խորհրդով 'ի բաց թողեալ , զի և ոչ իսկ բնաւ մարթ էր գրել . քանզի ոչ երբեք կարէ ասեն օգտակարն հակառակ ելանել համեստի : Երրոց յետինն մարթի անկանել ընդ երկրայութեամբ՝ թէ արժան իցէ արդեօք յառաջ բերել զայդ տեսակ՝ որ երրորդ է 'ի բաժանման Պանետիոսի , եթէ 'ի սպառ զանց առնել . իսկ առաջինն է աներկբայելի՝ թէ Պանետիոս յանձին կալաւ գրել , բայց եթող : Օ ի որ յեռամանեայ բաժանմանէ անտի զերկուս կատարեաց մասունս , հարկաւ կայր մնայր նմա երրորդն : Ի՞նչ զի 'ի կատարած երրորդի զրոյն խոստաւ նայ ասել այնուհետև զերրորդ մասնէ աստի :

Սկայէ այսմ ճոխագոյն և Պոսիդոնիոս , որ յաւելու գրել 'ի նամակի ուրեք թէ Պ . Հռուտիզիոս Հռուփոս՝ որ աշակերտեալն էր առ ոսոս Պանետիոսի , սովոր էր ասել . Օ որ օրինակ ոչ դժուար 'ի պատկերահանից որ զառ 'ի Լպեգեսէ սկսեալ և թողեալ զմասն զայն Լիբրոդիտեայ կովացոյ՝ աւարտեսցէ , վասն զի գեղեցկութիւն բերանոյն անյոյս առնէր զնոսա 'ի նմանեցուցանել զմնացեալ մարմինն , ըստ նմին օրինակի զոր միանգամ Պանետիոս զանց արար և ոչ կատարեաց , ոչ որ յառաջ տարաւ , առ գերապանծութեան կատարելոյն 'ի նմանէ :

Գ . Եյս սակս անմարթ է երկբայելի 'ի վերայ մտաց Պանետիոսի . այլ թէ իրաւամբք արդեօք մերձ եդ զեր

ըորդ զայս մասն 'ի խնդիր պատշաճից եթէ ոչ, զայդ մանկ թերևս մարթի վէճ լինել: Ասան զի եթէ համեստն միայն իցէ բարի, որպէս հաճոյ թուի սոոյիկեանց. և եթէ այնպէս ծայրագոյն բարի իցէ համեստն, մինչ զի՝ որպէս կարծեն մերքն ճեմականք՝ այլ ամենայն ինչ 'ի միւս կողմն եղեալ և ոչ մէտ մի համարեալ է, ոչ մնայ տարակոյս՝ թէ ոչ երբէք մարթին հակառակել իրերաց օգտակարն և համեստն: Այլ ըստ այսմ լսեմք՝ թէ սովոր էր Առկրատէս գաբշիլ 'ի նոցունց՝ որք զառաջինն երկփեղկեցին կարծեօք զայսոսիկ 'ի բնէ զօղեալս: Արումայնպէս ձայնակից են Աոոյիկեանք, մինչ և դնել թէ որ ինչ է համեստ նոյն և օգտակար, և չիք ինչ օգտակար որ չիցէ համեստ:

Օ ի թէ այնպիսի որ լինէր Վանետիոս, որ զառաքինութիւնն յայն սակս ասէր պատուական՝ վասն զի է օգտաւէտ, որպէս այնորիկ որ զցանկալիս չափեն կամ 'ի հեշտութենէ կամ յանցաւութենէ, 'ի դէպ էր նման ասել թէ օգտակարութիւնն հակառակ երբեմն ելանէ համեստութեան: Այլ քանզի սա զայն միայն բարի վարկանի՝ որ համեստն իցէ. և որք սմին ընդդէմելանեն կերպարանօք իւրք օգտակարութեան, ոչ յաւելուածով նոցա համարի լաւագոյն կենաց հանդիպեալ, ոչ պակասելովն՝ վատթարագունի, ապա և չէր նման պարտ զայնպիսի մտածութիւն 'ի ներքս մտածանել, յորում 'ի բաղդատութիւն ածցի գրեալն օգտակար ընդ համեստի:

Քանզի վերաձայնեալն 'ի Աոոյիկեանց շայրագոյն բարի ըստ պատշաճի կեալ բնութեան, ինձ թուի՝ զայս ընծայեցուցանել միտս. միաձայնիլ ընդ առաքինութեան միշտ. իսկ զայլ ինչ իրս՝ որ ըստ բնութեան իցեն, այնպէս ընտրել առնուլ՝ զի ոչ հակառակ ելցեն առաքինութեան: Այլ զի այս այսպէս է՝ ասեն ումանք, ապա ոչ ուղիղ 'ի վերայ ածի բաղդատութիւնդ այդ, և ոչ օրէն ինչ է զայս ազգ կանոնս աւանդել: Այլ համեստն այն տիրապէս և ստուգապէս անուանեալ, յիմաստունս է և եթ, և ոչ երբէք մարթ է զատանել զայն յառաքինութենէ. իսկ յորս իմաստութիւն չէ կատարեալ, չէ և. չէ 'ի նոսա և կատարեալ համեստութիւն. միայն պատկեր իմն կարէ լինել համեստութեան: Այլ այսպէս զայս ամենայն պատշաճ գործս զորոց 'ի

մատենի աստ ճառեմք, Ստոյիկեանք Սիջասահմանաձայնեն, զի են հասարակք և յայտնիք. որոց և քաջու շինութեամբ և ուսմամբ հասու լինին բազումք: Դակ պատշաճն այն զոր և նոքա Սղղութիւն կոչեն, կատարեալ է և լրացեալ. և որպէս նոքա ասեն, ամենայնս թուովք բոլորեալ է. և ոչ ումեք երբեք անկ՝ բայց միայն իմաստնոյ:

Եւ յորժամ գործի ինչ յորում երևեսցին միջասահման պատշաճութիւնք, այդ առաւելութեամբ առաջ երևի կատարեալ. քանզի ռամիկն գրեթէ չիմանայ՝ որով պակասի առ կատարեալն. և որչափ ինչ իմանայ, այնու ոչ ինչ պակաս լինել կարծէ: Եւ յոր և ի բերթուածս և ի նկարս հանդիպի, և յայլ ինչ բազում. զի ագէտք զմայլին և գովեն զոչն գովելիս, թուի ինձ վասն այն, զի գտանի յայնոսիկ ինչ մի լաւ, որ զօշոտէ զաչս տխմարաց, որք անկարողք են դատել զպակասութեանց յիրս իւրաքանչիւր. այլ յորժամ ուսանին ի գիտնոց, դիւրաւ ի բաց կան ի կարծեաց անտի:

Եւ ահա զպատշաճս, զորոց խօսիմք ի գիրս յայնոսիկ, իբրու երկրորդական իմն համեստս ասեն լինել՝ ոչ իմաստնոց և եթ սեւչական, այլ համօրէն ազգի մարդկան յանկաւոր. մինչ զի ամենեքին յորս իցէ բնաւորութիւն առաքինութեան, շարժին սղբիմք: Եւ ոչ իսկ յորժամ երկու՝ յեկոսք, կամ երկու Սկեպիոնք, արք քաջք յիշատակին, կամ յորժամ Փաբրիկիոս և Երիստիդէս արդարք անուանին, և օրինակ ի մէջ բերի կամ արիութեան ի նոցանէ, կամ արդարութեան ի սոցանէ՝ իբրեւ յիմաստնոց: Օր ոչ որ ի դոցանէ է իմաստուն այնպէս, որպէս կամք են մեզ իմանալ զիմաստունն: Եւ ոչ նոքին գլխովին որք կարծեալ և անուանեալ իմաստունքն էին, Ս. Սատովն, և Ս. Ելիոս, իմաստունք գտան. ոչ և նոքին իսկ եօթանք՝. այլ ի յաճախութենէ անտի միջասահման պատշաճիցն, յանձին բերէին զպատկեր իմն և զկերպարանս իմաստնոց:

Ս ասն այնորիկ ոչ զայն ինչ որ ճմարտապէս համեստն իցէ, օրէն է ի բաղգատութիւն ածել ընդ դի-

1 Եօթն իմաստասէրք Յունաստանի:

մամարտութեան օգտակարին . և ոչ զայն զոր ընդհանրապէս համեստ կոչեմք , այն իսկ է զոր յարգեն որք միանգամ կամին այր բարի երևել , արժան է 'ի բաղդատութիւն բերել երբէք ընդ շահակտութեան : Այս որպէս մեզ պարտ է հոգալ և պահել զհամեստն զայն որում հասու լինիմք , նոյնպէս և իմաստնոց զայն՝ որ տիրապէս ասի և է ստուգապէս համեստ : Օ՛ ի չէ մարթայլ ազգ կալ 'ի նմին՝ եթէ լեալ իցէ յառաջադիմութիւն ինչ յառաքինութեան : Արդ այսոքիկ յաղաքս նոցա՝ որք պահպանութիւն պատշաճից արք բարիք ճանաչին :

Իսկ որ միանգամ զամենայն ինչ շահաստացութեամբ և անձնդիւրութեամբ չափեն , այլ ոչ կամին ծանրաւ կըլու դնել զսոսին քան զհամեստութիւն , այնպիսիքն սովոր են 'ի մտածութեան 'ի բաղդատութիւն դնել զհամեստն ընդ օգտակարին . բայց արք բարիք ոչ բնաւ ընցան զայդ առնել : Ասան որոյ ինձ այսպէս թուի , թէ Պանետիոս յասել անդ՝ եթէ սովոր են մարդիկ երկուս նալ յայդմ բաղդատութեան , յայն միտս էր որպէս թէ ասել . սովոր են միայն , բայց ոչ եթէ պարտին առնել : Ասան զի ոչ միայն առաւել համարել զօգտակարն քան զհամեստն՝ անտեղի է յոյժ , այլ և բաղդատելն զլիսովին զայսոսիկ և երկմտել յայնս : Օ՛ իմրդ ապա երբեմն տարակոյս 'ի մէջ բերել սովորեալ էր , որ և արժանի թուէր զնոութեան : Ինձ այսպէս թուի , որպէս 'ի լինել երկմտութեան երբեմն , եթէ որպիսի ինչ իցէ այն՝ զորմէ կամիցիմքն խորհել :

Ասան զի յաճախ ժամանակաւ դէպ լինի՝ զի որ յառաջն դժպատեհ բազմաց թուէր , չլինի դժպատեհ : Ղիցուք մերձ զօրինակն որով յայտնադոյնս ծանիցի : Օ՛ ինչ այլ ապիրատութիւն մարթի լինել մեծագոյն՝ որպէս սպանանել զոք 'ի մարդկանէ , ևս առաւել ընտա նի զոք : Արդ միթէ ապիրատ գտաւ , եթէ որ սպանող եղև բռնաւորի , թէպէտ և ընտանոց : Այսպէս թուի ժողովրդեանն Հուլմայ , որ օրինակաւ երևելի երևել լի գործոց քաջութեան կարի իսկ վայելական զիրսդ գրէ : Յաղթեաց ուրեմն համեստութեան օգտակարութիւնն . մանաւանդ թէ համեստութիւնն հետեւորդ գտաւ օգտակարութեան :

Արդ առ 'ի կարող լինելոյ անմիւար դատաստան առ

նեւ, ուր ուրեք հակառակել երևեսցի անուանեալն 'ի մէնջ օգտակար ընդ այնմ զոր համեստ դատիմք, պարտ է սահմանել կանոն ինչ որում եթէ զհետ զնասցուք 'ի բաղդատութեան իրացս, ոչ խոտորեսցուք երբէք 'ի պատշաճից :

Եւ եղիցի կանոնդ այդ առաւել միաբան ընդ բանի և ընդ վարդապետութե Ստոյիկեանց. որում յայն սակս հետեւող լինիմք 'ի մատենի աստ, զի թէպէտ և ըստ հին ակադեմեանց և ըստ մերոցս ճեմականաց՝ որ երբեմն նոյն էին ընդ ակադեմեանս, համեստքն նախապատիւ համարեալ լինին քան զերևեալն օգտակարս, բայց յստակագոյն ևս ճառեն զիրացդ նոքա՝ որոց առաջի որ համեստն է՝ նոյն և օգտակար համարեալ է, և որ չիցէ համեստ՝ այն և ոչ օգտակար, քան զնոսա ըստ որոց է համեստ ինչ անօգուտ, կամ օգտակար ինչ անհամեստ : Եւ մեզ մերս ճեմարան համարձակութի տայ մեծ՝ զի որ ինչ առաւել հաւանելի ընդ առաջ ելանէ, օրէն իցէ մեզ անձնիշխանաբար ջատագովել : Եւ 'ի կանոն անդր եկից :

Եւ Երդ յափշտակել ինչ յուսմքէ, և առն եղբօր իւրոյ փնասու զիւր օգուտն յաճախել, առաւել հակառակ է բնութեան քան զմահ, քան զաղքատութիւն, կամ զցաւ և կամ այլ որ ինչ միանգամարկածք մարմնոյ կամ արտաքին իրաց. վասն զի անդէն բառնայ զկենսակցութիւն մարդկային և զընկերութիւն : Սիս եթէ յայն միտս իցեմք հաստատեալ եթէ առ իւրոյ օգտի այր իւրաքանչիւր կողոպտեսցէ կամ յապականութիւն դիցէ զայլ ոք, հարկաւ քակտի այն որ առաւել է ըստ բնութեան, այս է ընկերութիւն մարդկային ազգի :

Ս որ օրինակ եթէ իւրաքանչիւր ոք յանդամոց յայն խորհուրդ մտաբերէր, կարծեալ կարել զօրանալ եթէ զմտակայ անդամոյն զառողջութիւն յինքն փոխանցեսցէ, հարկ լինէր որջոյն իսկ մարմնոյ տկարանալ և կորնել. սոյնպէս եթէ իւրաքանչիւր ոք 'ի մէնջ յինքն յափշտակեսցէ զայլոց դիւրութիւնս՝ կորզեալ զոր ինչ և կարէ 'ի միոյ միոյ առ իւրոյ շահասիրութեան, հարկ է հիմն 'ի վեր տապալել ընկերութեան և միաբանութեան մարդկան : Վասնզի այն զի իւրաքանչիւր ոք առաւել յօժարեսցի անձին՝ քան այլում շահել զպէտս

կենցաղոյս, այդ ներեալ է, և ոչ հակառակ բնութեան. բայց ոչ Կանի բնութիւնն զայդ, զի այլոցն աւարօք յաճախեսցուք մեզ զգոյս, զիշխանութիւնս և զհարստութիւնս :

Եւ այս ոչ եթէ 'ի բնութենէ և եթէ, այս է յիրականաց ազգաց, այլ և յօրէնս ժողովրդոց որ 'ի տէրութիւն քաղաքի քաղաքի բովանդակեալ այսպէս կարգեալ է, ոչ լինել օրէնս առ անձին դիւրութեան փնասել այլովմ : Վանգի յայս ակնարկէն օրէնք, և զսոյն կամին. անփնաս մնալ միաբանութեան քաղաքակցաց . զորոյ զքակտիչն մահուամբ և պքսորանօք, կապանօք և տուգանօք սանձահարեցեն : Եւս առաւել զդոյն պահանջն 'նոյն ինքն սահման բնութեան, որ է օրէնք աւտուածային և մարդկային . և որ միանգամ հնազանդ լինել այնմ կամիցի, որպէս և հնազանդին իսկ՝ որ ըստ բնութեան կամին կեալ, ոչ երբէք յօժարեսցի ցանկալ օտարին իմիք, և զառ 'ի յայլոց յափշտակեալն՝ իւրացուցանել :

Եւս զի յաւէտ ըստ բնութեան է մեծանձնութիւն և վսեմութիւն. որպէս և բարեբարոյութիւն, արդարութիւն, առատաձեռնութիւն՝ քան եթէ փափկութիւն, կեանք և ճոխութիւն . զորս արհամարհել և յոչնչ համարել առ համեմատութեամբ հասարակաց օգտի՝ գործ է մեծանձն և վսեմ ոգւոյ : Իսկ յափշտակել զայլոցն 'ի պէտս անձնդիւրութեան՝ առաւել ընդդէմ է բնութեան քան զմահ, քան զցաւ, և զորս 'ի նոցին սակի են :

Իարձեալ առաւել ըստ բնութեան է, յաղագս հաւմօրէն ազգաց պահպանութեան կամ ձեռնտուութեան՝ եթէ մարթ իցէ՝ յանձն առնուլ մեծամեծ աշխատութիւնս և վիշտս, նմանող լինելով այնմ՝ զոր մարդկանն քարծիք առ յիշատակէ երախտեաց 'ի հոյս դասեցոյց երկնաւորաց, քան եթէ կեալ յառանձնութեան՝ ոչ անվիշտ միայն, այլ և 'ի մեծամեծ գրգանս փափկութեան, յորդեալ ամենայն լիութեամբ առատութեան . մինչև գերապանծ լինել և գեղով և ուժով : Եւրին աղագաւ ամենայն մտացի և գերահանձար կարի յոյժնախապատիւ առնէ զայն կեանս քան զայս : Եւստի յայտ է՝ եթէ մարդ հնազանդ բնուէ՝ մարդոյ փնասել ոչ ունի :

Եւ դարձեալ, որ այլում ստնանէ առ 'ի դիւրել ան-
ձին, կամ ոչ համարի գործել ինչ ընդդէմ բնութեան,
և կամ առաւել չար համարի զմահ, զաղքատութիւն,
զցաւ, որպէս և զկորուստ զաւակաց, մերձաւորաց և
բարեկամաց, քան զանիրաւելն առ ոք: Եւ չհամարի
ընդդէմ բնութեան ինչ լինել զայլոց ստնանելն, զի է
քեզ վիճել բնաւ ընդ նմա, որ 'ի սպառ բառնայ զմարդ
'ի մարդոյ. ապա եթէ գիտէ զի չար է այդ, բայց առա-
ւել չարագոյն այլքն, այսինքն մահ, աղքատութիւն
և ցաւ, մոլորի յայլմ: զի կարծէ զպակասութիւն ինչ
մարմնոյ կամ ընչից՝ ծանրագոյն քան զհոգւոյ պակա-
սութիւնս:

2. Եւ մի նպատակ պարտի լինել ամենեցուն. նոյն
համարել զօգուտ անձին իւրաքանչիւր և զըլորեցուն.
զոր 'ի յափշտակել յինքն առն իւրաքանչիւր՝ քակտի ա-
մենայն մարդկային միաբանութիւն: Եւ թողից զայն,
զի եթէ այս պատուէր է բնութեան, զի մարդ մարդոյ՝
ո՞րք և իցէ, վասն այսր իսկ պատճառի զի մարդ է՝ ըզ-
բարին կամիցի, ապա ըստ նոյն բնութե օրինի՝ օգուտն
ամենեցուն հարկ է զի լինիցի հասարակաց: Եւ եթէ
այդ այդպէս է, ընդ մի և նոյն օրինօք բնութե փակեալ
կամք ամենեքեան. և եթէ այս ևս այսպէս է, ապա և
յօրինաց բնութեան արգելեալ է մեզ մնասել այլում:
Եւ չձմարիտ է առաջինն, ապա և վերջինն:

Եւ նոեղի է ասելն ումանց, եթէ 'ի ծնողէ իւրմէ կամ
յեղբօրէ չէ արժան ումեք գերփել ինչ առ իւրոյ դիւ-
րութեան. բայց այլ ինչ այն իցէ մնացելոց քաղաքակ-
ցաց: Եւ յսպիսիք ոչ ինչ իրաւունս և ոչ ինչ ընկերու-
թիւն լինել համարին ընդ քաղաքակիցս յօգուտ հա-
սարակաց: Իսկ այդ կարծիք քայքայէ զամենայն ընկե-
րութիւն քաղաքական: Եւ որ ասենն, թէ պարտ է
ալին ածել քաղաքակցաց, այլ օտարաց ոչ, այնսիսիքն
քակտեն զհասարակաց ընկերութիւն մարդկային ազգի-
զոր 'ի բաց տարեալ, արմատաքի քանցի բարերարութի,
առատաձեռնութիւն, բարութիւն և արդարութիւն:
Իսկ ողբ զայդոսիկ բառնան, նա և ընդդէմ աստուածոց
անմահից ամբարշտեալք համարեսցին, զի զառ 'ի նոցա-
նէ սահմանեալ 'ի մարդիկ զընկերութիւնն տապալեն.
ուր այդր ընկերութեան անխզելի կապ է, և առաւել

ընդդէմ է բնութեան՝ փնասել մարդոյ առ մարդ առ իւրոյ շահու, քան զկրեւն ամենայն փնասուց՝ եթէ արտաքնոց, եթէ մարմնոյ և եթէ անձին իսկ գլխովին ընդդէմ արդարութեան։ Վանդի այս մի միայն առաքինութիւն է տիրուհի և դէսոյ առաքինութեանց ամենայնի։

Իսիցէ որ թերեւ . իսկ արդ յորժամ նեղեացի իմաւ տունն ՚ի սովէ, ոչ բառնայցէ զկերակուր առն այլոյ որ առ ոչ ինչ պիտանացու։ Եւ ոչ բնաւ երբէք . զի չէ ինձ կենսք իմ առաւել պիտանի՝ քան զայն զգացումն հոգւոյս թէ մի լիցի ինձ անիրաւել յոր առ դիւրեւոյ անձին։ Իսկ արդ զիմորդ . եթէ այր որ բարի կարող իցէ մերկացուցանել ՚ի զգեստուց զՍաղարիս զդժնդակ բռնաւորն և զանագորոյն, զի մի ինքն պաղէացի ՚ի ցրտոյ, չիցէ՝ ՚ի դէպ։

Վիւրին է յոյժ իրացդ ընտրութի։ Եւ եթէ ՚ի մարդոյ անտի որ ոչ իւրք է օգտակար՝ ՚ի քո օգտի սակս կորզեսցես ինչ, գործ անմարդի գործես և հակառակ օրինաց բնուէ։ Իսկա եթէ այնպիսի որ իցես դու, որ եթէ կենդանի մնայցես՝ կարող ես օգուտ շատ առնել հասարակաց տէրութե և միաբանութե մարդկան, ՚ի կորզել անդ քո ինչ յայլմէ՝ ոչ ես ընդ ստգտանօք։ Իսկա թէ այլ ազգ ինչ իցէ, առաւել պարտ է անցնիւր առն իւրոց վշտաց տանել՝ քան յայլոցն դիւրութեանէ խորել։ Վանդի չէ առաւել հակառակ բնութեան հիւանդութիւն կամ չքաւորութիւն և կամ այլ ինչ յայտպիտեսաց աստի՝ քան զկողոպտելն կամ զցանկանալ ընչից օտարին։

Եւ թողուլ լբանել զօգուտն հասարակաց՝ հակառակ է բնութեան, և է անիրաւ։ Եւ որ նոյն ինքն օրէնք բնութե՝ որ զօգուտ մարդկան պահեն և պահպանեն, անշուշտ սահմանեն զի յանպիտան և յանօգուտ առնէ փոխանցեսցին պէտք կենաց առ այր իմաստուն, բարի և քաջ . յորոյ ՚ի մեռանելն մեծապէս ստնանի օգտութի հասարակաց։ Եւ իայն թէ զգուշացի մի գուցէ լաւ զանձն վարկուցեալ և յանձնասիրութե բերեալ, զայդ պատճառ ՚ի ձեռս առնուցու յանիրաւել։ Եւ յսու օրինակաւ միշտ պատշաճից լիցի գործօնեայ, զօգուտն խորհելով մարդկան, և զոր ստէպ երկրորդեմ՝ ընկերութե մարդոյն։

Իսկ վասն Փաղարիսի բանից, դիւրին է յոյժ լուծումն : Օ՛ր չկայ ինչ մեր ընկերութիւն ընդ բռնաւորի, այլ մանաւանդ ծայրագոյն անջրպետութիւն : Եւ չէ իսկ հակառակ բնութեան կողոպտել զնա, եթէ կարող իցես, զոր խողխողելն է համեստ. և զայդպիսի ամենազան ժանտաժուտ անօրէնն պարտ է կարճել 'ի մարդկան միաբանութենէ :

Ի՛նչոքի զոր օրինակ անդամք ինչ 'ի բաց հատանին եթէ սկսեալ իցեն անարիւն և անհոգի գլխովին երեւել և փնասել այլոց մասանց մարմնոյն, սոյնպէս և զայսպիսի մարդակերպարան զազանութիւն և զգազանամիտ դժբն դակութիւնս որոշել պարտ է իբրեւ 'ի հասարակաց մարմնոյ մարդկութեան : Եւ այսմ ազգէ են և այն ամենայն ինդիրք՝ որ յաղագս պատշաճից ըստ ժամուն բերելոյ :

Ի. Ի՛նչ որպէս կարծեմ, զայսպիսեաց աստի հանդերձեալ էր ըստ կարգի ճառել Պանետիոս, եթէ ոչ պատահարք ինչ կամ զբանքն նահանջէին զնա 'ի խորհրդոց իւրոց. բայց 'ի պէտս գիւտի նոցին իսկ իրաց 'ի նախնութեաց գիրս ինչ կանոն աւանդեալ է առ 'ի կարող լինելոյ նկատել, զինչ ինչ խորշելի իցէ առ անպատեհութեանն, և զինչ այն որ ոչ խորշելի, զի չէ 'ի սպառ անպատեհ : Եւ զգործս յոր բուռն հարաք, և մերձ 'ի վախճանն հասաք, առ 'ի յանկ հանել, զոր օրինակ երկրաչափից է սովորութի՛ն ոչ զամենայն ինչ ուսուցանել, այլ պահանջել զի ճորհեացի ինքեանց ինչ ինչ, որով դիւրին ևս բացադրեսցեն զոր կամինն, ըստ դմին օրինակի և ես 'ի քէն պահանջեմ Վիկերոնդ իմ, զի լուիցես ինձ՝ եթէ կարես, թէ ոչ ինչ է ըստ ինքեան ցանկալի, բայց միայն համեստն : Եւ եթէ չտայ այդմ հրաման Վրատիպպոս, անշուշտ ընդունիցիս զայն՝ թէ որ ինչ է համեստ, նոյն և առաւել ցանկալի ըստ ինքեան : Ինձ շատ է որ և է 'ի դոցանէ. և քանզի և այս և այն առաւել հաւանելի տեսանի, վասն որոյ ոչ ինչ արտաքոյ սոցա հաւանելի :

Եւ նախ յայսմ մասին արդարացեալ է Պանետիոս, զի ոչ ասաց՝ թէ օգտակարքն հակառակ ելանէն երբեմն համեստից, (որպէս և չէր իսկ նմա օրէն զայդ ասել,) այլ թէ երևեալքն օգտակար : Եւ ինքն բազում անգամ վկայէ՝ թէ չիք ինչ օգտակար՝ որ չիցէ և համեստ.

և ոչ ինչ համեստ՝ որ չիցէ և օգտակար: Այս յաւելու առեւ թէ չիք այլ ախտ առաւել մահաբեր շաղխեալ ՚ի վարս մարդկան, որպէս զնոցայն վարդապետութիւն որ զայսոսիկ զատանեն յիրերաց: Արդ ոչ որպէս զի նա խաւաթիւ արասցուք երբէք զօգտակարս քան զհամեստս, այլ զի անմոլար ընտրութիւն արասցուք՝ եթէ ուրեք պատահեսցեն միմեանց, ՚ի վերայ էած, թէ ըզկարծեցեալն, և ոչ եթէ զեղեալն դիմամարտութիւն: Այս ահա զայս մասն խնդրոյս ունիմք ընու, ոչ ձեռնտուութիւն ուրուք, այլ որպէս սովորուի է ասել ՚ի ձեռն մերոյն Արեւիկա՝ զի ոչ ինչ բացաղբութիւն զայսմ մասնէ յետ Պանեոսիոսի ճառեալ կայ որ զէթ ինձ հաւանելի գտցի՝ ՚ի մատեանսն յայնոսիկ հասեալ ՚ի ձեռս իմ:

Ը. Արդ յորժամ յանդիման լինի քեզ երևոյթ ինչ օգտակարութեան, հարկաւ շարժիս ՚ի նոյն: Ապա եթէ լեալ ուշադիր՝ անպատեհութիւն ինչ տեսցես զուզորդեալ ընդ այնմ՝ որ զկերպարանս ունի օգտակարութեան, յայնժամ ոչ եթէ զօգտակարութիւնն թողուցու, այլ ՚ի միտ առնուցու թէ ուր անպատեհութիւն է՝ անդ լինել օգտակարութեան անհնար է: () Ի եթէ չիք ինչ այնպէս ընդդէմ բնութեան իբրեւ զանպատեհութիւն (քանզի բնութիւնն սիրէ զուղղութիւն և զպատեհութիւն և զանդրդուութիւն, և մերժէ ըզհակառակսն), և ոչ այնպէս ըստ բնութեան որպէս զօգտակարութիւնն, ապա յայտ է եթէ չմարթի լինել ՚ի մի ինչ օգտակարութիւն և անպատեհութիւն միանգամայն: Այս դարձեալ եթէ ՚ի ծնէ և ՚ի բնէ կարգեալ եմք առ համեստութիւն, և այն կամ մի միայն է բաղձալի, որպէս () Էնոնի թուեցաւ, և կամ աներկբայ ծանրակշիռ է և յարգի քան զամենայն ինչ այլ, որպէս Արիստոտել կամք եղեն ասել, հարկ է ապա զի որ համեստն է՝ լինիցի կամ մի միայն, և կամ ծայրագոյն բարի. իսկ որ ինչ միանգամ բարին է՝ այդ և օգտակար անշուշտ. ապա և որ ինչ համեստ, նոյն և օգտակար:

Ս. Եւ ամս որոյ սխալումն է մարդկան ոչ բարեկրաց, զի ընդ ըմբռնել զիմն իբրեւ օգտակար, առեալ զայն իսկ և

1 Ինքնին աշխուժիւ մտաց:

իսկ զատանեն՝ ի համեստէն։ Աստուտ ծնանին սպանու-
թիւնք, աստուտ դեղատուութիւնք, աստուտ սուտ
վկայութիւնք . աստի գողութիւնք, հուղիահարութիւնք,
աւարհարութիւնք, յափշտակութիւնք ընկերաց և քա-
ղաքակցաց . աստուտ խշանութիւնք անչափ հարմու-
թեանց անբերելիք . հուսկ ապա և ցանկութիւնք թա-
գաւորելոյ յազատ քաղաքս, քան զոր չէ մարթ զմտաւ
ածել վատթարագոյն ինչ և անարժան։ Ասն զի շա-
հաւտութիւնս իմն յիրսդ տեսանեն միոյս մտօք . իսկ
զպատիժն՝ չասեմ օրինաց, զոք ստէպ եղծանեն, այլ
զբուն իսկ զանպատեհութեանն՝ որ դառնագոյն ևս է՝
ոչ տեսանեն։

Ասն այսորիկ բարձցին ՚ի միջոյ այդ ազգ խորհե-
լեացդ, (զի է գլխովին ապիրատ և ամպարիշտ,) որք
խորհին, թէ արդեօք զհետ լինիցին այնմ՝ զոր համեստ
գող տեսանեն, եթէ գիտութեամբ թարթափեսցին ՚ի
չարիս։ Ասն զի ՚ի դմին իսկ երկմտութեան կայ դա-
րձանել ժանտագործութիւն, թէպէտ և ոչ լինիցին այնմ
ժաման։ Ասն որոյ ամենեւին իսկ չէ արժան խորհել
զայն ինչ՝ յորս խորհելն ինքնին անպատեհութիւն
է։ Եւ ևս յամենայն խորհրդոյ ՚ի բաց հեռացուցանել
պէտք են զոյս և զկարծիս ծածկելոյ և թաքուցանե-
լոյ . վստն զի եթէ առ փոքր մի զարգացեալ իցէ մեր
յիմաստասիրութեան, պարտ է մեզ դնել ՚ի մոտի, զի
թէ կարող ինչ էաք ծածկել զիրսդ յաչաց ամենայն
աստուածոց և ՚ի մարդկանէ, տակաւին չէր արժան առ-
նել ինչ մեզ գործ ազահութեան, անիրաւութեան,
անառակութեան և անժուժութեան։

Թ . Աստի յառաջ բերէ (Աղատոն զՎիւղէսն զայն,
որ յորժամ չուեաց ընդ ցամաք ՚ի պահու սաստիկ տարաւ
փոյ, էջ յայն խորափիտ, և զպղնձին զայն երիվար՝ ըստ
առասպելաց՝ ետես, յորոյ ՚ի կողմանց դրուք կային . և
՚ի բանալ զայնա՝ ետես զմարմին մարդոյ մեռելոյ անհե-
թեթ մեծութեամբ, և մատանի ոսկի ՚ի մատին . զոր
հանեալ ազոյց յիւր մատն, և էր ինքն հովիւ արքունի,
և այնպէս եկն ՚ի ժողով հովուաց։ Անդ յորժամ զակ-
նակապիճ մատանւոյն յափ կոյս շրջէր, ինքն անտես լի-
նէր յայլոց, և ինքն զամենայնն տեսանէր . և դարձեալ
երևելի լինէր՝ յորժամ դարձուցանէր զմատանին ՚ի տե-

դին : Լ՝ըդ զայսպիսի ձիրս մատանւոյն գործի իւր առեալ, ՚ի պղծել զթագուհին մտաբերեաց . և ընդ նորա ձեռն զթագաւորն սպան զտէր իւր, և դաւեաց զկեանս՝ զորոց խիթայր հակառակ յառնել անձին իւրում . և յայս ամենայն չարիս ոչ ոք կարաց զնա տեսանել : Լ՝սուռ օրինակաւ յեղակարծում ժամու ՚ի շնորհս մատանւոյն թագաւոր ցուցաւ երկրին | Իւդացւոց : Լ՝ըդ եթէ և զայս մատանի ՚ի ձեռին ունիցի իմաստունն, իբրեւ եթէ չունէր՝ այնպէս պարտի զգուշանալ դարձեալ ՚ի մեղանչելոյ . զի զհամեստն խնդրէ այր լաւ, և ոչ զճաւոնկն :

Յայսմ վայրի իմաստասէրք ոմանք, թէպէտ և ոչ չարք, այլ ոչ կորովամիտք, ստայօդ և մտացածին առաւ պել մեզ տողեաց ասեն՝ Պղատոն, որպէս այն թէ պաշտպան կացեալ իցէ նորա ճշմարտութեան իրացդ, կամ հնարաւորութեան լինելոյ : Լ՝յս ինչ զօրութիւն է մատանւոյդ և օրինակիդ . յորժամ առաջի կայցէ քեզ առնել ինչ ՚ի պատճառս մեծութե, իշխանութե, տէրութե և անժողովակալութեան՝ զոր ոչ ոք հանդերձեալ իցէ գիտել, և ոչ իսկ ոք ՚ի կասկած անկանել, և այն մնալով միշտ անգիտելի յաստուածոց և ՚ի մարդկանէ, առնիցեն արդեօք զայդ : Տան պատասխանի՝ թէ Լ՝նհար է այդմ լինել : Լ՝յլ ես հարցանեմ, զոր անհար ասեն՝ եթէ լինէր հնարաւոր՝ զինչ առնել էր : Լ՝ըդարեւ շինականագոյնս բերին անդրէն ՚ի պատասխանիս . անհար է ասեն, և ՚ի նմին պնդեալ կան . և ոչ տեսանեն զբանիցս զօրութիւն : Օ ի յորժամ հարցանեմք, զինչ ունէին առնել՝ եթէ ծածկել կարէին, ոչ զայն հարցանեմք՝ թէ միթէ կարիցեն ծածկել . այլ որպէս ՚ի նեղ արկանեմք տանջանաց . զի եթէ տայցեն պատասխանի՝ զի եթէ անպատիժ մնալ ունին իբրդ, առնել որ ինչ օգտակարն թուիցի, ժանտագործս լինել խոստովան լինիցին զանձինս . ապա եթէ ուրասցին, ընկալին եթէ անպատեհն ըստ ինքեան է խորշելի : Լ՝յլ մեք ՚ի նպատակ անդր դարձցուք :

Ժ . Ստեպ պատահեն յորով դէպք ամբոխիչք մտաց ընդ կերպարանօք օգտակարութեան, ոչ եթէ ՚ի խորհել անդ թէ արդեօք արժան իցէ թողուլ զհամեստութիւն առ մեծութեան օգտակարութեան . վասն զի այդ

անդգամնութիւն է . այլ թէ հնար իցէ արդեօք զօգտակարն երևեալ գործել առանց անպատեհութեան : Յորժամ Ռուստոս արտաքս ընկենայր յիշխանութենէ զիշխանակից իւր զԿողատինոս, մարթէր երևել անիրաւութեամբ ինչ գործել . զի նիզակակից էր Ռուստոսի 'ի վանել զԹագաւորս, և սատարիչ խորհրդոցն : Բայց յորժամ զայս խորհուրդ 'ի մէջ առին իշխանք, թէ պարտ է բնաջինջ առնել զմեքենայս Սուպերբոսի, և զանուն Տարկուինեանց, և զյիշատակ Թագաւորութե, և զի այն իսկ էր օգտակարն՝ խնամ տանել հայրենեաց, այնչափ համեստ էր այդ, զի և նմին իսկ Կողատինոսի պարտ էր կամակից լինել . և այնպէս օգտակարութիւնն զօրացաւ առ համեստութեանն . քանզի և առանց պիտրանմարթ էր լինել և օգտակարութեան :

Բայց 'ի Թագաւոր անդ՝ որ զքաղաքն շինեաց, ոչ այդպէս : Ասան զի տեսիլ օգտակարութեանն զրդեաց զոգի նորա . որում օգտակարապոյն երևեալ առանձինն՝ քան ընդ այլում Թագաւորել, սպան զեղբայր իւր՝ Եթող ելիք սա և զգութ և զմարդասիրութիւն, որպէս զի մարթացի հասանել այնմ՝ որ օգտակար երևէր, և ոչ էր . այլ զպարսպին պատճառս 'ի դէմն էաճ նմա, որ է կերպարան համեստութեան՝ ոչ հաւանելի և ոչ բաւական : Երդ ասել անպատրուակ, յանցեաւ Կուրինոսն կամ Հոմուլոս :

Բայց և ոչ զմերովս օգտիւ արժան է զանց առնել, և յայլոյ ձեռս տալ՝ յորժամ մեք մեղէն կարօտեալ իցեմք . այլ առն իւրաքանչիւր արժան է իւրումն ծառայել օգտի՝ ցորչափ առանց զրկելոյ զայլս լինիցի : Իմաստութեամբ ասաց Լարիսիպպոս, ըստ բազմոցն իւրոց ասացուածոց . (Ար յասպարիզին ընթանայ, պարտի ջանալ և նկրտել ամենայն ճգամբ լինել յաղթող . բայց ոչ իւրք պարտի տապաստ արկանել զնա ընդ որում մըրցի, կամ ձեռամբացի 'ի բաց մղել . այսպէս 'ի կենցաղումն 'ի ինդիր լինել պիտոյից անձին ոչ ինչ է անիրաւ, բայց զընկերին յափշտակել չեն իրաւունք :

Եւս առաւել խառնակումն լինի պատշաճից 'ի բաւրեկամութիւնս . որոց կամ չտալ՝ զոր կարեն իրաւամբ,

1 Նախահայրն Հոմայեցւոց Հոմուլոս զՀռոմոս զեղբայր իւր :

կամ տալ զոչ արժանն՝ հակառակ է պատշաճից։ Այլ բովանդակ այսր ազգի իրաց՝ համառօտ և ոչ դժուարին է կանոն։ Օ՛ր ի ինչ միանգամ օգտակար երևին, պատիւ, հարստութիւնք, փափկութիւնք և որ այլ այսպիսիք, զայդոսիկ չէ օրէն նախապատիւ առնել երբէք քան զբարեկամութիւն. բայց սակայն և ոչ ընդդէմ հասարակաց տէրութեան, և ոչ ընդդէմ երդման և հաւատարմութե գործէ երբէք այր բարի ՚ի շնորհս բարեկամի, և ոչ եթէ դատաւոր ևս նստցի բարեկամին իւրում. վասն զի մերկանայ զդէմն բարեկամին իւրոյ ՚ի զգենուլ անդ զդատաւորի։ Այնչափ շնորհս առնէ բարեկամութեան, զի ցանկայ ճշմարտիլ դատի բարեկամին. և որչափ ինչ թողացուցանեն օրէնք՝ յարմարէ զժամանակն ընդ վէճն ատենաբանեալ։

Իսկ յորժամ երդմամբ հանդերձ վճիռ ունիցի տալ, յուշ ածէ թէ զ՛ստուած կոչեմ աւագիկ ՚ի վկայ. այն է ըստ իմումն բանի՝ զմիտս իւր, քան զոր ոչ ինչ առաւել աստուածեղէն ետ մարդոյ ՚ստուած ինքնին։ Այն որոյ գեղեցիկ ընկալաք ՚ի նախնեաց սովորութիւն՝ աղաչել զդատաւորն, միայն թէ զնոյն պինդ ունիցիմք, Օ՛ր անտխեղծ հաւատով կարասցէ առնել։ Այս աղերս յայն հայի, զոր փոքր մի յառաջ ասացի՝ թէ համեստ օրինօք կարող է դատաւորն զիջանել բարեկամի։ Օ՛ր եթէ զամենայնն առնիցեն զոր միանգամ կամիցին բարեկամք, ոչ եթէ բարեկամութիւնք՝ այլ համախաֆութիւնք համարեսցին։

Իսկ և զհասարակ բարեկամութեանց. ապա թէ ոչ յարս իմաստունս և կատարեալս ոչ ինչ այնպիսի մարթի լինել։ Պատմի, թէ Վասմն և Պիթիաս՝ պիւթադորացիք այնպէս սրտակից էին իրերաց, մինչ զի յորժամ Վիոնեսիոս բռնաւոր օր մահու սահմանեաց միում ՚ի նոցանէ, և դատակնքեալն առ ՚ի մահ խնդրեաց աւուրս սակաւ վասն հրաման տալոյ զիւրոցն, ընկեր նորա երաշխաւոր եղև յաղաքս դարձի նորա. ապա թէ ոչ ես փոխմանակ նորա ասէ մեռայց։ Այլ իբրև եկն եհաս նա յաւուր անդ ժամադրութե, զարմացեալ բռնաւորին ընդ հաւատարմութիւն նոցա, խնդրեաց և զինքն երրորդ գրել ՚ի բարեկամութեան։

1 Այլ օրինակք Պիւթիաս, Պիւնթիաս և Փիտիաս։

Լ՛րդ յորժամ կարծեալն օգտակար ՚ի բարեկամութեան բաղդատի ընդ համեստին, թող ՚ի գետին անկցի կերպարան օգտակարութեան, և զօրացի համեստութիւնն: Իսկ յորժամ անհամեստքն իրք ՚ի բարեկամութեան թախանձեցին, կրօն և հաւատարմութի նախապատիւ լիցին քան զբարեկամութիւն: Լ՛յսու օրինակաւ կացցէ խնդրեալն մեր ընտրութի պատշաճից:

ԺԱ. Լ՛յլ ընդ կերպարանաւ օգտակարութե ստեպ յոյժ լինի մեղանշէլ ՚ի հասարակաց տէրութեան, որպէս եղև ՚ի վրդովել անդ մերոցն զԼորնթոս: Խառազոյն ևս վարեցան Լ՛թենացիք, որք մտաբերեցին ծայրաքաղ առնել զԵղթս Եգիպտոց՝ որոց զօրաւոր էին նաւատորմիդք: () Գտակար թուեցաւ բանս. զի մօտալուտ սպառնայր Եգիպտոս ՚ի վերայ Պիլէոնի վասն մեր ձաւորութեանն: Լ՛յլ սակայն չիք ինչ անագորոյն՝ որ իցէ օգտակար. վասն զի անգթութիւնն կարի թշաւմի է մարդկան բնութե, որում պարտիմք լինել նմանող:

Զար է և զօտարականս արգելուլ ՚ի վայելից քաղաքաց և անհետ առնել զնոսա, որպէս արար Պեննոս առ հարբք մերովք, և Պապիոս առ մեօք: Քանզի ուրում ո՞ն է քաղաքացի՝ ՚ի համար մտանել քաղաքացոյ յիրաւի չէ օրէն. և զայս օրէնս սահմանեցին իմաստունքն ՚ի հիւպատոսս Կրասոս և Սկեւոդա. բայց ՚ի վայելից քաղաքին արգելուլ զօտարականս՝ ամենեւին իսկ տմարդութիւն է: Պանծալի են այն գործք, յորս կերպարանս հասարակաց օգտի արհամարհ գրի առաջի համեստութեան: Ի ի են այսպիսի օրինակք ՚ի մերումն տէրութեան, որպէս յայլ նուազս բազում անգամ նոյն պէս և առաւել ևս յերկրորդ պատերազմն պունիկեան. զի յետ յանձին կրելոյ զԼաննեայ աղէտս՝ մեծ ևս ոգի զգեցաւ քան զոր ՚ի յաջողուածս երբէք. ոչ ինչ նշանակ երևեցոյց երկիւղի, և ոչ մի յիշատակութիւն հաշտութեան: Լ՛յսչափ է զօրութիւն համեստին, մինչև նսեմացուցանել զերեւոյթ օգտակարութեան:

Լ՛թենացիք յորժամ տեսին թէ ոչ կարեն իւրք առաջի կալ յարձակմանն Պարսից և ընտրեցին թողուլ զքաղաքն, և եղեալ զկանայս և զօրդիս յամբին Տրեզենայ՝ մտանել ՚ի նաւս և պաշտպանել զազատութիւն յունաստանի տորմիլաւ նաւաց, այն ինչ Կիւրսիղոս ոմն

խրատ տայր նոցա կալ մնալ 'ի քաղաքի և 'ի ներքս ընդ ունել զՎսեբքսէս, քարամբք քարկածեցին զայրն. ուր և զօգտակարութեան երևելի զհետ երթալ, բայց ոչ էր և ոչ մի, զի ընդդէմ ելանէր համեստութեան:

(Թ) Եմիստողէս զկնի յաղթութեան պատերազմին եղելոյ ընդ Վարսից, ասաց հրապարակախօսութեամբ. Խորհուրդ մի ունիմ 'ի սրտի փրկարար հասարակացս տէրութեան, այլ գիտել զայն պէտք ոչ է ձեզ. և խնդրեաց 'ի ժողովրդենէն տալ ինքեան զայր մի որում մնալ նաւորեսցէ զխորհուրդն: Եւ տուաւ Միստիդէս. առ որ ասէ. մարթ է 'ի ծածուկ հրձիգ առնել զնաւատորմիդ Լակեղեմոնացւոց՝ որ առ Լիւթեաւ. 'ի լինել այսմ՝ այսպէս՝ հարկաւ բեկանի զօրութի Լակեղեմոնացւոց: Օ այն լուեալ Միստիդէայ՝ եկն 'ի ժողովն, ուր ամենեքին մնային նմա ակնկալութեամբ մեծաւ. և ասէ. Լարի քաջ օգտակար է խորհուրդն երկնեալ 'ի (Թ) Եմիստողէայ, բայց ոչ այնպէս համեստ: Յայնժամ Միթենացիք զայն ինչ որ ոչն էր համեստ՝ և ոչ օգտակար անգամ վարկան լինել, և գլխովին հերքեցին զիրոն՝ զոր և չէր իսկ նոցա լուեալ, վկայութեամբ Միստիդէայ: Լաւ ևս սորա քան զմեզ՝ որք զհէնս ազատս կացուցանելք, և զնիզակակիցս հարկատուս:

ԺԲ. Մպա այս կացցէ հաստատուն, թէ որ ինչ անպատեհ է՝ այդ երբէք չէ օգտակար. և ոչ իսկ յայնժամ, յորժամ զոր օգտակար կարծես՝ այն իցէ 'ի շահ: Օ ի նոյն իսկ օգտակար կարծեին զանպատեհս է մնասապարտ:

ԼԺԼ պատահէն, որպէս 'ի վեր անդր ասացի՝ բազում անգամ պատճառք, յորս յերևել օգտակարութեանն հակառակ կալ համեստութեան, յուշ ածել պէտք են, արդեօք ստուգապէս իցե՞ հակառակ, եթէ մարթ իցէ միաբանել ընդ համեստութեան: Մյսր ազգի են ինդիքս. զոր օրինակ՝ եթէ այր դք բարի Միքղեքսանդրիոյ 'ի Հռոդոս ցորեան բազում բարձեալ բերիցէ յաւուրս կարօտութեան և սովու Հռոդացւոց և 'ի յետին չբաւորութեան պարենի. միանգամայն և գիտակ լինիցի այրն՝ թէ բազում այլ վաճառականք արձակեցին զնաւս յԱքեքսանդրիոյ, և տեսցէ իսկ զցորենաբարձ նաւս յընթաց՝ դիմեալ գալ 'ի Հռոդոս, հարկ

իցէ նման ասել զայդ Հռոդացոց, եթէ օրէն իցէ լուծեալք զիւրն վաճառել մեծագնի: Սնանալք զայր ի մաստուն և բարի. և զնորա խորհրդոյ և զմտածութենէ է խնդիրս՝ որ ոչն ունի ծածկել զիրար ՚ի Հռոդացոց՝ եթէ անպատեհ համարեսցի զայդ. այլ յերկբայս լինիցի՝ թէ անպատեհ իցէ արդեօք:

Հայսպիսի խնդիրս այլ են կարծիք Վիոգինեայ բաբելոնացոյ՝ մեծանուն և զգոն ստոյիկեան իմաստասիրի, և այլ Նտիպատրոսի աշակերտի նորա կորովամիտ առն: Բայտ Նտիպատրոսի՝ պարտ է զամ ինչ յերևան ածել, զի ոչ ինչ յորոց գիտէ վաճառողն՝ անգիտացի գնողն: Իսկ ըստ Վիոգինեայ՝ վաճառողն պարտական է, ըստ սահմանելոյ քաղաքական օրինաց՝ ասել զթերուծիւն սրն. զայլն ամենայն կարող է աննենգ գործել. և առ ՚ի վաճառել՝ կամել ըստ կարի վաճառել մեծագնի: Կաղձեալ բերի, ածի ՚ի հրապարակ, և վաճառեմ զիմն ոչ աւելեօք քան զայլն. գուցէ և դիւրագնի առ առատութեանն. ում ումեք անիրաւութիւն լինիցի յայդմ:

Հայրուստ այլ պատճառ սատար լինի Նտիպատրոսի: Օրինչ խօսիս, որ և պարտական ես զօգուտն խորհել մարդկան, և արբանեկել մարդկային ընկերութե. ՚ի նմին օրէնս ես ծնեալ և զնոյն ունիս սկզբունս բնութեան՝ որոց պարտական գտանիս հնազանդել և զհետ երթալ, զի օգուտն քո լինիցի հասարակաց փոխանակաւ, և հասարակացն օգուտ լինիցի քո. ծածկել կամիս ՚ի մարդկանէ զգիւրութիւնն և զբազմաշահութի որ մերձ առ դուրսն հասեալ կայ: Պատասխանեսցէ արդեօք Վիոգինէս օրինակ զայս. Եւլէ ծածկել, և այլ է լուծ. արդ ես ոչ ծածկեմ ՚ի քէն՝ եթէ չասեմ քեզ զինչ բնութիւն իցէ աստուածոց, զինչ կատարած իցէ լուաց. զորս գիտելն առաւել օգուտ էր քեզ քան զօգուտն ցորենոյ. այլ ոչ եթէ որ ինչ օգտակար է քեզ գիտել, հարկ է ինձ ասել զայդ: Հարկ իսկ է՝ ասիցէ նա, եթէ յիշեսցես զի մարդիկ յընկերութիւն զօրեալ են ՚ի բնէ: Եւ զգիտեմ, ասէ և սա. այլ մի թէ այնպիսի ինչ իցէ ընկերութիւնդ այդ, զի ոչ ինչ գուցէ առանձին իւրաքանչիւր սեպհական: Եւ եթէ այդ այդպէս է, ապա և ոչ վաճառել ինչ օրէն է, այլ պարգևել:

ԺԳ. Տեսանես 'ի բովանդակ վիճաբանութեան աստ, զի ոչ զայն ասէ՝ եթէ թէպէտ և անպատեհ իցէ այդ, այլ զի օգտակար է՝ արարից. այլ թէ այնպիսի է օգտակարութիւնն՝ յորում ոչ է անպատեհութիւն : Իսկ 'ի միւս կողմանէն, թէ զիրոյ զայդ չէ պարտ առնել վասն զի անպատեհ է :

Եթէ այր բարի վաճառեսցէ զապարանս իւր՝ վասն պակասութեանց իրիք զոր ինքն գիտիցէ և այլք անգիտանայցեն . ժանտիւ շաղախեալ իցէ և առողջարար կարծեսցի . յամենայն սենեակս օձք երևեսցին՝ զորմէ չիցէ որ ծանօթ . փուտ իցեն ատաղձքն և վաղափուլ, այլ զայս ոչ որ գիտիցէ՝ բայց միայն տէրն : Եւ չարացանեմ, եթէ զայդ չասիցէ գնողաց վաճառողն, և զապարանսն վաճառեսցէ մեծագնի քան զակնկալութիւն իւր, արդեօք անիրաւէր և անգգամութիւն գործեր :

Եւ կարի իսկ քաջ, ասէ Լնտիպատրոս . զի զի՞նչ այլ է մոլորելոյն ոչ ցուցանել զճանապարհ, (որ հանդիսապէս նշովիւք վճռեցաւ յ' [Թէնս,) եթէ չիցէ այս թողուլ զի գնողն կործանեսցի, և մոլորութեամբ չարաչար դաւաճանեսցի : Եւ առաւել ևս է քան զոչն ցուցանել զճանապարհ . զի է գիտութեամբ մոլորեցուցանել զընկերն : Ի՞նչովն էս ընդ հակառակն . Եւ թէ բոլորն արատեսց զքեզ գնել, որ և ոչ յորդորեաց անգամ : Եւ տարագիր արար ընդ որ ոչն հաճէր . դու գնեցեր ընդ որ հաճեցար : Օ՛ր թէ որք հրատարակագրեն՝ դաստակերտ լաւ և բարեշէն, ոչ համարին խաբել, թէպէտ և չիցէ այն ոչ լաւ և ոչ վայելչաշէն, քանի ևս աննենգ իցեն որ զտունն ոչ գովեցին : Օ՛ր եթէ գնողն ազատ է 'ի քննել, արդ ի՞նչ լինիցի նենգ վաճառողին : Եւ եթէ ոչ ամենայն խօսք պահանջեն զկատարումն, և ուր չիցեն խօսք՝ համարիցին եթէ պահանջիցի կատարումն : Եւ զի՞նչ անմտագոյն քան զայն՝ զի վաճառողն 'ի մէջ բերցէ պակասութիւնս զվաճառուցն . զի՞նչ քան զայդ անհեթեթ, զի 'ի տեառն հրամանն քարոզ կար՝ դայցէ մունետիկն այսպէս . տուն վաճառեմ լի ժանտիւ : Եւ այսու օրինակաւ յերկբայելի դիպուածս ինչ՝ մի կողմն պաշտպան կանգնի համեստութեան, և միւս կողմն այնպէս խօսի զօգտակարութենէ, որպէս թէ ոչ միայն համեստ իցէ առնել զերևեալն զայն օգտակար,

այլ և անպատեհ իցէ չառնել : Բայ և այն երկուստեալ կութին երևեալ յաճախ ընդ օգտակարս և ընդ համեստս , զորս պարտ է լուծանել . զի ոչ եթէ առ ի խրնդիր յարուցանել առաջարկեցաք , այլ առ ի պարզել :

Բոր ոչ երևի թէ պարտ իցէ ծածկել զիրան ի գնողաց ցորենավաճառին , նոյնպէս և տնավաճառին : Այլ եթէ ծածկել իցէ զոր միանգամ լռեսդ , այլ յորժամ զոր դուդ գիտես և կամիցիս առ շահասիրութեանդ զի անգիտանայցեն զայդ նոքա որոց պէտք էին գիտել : Եւ թէ այս ազգ ծածկութեան որպիսի ինչ իցէ , և որպիսոյ առն , ո՞ր ոչ տեսանէ : Յայտ է թէ ոչ է՝ ոչ անկեղծ , ոչ անխարդախ , ոչ հարազատ , ոչ արդար և ոչ բարի մարդոյ . այլ ընդ հակառակն՝ խաւարածիւրի , խորամանկի , խաբէբայի , չարանենգի , դաւաճանողի , սուտակասպասի և աղուխաբարոյի : Բոր ոչ ապաքէն հակառակ է օգտի՝ յանձն առնուլ զայս ամենայն և զայլ ևս անուանա ախտից :

ԺԴ . Եւ եթէ ընդ մեղադրանք են ոյք լռեցինն , զինչ պարտ է կարծել գնոցանէ՝ ոյք բանս սնոտիս ի վերայ ածիցեն : Եւ Լյանիոս ասպէտ հռովմայեցի՝ փոքր ի շատէ գրագէտ և զուարթախօս , յանցանել իւրում ի Սիրակուսա ոչ ի սակս վաճառականութե , որպէս ինքն սովոր էր ասել , այլ հանդարտութեան աղազաւ , զայս բան ունէր ի բերանի՝ թէ Պարտեզ փոքրիկ գնել կամիմ՝ ուր հրաւիրեցից զբարեկամս , և զուարճացայց յանձին առանց թախանձեցուցաց : Երբ և տարածեցաւ այս համբաւ , Պիւթիոս ոմն արծաթագործ ի քաղաքի անդ Սիրակուսացոց՝ ասաց ցլյանիոս . Եւ աճառել ոչ ունիմ զիմ պարտեզս . բայց թէ կամ իցէ քեզ , վարեսջիր զիմն որպէս գբոյդ . և միանգամայն յընթրիս հրաւիրեաց զայրն առ վաղին ի սրարտեզ անդր : Եւ իբրեւ խոստացաւ զալ , յայնժամ Պիւթիոս որ ըստ որում արծաթագործ՝ շնորհս ունէր առ ամենայն վիճակի մարդկան , կոչեալ առ ինքն զձկնորոս բազումս , խնդրեաց ի նոցանէ զի ի վաղիւ անդր եկեսցեն որսալ առաջի պարտիզաց իւրոց . և ասաց նոցա՝ զինչ կամք էին նորա առնել նոցա : Լյանիոս եկն յընթրիս ի ժամուն . և էր սեղան մեծահասց պատրաստեալ ի Պիւթիոսէ , և բազմութիւն նաւակաց ձկնորոսաց յանդիման

աչաց . և զոր ըմբռնէր այր իւրաքանչիւր՝ անդր բերէր , և արկեալ լինէին ձկունքն առ ոտս Պիւծիոսի :

Յայնժամ Սանիոս . Ղլաչեմ՝ ասէ , ո՛վ Պիւծի , զի՛նչ է այս . այսչափ բազմութիւն ձկանց , այսչափ բազմութիւն մակուկաց : Խակ նա ասէ . զի՛նչ զարմանք իցեն . որչափ ինչ ձուկն 'ի Սիրակուսա կայ՝ են և աստէն . այս է ջրակոյտ , ոչ է մարթ պակասել ձկանց այտի : Ս առեալ Սանիոսի ցանկութեամբ , թախանձէր զՊիւծիոս՝ վաճառել նմա : Եւ զառաջինն ոչ տայր տեղի : Օ ք ևս յերկարեցից . Եհաս խնդրոյն . գնեաղ այրն զակատեալ և ընչաւէտ այնքանոյ՝ որքանոյ Պիւծիոս կամեցաւ , և գնեաց հանդերձ զարդուք շինուածոյն . մուրհակս կնքէ , և բովանդակէ զգործն : Ի վաղիւ անդր հրաւիրէ Սանիոս զիւր ընտանիս , վաղքաջ յարուցեալ գայ ինքնին , ուր տեսանէ և ոչ մի . հարցանէ ցորացին մերձաւոր՝ եթէ աւուրք ինչ պարսպոյ իցեն ձկնորսաց , զի տեսանեմ ասէ 'ի նոցանէ և ոչ զոր : Եւ նա ասէ . ոչ , որպէս ես գիտեմ . բայց աստ ոչ որ սովոր է ձուկն որսալ . նմին իրի և յերկէ զարմացեալ էի եթէ զի եղև :

Խուովեցաւ Սանիոս . այլ զի՛նչ ունէր առնել : Ս ան զի չև էր Սկուդիոսի գործակցին իմոյ՝ և ընտանեոյ 'ի լոյս ածեալ զձևս չար դաւաճանութեան . զորոց յորժամ հարցանէր որ զնա՝ զի՛նչ չար դաւաճանութիւնն իցէ , զայս տայր պատասխանի . Յորժամ այն ինչ կեղծաւորի որ ինչ ոչ է : Սովին բանիւ առն գիտնաւորի յայտ յանդիման նշանակի իրացդ սահման : Եւրդ և Պիւծիոս և ամենեքին որ միանգամ այլ ինչ առնեն և այլ ինչ կեղծաւորին , դաւաճանք են , ապիրատք և չարանէնք : Եւս և ոչ մի գործ նորա մարթի օգտակար լինել՝ յայնչափ պակասութիւնս շաղեալ :

ԺԵ . Եւ եթէ ճշմարիտ իցէ ակուղեանս այս սահման , պարտ է բառնալ յամենայն ընթացից կենաց զկեղծիս և զկեղծաւորութիւն : Եւ այսպէս ոչ 'ի գնել զլաւագոյնն և ոչ 'ի վաճառել կեղծեացէ կամ կեղծաւորեացի երբէք այր բարի :

Եւրդ դաւաճանութիւն չար և յօրինաց անտի ար-

1 Այս քնքն Վիկերոնի 'ի պալատան :

գեղեալ էր ընդ պատժովք . որպէս է տեսնուել յերկո-
տասան տախտական ինսանկալութեան որոց, և 'ի
| ետորեան օրէնսն չափահասութեան պատանեկաց,
նա և առանց օրինաց 'ի դատաստանի, յորս յաւելուն ա-
սել . Ողջնութեամբ : | Եւ յայլ դատաստանս նշանա-
ւորք են յաւէտ այս բանք 'ի դատաստանի օժտից . | ա-
ւա . | Դաւել արդար և հաւատարիմ . | մէջ բարեաց
բարեօք վարիլ : | Բոգ զինչ . 'ի լաւ և ման, և յառաւել
արդարն՝ մարթ ինչ իցէ լինել մասին իմիւր խաբէու-
թեան . և կամ յասել անդ՝ | մէջ բարեաց բարեօք
վարիլ, հնամ իցէ նենգ ինչ կամ չարութիւն մուծա-
նել : | Իսկ չար դաւաճանութիւնն ըստ բանին | Կուի
դեպ բովանդակի 'ի կեղծիս և 'ի կեղծաւորութեան :
| Եւ արդ պարտ է 'ի բաց բառնալ 'ի դաժնադրութեց
զամենայն խաբէութիւն : | Ը վաճառողն՝ միջնորդ ա-
ւելացուցիչ զոր գնայն առցէ, և ոչ գնողն ընդդէմ նորա
նուագիւր : | Եթէ պէտք ինչ իցեն ճարտարախօսել, եր-
կաքանչիւրն խօսեսցի մի անգամ, և ոչ աւելի :

| Կաքէն | Իրենտոս | Կեւողա՝ Պրըլիոսի որդին, կա-
մեցեալ գնել արտ'ինդրեաց մի անգամ և եթ ասել զգինն .
և իբրև արար այնպէս վաճառողն, ասէ . ինձ այսպէս
թուի՝ Եթ առաւել արժիցէ, և յաւել տալ հարկւր
հազար : | Ը որ ուրաստ լինի, Եթ այս է գործ առն
բարւոյ, բայց ժխտեն լինել իմաստնոյ . որպէս եթէ
դիւրագին քան զոր կարողն էր վաճառէր : | Եւ ահա
յայդմ'իսկ է վնասն, զի զատանեն զբարին իմաստնոյ :
| Երմէ և | Ենիոս . | Ը իմաստութեամբ գործէ իմաս-
տունն՝ որ ոչն է բաւական օգտել անձին իւրում : | Եւ
ես իսկ ձայնակից լինէի | Ենիոսի, եթէ և այդ օգտել
ինչ էր : Տեսանեմ, զի հեկատուն ոմն հոռոպցի աշա-
կերտ Պանետիոսի՝ 'ի գիրս զոր գրեաց յաղագս պատ-
շաճից առ | . Տուբերոն՝ ասէ . | Իմաստնոյն է՝ առանց
առնելոյ ինչ յեղծումն վարուց, օրինաց և կարգաց,
հոգալ զառնին իրս : | Ը ոչ անձանց միայն կամիցիմք
զհարստանալն, այլ և զաւակաց, մերձաւորաց, բարե-
կամաց, և ևս առաւել հասարակաց տէրութեան :
| Ը ասն զի գոյք և մեծութիւնք միոյ միոյ՝ ճիսութիւնք
են քաղաքին : | Ը ոչ իւրք մարթի հաճոյ լինել նա-
խաճառեալ յինէն գործն | Կեւողայ . քանզի միայն

զանարժանն և եթ 'ի գործ գրէ լինել անդէպ : Լ՝յսպիսի որ ոչ գովութեան է արժանաւոր , և ոչ չնորհաց :

Լ՝յլ եթէ կեղծիք և կեղծաւորութիւն է նենգ չար , ապա կարի սակաւ իրք են՝ յորս չմոռնիցէ չարդ այդ դաւաճանութիւն . և եթէ այր բարի նա է՝ որ օգտէ ում և կարէ , և փնասէ և ոչ ումեք , արդարեւ ոչ դիւրաւ գտցուք և զայր այդպիսի բարի : Լ՝րդ ոչ երբեք օգտակար է մեղանչել , վասն զի միշտ է անպատեհ . և զի միշտ համեստ է լինել այր բարի , միշտ է ևս օգտակար :

ԺԶ . Բայց արդ յաղաքս իրաւանց կալուածոց վըճռեալ է առ մեզ քաղաքական իրաւամբք , զի 'ի վաճառել զայդոսիկ աստացէ վաճառողն զպակասութիւն գորս գիտէ : Օ՝ ի ուր ըստ երկոտասան տախտակաց շատ էր կատարել զայն՝ որ ինչ ել ընդ բերանն , և որ ժխտէր զայդ՝ կրկին տուգանաց ներքոյ անկանէր , յիրաւաբանից սահմանեցաւ և լուծեան պատիժ : Բանգի կանոնադրեցին , զի որ ինչ պակասութիւն կայցէ 'ի կալուածն եթէ գիտէր վաճառողն՝ և ոչ ասաց յանուանէ , պարտական է վճարել : Օ՝ որ օրինակ , յորժամ յամրին՝ հաւահմայել հանդերձեալ էին հաւադէտք , հրամայեցին Տիտոսի Ղլաւդիոսի Սենտոմադոսի , որոյ էր տուն 'ի Սեղիոս լերին , փլուզանել զտունն որ խոչընդակն էր հաւահմայութեանց , յայնժամ Ղլաւդիոս հրաժարեալ 'ի կղզւոյն՝ վաճառեաց զայն . զոր և գնեաց Պ . Կալպուրնիոս Լ աւնարիոս : Լ՝ք սա ևս նոյն պատուէր հասանէր 'ի հաւահմայից . արդ Կալպուրնիոս իբրեւ քակեաց , ապա իրազեկ լինէր՝ թէ Ղլաւդիոս յետ առնելոյ 'ի հաւահմայից զպատուէր քակելոյ՝ հրաժարեալ է 'ի տանէն : Ստիպել սկսաւ գնա առ դատաւորին , թէ զոր ետն՝ պարտ էր ողջմտութեամբ առնել : Ս՝ ճոատու եղև Ս՝ . Լատովն՝ հայրն մերոյս Լատովնի . զի որպէս այլք 'ի հարց իւրեանց , սոյնպէս և սա որ զայս լոյս ընծայեցոյց , յորդւոյն ունի անուանակոչիլ . արդ դատաւորս այս այսպէս վճռեաց , թէ որովհետեւ 'ի վաճառել անդ գիտակ էր իրացն և ոչ գեկոյց , պարտական է վճարել

1 Յակոբ Վապիտոլիոնի 'ի հռոմ :

2 Այս ինքն 'ի կղզիացեալ տեղւոյն ողջոյն :

գնողին զմնասն : Եւ այնպէս յայտնի կացոյց թէ ողջ մնուածեան մասն է այն՝ զի գնողն գիտակ լիցի պակասութեան՝ զոր վաճառողն գիտէ :

Երդ եթէ ուղիղ դատեցաւ, ապա ոչ ուղիղ լուեաց ցորենավաճառն, և ոչ վաճառողն ժանտաբեր տան : Եւ յայսպիսեաց աստի լուութեանց ոչ զամենայնն մարթ է բովանդակել՝ ի դատաստանագիրս . իսկ զորս մարթ եղև արձանագրել՝ ճշդիւ պահին : Ս . Սարիոս Վրատիդիանոս մերձաւորն մեր՝ վաճառեաց Կ . Սերգիոսի Սվրատայ զապարանս իւր, զոր ի նմանէ իսկ էր գնեալ սուղ ինչ ամօք յառաջագոյն : Կարանքն այն ծառայէր Սերգիոսի, այլ զայդ ի սակարկութեան չէր ասացեալ Սարիոս : Ի դատաստան հանաւ վէճն . Սվրատայ պաշտպան կայր Լրասոս, Վրատիդիանոսի Ննտոնիոս : Լրասոս զիրաւունս յառաջ բերէր, թէ զոր ինչ պակասութի գիտելով չափ չասէ վաճառողն՝ զայդ պարտական է հատուցանել : Ննտոնիոս զհաւասարութիւնն, եթէ այդ պակասութիւն ոչ ինչ թաքուն գտլով ի Սերգիոսէ՝ որ գնոյն ապարանս երբեմն վաճառեաց, ասելոյ ինչ պէտք ոչ էր . և ոչ իսկ խաբեալ զտանի նա՝ որ զոր ինչ գնեացն, որպէս և զիարդ էր՝ պահեալ ունէր : Եւ ի՞նչ այս ամենայն . զի իմասցիս՝ թէ նախ նիք մեր ոչ հաճէին ընդ խորամանկս :

ԺԷ . Բայց այլազգ օրէնք, այլազգ իմաստասէրք մեր ժեն զխորամանկութիւնս . օրէնք՝ յորժամ կարասցեն բերել ի ձեռս . իմաստասէրք՝ ի խորհնն բանիւ և հանձարով : Երդ բանն զայս պահանջէ, զի մի լինիցի ինչ նենգութեամբ, մի ինչ կեղծաւորութեամբ, մի ինչ խաբէութեամբ : Երդ իցէ արդեօք նենգութիւն թակարդս ձգել, թէպէտ և դու չունիցիս շարժել կամ ցնցել . զի նոքին ինքնին բազում անգամ անկանին ի նոյն առանց հետամուտ լինելոյ . տոյնպէս է եթէ և դու զտունն նշանակեսցես, զտախտակն վաճառման որպէս թակարդ արկանիցես, և զտունն առ պակասութեան ի վաճառ հանիցես՝ զի ըմբռնեսցի ի տրիս մարաց որ :

Օայս թէպէտ և տեսանեմ առ վատթարութեան սովորութեան ոչ ընդ անպատեհս գրեալ, և ոչ յօրինաց կամ ի քաղաքական իրաւանց սահմանեալ, սա-

կայն բնութեան օրինօք է սահմանեալ : Ս ամն զի ընկերութիւն կայ՝ (զոր թէպէտ և բազում անգամ ստացի , այլ ևս բազումն արժան է ասել ,) ընդհանուր մարդկան ընդ միմեանս , և ներքին՝ ՚ի մէջ համագլխաց , և մերձաւորադոյն ՚ի մէջ քաղաքակցաց . սորին վասն նախնիք հաճեցան այլ իրաւունս ասել ազգաց , և այլ քաղաքաց : Վաղաքականն ոչ է միշտ նոյն ընդ ազգացն . այլ ազգացն և քաղաքական պարտի լինել : Եւ մեք զճնարիտ իրաւանց և զհարազատ արդարութեան զհաստատուն և զկենդանի պատկեր և ոչ մի ունիմք . կամք ՚ի ստուերին և ՚ի նախագիծան . իցն թէ և զտոցա զհետ երթայաք . զի յառաջ բերին յընտիր օրինակաց բնութեան և ճնարտութեան :

Օ ի քանի գեղեցիկ են այն բանք . “Երանի եթէ վասն քո և ՚ի քումն հաւատարմութէ չիցեմ խաբեալ և կամ փնասեալ” : Վանի ոսկեղէն և այս . “Վեր ՚ի մէջ բարեաց բարիոր վարիլ պարտ է և առանց նենգանաց” : Եւ թէ ոչ բարիքն իցեն , և զինչ այն բարիքն վարիլ , ինչիւր է մեծ : Վաբէն Ս . Սկեռողա քրմակետն մեծ ասէր՝ թէ գերազոյն զօրութիւն է յայն ամենայն վճիռս յորս լինի յաւելուլ ի զմտութիւն . և զայս անուն ողջմտութեան համարէր սփռեալ տարած ՚ի խնամակալութիւնս որբոց , յընկերութիւնս , ՚ի գրաւականութիւնս , ՚ի յանձնարարութիւնս , ՚ի տուր և յառ , ՚ի վարձմունս , յաւանդս , յորս բովանդակի ընկերութիւն կենցաղոյս . և ՚ի նոսին ասէր մեծի դատաւորի է գործ որոշել , մանաւանդ ուր ՚ի բազում իրս լինին դէմ ընդդէմ դատաստանք , եթէ զինչ ինչ ո՞ր ում ումեք պարտական իցէ հատուցանել :

Սորին աղաքաւ ՚ի բաց դնել պարտ է գիտորամանկութիւնս և զչարութիւնն զայն , որ կամի արդեօք խոհեմութիւն երեւել , այլ հեռի է ՚ի նմանէ և բացական յոյժ : Ս ամն զի խոհեմութիւնն ունի զտեղի յընտրութեան բարեաց և չարեաց . իսկ չարութիւնս խորամանկութեան , եթէ արդարեւ ամենայն որ անպատեհն է՝ չար է , զչարն նախապատիւ առնէ քան զչարին : Եւ ոչ միայն ՚ի կալուածս՝ քաղաքական իրաւունքն ՚ի բնութեան առաջնորդեալ՝ վրէժինդիր լինի չարութեան և նենգութեան , այլ և ՚ի վաճառման արծաթագին ծա-

ուայից 'ի բաց զատուցանի ամենայն նենգութիւն վա-
ճառողին : Օ ի որ պարտականն էր գիտել զառողջու-
թենէն նոցա , զփախստականութենէ և զգողութենէ ,
բան հաստատութեան տայ առաջի գործակալացն շի-
նուածոց : Լ՝յլ կարգ է ժառանգաց : Յորմէ արժան
է իմաստասիրել , թէ որովհետեւ աղբիւր իրաւանց
բնութիւնն է , ըստ բնութեան է այս՝ զի ոչ ոք աւա-
րեսցէ ինչ յայլոյ անգիտութենէ : Եւ չէ մարթ քառ-
նել մեծ ևս փնաս կենաց , որպէս կեղծիք դիտակցու-
թեան 'ի չարութե , յորմէ ծնանին այդ ամենայն իրք
անթիւք . զի օգտակարքն դիմամարտ երևին համե-
տից : Օ ի ո՞րք այնչափ արթուն գտանիցի , որ յանպար-
տականութեան և յանգիտութեան ամենայնի կարող
լիցի անձնապահ լինել 'ի զրկանաց :

ԺԸ . Համարձակիմ ասել , թէ գթեմք և յօրինակս
անդ , յորս թերեւս խառնիճաղանձն ոչ կարծէ մեղս
ինչ լինել . զի ոչ եթէ զսիկարեանց , զդեղատուաց ,
զսուտ կտակագրաց , զգողոց և զհուղկահարաց յայսմ
վայրի ճառիցեմք . զորս ոչ եթէ բանիւք և վիճաբանու-
թեամք փիլիսոփայից պարտ է յաղթահարել , այլ կա-
պանօք և բանտիւք . այլ մեր զննութի լիցի զգործոց նո-
ցա ոյք 'ի համար բարեաց գրին : Օ Մինուկիոսի խառ-
լի՝ մեծատան առն զսուտ կտակ բերին ոմանք 'ի Յու-
նաստանէ 'ի Հռովմ . յորում առ դիւրագոյնս յաջողել՝
գրեցին ժառանգակիցս իւրեանց զ]]՝ . Նրասոս և զԼ .
Հորտենսիոս , զարս զօրաւորս յոյժ 'ի ժամանակին . որք
թէպէտ 'ի կասկածի եղեն ընդ ստութիւն իրացն , այլ
զի ինքեանք ոչ ինչ զանձանց մեղս գիտէին , զպարգե-
այլոցն չարագործութեանց ոչ յանձանց 'ի բաց մերժե-
ցին . իսկ արդ զիմոր . եթէ շատ իցէ այդ առ չերեւե-
լոյ նոցա յանցաւոր . ինձ ոչ այդպէս թուի բնաւին ,
թէպէտ և մին սիրելին իմ էր 'ի կենդանութեան , և
միւսն ոչ ասելի յետ մահուան : Լ՝յլ յորժամ խասիլ
կամեցաւ , զի Ե] . Սատրիոս քեռորդի իւր լիցի յաջորդ
անուան իւրոյ , և զնա կացոյց ժառանգ բանիւս , Օ սա
անուանեմ տէր պիկենեան և սաբինեան ագարակի ,
բաբէ անարգանաց աւուրցն այնոցիկ . միթէ իրաւացի
էր , զի գլխաւորք 'ի քաղաքացւոց տիրեսցեն իրացդ , և
Սատրիոսի ոչ ինչ անկցի բաց յանուանէ : Օ ի եթէ

այն՝ որ ոչն պաշտպան կանգնի ընդդէմ զըրանաց, և ոչ 'ի բաց վարէ յիւրոցն յորժամ կարէ, անիրաւս գործէ, որպէս յառաջին գիրս ասացի, որպիսի ինչ համարեսցի նա՝ որ ոչ միայն ոչ մերժէ 'ի բաց զգրկանս, այլ և ձեռն տու լինի: Եւ և ոչ զձմարիտ ժառանգութիւնս ասեմ համեստ՝ եթէ ստացեալ իցեն չարարուեստ հաւմոզանօք մարդէլուզութեանց, ոչ ճշմարտութեամբ՝ այլ կեղծեօք:

Եւ յայդպիսի անցս այլ թուի երբեմն օգտակարն, և այլ համեստն: Սուտ է. զի նոյն կանոն է օգտակարութեան և համեստութեան: Եւ միանգամ ոչ 'ի միտ առնու զայս, յայնպիսւոյն ոչ հեռի գտանի ամենայն նենգութիւն և ամենայն չարագործութիւն: Օի 'ի խորհելն այսպէս ընդ սիրտն՝ թէ թէպէտ և այս ինչ համեստ է, այլ այն ինչ օգտէ, զի բնէ զօղեալսն յաւակնի քակտել մոլորութեամբ. որ է աղբիւր խարդախութեանց, չարագործութեանց և ապիրատութեանց ամենայնի:

ԺԹ. Եւս ուրեմն այր բարի թէ և զայնպիսի ունիցի զօրութիւն, մինչ զի 'ի զընդել զմատուռն կարող իցէ մոծանել զանուն իւր 'ի կտակ փարթամաց, ոչ պարտի 'ի կիր արկանել զայդ զօրութիւն. և այն թէպէտ և իրագէտ լինիցի՝ թէ ոչ որ ունի առնուլ ինչ կասկած զիրացդ: Եւս թէ 'ի ձեռս տայիր զզօրութիւնդ զայդ Ս. Եւստոսի, զի բաբախմամբ մատանց կարող լինիցի զըրիլ 'ի ժառանգ, մինչ դեռ ոչն էր ստուգութեամբ ժառանգ, հաւատա ինձ, 'ի հրապարակի կաքուէր: Եւս այր արդար, և զոր իմանամքս այր բարի, ոչ ինչ յայլմէ յինքն յանկուցանէ:

Եւ միանգամ զարմանայ ընդ այդ, այնպիսին խոտովան լինի չգիտել թէ զինչ իցէ մարդ բարի: Եւ ուր միանգամ կամիցի զանձին իւրոյ զկնճռեալ ճանաչումն քակել և լուծանել, այնուհետև անձամբ զանձն ուսուցանէ՝ թէ նա է մարդ բարի՝ որ օգտէ ում կարէ. և ոչ ստնանէ ումեք, եթէ ոչ հարստահարեալ անիրաւութեամբ: Եւ զիմարդ. ոչ ստնանէ դա, որ որպէս կախարդանօք իմն տայ 'ի բաց հանել զձմարիտ ժառանգս, և ինքն փոխանակաւ մոռնէ 'ի նոցա տէրին: Եւս ասիցէ որ. ապա ուրեմն ոչ արասցէ որ զոր

օգուտ պետանէ, զոր լաւն է անձին : Եւ անաւանդ ի միտ առցէ՝ թէ ոչ ինչ է լաւ ինքեան, և ոչ ինչ օգտակար՝ որ ինչ անիրաւն է : Արդ զայդ չուանի, մարդ բարի լինել ոչ ունի :

Ի ուեալ է իմ ի հօրէ մերմէ ի մանկութեանս, թէ Փիմբրիաս այր հիւպատոսական՝ կարգեցաւ դատաւոր ինդրոյ Եւ ի ուտատիոսի Վինթիայ, հռովմայեցւոյ առ պետի՝ համեստ առն, ուր սա խոստումն էր արարեալ դրամոց՝ եթէ ինքն չիցէ այր բարի : Եւրդ ասաց առ նա Փիմբրիաս. ես ոչ երբէք դատաստան արարից ի վերայ բանիդ այդորիկ. զի մի կամ համբաւագերծ արաւ ցէ զայրն գովելի՝ եթէ ընդ հակառակն դատեսցի, և կամ երեւեսցի վճռել՝ թէ գոյ որ այր բարի, և զի այս յինքն բովանդակէ զանհամար լաւութիւնս և զգովութիւնս : Եւրդ այսպիսում բարի առն, զոր և Փիմբրիաս ինքն ի միտ՝ և ոչ եթէ Սոկրատ միայն էր ինքն ինքի մարթի երեւել իմիք օգտակար՝ որ անհամար : Եւ անս որոյ այր այդպիսի ոչ միայն առնալով ինքն միտ ածել համարձակեսցի ինչ՝ զոր ոչ համարձակեսցի քարոզել : Եւ ապաքէն անպատեհ է տալով ինքն փիլիսոփայից ընդ այստիկ, ընդ որ և ոչ գեղջուկք տարակուսին, յորոց եւ բանն այն՝ որ առ հնութեան յառակս եղև. զի յորժամ գովել կամին զհաւատարմութիւն և զլաւութիւն ուրուք, ասեն. Եւրժանի է՝ ընդ որում և ի մթան խաղայցես զխաղն մարտանց : Եւ զինչ բանիս զօրութիւն. այն՝ թէ ոչ է յօգուտ՝ որ ոչն վայելէ. թէպէտ և կարող իցես զբաւմբ ածել զայն առանց կշտամբելոյ յումեքն : Տեսանէս, զի ըստ առակիդ՝ և ոչ Վիւգեայ լինի հրամանս տալ, և ոչ այնմ՝ զոր փոքր մի յառաջ կեղծէի, կարող գոլ բաբախմամբ մատանց խլել զժառանգութիւնս ամենեցուն : Եւ անզի զոր օրինակ որ ինչ անպատեհն է՝ թէպէտ և թաքուցանիցի, այլ ոչ ինք մարթի համեստ լինել, սոյնպէս և որ ոչն է համեստ՝ չկարէ լինել օգտակար. զի բնութիւն հակառակ է այդմ և դիմանարտ : Եւ իայց ասիցես. ուր մեծամեծ են վարձք, գոյ առ իթ մեղանչելոյ : Եւ Սարիոս՝ որ հեռի էր յոյժ յակրնկալութենէ հիւպատոսութեան, և եօթներորդ ևս ամ էր յետ դատաւորութեանն՝ զի կայր ընկեցիկ, և

Թուէր եթէ ոչ երբէք այլ ունի զհետ լինել հիւպատոսութեան, զ[1] . Ստեղծո՞ւ զայրն ականաւոր և քաղաքացի, որոյ էր ինքն դեսպան, զըպարտեաց առաջի ժողովրդեանն Հռովմայ 'ի ժամանակին՝ յորում առաքեցաւ 'ի նմանէ 'ի սպարապետէ անտի իւրմէ 'ի Հռովմ, որպէս թէ կամաւ երկարիցէ զպատերազմն զայն : Եւ եթէ զիս հիւպատոս առնիցէք ասէ, եթէ կենդանւոյն և եթէ մեռեալ՝ ընդ ձեռամբ ածից Հռովմայեցւոց ըզ[2] Յուդուր[3] : Եւ այնպէս եղև և ինքն հիւպատոս, այլ օտարացաւ 'ի հաւատարմութենէ և յարդարութենէ, ընդ մահանօք արկեալ սուտ բանսարկութեամբ զայրն զկարի լաւ և զարգոյ քաղաքացին՝ որոյ էր պատգամաւոր և առ 'ի նմանէ առաքեալ :

Եւ ոչ իսկ մերս Վրատիդիանոս զառն բարւոյ զգործ յանձին եցոյց 'ի ժամանակին՝ յորում պոետոր՝ էր, և տրիբունք՝ ժողովրդեան եկին խորհուրդ հարցանել 'ի պոետորաց, զի զինք դրամոց հասարակաց հաւանութիւն սահմանեցին : Ս ասն զի զայնու ժամանակաւ ընդ փոփոխութեամբ էր դրամն, մինչև ոչ ումեք կարող լինել գիտել՝ թէ որչափ ինչ ունիցի : Վրեցին միաբան հրովարտակ ընդ պատժով և ընդ դատաստանաւ, և սահմանեցին՝ զի ամենեքեան միահամուռ զինի միջօրէի 'ի բեմն ելցեն : Եւ իւրաքանչիւր որ յիւր կողմն գնացին . իսկ Սարիոս 'ի բազմականէն դէպ ուղիղ 'ի բեմին, և զոր կարգեալ էին 'ի միասին՝ միայնակ հրատարակեաց : Եւ այս, եթէ հարցանես, 'ի մեծ պատիւ եղև նմա . յամենայն ճանապարհս արձանք կանգնեալք, և որոց յանդիման խունկք և մոմեղէնք : () Ի ևս յերկարեցից . ոչ որ այնպէս սիրելի գտաւ յաչս բազմութեան :

Եւ յառիկ ահա ամբոխէն զմիտս մարդկան երբեմն յընտրութեանն . զի ոչ մեծ համարի այն՝ յորում առ ոսն արդարութիւնն հարկանի, այլ որ զհետն զայ այնր՝ յոյժ մեծ այն գրի : Եւ յպէս Սարիոսի ոչ այնչափ անպատեհ երևեցաւ յանձն իւր կորզել յաթուակցաց և 'ի հաղարապետաց ժողովրդեան զնորհ ամբոխին . այլ այնու ելանել 'ի հիւպատոսութեան բարձ, որում յայնժամ զհետ էր, օգտակար յոյժ : Եւ մի

1 Դատաւոր :

2 Հաղարապետ :

կանոն է ամենայնի, զոր կամիմք քեզ քաջ գիտել. այս է՝ կամ որ օգտակարն երևի՝ չիցէ անպատեհ, և կամ էթէ անպատեհ իցէ, մի երևեսցի օգտակար : Իսկ արդ զիարդ. միթէ հնար է ինձ կամ զ]] արիօն զայն այր բարի համարել, և կամ զսա : Վհնեա և զնեա զմիտս քո, զի տեսցես՝ թէ որպիսի է՝ ի միտս անդ քո կերպարան և տեսիլ և ծանօթութիւն առն բարւոյ : Իւրդ միթէ անկ է բարի առն ստել առ շահասիրութե, զրպարտել, յափշտակել և խաբել : Եյայտ է թէ և ոչ բնաւ երբէք :

Պայ արդեօք այնպիսի ինչ յարգի, կամ դիւրութի այնչափ ցանկալի, զի առ նովաւ կորուսանիցես զանուն և զպայծառութիւն առն բարւոյ : () Ինչ կարիցէ բերել քեզ անուանեալդ այդ օգուտ՝ փոխանակ այնոցիկ զորս կարէ բառնալ ի քէն, եթէ ի բաց հանցէ զհաւատարմութիւն քո և զարդարութիւն, և մերկացուցէ ի քէն զանուն առն բարւոյ : Վանգի զինչ խտիր կայցէ, եթէ ոք ի մարդկութենէ ի զաղանութիւն փոխեսցի, և կամ թէ ի մարդայ կերպարանա բարձեալ բերիցէ զանգթութիւն զազանի :

ԻԱ. () Ինչ այլ. որ միանգամ ապախտ առնեն զամենայն ուղղութեամբ և զհամեստութեամբ, միայն թէ մեծութեան հասանիցեն, ոչ ապաքէն ոչ ինչ ընդհատ ի նմանէ գործեն, որ և աներ կամեցաւ ստանալ ինքեան այնպիսի, զի նորա յանդգնութեամբն մեծասցի : () Գտակար թուէր նմա մեծագոր լինել օտարին մախաւ նօք : Եւ ոչ տեսանէր՝ թէ քանի անիրաւութիւն է այդ ընդդէմ հայրենեաց, քանի անշահ, և քանի անպատեհ : Իսկ ինքն փեսայն հանապազ ի բերան ունէր զյուշական տաղաչափութիւնս զվիւնեայց. զորս երկրորդեցից՝ որպէս և զիարդ մարթ է ի մեր բարբառ՝ թերեւս անալի, այլ սակայն առ ի մարթեւոյ զիրմն առաջի առնել :

Ի իցի երբէք թոյլ իւիք կալ ոտընհար իրաւանց :

Եւ միայն առ իշխել իսկ յայլն ողջոյն յօրէնա կաց :

Պլխապարտ է Ետեոկդէս, կամ մանաւանդ Եւրիպիդէս՝ որ զայս մի միայն որ ամբարշտագոյնն էր քան զամենայն՝ ի բաց զատոյց :

() Ի է մեզ այսուհետե մանունս լինել ի ինդիր .

ժառանգութեց ասեմ, վաճառականութեանց և վաճառմանց խարդախելոց : Լ՛անիկ քեզ . որ դը ցանկանայցէ թագաւոր լինել ժողովրդեան Հոռվմայ և իշխան ամենայն ազգաց , 'ի գլուխ հանցէ : Լթէ դը համեստ ասէ լինել զցանկութիւնդ զայդ , անմիտ է . քանզի հաւան գտանի ընդ կորուստ օրինաց և ազատութեան . և զոտնակոխն լինել նոցուն անօրէնութեամբ և զարշութեամբ՝ 'ի փառս գրէ : Եւ որ լինի խոստովան , թէ չէ համեստ թագաւորել 'ի քաղաքի անդ՝ որ ազատն էր և պարտէր լինել , այլ ասէ՝ որ կարողն իցէ զայդ առնել՝ նմա է օգտակար , զայնպիսին որով կշտամբութի , մանաւանդ թէ որով թշնամանօք զուն եղից հանել յահագին մոլորութենէ անտի : Եւ հնար լինել ումեք օգտակար , ո՛ր անմահ դիք , քան զհայրասպան սըն ամենապիղծ և ամենազարն հայրենեաց սպանող . թէպէտ և նա ինքն որ 'ի սոյն մտաբերեաց՝ 'ի քաղաքացւոց անտի նկուն եղելոց հայր անուանեսցի : Եւ պա 'ի համեստութենէ պարտ է չափել զօգտակարութիւն . և այն այնպէս , զի երկոքին սղբա երեւեսցին 'ի ձայնս և եթ զանազանիլ 'ի միմեանց , բայց իրօք զմինչ նշանակել :

Եւ գիտեմ եթէ առ կարծիս ռամկին՝ իցէ ինչ այլ քան զթագաւորեն օգտակարագոյն . այլ յորժամ սկսայ ելանել ճշմարտութեան 'ի խնդիր , տեսանեմ զհակառակն . չգտանել այլ ինչ այնպէս անօգուտ այնմ՝ որ յան իրաւի հասեալ իցէ 'ի նոյն : Եւ ասն զի միթէ կարիցեն օգտակար լինել ումեք նեղութիւնք , հոգք , արհաւիրք տուրնջնային և զիշերային , և կեանք դաւաճանութի և վտանգօք լի :

Եւ յորովք անօրէնք ուանհաւատարիմք

Թագաւորութեան , սակաւք են բարիք .

Եւ Լ՛կկիոս քերթող : Եւ որպիսում թագաւորութեան . այնմ՝ որ 'ի հանտաղոսէ և 'ի Պեղոպայ փոխանցեալ իրաւամբք իշխէր : Եւ դո՛ր արչափ ևս առաւել բազում կարծիցես զթագաւորին այնորիկ որ 'ի ձեռն զօրաց ժողովրդեանն Հոռվմայ զնա ինքն զՀոռվմայ ժողովուրդն նուաճեսցէ , և զքաղաքն՝ ոչ ազատ միայն , այլ և ազգաց իշխեցող , ստիպեսցէ յիւր ծառայութի : Եւ Լ՛անի արատ խղճի մտաց յանձին ունիցի այնպի .

սին՝ կարծիցես; Ի՞նչ փութի վերս: Եւ ի՞նչ կեանք յօգուտ կարիցէ լինել նմա, ուր յայնպիսի իցէ վիճակի կեանք նորա, զի որ բառնայ զայն՝ հանդերձեալ է հասանել մեծի շնորհի և փառաց: Եւ արդ եթէ այսոքիկ որ մեծապէս օգտակարը կարծեալ լինէին և չեն, զի լի են անշքութեամբ և անպատեհութեամբ, կարի քաջ հաւատարիմ պարտի լինել՝ թէ չիք ինչ օգտակար առանց լինելոյ համեստ:

ԻՌ. Եւ այս որպէս յաճախ յայլ նուազո, նոյնպէս և ՚ի պատերազմն Պիւռոսի՝ այսպէս դատեալ եղև ՚ի Կ. Փաբրիկիոսէ յերկրորդ նուագի հիւպատոսութեան, և ՚ի ծերակուտէ մերմէ: () Ի յորժամ Պիւռոս արքայ կամակար պատերազմ յարոյց ընդդէմ ժողովողեանա հռովմայ, և կոհն էր ՚ի պաշտպանութիւն տէրութե ընդ այնպիսում քաջ և հզօր թագաւորի, փախստական ոք առ ՚ի նմանէ եկն ՚ի բանակ Փաբրիկիոսի և բան ետ նմա, զի թէ վարձս խոստանայցէ ինքեան, ինքն յանձն առնու՝ որպէս զանխու էր եկեալ, նոյնպէս զանխու ՚ի բանակ անդր Պիւռոսի դառնալ և դեղամահ զնա կորուսանել: Եւ Կ. Փաբրիկիոս փոյթ կալաւ մատնել զայրն ՚ի ձեռս Պիւռոսի. և այս գործ նորա գովեցաւ ՚ի ծերակուտէն: Բայց արդ եթէ զկերպարանս և զկարծիս օգտակարութեան խնդրեմք, զմեծ զայն պատերազմ և զմեծ թշնամին տէրութեան բառնայր ՚ի միջոյ մի միայն փախստեայ այր. այլ մեծ անշքութիւն և ապիրատութիւն լինէր, եթէ պատերազմն գովելի՝ ոչ քաջութեամբ՝ այլ անօրէնութեամբ ՚ի գլուխ ելանէր:

Եւ արդ եթէ Փաբրիկիոսի՝ որ այնպիսի գտաւ ՚ի քաղաքիս՝ որպէս Երիստիդէս յԵթէնս, և եթէ ծերակուտիս մերում՝ որ ոչ երբէք որոշեաց զօգուտ ՚ի վայելչութենէ, որ յերկուց այտի առաւել օգտակար եղև. զի նոք արդեօք մարտնչել ընդ թշնամոյն, եթէ թուհիւք: Եւ թէ փառաց վասն ցանկալի է իշխանութիւն, հեռի լիցի ապիրատութի, յորում ոչ կարէ լինել փառք: Եթէ հարստութիւնք գլխովին ցանկալի թուին զինչ և է օրինակաւ, չկարեն օգտակար լինել վատանոնութե հանդերձ: Եւ քաջ օգտակար խորհուրդն այն | : Փիլիպպոսի՝ որդւոյ Կ. զի որչափ ինչ քաղաքս ազատեալ էր | : Արդ զա՛ զբանս ՚ի նոցանէ առեալ, վճռով ծե-

րակուտին, նոքին վերստին հարկատու ընկիցին. և մի ի նոսա անդրէն դարձուցուք, ասէր, զդրամն՝ զոր տուեալ էր նոցա վասն ազատութե իւրեանց: Հաւանեցաւ նմա ծերակոյտն՝ յամօթ տէրութեան. զի լաւ ևս են հաւատք հինից ծովու՝ քան այնպիսի ծերակուտի: Բայց աճեաց ասէն հարկատուութիւնն. ասպա օգտակար ինչ եղև: Սինչև ցերբ ժողհին օգտակար կուէ՛լ զայն ինչ՝ որ ոչ համեստ իցէ:

Եւ միթէ կարէ՞ օգտակար լինել ատելութիւն և վատ անունութիւն տէրութեան իմիք, որ պարտի ամրանալ փառօք և յօժարակամութեամբ դաշնակցաց: Եւ իսկ գլխովին ընդ իմումս Կատողնի յաճախ տարաձայն երևեցայ: Վանգի թուէր ինձ եթէ կարի իցէ նախան ձայնոյ ի պաշտպանել զանձուն և հարկաց՝ զանալով զամենայն ինչ մաքսաւորաց, և բազում ինչ նիգակակցաց. ուր պարտ էր մեզ առ նոսա բարերար երևել, և ընդ սոսա վարիլ որպէս ընդ գաղթականս մեր. և այնչափ առաւել, որչափ զի այդ զուգաւորութիւն կարգաց ի պահպանութիւն էր տէրութեան հասարակաց: Զարաչար էր և Կուրիովին գործ, յորժամ արդարացուցանէր զգատ Տրանսպադեայց՝ որ միշտ զայն երկրորդէր, () գումն լիցի յաղթական: Սանաւանդ պարտ էր նմա ասել. չէ իրաւացի, ոչ լինիցի և յօգուտ հասարակաց տէրութեան. քան եթէ օգուտ ասելով գո՛ւ խոստովանել զանիրաւն լինել:

Ի Գ. Եւ ես վեցերորդ գիրք Հեկատողնի յաղագս պատշաճից՝ այսպիսի խնդրովք. Սիթէ առն բարւոյ իցէ գործ ի յետին պակասութեան պարենի ոչ կերակրել զիւր տուն: () երկաքանչիւր կողմն պայքարի. այլ ի վախճանի համարի, եթէ առաւել օգտակարութե քան մարդասիրութեամբ պարտ է կանոնաւորել զպատշաճն: Եւսդիր ի մէջ առնու, զի թէ՛ ծովու հարկ լինիցի կորուստ ինչ առնել, արդեօք զազնուազին երիւ վարն արժանի իցէ կորուսանել առաւել՝ եթէ զցածագին որ ծառայ անպիտան: Եւսրանօր այլուր հայեցուցանեն ինչքն, և այլուր մարդկութիւն: Եթէ տախտակ ի նաւարկութեան ի ձեռս բերեալ իցէ խելագարն,

օրէնքն իցէ իմաստնոյն կորզել զայն՝ ի ձեռաց նորա՝ եթէ կարիցէ : (Ը՝ ասէ , վասն զի անիրաւութիւն լինի :) Բնչ ապա . տէր նաւուն կարող իցէ յափշտակել զայն իբրեւ զիւր . և ոչ բնաւ . ոչ ինչ ընդհատ՝ որպէս եթէ զոր ի նաւողաց ի խորս անդ կամիցի ընկենուլ ի նաւէ անտի , պատճառելով իւր գոլ զնաւն : () Ի վարձեալ նաւուն՝ ոչ ևս տեսուն իւրոյ է , այլ նաւելոցն :

Իսկ զԲնչ . եթէ ի մի տախտակ գտցին երկու նաւա բեկք , երկոքեանն իմաստունք , յափշտակեսցէ զայն յինքն սա և նա , եթէ մին միւսումն թողցէ : (Թողուլ թողցէ , այլ այնմ՝ որոյ կեանքն առաւել պիտանի իցէ կամ վասն իւր կամ ի պէտս հասարակաց :) Եւ զԲնչ եթէ զուգահաւասար իցեն յայտմ մասին : () Ի հակառակեսցին . այլ իբրեւ վիճակաւ կամ խաղիւ մատանց յաղթեալ՝ տեղի տացէ այր ընկերին :

Իթէ հայրն զմեհեանս կողոպտիցէ կամ ական հատանիցէ ի գանձն , զԲնչ . որդին զեկուսցէ զայդ դատաւորաց : () Եւ օրէն . մանաւանդ հովանի լիցի հօրն՝ եթէ ի վեր ելցէ բանն : Եւ հայրենիքն ոչ է նախապատիւ քան զայլ ամենայն գործս : Եւ իսկ քաջ . այլ օգուտ է հայրենեաց գլխովին քաղաքացիս ունել հայրասէրս կամ բարեպարիշտս առ ծնողս : Իսկ զԲնչ , եթէ հայրն գուն գործիցէ բռնակալել , կամ մատնիչ լինել հայրենեաց . միթէ լռել ունի որդին : Պարտ է նմա աղաչել թախանձանօք զհայրն չառնել զայն . եթէ ինչ ոչ օգտի՝ ամբաստան լինել , և սպառնալ ևս : Եւ պարզաբար՝ եթէ ի փնաս հայրենեաց իրքն բերիցին՝ արդոյ համարեսցի զկեանս հայրենեաց քան զհօրն :

Եւ արձեալ ինդիր ի մէջ առնու . եթէ իմաստունն յանգէտս առեալ իցէ կեղծ դրամն իբրու լաւ , յետ իրագէտ լինելոյ կարող իցէ վճարել զայնոսիկ՝ եթէ ումեք պարտական իցէ , իբրու լաւ : () Իսկ զԲնչ , այո ասէ : Եւ նախապարտոս , ոչ . որում առաւել լինիմ ձայնակից : Եւ ոք գիտութիւն վաճառէ զգինի կիսախանդար , պարտակա՞ն իցէ ասել : Եւ հարկաւոր դատի () Իսկ զԲնչ . Եւ նախապարտոս առն բարւոյ յանկաւոր համարի : Եւս են գողցես իրաւունք արկեալք ընդ ինդիրով առ Ստոյիկեանս : Եւ քղեօք ի վաճառել զարծաթազին ծառայս՝ պարտ իցէ ասել զպակասութիւնն . ոչ զայնս

ասեմ, զորս եթէ չասիցես՝ յետո դարձունցի ծառայն ըստ քաղաքական իրաւանց, այլ զայսոսիկ թէ է ստախոս, վիգախաղաց, գողաբարոյ և արբեցող: Ոմանք ասեն այո, և ոմանք ոչ:

Եթէ որ ոսկի հանցէ՝ ի վաճառ՝ կարծելով ոսկեպղինձ վաճառել, յայտնեսցէ՝ արդեօք նմա այր բարի՝ թէ է այն ոսկի, եթէ գնեսցէ դէնարի միոջ զայն որ է հազար դէնարի: Վաճայայտ իսկ է զայսցանէ եթէ իմ կարծիք՝ և եթէ ընդդիմակ կարծիքն եղեալ՝ ի մէջ փրկսոփայիցդ զորս անուանեցի:

Ի՞նչ. Վաչինք և խոստմունք որ ոչ բռնութեամբ և ոչ չար նենգանօք (այլ ըստ պոետորաց) եղեալք, պահելի իցեն արդեօք միշտ: Եթէ որ դէղ ումեք տայցէ վասն ջրգողութեան այսու դաշամբ՝ զի թէ առողջասցի նովաւ, ոչ այլ երբեք ի կիր առնուցու զայն դեղ. և յետ ամաց ինչ անկցի ի նոյն հիւանդութիւն, և ոչ կարասցէ առնուլ հրաման ի նմանէ ընդ որում դաշն եղ առ միւսանգամ ի կիր առնուլ զայն, զի՞նչ առնել արժան իցէ: Վանդի անմարդի է որ չտայցէ հրաման, և զի ոչ իսկ լինի նմա անիրաւութիւն ինչ, արժան է զլաւն կենաց և փրկութեան անձին ընտրել:

Իսկ զինչ, եթէ որ իմաստուն թախանձեալ յառնէ որ զնա ժառանգ կացուցանիցէ, թողլով կտակաւ սեստերտս երեքհարիւր բիւր, զի յառաջ քան զմոռնելն ի ժառանգութիւն՝ ի լոյս տունջեան ի հրապարակի կաքաւիցէ. և նա խոստասցի առնել, քանզի այլազգ ոչ կամիցի գրել զնա ի ժառանգութիւն, լցուցէ՞ զխոստումն՝ եթէ ոչ: Ի աւ ևս էր չխոստանալ. և զայդ համարիմ պատճառ դժուարութեն: Եւ քանզի խոստալ ցաւ, եթէ անպատեհ վարկանի կաքաւել ի հրապարակի, սակաւամեղ ստախոս գտանի եթէ ոչ ինչ առցէ ի ժառանգութենէ՝ քան եթէ առցէ. եթէ ոչ գուցէ զայն դրամ ի կարևոր ինչ պէտս հասարակաց վարեալցէ. զի և կաքաւելն ի կամել անդ օգտել հայրենեաց չիցէ անպատեհ:

Ի՞նչ. Իայց և ոչ զայն խոստմունս պահել արժան է՝ որ չիցեն օգտակար որոց խոստացարն: Երեգակն, առցուք օրինակ և յառասպելեաց, ասաց որդւոյ իւրում Վայելթոնի՝ թէ արարից զինչ և ցանկայ անձն քո.

և նա ցանկացաւ ելանել 'ի կառս հօր իւրոյ . և իբրեւ ել, ճհ անմիտ, մինչ չեւ էր բազմեալ՝ կայծակնաճար բռցակիզեցաւ : Ո՛րչափ առաւել լաւ ևս էր յայտմ եթէ հօրն չէր պահեալ զխոստումն : Օ՛րնչ ասացից զ(Թ)եւսէսէ որ պահանջեաց զկատարումն խոստմանն 'ի Պոսիդոնէ . որում իբրեւ առաջի եղ Պոսիդոն երիս ըղձութիւնս, իղձ եղև նա ընդ կորուստ որդւոյ իւրոյ չի պողիտայ, զի 'ի կասկածի էր հայրն ընդ նա զխորթմօրէն . իբրեւ կատարեցաւ ըղձութիւնն, (Թ)եւսէոս 'ի սուգ մեծ համակեցաւ :

Օ՛րնչ զ(Թ)աւմեմնոնէ, որ ուխտեալ (Բ)րտեմեայ զառաւել գեղեցիկ ծնեալն յայնմ ամի 'ի Թազաւորութե իւրում, զոհեաց զ(Կ)իրիզենիա . զի ոչ գոյր այլ գեղեցիկ քան զնա ծնեալ յայնմ տարւոյ : Ի աւ ևս էր ոչ կատարել զուխտն քան եթէ զայնպիսի անհեթեթ ու ճիրս գործել : (Բ)րդ և զուխտիւք երբեմն պարտ է զանց առնել, որպէս և ոչ զաւանդն միշտ դարձուցանել : (Թ)է որք առողջ մտօք սուսեր դիցէ առ քեզ յաւանդ, և 'ի ցնորին 'ի մտաց խնդրիցէ, մեղք են տալ, չտալն պատշաճ : Օ՛րնչ այլ . եթէ նա որ զարծաթ եթօղ քեզ յաւանդ՝ պատերազմ յարուցանիցէ 'ի վերայ հայրենեաց, միթէ տան նմա անդրէն զաւանդն . կարծեմ ոչ . ապա թէ ոչ՝ զընդդէմն գործես հասարակաց տերութե՛ն՝ որ պարտի լինել քեզ սիրելի քան զամենայն : (Բ)յսպէս բազում ինչ իւր բնութեամբ համեստ երևեալք՝ յանցանել ժամանակի լինին անհամեստք : Իստարումն խոստմանց, կալն 'ի դաշինս, դարձուցանել զաւանդն, 'ի փոփոխել օգտակարութեան լինին անհամեստ : (Բ)լ և զայնցանէ որ երևին լինել օգտակարութիւնք ընդդէմ արդարութեան ընդ պատրուակաւ խոհեմութեան, որպէս կարծեմ՝ փոքր 'ի շատէ ասացաւ :

Բայց քանզի 'ի չորից աղբերաց համեստութեան յառաջ բերաք յառաջին գիրս անդ զպատշաճս, 'ի նոսին դեգերեսցուք, զի ուսուցուք՝ թէ այն ամենայն որք երևին օգտակար գոյ, և չեն՝ եթէ իցեն Թշնամիք առաքինութեան . արդ և զխոհեմութենէ, որում նմանող լինել կամի խորամանկութիւնն, որպէս և զարդարութենէ որ միշտ է օգտակար, ճառեցաք : Ո՛րնչան երկու այլ մասունք համեստութե, յորոց մին նշմարի 'ի

մեծութեան և 'ի գերապանծութեան վսեմողոյ, և միւսն 'ի վայելչութեան և 'ի բարեկարգութեան ժուժկալութեան և բարեխառնութեան :

Իձ. () Գտակար երևէր Ողիւսեայ, որպէս ոմանք 'ի թատրերգակ բերթողաց աւանդեցին, զի չիք առ Հռմբոսի քաջ մատենագրի այնպիսի ինչ կասկած զՈղիւսեայ, այլ կեղծէն զայն ողբերգակք, որպէս այն թէ յիմարութիւն կեղծեալ խոյս տալ 'ի զինուորութենէ իցէ կամեցեալ : Եւ չէր խորհուրդ համեստ : Բայց ասիցէ որ թերեւ. օգտակար էր թագաւորել, և յ' թակէ կեալ 'ի հանդարտութեան ընդ ծնողաց, կնաւ և որդու : Իսկ արդ մի թէ համարիցիս դու եթէ պանծանքն որ 'ի հանապազորդեան վշտաց վտանդի և վաւտակոց՝ զայցէ 'ի համեմատութիւն ընդ հանգարտութեանդ ընդ այդմիկ : Եւ ես արհամարհ և անարժան համարիմ զայդ հանդարտութիւն. զի զանհամեստն՝ և ոչ օգտակար լինել վարկանիմ : Եւ զինչ կարծես եթէ լսէր Ողիւսեայ, եթէ յայն կեղծիս կայր մնայր. ուր յետ մեծամեծ գործս քաջութեան կատարելոյ 'ի պատերազմի՝ տակաւին զայս լսէր յ' յասայ :

Որ պարագլուխ երդմնաւորացն եկաց,
 Որպէս գիտէք՝ նա ինքն ուխտիցն դրոժեաց.
 Օ յիմարութիւն կեղծեալ՝ ետ խոյս 'ի չուոյն.
 Եւ թէ չազդէր Պաղամեղեայն արթնութիւն
 Հասու լինել յանդրգնութեան վատշուէր,
 'Լըւիրական ուխտն 'ի գետին անկանէր :

Ի աւերման ոչ միայն ընդ թշնամիս, այլ և ընդ ալիս մրցել, զոր և արար իսկ, քան թողուլ լքանել զմիաբաւնութիւն Յունաստանի 'ի տալ պատերազմ ընդդէմ բարբարոսաց :

Եւ թողցուք և զառասպելս և զարտաքիննս, եկեսցուք 'ի գործս եղեալս և առ մերմն : Եւ Եւտրիդիոս Հռեգուլոս, յորժամ 'ի կրկին հիւպատոսութե դաւաճանութեամբ ձերբակալ եղև յ' ֆրիկէ, 'ի զօրավարութեան Բսանթիպոսի լակեդեմոնացոյ և 'ի սպարապետութեան Բիդկարայ՝ հօրն Բնիբաղայ, երդումն տուեալ արձակեցաւ առ ծերակոյտն, զի թէ ոչ

դարձուցեն առ Պենացիս զազնուականս 'ի գերեաց , դարձցի ինքն անդրէն 'ի Վարբեդոն : Սա իբրև եկն 'ի Հոռվմ, զօգտակարութեան իմն տեսանէր զկերպարան . այլ զայն , որպէս յայտ եղև յեղի իրացն , սուտ վարկաւ . այս է մնալ 'ի հայրենիս , լինել 'ի տան իւրում՝ ընդ կնոջն և ընդ զաւակաց . զվիշտս զոր 'ի պատերազմին կրեաց՝ հասարակ համարելով պատերազմական բախտի , կալ ունել զաշտիճան հիւպատոսական իշխանութեան : Եւ ուրաստ լինիցի զօգտակարութիւն իրացս . զոր կարծես՝ ժխտէ մեծասրտութիւնն և արիւութիւն :

Ի է . () օրինակս խնդրիցես ազգողականս . զի սեպհական է այդց առաքինութեանց ոչ զանգիտել ուստեք բնաւ . զամենայն ինչ զմարդկային արհամարհել , ոչ անբերելի համարել որ ինչ միանգամ մարթի պատահել մարդոյ : () Ինչ արար սա : Եկն առ ծերակոյտն , զպատգամն ծանոյց , հրաժարեաց ասել զիւր կարծիս . ցորչափ կապեալ էր ընդ երգմամբ թշնամեաց , ոչ 'ի սինկղիտիկոս համարէր զանձն : Եւ որ մեծն է , (թերևս ասիցէ որ , ո՛վ անմտութեան առն հակառակողի անձին օգտի ,) պնդեաց՝ թէ չէ օգտակար յետս տալ զգերեալն . զի նորա , ասէ , երիտասարդք են , և քաջ զօրավարք , այլ ես ալևորեալ անձամբ : Եւ իբրև զօրացաւ բան նորա , կալան առ իւրեանս զգերեալն . ինքն դարձ արար 'ի Վարբեդոն . և ոչ կարաց նահանջել զնա ոչ հայրենեացն սէր և ոչ իւրոցն : Եւ ոչ զայն անգիտանայր 'ի ժամուն՝ թէ դիմեալ երթայ առ անաղուրդն թշնամի անդր , առ նորանոր տանջանա . այլ զերդումն պարտ վարկանէր պահել : Եւ այնպէս 'ի ժամանակին՝ յորում անբուն լլկանօք խոշոշեալ լինէր՝ 'ի լաւագոյն էր վիճակի՝ քան եթէ 'ի տան կայր մնայր ծերունի , գերի և ուխտադրուժ հիւպատոս :

Ի այց ասես , անմտութեամբ գործեաց , զի ոչ միայն ոչ բարւոք դատեցաւ արձակել զգերիս , այլ և զայլս քեցեաց 'ի խորհրդոյ անտի : Եւ իբր անմիտ . միթէ և 'ի խորհելն զօգուտ հասարակաց տէրութեան : Իսկ արդ մարթ ինչ իցէ զի որ անօգուտն է հասարակաց , ումեք 'ի քաղաքացոց օգտակար լինիցի :

Ի Ը . () Հիմունս տապալեն զընութեան մարդիկ՝ 'ի զատանել անդ զօգտակարն 'ի համեստութենէ : Ի՛նչ

զի ամենեքին օգտակարութեան եմք ցանկացողք, և 'ի նոյն անդր յափշտակիմք, և չեմք կարող այլ ազգ ինչ առնել երբէք: Օ ի ո՛հ որ խորշիցի օգտակարաց. կամ ո՛հ այն, որ ոչ ամենայն փութով պնդութեան զհետ նորա վարեսցի: Լ՝յլ քանզի ոչ ուրեք կարեմք, բայց միայն 'ի գովութեան, 'ի վայելչութեան և 'ի համեստութեան գտանել զօգտակարան, վասն այն զսոսա համարիմք առաջինս և ծայրագոյնս. և զանուն օգտակարութեան ոչ այնչափ պանծալի որչափ կարեւոր վարկանիմք:

Լ՝յլ զինչ իցե՛ս ասիցե՛ս որ, յերդման անդ. միթէ 'ի ցասմանէ երկնչիմք Լ՝քամագղայ. ուր հասարակ կարծիք են փիլիսոփայից ամենեցուն, ոչ նոցա միայն՝ որք զԼ՝ստուած անգործ դնեն, և ոչ ինչ ազդող ումեք, այլ նոցա ևս՝ որք հաւաստեն եթէ Լ՝ստուած գործէ միշտ և ներգործէ, բայց ոչ երբէք բարկանայ քսեն Լ՝ստուած և ոչ փնասէ: Եւ զինչ աւելի փնասել կարող էր Լ՝քամագղ. ցասուցեալ, որչափ անձամբ անձին փնասեաց Հռեգուղոս: Լ՝պա ոչ հասանէր զօրութիւն կրօնի՝ մինչև ընդոտնել զայնչափ օգտակարութիւն: Եւ միթէ առ 'ի ո՛չ գործել զանպատեհս ինչ: — Լ՝յլ նախ զի են ընտրելի փորունքն 'ի չարեաց. և միթէ այնչափ չար էր անպատեհութիւնդ այդ, որչափ տանջանքն այն: Եւրկորդ՝ և այն առ Լ՝կկիտի:

Լ՝նցեր զուխտիւ, ոչ յուխտ մըտի ես.

Եւ չեկից ընդ քեզ յուխտ զի ժխտես.

(Ի)Վեպէտե յամպարիշտ Թագաւորէ ասացեալ, բայց ասի ճահողակի:

Վարձեալ ասեն, որպէս դուք ասէք՝ Թէ ինչ ինչ օգտակար երեւին՝ որ ոչն են, նոյնպէս և մեք՝ Թէ ինչ ինչ համեստ երեւին, բայց չեն. զոր օրինակ այդ ձեզ համեստ երեւի, վասն երդմնապահ լինելոյ դարձ առնել 'ի չարչարանս. բայց ոչ համեստ գտանի, զի զեղեալն բռնութեամբ Թշնամեաց՝ չէր պարտ դատել օրինաւոր: Եւ ևս յաւելուն ասել. որ ինչ կարի օգտակար է, այդ համեստ գտանի, Թէպէտե յառաջագոյն չերեւեսցի: Լ՝ստոքիկ ահա ընդդէմ Հռեգուղոսի. այլ տեսցուք ըստ կարգի:

Ի. Թ. Չէ պարտ երկնչել, ասէք, յԼ՝քամագղայ, ընդ

այն զի մի գուցէ բարկացեալ փնասիցէ. այն որ ոչ գիտէ բարկանալ և ոչ փնասել : Եւ այդ պատճառաբանութիւն ոչ ինչ ընդհատ'ի Հռեգուղոսէ՝ ընդդէմ մեծնայն երդման Կրեսցի : Եւ յերդման անդ՝ ոչ պարտ է ի մաստատարել զերկիւղն , այլ զգորութիւնն : Այս ան զի երդումն է հաստատութիւն սրբազան . արդ զոր հաստատութեամբ խոստացար՝ որպէս վկայ կոչելով զԱստուած , զայդ պարտ է պահել : Օյ այնուհետեւ ոչ 'ի բարկութիւն աստուածոց յառել զակն պէտք ինչ են , որ ոչ ինչ իսկ է , այլ յարդարութիւն և 'ի հաւատարմութիւն : Վանգի գեղեցիկ ասաց Եմսիոս

Հաւատք դու վեհ սրբեալք 'ի Թեւ ,

Երամագղայ ճահ երդմանց ես :

Եւ պա ուրեմն որ ստէ երդման , ստէ հաւատոց , զոր նախնիք մեր ընտրեցին զի կացցէ՝ ըստ գրեցելումն 'ի Ճառն Աստուծոյ , 'ի Ապիստոլիոն յանդիման մեծին՝ Երամագղայ :

Բայց ասեք . և ոչ Երամագղ ցասուցեալ աւելի ինչ փնասել ունէր Հռեգուղայ , որպէս նա ինքն Հռեգուղոս անձամբ անձին փնասեաց : Երդարեւ եթէ ոչ ինչ այլ չար գտանէր բաց 'ի կրելոյ զցաւ . իսկ զայդ ոչ եթէ միայն ոչ ծայրագոյն գրեն չար , այլ և ոչ չար լինել հաստատեն արժանահաւատ վկայութեամբ իմաստասէրք . և զի Հռեգուղոս վկայ եղև բանից նոցա ոչ փոքր , այլ մեծ յոյժ՝ որպէս կարծեմ , մի բերիցիք աղաչեմ 'ի Թնամանել զայրն : Օյ զոյ այլ խնդրեմք առաւել արժանահաւատ քան զի խանն հոովմէական Ժողովըրդեան որ առ ուխտաբահութեան կամաւ մատնեցաւ 'ի չարչարանս : Իսկ զոր ասենն , Փոքունք 'ի չարեաց ընտրելիք , այս ինքն առաւել անպատեհն քան զԹշուառութիւն . միթէ կայցէ՞ չար ինչ մեծ ևս քան զանպատեհութիւն . եթէ 'ի մարմնոյ տգեղութեայդ է խրտեցուցիչ , քանիպատիկ առաւել պարտի երևել խանգառումն և գարշութիւն տխեղժ հոգւոյ :

Այս օրոյ որ միանգամ ճշգրտոյնս ճառեն զիրացս , միայն զայն ինչ իշխեն չար ասել՝ որ ինչ անպատեհն է . և որք մեղմագոյնս խօսին , տակաւին նոքա ևս ոչ ինչ յերկուանան ծայրագոյն չար ասել զնոյն : Վանգի և քերթողին այն ասացուած , Այս յուխտ մտի ես , և չե-

կից ընդ քեզ յուխտ զի ժխտես, յայն սակս արդարացեալ է. զի՝ ի վարել ընդ Մտրեսի՝ ըստ առն ասել պէտք եղեն: Մպա եթէ զայդ գործի առնուն ՚ի ձեռս, որպէս թէ ոչ ինչ իցէ հաւատարմութիւնն զոր խոստանայ որ անհաւատարիմ անձին, զգոյշ լիցին՝ մի գուցէ խորշ թաքստի խնդրիցեն երդմնազանցութեան:

Վոյ և իրաւունք պատերազմական, և հաւատք երգման՝ զոր բազում անգամ պարտ է պահել ընդ թշնամւոյն. զի որ ինչ երդմամբ հաստատեցաւ այնպէս, մինչև մտաց ըմբռնել՝ եթէ պարտի կատարիլ, զայդ պարտ է պահել: Իսկ եթէ այլ ազգ ինչ իցէ և չառնիցես զայն, չիք ինչ երդմնազանցութիւն: Օ որ օրինակ եթէ աւարհարուաց ոչ վճարեսցես զպայմանեալն ըստ գլխոյ զգին՝ չիք ինչ խաբէութիւն, թէպէտ և յետ երդմանն չառնիցես զայդ: Վանզի հուղկահարն կամ հէնն ոչ է ՚ի համարի դէմ ընդդէմ պատերազմողաց, այլ հասարակաց թշնամի: Ինդ այնպիսումն ոչ հաւատ և ոչ հաստատութիւն երդման է:

Օ ի ոչ եթէ սուտ երդնուն է երդմնազանցութիւն, այլ չառնելն զայն՝ զոր կամակար մտօք երդուեալ իցէ որ, որպէս առ մեզս սահմանեալ ձեռով բանիյ՝ երդմնազանցութիւն է: Վանզի գիտութեամբ ասաց Լաբի պիդէս:

Երդուայ լեզուաւ ես, միտքս է աներդումն:

Իսկ հռեգուղեայ չէր օրէն վեր՝ ի վայր առնել երդմնազանցութիւն զուխտ և զդաշն պատերազմական և թշնամական. զի ընդ արդար և ընդ օրինաւոր թշնամոյ եր, որում հակառակ կային և բովանդակ օրէնք հրեշտակութեանց և այլ բազում իրաւունք հասարակայ: Եթէ չէր այդպէս, ոչ երբէք ծերակոյտն ՚ի ձեռս տայր թըշնամեաց կապեալս զարս երևելիս:

Լ. Բայց Տ. Վ ետուրիոս, և Սպ. Պոստումիոս ՚ի կրկին հիւպատոսութեան իւրեանց, քանզի ՚ի պարտութիւն մատնեցան առ Կաւտիոնիոս, և լեզէոնք մեր ընդ լծով անցին յորժամ խաղաղութեան հաստատեցին ընդ Սամիաացիս, մատնեցան ՚ի ձեռս նոցա. զի լուանց հրեմանի ժողովրդեան և ծերակոտին արարեալ էին: Եւ

1 Վ յիպակ իմաստասիրութիւն հեթանոսական:

'ի նմին ժամանակի Տիբերիոս լուսնկիոս, և ի. Սե-
բաս, որ հաղարապետը էին յայնժամ ժողովրդեան,
որովհետև նոցա բանին լեալ էր հաշտութիւն, մատ-
նեալ եղեն, զի ցրեսցի խաղաղութիւնն՝ որ ընդ Սամնիա-
ցիս: Եւ այր մատնութեան յորդորիչ և հեղինակ
գտաւ նա ինքն Պոստումիոս՝ որ մատնեցաւ: Օչոյն
արար բազում ամօք զկնի ի. Սանկիւտոս. զի որոյ ուխտ
խաղաղութեան հաստատեալ էր ընդ լուսնատացիս
առանց հրամանի ծերակուտին, աղերս արկ յորդորա-
կան՝ զի մատնեսցի 'ի ձեռս նորա, որպէս և ի. Փու-
րիոս, և Սեբաստիոս. Ստիզիոս 'ի խորհրդարանի ծերա-
կուտին վճռեալ էին. և առեալ զինդիրն՝ անձնատուր
եղև 'ի թշնամիս անդր: Համեստագոյն գտաւ սա քան
զի. Պոմպէոս, որ 'ի նմին գտեալ վիճակի՝ աղերս մա-
տոյց, և այնպէս զանց առին զօրինգն: Եւ զանոր ե-
րևեալն օգտակար՝ զօրացաւ քան զհամեստութիւն. իսկ
յառաջինն սուտ երևայթ օգտակարութեան յաղթա-
հարեցաւ յերեսաց համեստութեան:

Իայց չէր պարտ, ասեն, օրինաւոր գրիլ, զի էր գործ
բռնութեան՝ որպէս թէ մարթ ինչ իցէ առն քաջի ընդ
բռնութիւն անկանել: Եւ առ իմէ 'ի ծերակոյտ անդր եր-
թայր, երբ հանդերձեալ էր առաւել անհաւանելի ցու-
ցանել նոցա զգերեացն արձակուող: Եւ առաւել
պանծալին է 'ի նմա, զայդ ստգտանէք: Օ ի ոչ եթէ յիւր
կարծիք յամուռեցաւ, այլ յանձն էառ զդատ՝ զի լիցի
կամք ծերակուտին. որում եթէ ինքն չլինէր յորդոր,
ապաքէն գերեալն տուեալ լինէին անդրէն 'ի Պենա-
ցիս. և այնպէս հռեգուղոս ողջանդամ կայր մնայր 'ի
հայրենիս: Եւ զի զայդ ոչ օգտակար վարկաւ հայ-
րենեաց, վասն որոյ համեստ համարեցաւ ինքեան զայն
ամենայն անցս կրել և զհարցարանս: Իսկ զոր ասենն,
թէ որ ինչ կարի օգտակար իցէ՝ այդ լինի և համեստ,
պարտ էր մանաւանդ ասել. արդէն իսկ է, և ոչ եթէ
լինիցի: Եւ ասն զի չիք ինչ օգտակար՝ որ ոչ համեստ
իցէ. և ոչ եթէ վասն զի է օգտակար՝ համեստ գտա-
նի, այլ զի է համեստ՝ գտանի և օգտակար:

Եւ ի. Սան որոյ բազմապատիկ օրինակս անդ դը-
ժուարաւ ոք գտցէ և գովելի և գերապանծ քան զայս
օրինակ: Եւ ի կարգի անդ բովանդակ գովութեան

Հոգեզուղեաց այս մի ինչ է զարմանալոյ արժանի, զի լաւ համարեցաւ պահել զգերեալսն : Բանգի այն զի ինքն յետս դարձաւ՝ զարդիս մեզ զարմանալի երևի . այլ զայնու ժամանակաւ չկարէր այլ ազգ ինչ առնել . վասն որոյ այս զուլութիւն ոչ մարդոյն է՝ այլ ժամանակին : Օ՛հ ոչ զայլ կապ անխզելի՝ ի հաստատութիւն հաւատարմութեան կամեցան ունել նախնիք մեր քան զերդումն : Օ՛ այս յայտ առնեն օրէնք ժԲ տախտակաց . ըզնոյն և նուիրական անուանեալքն . զնոյն և դաշինք ուիր տից՝ որովք և ընդ Թշնամին պահի հաւատարմութիւն . զնոյն յանդիման առնեն ծանօթութիւնք և զննութիւք համարակալաց , որք՝ ի վեր քան զամենայն խնամով առնէին զդատաստանս երդանն :

Օ՛ Բ. Մանիոս զորդի Լէդոսի՝ ի ժամանակին յորում՝ էր դիկտատոր ի դատ կոչեաց Ս. Պոմպոնիոս տրիբուն ժողովրդեան . զի յաւելեալ էր նորոս անձին առուրս սակաւ ի վարել զգեկապութիւն . մեղադիր ևս լինէր նմա , զի զորդին իւր զարմանալոյ Տրոլուատոս կոչեցաւ , տարագրեալ ի Երդումն , պատուիրեալ էր գիւղաբնակ լինել : Երդումն իւր որդին երիտասարդ եթէ ամբաստանեալ է հօգոր իւր , փութացաւ եհաս ի Հոլով՝ որպէս ասեն , և ընդ այգն եկն ի տուն Պոմպոնիոսի . որում իբրև ազդեղև , քան զի համարեցաւ՝ Թէ նա առ զայրոյթ սրտին ընդդէմ հօրն չարախօսութիւն ունի մատուցանել , յարեալ ի մահճացն և միայն ընդ միտն հրամայեաց զալ արդար նոյն առ ինքն : Իսկ նա իսկ և իսկ ընդ մտանեղն մերկացեալ զսուսեր՝ երդուաւ անդէն սպանանել զնա եթէ ոչ երդումն տայցէ ինքեան զանց առնել զհարբ իւրով : Երդուաւ Պոմպոնիոս՝ առ ահին բռնադատեալ : Եպա զիրան առ ժողովուրդն եհան , և յայտ արար Թէ զիարդ հարկ է ինքեան յետս կալ ի դատէն . և արձակեաց զՄանիոս : Եպսչափ հօգոր էր երդումն զայնու ժամանակաւ : Եպս այն Տիտոս Մանիոս է , որ առ Եսիենաւ կորզեալ զմանեակ Վաղդիացոյն՝ զոր սպան հրաւիրեալ ի նմանէ՝ ի մարտ , և զանուն ընկալաւ Տրոլուատոս , այս է մանեկաւոր : Ի սորա երրորդ հիւպատոսութեան լատինք խորտակեցան և հալածական եղեն առ Սեսերաւ : Եպր մեծ ընդ առաջինս . որ որչափ

անյիշաչար գտաւ առ հայրն, նոյնչափ և խստիւ անաչառ առ որդին :

ԼԲ. Ե՛ւ զոր օրինակ Հռեգուղոս գովելի գտաւ 'ի պահել զերգումն, սոյնպէս տաճնեքին նոքա, զորս յետ կաննեան պատերազմի երդուեալս արձակեաց Խնիբաղ առ ծերակոյտն, զի թէ ոչ կարասցեն հաւանեցուցանել զծերակոյտն վասն դարձուցանելոյ զգերիս՝ ինքեանք դարձցին 'ի բանակ անդր՝ որում Պենացիք էին տիրեալ, ստգտանաց են արժանի՝ եթէ ոչ դարձան. զորոց ոչ ամենեքին միօրինակ պատմեն : Վննղի Պրդիբիոս քաջ պատմագիր գրէ՝ թէ 'ի տասանց ազնուական արանց որք յայնժամ առաքեցան, ինունքն դարձան՝ չեղեալ զամագիւտ խնդրոյ իւրեանց առ 'ի ծերակուտէն. իսկ մին 'ի տասանց յետ սակաւ պահու ելիցն 'ի բանակէ՝ յետս դարձեալ որպէս թէ մոռացեալ իցէ ինչ, եկաց մնաց 'ի Հռովմ : Եւ ամն զի դարձին 'ի բանակ անդր՝ ազատեալ յերդմանէ զանձն ասէր լինել. այլ թէ ուղղութեամբ. քանզի խաբէութիւնն ոչ լուծանէ, այլ պնդէ զերդմնազանցութիւն : Եւ պա այդ էր անմիտ խորամանկութիւն՝ խեղաթիւր կերպարանեալ զխոհեմութիւն : Յաղաքս որոյ վննեաց ծերակոյտն, զի ուխտադրութն այն խաբեբայ՝ կապանօք տարցի առ Խնիբաղ :

Ե՛ւ այն է պրանչելի՝ զի ութ հազար արանց ունէր Խնիբաղ առ իւր, ոչ 'ի ճակատու ձերբակալեալս, և ոչ 'ի մահուն վտանգէ խուսափեալս, այլ թողեալս 'ի բանակի 'ի Պաւղոսէ և 'ի Եւարոնէ հիւպատոսաց :

Օսոսա ոչ պարտ վարկաւ ծերակոյտն ազատել փրկանօք, մինչ դիւրաւ կարող էր զայդ առնել սակաւ դրամովք. որպէս զի տպաւորեսցի 'ի միտս զօրաց մերոց կամ յաղթել կամ մեռանել : Օայն լուեալ՝ բեկաւ լուծաւ սիրտ Խնիբաղայ, ասէ մատենագիրն, զի ծերակոյտն և ժողովուրդն Հռովմայ 'ի վիշտս անդ ձախողակս այնպէս վննանն երեւցաւ : Եւ յայնժամ յաղթին առաջի համեստութեան երեւալքն օգտակարք :

Իսկ Ելիզիոս՝ որ յունարէն գրեաց զպատմութիւնն, բազումս ասէ լինել զդարձեալն 'ի բանակն նովին խաբէութեամբ ազատանալոյ յերդմանէն, զորս դատաւորք ներքոյ արկին ամենայն վատանունութեան : Եւ ախ

Ճան տացուք այսց բանից . քանզի քաջարայտ է թէ չեն
օգտակար . զի գործեալքն ամենայն վատ , նուաւստ , մեղկ
և սրտաբեկ ոգւով են ապիրատ , դարչ և անպատեհ ,
որպէս լինելը և Հռեգուղին գործ , եթէ կամեցեալ էր
նորա 'ի տան մնալ , կամ դատաւտան արարեալ զգե-
րեաց յօգուտ անձին և ոչ հասարակաց տէրութեան :

1. Գ. Ս) Նայ մեզ մասն չորրորդ , որ հայի 'ի վայելչու-
թիւն , 'ի չափաւորութիւն , 'ի պարկեշտութի , 'ի ժուժ-
կալութիւն և 'ի բարեխառնութիւն : Այդ միթէ մար-
թի լինել օգտակար այնմ որ հակառակ իցէ պարու
այդպիսեաց և այսքանեաց առաքինութեանց : Ապաքէն
յԱրիստիպպոսէ Լիւրենեանք և Լենիկերեանք ա-
նուանեալքն փիլիսոփայք՝ զամենայն բարի 'ի հեշտու-
թեան համարէին , և զառաքինութիւնն յայն սակս գո-
վելի համարեցան՝ որպէս թէ իցէ հեշտացուցիչ սրտի :
Իսոցա շիջանէն յառնէ Եպիկուրոս՝ նորին գողցես վար-
դապետութեան սատար և յառաջեցուցիչ : Ինչ սոսա
ամենայն ճգամբ պարտ է մրցիլ՝ եթէ կամք իցեն պա-
հել և պահպանել զհամեստութիւն :

Օ) Ի եթէ ոչ միայն օգտակարութիւն , այլ ողջոյն
իսկ կեանք երանութեան հաստատեալ է՝ որպէս Ս) Ե-
տրորդորոս գրեաց , 'ի հաստատուն բարեկեցութե մար-
մնոյ և 'ի յոյս աւելակալութեան այդր բարեկեցութե ,
այդ օգտակարութիւն , և այն ծայրագոյն՝ որպէս ին-
քեանք վարկանին , դիմամարտ գտանի համեստութե :
Վանզի առ ինչ զառաջին տեղին տացուք խոհեմու-
թեան . միթէ առ 'ի խնդիր չըլել քաղցրութեանց յա-
մենայն կողմանց : Ս) Հ քանի թշուառ ծառայութիւն է
առաքինութե՝ սպասաւորել հեշտութեան : Եւ զինչ
պաշտօն խոհեմութե . միթէ քաղել իմաստութեամբ
զհեշտութիւն : Համարեաց եթէ չիցէ այլ քան զայդ
ախորժական . այլ զինչ քան զայդ անպատեհ մարթ է
զմտաւ ածել : Եթէ ծայրագոյն չար զցաւն գրեցէ ,
զինչ տեղի ունիցի առ նմա արիութիւնն , որ է արհա-
մարհութիւն ցաւոյ և աշխատութեանց : Օ) Ի թէպէտ
և 'ի բազում տեղիս՝ որպէս և աստանօր , արիաբար իմն
գողցես խօսի Եպիկուրոս զցաւոյ , բայց չէ պարտ խն-
դրել թէ զինչ ասիցէ , այլ թէ զինչ 'ի ճահ է նմա ա-
սել , որ իբարեիս 'ի հեշտութեան սահմանեաց , և զգարն

'ի ցաւս : () որ օրինակ եթէ ունին եղից նմա 'ի ճառել անդ նորա զժուժկայութենէ և զբարեխառնութէ, բազում ինչ 'ի բազում տեղիս ասէ նա . այլ ըստ առակին՝ ջրով ամրացուցանէ : () ամա զի զիմորդ կարող է գովել զբարեխառնութիւն՝ նա որ զծայրագոյն բարին դնէ 'ի հեշտութեան . քանզի բարեխառնութիւն թրշնամի է անառակութեանց . իսկ անառակութիւնք՝ արբանեակք հեշտութեան :

() ակայն և այնպէս յերիս յայտոսիկ ազգա՝ որպէս և զիարդ մարթիւն , խորամանկութեամբ . թիկունս աստանդէն : () խոհեմութիւնն 'ի ներքս մուծանեն՝ իբրև գիտութիւն մատակարար հեշտութեանց և վանիչ ցաւոց :

() արիութիւնն անգամ իւիք օրինակաւ ծառայեցուցանեն՝ սահմանելով զայն լինել գործի անփոյթ առնելոյ զմահուամբ և կրելոյ զցաւս : () զբարեխառնութիւնն գլխովին 'ի մէջ առնուն , թէպէտ և ոչ դիւրաւ յաջողէ նոցա , բայց որպէս և զիարդ կարողասցին . զի ասեն՝ թէ գերազանցութիւն հեշտութեան բացբարձմամբ ցաւոյ սահմանի : () ըդարութիւնն մնայ յերերի , մանաւանդ թէ անկեալ դնի . նոյնպէս և ամենայն առաքիւնութիւնք երևեալք 'ի միաբանութեան և յընկերութեան ազգի մարդկան : () ի ոչ բարութիւն , ոչ ազատականութիւն , ոչ առատաձեռնութիւն , ոչ ինչ ընդհատ 'ի բարեկամութենէ մարթիւն լինել՝ եթէ ոչ ըստ ինքեան ըղձալի իցեն այսոքիկ , այլ առ հեշտութիւն և յօգտակարութիւն պարտ է պատշաճել :

ԼԴԻ . () սուղ բանիս ամփոփեսցուք որպէս ուսուցաք , եթէ չիք ինչ օգտակարութիւն որ հակառակ կայցէ համեստութեան , սոյնպէս զամենայն հեշտութիւն հակառակ զոլ ասեմք համեստութեան : () այնչափ առաւել կշտամբութեան արժանի դատիմ զՎախիմոն և զՎինոմարոս , որչափ զի սոքա լուծանել զկնձիռն կարծեցին՝ ընդ համեստութեան զօղեալ զհեշտութիւն , որպէս թէ ընդ մարդոյ զանասունն : () ընդունի զայդ պիսի շողկապ համեստութիւն , այլ գարշի և 'ի բաց վանէ : () չէ մարթ վախճանի բարեաց և չարեաց , որ պարտի պարզ լինել , յանմանեաց խառնել . բարեխառնիլ :

() ԼԵԼ զայսմանն , քանզի ոչ փոքր ինչ է , ապաք բազ-

մօք . այժմ 'ի նպատակ անդր ակնարկեսցուք : Արդ թէ որով օրինակաւ արժան իցէ ընտրութիւն առնել ի ըսացդ , ուր ուրեք օգտակար երեւեալն հակառակ գտանիցի համեստութեան , ըստ բաւականին ճառեցաւ վերագոյնդ : Ապա եթէ և զկերպարան օգտակարութեան ունել կարծեսցի հեշտութիւնն , չմարթի լինել ինչ զօգաւորութիւն ընդ նա և ընդ համեստութիւն : () Ի առ շնորհել ինչ մի հեշտութեան՝ գոգ իբրեւ համեմ ինչ , այլ օգտակարութիւն անշուշտ ունի և ոչ մի :

Ապա զիկ քեզ , Սարկոս որդեակ , առ 'ի հօրէ ընծայ , և այն ըստ իմումն բանի՝ մեծ . այլ այնպիսի իցէ զի ընդունելի քեզ լիցի : (Ժ) Կէտ և երեք այս գիրք 'ի կարգի դասուց Արատիպակայ՝ իբրեւ հիւրք արժանիք հիւրընկալութեան գտանին , այլ զոր օրինակ եթէ իմ անձամբ եկեալ էր յԱթէնս , զոր և առնէի իսկ՝ եթէ ոչ 'ի կէս ճանապարհէ բարձրաբարբառ զիս յետս կոչէին հայրենիքս , առ ժամանակ մի և ինձ լսէիր , դարձեալ և այսպէս քանզի մատենիւքս առ քեզ մատեալ իմ ձայն , ծախեա և 'ի սոսին զժամանակ ինչ ըստ կարի . և կարողասցիս՝ որչափ և կամեսցիս : Այլ յորժամ ծանեայց եթէ ուրախ լինիս դու ընդ այս ազգ գիտութեան , յայնժամ և բերան 'ի բերան խօսեցայց ընդ քեզ հուպ ընդ հուպ , որպէս յուսամ , և 'ի հեռաստանէ՝ յորժամ մերձ ոչ իցես : Այլ արդ կեցցես ինկերոնդ իմ , և կալ 'ի մոտի՝ թէ սիրելի ես ինձ յոյժ յոյժ . այլ ևս քան զևս սիրելի լիցիս , եթէ խրախամիտ գտանիցիս ընդ այսպիսի արձանագրութիւնս և պատուիրանագրութիւնս :

— ԳՐԻՒՆԴԱՆՈՒՄ —